



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



8.5 1106



UNIVERSITEITSBIBLIOTHEEK GENT



900000088979

1111



Alt.  
Carmeli gaudensis  
A. o. 1731

16. 11. 1731

Lat. etc. p. r.

Elia

ma. pro. 1. 1731.  
het. 1. 1731.

GVILIELMI  
ESTII  
S. TH. DOCT. ET  
PROF. PRIMARIJ,  
NEC NON  
CANCELLARIJ  
DVACENSIS  
ORATIONES  
THEOLOGICÆ.



DVACI,

Typis Viduæ LAURENTII KELLAM  
sub signo Agni Paschalis. 1614.

*Carmeli Ganden*

# Summa Priuilegij.

**A**LBERTI ET ISABELLÆ Archiducum,  
Principum Belgij, priuilegio prohibetur  
nequis intra duodecim annos ORATIONES  
THEOLOGICAS D. GVILIELMI ESTII in  
Belgio imprimat absque voluntate Viduæ &  
hæredum LAVRENTII KELLAM, vel alibi  
impressas diuendat : sub pœnis eodem priuilegio  
expressis ; dato Bruxellæ die 16. Maij, 1614.  
& signato,

Le Comte.

ADMODVM  
 REVERENDO IN CHRISTO  
 PATRI, AC D. DOMINO  
 PHILIPPO DE CAVEREL,  
 CELEBERRIMI MONASTERII  
 S. VEDASTI ATREBAT.  
 PRÆLATO MERITISSIMO  
 ET VIGILANTISSIMO.



*VILIELMVM ESTIVM,*  
 admodum reuerende Antistes,  
 superioribus mensibus apud nos de-  
 functum, S. Th. Professore pri-  
 marium, Vniuersitatis Cancellaria-  
 rium, Regij Seminarj Presidem, quanti facere so-  
 leat tua non solum charitas, sed & prudentia; illa  
 una res satis arguit, quòd multos per annos, quos  
 religiosorum tibi subditorum, ad tempus Duacum  
 concedere sacrorum studiorum gratia permittebas,  
 in huius viri conuictum ac disciplinam dare con-  
 senuisti: vsque dum ( prater alias alibi adificatas reli-

## EPISTOLA

*religiosas domos, egregia sanè exemplo, quod ecclesiastica persona opibus abundantes, meritò imitentur) ipse in hac Duacensi civitate tuis religiosis ad studia dimissis aut posthac dimittendis, proprium collegium ac monasterium providentiissime exstruxisti, yjs addito ex familia vestra Atrebatensi, peculiari praeſide, qui inspiciat, dirigat, gubernet, omninoque curet & prouehat studia ac mores filiorum tuorum. Vite autem versa, quanta obseruantia idem D. Estius coleret R. P. V. ab ea potissimum diuina gratiae dona, quibus ipsam cumulatissime ornatam videmus & gaudemus; saepe varijs modis varijsque occasionibus fecit testatum. Ea res effecerunt, ut nos, quibus ille suarum scriptorum quauiliter edenda viderentur, curam imposuit, Orationum panegyricarum quas in scholis Theologiae Duaci, diuersis temporibus, diuersis argumentis habuit, editionem meditantes; illas ipsas tanti viri erga tantum praesulem obseruantia monumentum publicum esse cuperemus. Tametsi & aliae causae nos facile impellebant ut huius Duacensis Academiae, ac insuper Seminarii in ea regii, itemque regii Collegii benefactori primario, gratitudinem quoque modo demonstrandi opportunitatem, omnes & singuli, siquam possemus nanciſci, auide arriperemus.*

*Accipe*

## DEDICATORIA.

*Accipe igitur, Religiosissime Antistes, amplexi tui religiosissimi & doctrina praeclari, Theologicas in consessibus publicis habitas Orationes, quacunque in supellectile defuncti reperte fuerunt: ac eo vultu suscipe quo soles auctorem ipsum. De earum praestantia quid ego quicquam hoc loco? Iudex erit, cui eas dedicamus, doctrina & pietate (Deo gratia) prestans; qui quanta sit in iis pietas, quantum eluceat scientia, quantus ex iis promitet zelus animas Christo lucrificandi, facile est perspecturus. Quod restat, Deum precamur, ut R. P. tuam in tanta negotiorum mole & varietate, non tuorum tantummodo causa, sed etiam Reip. ipsiusque adeo Ecclesiae, versantem, Sancti Spiritus lumine ac robore semper irradiet & confirmet. Duaco, 23. Iul. 1614.*

*Admodum R. P. ac D. V.*

*officiosiss. add.*

BARTHOLOMÆVS PETRVS  
S. Theol. Doct. & Prof.

# INDEX ORATIONVM.

1. *Vnde contemptus ordinis Ecclesiastici.* pag. 1.
2. *De fugienda lectione librorum hæreticorum.* pa. 9.
3. *De eodem argumento.* pa. 33.
4. *De eodem argumento.* pa. 55.
5. *Contra auaritiam scientiæ.* pa. 77.
6. *Præter unam Catholicam fidem non esse salutem.* pag. 97.
7. *De gratijs Deo agendis.* pa. 113.
8. *Extra Christi Ecclesiam non esse salutem.* pa. 131.
9. *Hæreses nostri temporis iam olim condemnatas esse.* pa. 143.
10. *In Ecclesia Christi malos esse permixtos bonis.* p. 157.
11. *An nostri tēporis hæretici peiores sint antiquis.* p. 175.
12. *An Christus postquam in cælum ascendit, aliquando in proprio corpore cuiquam appauerit in terris.* pa. 190.
13. *Utrum siccarum missarum usus iusta ratione sublatu sit per synodos Episcopales.* pa. 208.
14. *De Magdalena Euangelica.* pa. 228.
15. *Utrum in consecratione Calicis, aqua vino mixta conuertatur immediate in sanguinem Domini.* pa. 254.
16. *De eodem argumento.* pa. 267.
17. *De eodem argumento.* pa. 285.
18. *Utrum apud hæreticos sit scriptura sacra.* pa. 299.
19. *An eiusdem Scriptura plures sensus literales.* pa. 313.

FINIS.

## APPROBATIO.

**H**As orationes Theologicas nouendecim, in  
scholis Duaci diuersis temporibus à laudatiss.  
mem. M. N. GVILIELMO ESTIO, Vniu.  
Duacensis Cancellario habitas, Infra scriptus  
summa attentione omnes perlegi; atque à viro do-  
ctissimo, prudentissimo & modestissimo ita con-  
scriptas depræhendi, vt nihil in ijs sit quod quen-  
quam, etsi à catholica religione fortassis alienum,  
queat offendere : quin contrà potius, multorum,  
non solum catholicorum, sed errantium quoque  
aut miserè seductorum saluti, per Dei gratiam, vti-  
lissimæ sint futuræ. Quod testor & censeo hac 4. die  
Aprilis, 1614.

BARTHOLOMÆVS PETRVS  
S. Theolog. Doct. & in Vniu.  
Duac. Prof.



ÆTA. SVÆ. 65.  
A.º 1608.



*ESTIVS* in vivis sic ora verenda ferebat:  
Scripta quis ingenio fuerit, perlecta loquentur.

Obijt 1613. 20. Sept.

Mart. hauf.

*Quis ille? Marcus eloquens? Vates Maro?  
Nonne Aquinas Doctor? Est omnes simul.  
Proferre verbo si voles: Dic, ESTIVS.*

# ORATIO

## PRIMA.

*Unde contemptus ordinis  
Ecclesiastici?*



ON temerè est, ornatissimi viri, quod apostolus Paulus Titum & Timotheum charissimos discipulos atque in Christo filios suos, tam seriò tamque grauitè admonet; alterum cum

ait, *Nemo te contemnat*; alterum verò cum ait; *Nemo adolescentiam tuam contemnat*. quod profectò non præciperet sapientissimus magister Paulus, imò in Paulo Spiritus Sanctus, si non aliquo modo in ipsorum, quibus hoc præcipit, situm esset potestate vt ne ab alijs contemnatur, & ita situm, vt ipsi de suo contemptu culpabi-

Tit. 2.

1. Tim.

4.

A

pabi-

pabiles existant. Sed hoc rursum si perpetuum esset, ut nemo nisi sua culpa contemneretur; non legeremus eundem apostolum apud Corinthios gloriantem in infirmitatibus, & contumelijs suis; nec legeremus in libro Acto-  
 rum, apostolos alios cum gaudio digressos à conspectu concilij, quod digni habiti essent pro nomine I E S U contumeliam pati; memores nimirum verbi Domini sui, quo dixerat: *Beati estis cum maledixerint vobis homines, & persecuti vos fuerint, & dixerint omne malum aduersum vos, mentientes, propter me. Gaudete & exultate, quoniam merces vestra copiosa est in calis.* Non denique legeremus ipsum apostolorum Dominum, regem gloriæ; spretum & contemptum vsque ad ignominiosissimam mortem, mortem crucis. Cum igitur partim in nobis situm sit, ne contemnamur, partim in alijs; breuiter dicere constitui, de contemptu sacerdotum Dei, atque omnino totius ordinis ecclesiastici, primum explicaturus, quæ causæ sint, quare, quos ut Dei ministros, pro officij sui dignitate singulariter honorari oportuit, hodie tantoperè contemni videamus; deinde monstraturus quibus modis tantum malum vnusquisque ministrorum Dei, aliquò vsque à se auertere, & apostolico præcepto, quo dictum est, *Nemo te contemnat*, satisfacere possit.

Igitur, ut quod primum est, primo loco prosequar,

Act. 5.

Matth.  
5.

sequar, facile ex orationis nostræ exordio intelligere licet, duas potissimum causas esse, quibus contingit eos vulgò contemptos haberi, qui dignitate officij ac ministerij sui, Deo sunt coniunctiores: & vna quidem causa externa est, altera interna; illa aliena, hæc domestica, non ita tamen diuulsæ ab inuicem, quin sæpè coniunctæ reperiantur. Est autem prior illa atque externa non alia quàm cecitas, malitia, superbia cōtemnentium. Facti sumus, inquit Psalmista, opprobrium abundantibus, & despectio superbis. Et quæ obsecro, alia causa fuit, vt iam olim homines sancti, & iusti, Prophetæ, Apostoli, Martyres, Confessores, alijque serui Dei, despicabiles habiti fuerint hominibus huius seculi; nisi quia hi carnales, illi spirituales; hi de mundo, illi non erant de mundo? *Si de mundo fuissetis*, inquit Dominus ad discipulos suos, *mundus quod sum erat diligeret; quia verò de mundo non estis, sed ego elegi vos de mundo, propterea odit vos mundus.* Quæ causa vt ipse filius Dei, speciosus forma patris filijs hominum, ille sanctus sanctorum, in quo sunt omnes thesauri sapientiæ & scientiæ reconditi, cuius natura bonitas, cuius opus misericordia, in propria veniens, agnitus & receptus non fuerit; insuper probris & contumelijs affectus, ac demum morte mulctatus, atque ab ingratis agricolis extra vineam proiectus; de

quo dixerat pater eius, vineæ Dominus; *for-*  
*sitan reuerentur filium meum?* Causam scrip-

102.3. tura nobis reddit, cæcitatem, malitiam, odium  
 gelio Dominus, *Dilexerunt homines magis tene-*  
*bras quàm lucem.* Nonne apud Sapientem hæc  
 9ap. 2. legitur vox persequentium Dominum; *Cir-*  
*cumueniamus iustum, quoniam inutilis est nobis; &*  
*contrarius est operibus nostris; & impropere nobis*  
*peccata legis.* Et rursum; *Gravis est nobis etiam ad*  
*videndam; quoniam dissimilis est alijs vita illius.*

AA. 13. Hos nimirum apostolus contemptores ap-  
 pellauit in Actis, de quibus & Euangelista re-  
 102.3. 7. latatur: quod spreuerint consilium Dei in se-  
 meripsis. Nec alia causa fuit cur apostolus Pau-  
 lus apud quosdam Corinthios reprobos, ut  
 ipse loquitur, id est, abiectus & vilis habitus  
 fuerit, & sermo eius contemptibilis; quàm su-  
 perbia sensus humani, contemnens altitudi-  
 nem consilij Dei, qui stulta, infirma, & con-  
 temptibilia huius mundi elegerat, ut fides no-  
 stra non esset in sapientia hominum sed in vir-  
 tute Dei. Sed nunc alteram causam videamus.

Cap. 3. Legimus in 2. libro Machabæorum in hunc  
 modum. *Cum sancta ciuitas habitaretur in omni*  
*pace, leges etiam ad hæc optimè custodirentur, prop-*  
*ter Onia Pontificis pietatem, & animos odio habentes*  
*mala, fiebat ut & ipsi reges & principes, locum sum-*  
*mo ho-*

quo honore dignum ducerent, & templum maximè  
 inuneribus illustrarent, ita ut Seleucus Asia rex de  
 redditibus suis præstaret omnes sumptus, ad mini-  
 sterium sacrificiorum pertinentes. Credo hoc prop-  
 terea pluribus verbis commemorasse scriptu-  
 ram, ut significaret quantum momenti adferat  
 ad honorem & venerationem ordinis sacri,  
 vita integra atque inculpata eorum qui in or-  
 dine illo versantur. Si ergo integritas vite, gra-  
 uitas morum, præstantia doctrinæ, seueritas  
 disciplinæ, legum & canonum obseruantia, ho-  
 norabiles facit ministros Dei; certè cōsequens  
 est ut horum contraria, improbitas vitæ, mo-  
 rum leuitas, scientiæ defectus, legum & disci-  
 plinæ neglectus, eosdem in contemptum addu-  
 cat; non apud vulgus tantum, sed etiam apud  
 principes & reges terræ. Quid enim iustius  
 quàm ut honorentur ab hominibus, qui debi-  
 tum exhibent honorem Deo, & contra, apud  
 homines contempti ac viles habeantur qui  
 praua sua inter homines conuersatione pol-  
 luunt nomen sanctum Dei? *Quicumque glori-*  
*ficauerit me, inquit Dominus, glorificabo eum;*  
*qui autem contempnit me, erunt ignobiles.* Qua  
 sententia percussa posteritas Heli sacerdotis,  
 propter flagitia filiorum eius Ophni & Phi-  
 nees, ad ignobilem vitæ conditionem, inter æ-  
 quales sacerdotes condemnata est. Audiamus  
 quæ so contra tales altaris ministros increpa-

1 Reg.

2.

tionem Domini per Ezechielem Prophetam;

Ca. 22. *Sacerdotes (inquit) contempserunt legem meam, & polluerunt sanctuaria mea; & inter sanctum & profanum non habuerunt distantiam; & inter pollutum & mundum non intellexerunt, & à sabbathis meis auerterunt oculos suos: & coinquinabar in medio eorum.* Audiamus & Malachiam non minus a-

Cap. 2. *critet in eos inuehentem; Ad vos, ait Dominus exercituum, o sacerdotes, qui despiciatis nomen meum; & dixistis, In quo despeximus nomen tuum? Offeris super altare meum, panem pollutum, & quæ sequuntur. & capite proximo, Labia sacerdotis custodient scientiam, & legem requirent ex ore eius; quia angelus Domini exercituum est: Vos autem recessistis de via, & scandalizastis plurimos in lege, irritum fecistis pactum Levi, dicit Dominus exercituum. propter quod, & ego dedi vos contemptibiles & humiles omnibus populis, sicut non seruastis vias meas. Vtinam, Auditores, istæ propheticæ increpationes non etiam nostra tempora designarent, & nostra peccata flagellarent! Sed verè cum poëta dicere possumus; Ah, nimis in nostros vox cadit illa dies. ut non tam sui seculi mores notasse sacerdotum, quàm statum ecclesiæ huius temporis depinxisse prophetæ isti videri possint. Etenim si vnquam aliàs post Christum natum; nunc vel maximè, compluribus locis, in clero disciplina languet, probitas exulat, scientia contemnitur, charitas friget,*

get, canones dormiunt. Merito igitur iuxta propheticam comminationem, secutus est in tam multis orbis Christiani partibus, tantus, quantum videmus & experimur, contemptus ordinis ecclesiastici. Neque enim supra plebem honorandus putatur, quem non supra plebem extollit virtus eminentior, pietas maior, doctrina sublimior. Imo quantum supra ceteros extollit sacerdotem sanctitas vitæ; tantum deprimat eum infra alios abiecta & statu suo indigna conuersatio; ut iam non sit sicut populus, sic sacerdos, ut est apud prophetam; sed longè sit infra populum sacerdos. Iam verò cuius vita despicitur; quid restat nisi ut prædicatio contemnatur? sicut à Gregorio grauissimè scriptum est.

Rectissimè igitur admonet charissimos suos Titum & Timotheum & in his vnumquemque ecclesiæ ministrum, apostolus; dicens; *Nemo te contemnat*. Cui præcepto qua ratione satisfacere oporteat, iam satis, ut arbitror, præcedens oratio nostra declarauit. si enim contemptibilem facit Dei sacerdotem vita improba, contemptum hunc ab eo auerter vita sancta & inculcata, ut dicere possit cum Psalmista ad Dominum; *Aufer à me opprobrium & contemptum; quia testimonia tua exquisiui*. Quid igitur est; *Nemo te contemnat*? nisi, quemadmodum Hieronymus interpretatur; Nolo te ta-

Pl. 112.



lem exhibeas ut possis ab aliquo meritò con-  
temni. Vbi & post pauca subiicit hanc dignam  
memoriâ sententiam; Vehementer Ecclesiam  
Christi destruit, meliores laicos esse quàm cle-  
ricos. Certè ipse apostolus ad Timotheum  
scribens satis ostendit qua ratione minister Dei  
efficere possit & debeat ne contemnatur. Cum  
enim dixisset, *Nemo adolescentiam tuam contem-  
nat*; continuò adiecit, *Sed exemplum esto fide-  
lium in verbo, in conuersatione, in charitate, in fide,  
in castitate.* Præstabunt ergo quod Apostolus  
præcipit, ministri Dei, si omni virtutum genere  
exornati, bonæ famæ odorem longè lateque  
de se spargant atque diffundant; si lux eorum  
sic luceat coram hominibus, ut videant opera  
eorum bona & glorificent patrem cælestem.  
Finem dicendi faciam, si verbum vnum adiece-  
ro, maiores nostros huius apostolici præcepti  
consideratione, prudentissimè iam olim insti-  
tuisse, ut qui ad culmen aliquod eruditionis  
studio & labore pertigissent, non sine publico  
testimonio, quem gradum studiorum appel-  
lamus, ad præfecturam populi Dei dimitteren-  
tur. Hac enim via efficere se existimabant, ut  
qui alioqui hoc præsidio destituti, facile à suis  
contemni potuissent, tanquam vulgaris dum-  
taxat scientiæ homines; cum digna estima-  
tione susciperentur: & necessariam autori-  
tatem consequerentur, si venirent huiusmodi  
testimonio submixti atque communiti.

*Anno 1583. die 8. Nouembris.*

# ORATIO SECUNDA.

*De fugienda lectione librorum  
hæreticorum.*



**P**RUDENTER admodum decretum esse à reuerendissimis sacri Tridentini concilij Patribus, vt eorum librorum qui vel hæreticam vel suspectam in fide doctrinam continent, index siue catalogus contexeretur, quo sic eos, velut censoriâ virga notatos, cõstaret, vulgo legi non licere: nemo qui rectè & catholicè sapit, dubitat. Nam & ante hæc tempora ab ijs quorum erat regere ecclesiam Dei, similis cura in hoc negotio adhibita fuit: & si antehac factum id non fuisset, certè

lem exhibeas ut possis ab aliquo meritò con-  
temni. Vbi & post pauca subiicit hanc dignam  
memoriâ sententiam; Vehementer Ecclesiam  
Christi destruit, meliores laicos esse quàm cle-  
ricos. Certè ipse apostolus ad Timotheum  
scribens satis ostendit qua ratione minister Dei  
efficere possit & debeat ne contemnatur. Cum  
enim dixisset, *Nemo adolescentiam tuam contem-  
nat*; continuò adiecit, *Sed exemplum esto fide-  
lium in verbo, in conuersatione, in charitate, in fide,  
in castitate*. Præstabunt ergo quod Apostolus  
præcipit, ministri Dei, si omni virtutum genere  
exornati, bonæ famæ odorem longè latequè  
de se spargant atque diffundant; si lux eorum  
sic luceat coram hominibus, ut videant opera  
eorum bona & glorificent patrem cælestem.  
Finem dicendi faciam, si verbum vnum addece-  
ro, maiores nostros huius apostolici præcepti  
consideratione, prudentissimè iam olim insti-  
tuisse, ut qui ad culmen aliquod eruditionis  
studio & labore pertigissent, non sine publico  
testimonio, quem gradum studiorum appel-  
lamus, ad præfecturam populi Dei dimitteren-  
tur. Hac enim via efficere se existimabant, ut  
qui alioqui hoc præsidio destituti, facile à suis  
contemni potuissent, tanquam vulgaris dum-  
taxat scientiæ homines; cum digna existima-  
tione susciperentur: & necessariam authori-  
tatem consequerentur, si venirent huiusmodi  
testimonio subnixi atque communiti.

Anno 1583. die 8. Nouembris.

# ORATIO SECUNDA.

*De fugienda lectione librorum  
hæreticorum.*



**P**RVDENTER admodum decretum esse à reuerendissimis sacri Tridentini concilij Patribus, vt eorum librorum qui vel hæreticam vel suspectam in fide doctrinam continent, index siue catalogus contexeretur, quo sic eos, velut censoriâ virga notatos, cōstaret, vulgo legi non licere: nemo qui rectè & catholicè sapit, dubitat. Nam & ante hæc tempora ab ijs quorum erat regere ecclesiam Dei, similis cura in hoc negotio adhibita fuit: & si antehac factum id non fuisset, certè

Ca. 25.

certe tot malorum experiētiā, quæ ex istiusmodi librorum familiari lectiōe nascuntur, tandem ita faciendum esse moneret. Cogunt enim vt corporum, ita animarum medicos, ad noua subinde quærenda remedia, nouorum experimenta morborum. Grauius dictum est ab Augustino, de vera religione disputante, ante omnia considerare nos debere, quibus vel hominibus, vel libris credendum sit ad colendum rectè deum, quæ vna salus est. Cum enim duo sint modi ac veluti viæ quibus à docente doctrina transeat in animum discētis, sermo videlicet & scriptura; maxima profectò danda est opera, vt utrâque viâ id solum transfundatur, quod sanum, integrum, verum & omni ex parte incorruptum est: ne si vitiosum aliquid transmissum fuerit, mox ipsum vas cui infuderis, id est, animus discētis vitium inde capiat, ac labem contrahat. Quod si in omni disciplina obseruandum est; multo maximè & peculiari quodam iure suo sollicitudinem hanc postulat ea scientia, quæ de religione est; in qua, quantum promouet veritas ad salutem, tantum impellit error ad perniciem: salutem autem dico & perniciem, non corporis sed animi, imo verò totius hominis; Eamque non temporariam, sed æternam atque immutabilem. Et quidem de sermonibus hæreticorum fugiendis, etsi exhortatione interdum sit opus

prop-

propter eos qui pericula sua, vel non vident, vel non considerant; doctrina tamen non admodum opus est. Quotus enim est quisque qui ignoret præcepta apostolica? *Nolite seduci.* *Corrumpunt mores bonos colloquia mala.* 1. Cor. 15.

Item, *Profana & vaniloquia deuota; multum enim proficiunt ad impietatem, & sermo eorum ut cancer serpsit.* & alibi, *Qui per dulces sermones & benedictiones seducunt corda innocentium,* id est, simpliciū & imprudentium hominū. quos proinde admonet, dicens; *Rogo vos fratres ut obseruetis eos; & declinate ab illis.* 2. Tim. 2.

quis porro nescit illud Ioannis apostoli; *Si quis venit ad vos, & hanc doctrinam non adfert: nolite recipere eum in domum, nec Aue ei dixeritis.* Rom. 16.

*Qui enim dicit illi Aue; communicat operibus eius malignis.* Epiſt. 2. Hæc cum sint fidelium cordibus impressa, ut obliterari non facile possint: nescio an quisquam vel hæreticus, doceat non esse fugienda hæreticorum & omnino improborum colloquia. vna hac re à nobis dissident, quod illi se hæreticos dici non patiantur, eius nominis contumeliam in Catholicos retorquere conantes.

Quicumque tamen illi sint quibus hoc nomen iure debeat, vitandum esse eorum congressum & colloquium, non dubitant; qua in re planè nobiscum sentiunt. Quid ergo? dicet aliquis, An non de scriptis hæreticorū idem est iudicium, quod de sermonibus? idem prorsus; si rectam ratio-

rationem consulamus, si ius diuinum atque humanum, si denique experientiam ipsam. Estque hoc omnium Catholicorum consensuens & commune iudicium; est & eorum fere omnium qui sectas fouent. Quo magis admittor vnum quendam ex eorum numero, à cæteris voluisse dissentire; qui cum editionem Alcorani, libri omnium Christianorum confessione impijssimi, adornaret; eam vt toti orbi commendatam, plausibilemque redderet, præfatione muniuit, quam inscripsit Apologiam pro editione Alcorani. In qua facti sui defensione, studio causæ, is vir eo vsque progreditur, vt etiam hæreticorum libros publicandos putet, propter magnam quæ ex ijs capi posset, vtilitatem, si, vt ait, cum iudicio legantur. Id autem passim omnibus permitti vult; & ad eam rem tum ex patribus tum ex Concilijs exempla & argumenta aliquot colligit. Sed quia obstare sibi videt constitutiones imperiales antiquissimas, quæ leguntur apud Iustinianum, quarum vna est Theodosij & Valentini-ani Imperatorum, qua Nestorij hæresiarchæ scripta damnantur ac legi prohibentur; non veretur ille hanc legem (quasi hæc sola sit) vt inanem ac temerè laram perstringere, ei que pondus & authoritatem suam detrahere. Cum enim nonnullos authores, pro sua, vt ei visum est, causa, testes produxisset; ita subiunxit:

Pro-

Proinde authoritas doctissimorum ac sanctissimorum Patrū, de quibus antea memini, iurē præponderat legi Theodosij iunioris & Valentiniani, quæ prohibet Nestorij libros quem synodus Ephesina damnauit, scriptos habere vel legere, aut describere; iubetque diligenti studio perquiri, & publicè comburi. Præsertim si quis inspiciat mores principum magnorum, qui plerumque de literis & doctrinis iudicare non possunt, vel per imperitiam vel per occupationes bellicas: & permittunt eam administrationem sæpè hominibus, neque pijs, neque doctis, neque prudentibus. Audistis arrogantem hæretici hominis censuram in legem duorum Christianorum, & catholicorum principum; imò, si bene aduertimus, in totum corpus legum ciuiliū. Quis enim non videat, quacunque lege prolata, similiter responderi posse, ut iste respondet, nempe, magnos principes de rebus iudicare non posse, vel per imperitiam, vel per occupationes bellicas; & eius rei administrationem sæpè permittere hominibus, neque pijs, neque doctis, neque prudentibus? Quod elusionis genus si semel nobis indulserimus: videtis quò res progressura sit; semel conciderit prorsus omnis illa legum veneranda maiestas atque authoritas. Possemus huic homini opponere illud apostoli; *Si iudicauis legem; non es factor legis sed index.* Posse-

Iac. 4

mus



mus contemnere stolidum & arrogans iudicium; & quidem potiori iure quàm ille legem antiquam, probatam, in iura relatum duorum orthodoxorum principum sibi contemnendam duxit. Verùm quia ab eo nonnulla ex Patribus & Concilijs, aduocantur testimonia, quibus suam confirmet sententiam; admixtis etiam ratiunculis aliquot, videlicet ne sine ratione tam stultè insanire videatur: operæ pretium me facturum existimaui, si iusta oratione pro veritate causam dicam, ostendamque quantopere fugienda, imo detestanda sit hæreticorum librorum lectio omnibus ijs qui veram Catholicam religionem sincerè atque ex animo colunt, suæque saluti seriò consultum cupiunt. Quain re hunc sequemur ordinem, ut primò monstremus, quid super hac re iam olim canonibus legibusque decretum, & quid usu sit obseruatum hætenus; deinde doceamus quod factum est, iure atque ratione factum esse, nec omnino aliter fieri debuisse; postremò expendamus vtrum & hoc nostro seculo eandem legum canonumque seueritatem expediat retineri. Responsum verò ad ea quibus aduersarius suam sententiã tueri conatur; quoniam & pauca sunt & friuola, in aliud opportunum tempus reiiciemus.

Ut igitur ad id quod primo loco agendum est, veniamus; mirari satis non possum Bibli-

andri

andri (hoc enim illi defensori cognomen est) imperitiam dicam, an improbitatem, qui ex tanto veterum constitutionum numero, vnam tantummodo legem elegerit, quam sibi obijceret, obiectamque eo quo dictum est modo refelleret. Aut enim plura non vidit; & imperitiam suam prodidit: aut cognita dissimulauit; & improbum se ostendit. Ad quæ recensenda priusquam veniam, vnum scripturæ locum præmittere volo, cuius meminisse noluit Bibliander quod nimirum intelligeret eum causæ suæ vehementer esse contrarium. Paulo apostolo Ephesi morante, ut est in Actis Apostolorum, *multi ex eis qui fuerant curiosa sectati, contulerunt libros & combusserunt coram omnibus.* Verba illa etsi legem non contineant, sed tantum quid factum sit ostendant; exemplum tamen proponunt omnibus seculis imitandum. Quare enim combusserunt libros curiosarum artium magistros? ne quis letiferæ corruptionis, quæ ab illis procedebat, particeps fieret, ut annotat græcus scholiastes. Quantum verò studium fuerit primis illis ac nouellis Christianis perdendi libros noxios; sequentia verba declarant: *Et computatis pretijs illorum, inuenerunt pecuniam denariorum quinque millium.* Quam summam, iuxta monetam nostri temporis æstimatam, putat Budeus esse decem millium coronarum. Diceret Iſcariotes aliquis,

Cap. 19.

Oecumenius

quis, Vt quid perditio tanta? poterant enim  
codices illi venundari, & precium dari paupe-  
ribus; Sed prudentia Christiana satius esse du-  
xit, libros & precium perdere, quàm cum  
certo animæ periculo de alendis pauperi-  
bus proditoris consilio, auscultare. Factum  
hoc præclarum imitatus est Cyprianus, ex  
mago martyr Christi. Eunt enim mox ut fidei  
lumen aspexisset, libros magicos publicè in-  
tendisse, authorem Gregorius Nazianzenus,  
imitati sunt & Augustini tempore fideles. Tra-  
ctans enim doctor ille verba Christi apud Io-  
annem; *Nondum venit hora mea*, sic suos alloqui-  
tur; Si hoc secundum mathematicos dixit do-  
minus; sacrilegium fecimus incendendo codi-  
ces eorum: si autem rectè fecimus, sicut apo-  
stolorum temporibus factum est; non secun-  
dum eos dixit dominus, *Nondum venit hora  
mea*. Et quid multa? Imitatur hoc exemplum  
tota ecclesia, usque in hodiernum diem, dum  
& legibus latis, de libris noxijs quid faciendum  
sit præcipit per utramque potestatem, ecclesi-  
asticam dico & civilem; & leges ipsas facti  
executione commendat, usuque confirmat.  
Ad hoc igitur probandum, quia id dissimulat  
aduersarius, nunc accedamus.

Scriptores ecclesiasticæ historiæ Socrates,  
Sozomenus, Theodorus, & post eos Nicet-  
phorus commemorantes ea quæ in magno  
illo

Oratio  
one in  
Cyp. &  
Lira in  
mora-  
li, A. &  
19

illo Niceno concilio contra Arium congregato, acta sunt, abunde nobis testatum reliquerunt, quid illius concilij Patres, quid magnus Constantinus, cuius auspicijs concilium illud cogebatur, de libris hæreticorum indicauerint. Hunc enim prius habuit ecclesia imperatorem palam Christianum, ut ne antiquiorem quis à nobis requirat. Narrat Socrates libro primo suæ historiæ, Constantinum statim post absolutam synodum misisse epistolam ad ecclesias de rebus in synodo gestis; in qua hæc verba leguntur: Quemadmodum Porphyrius capitalis pietatis hostis, qui nefarios libros contra religionem Christianam nuper edebat, mercedem dignam laboribus recepit, & eiusmodi quidem, ut apud posteriora secula non ipse solum maximis probris vexatus fuerit, & opprobriosa infamiae labe aspersus, verum etiam impia eius scripta deleta penitus & extincta: sic iam visum est Arium & eius sectatores Porphyrianos nuncupare, ut quorum secuti sint mores eorum quoque nomen habeant. Quia etiam si quod opus ab Ario conscriptum reperitur; illud erigendum esse, ut non modò execrabilis eius doctrina funditus tollatur, sed etiam nullum monumentum relinquatur eiusdem, ad posteritatem. Illud etiam mandamus ut si quis librum ab Ario compositum occultasse deprehensus sit, & non statim in

Cap. 6.

B

medium

medium adductum igne combusserit : morte mulctetur, nam mox ut comprehensus fuerit, plectatur capite. Huc usque verba Constantini, talia profecto, quæ prorsus obmure-

scere cogant Bibliandrum. Eadem apud Nicephorum inuenies libro octauo : Indicat autem Constantinus etiam Porphyrij libros contra religionem Christianam editos, iam antè à se publico edicto aboleri iussos.

Capite  
20. &  
Nice-  
pho-  
rus li-  
bro 8.  
cap. 18.

Porro legis huius Constantinianæ quam ex Socrate recitauimus, meminit etiam Sozomenus libro primo, his verbis. At verò imperator non solum Arium mulctauit exilio, verum etiam episcopis omnibus & populis edictum misit scriptum, ut cum illum tum opinionis eius fautores impiorum numero ducerent, & si quis liber reperiretur ab illis scriptus, in ignem conijcerent : quo neque ipsius, neque opinionis cuius author fuerat, ullum exstaret monumentum. quod si quis aliquem librum eius occultare deprehenderetur, ac non illico in publicum productum incenderet; ut capitis mulctaretur supplicio. Hæc ille de Constantino & quidem post synodum.

Sed in ipsa illa synodo quid à patribus Imperatore præsentem, actum sit, videamus. Theodoritus narrat libro 1 fidei formulam ab Arianis compositam, & sacrosanctæ oblatam, omni-

omnibus impietatem eius detestantibus, ilico  
iussu synodi, discerptam fuisse. Sed & sanctum  
Eustathium Antiochenum citat similia com-  
memorantem de literis Eusebij Nicomedi-  
sis, Possinij Ariani, exhibitis in concilio, &  
confestim in omnium conspectu laceratis.  
Quid verò de libris editis? De ijs scribit Sozo- C. 20.  
menus libro primo, in hunc modum; Quin e-  
tiam & verba, quibus eius, ( Arij videlicet )  
explicabatur opinio, & librum quem de ea-  
dem ediderat inscripseratque Thalam, Sy-  
nodus legi vetuit. Addit Nicephorus libro  
octauo synodum præterea mandasse si quod Cap. 12.  
aliud eius aut sectatorum eius iuueniretur  
scriptum, vt id igni traderetur. Videtis  
quam optimè cum sententia sacre synodi,  
lex imperatoris congruat? Possemus hîc  
in medium proferre verba eiusdem synodi,  
ex epistola eius, scripta ad ecclesiam Ale-  
xandrinam, quæ est apud Socratem libro  
primo, in qua negat se pati posse vt vel ad Cap. 6.  
aures suas peruéniant Arij dogmata plena  
blasphemiar. Itemque verba sanctissimi Ale-  
xandri Patriarchæ Alexandrini ( qui primus  
Arium damnauit ) ex epistola eius ante Nice-  
nam synodum, scripta, ad ecclesiam Constan-  
tinopolitanam, quibus eam admonet vt Arij  
& sectatorum eius neque scripta audire susti-  
neant: sed in breui oratione vitanda est

Theo.  
lib. 1.  
cap. 4.  
& Ni-  
cepho-  
rus lib.  
8. ca. 7.

Capite  
ultimo  
& duo-  
bus  
præce-  
dentibus.

prolixitas. Vnum addam de Constantino, ne quis suspicetur contra solos Arianorum libros, quos vehementer oderat, cum leges distul-  
 39 tasse. De eo refert Eusebius Cæsariensis libro vite eius, quod publico edicto, cuius exemplum apud eundem legitur, omnes hæretico quocunque tandem nomine censerentur, po-  
 nis aliquot propositis reducere conatus sit ad gremium ecclesiæ Catholicæ: inter quas una erat, libros eorum perscrutandos esse; ne omnino qui tales libros haberent &legerent late-  
 re possent; sed ut manifestò deprehensì, resipiscerent & ad ecclesiam redirent. Supponebat igitur lex illa, hæreticorù libros apud solos hæreticos inueniri. Poterant hæc quæ diximus sufficere ad decretum synodi Tridentinæ tuendum, & leges Catholicorum principum nostri temporis, de fugienda lectione damnatorum dogmatum: quandoquidem & illa, Nicenam synodum, cuius sacratissima est apud omnes authoritas, facti sui ducem & magistram habet; & isti Constantini religiosissimi, prudentissimi que principis exemplo facile se defendere possunt. Sed ne singularia putentur hæc facta, velut à zelo quodam insolenti atque immoderato profecta, ideoque nec imitanda: Deo iuvante ostendere conabor, ab eo tempore & deinceps ad hanc vsque nostram ætatem, nec præsules ecclesiæ à vestigijs synodi Nicenæ

Nicena deflexisse, nec principes seculi, Catholicos dumtaxat, ab indole magni illius Constantiniani degenerasse. Theodosius senior quem admodum videre est apud Sozomenum libro 7, libellos eorum qui consubstantialitatis fidem oppugnabant, sibi oblatos atque acceptos, ut profanos dirupit; ac deinde lege lata sanxit, ut sectarijs neque conuentus agere, neque fidei sue doctrinam profiteri liceret. Huius filio Arcadio regnante, opera Eutropij eius prepositi, scripta Eunomij omnia, quod eius hæresis per id tempus plurimum vigeret, publicè cremata sunt, & cadauer eius sepulchro extractum, & publica ignominia affectum est. Author Nicephorus libro 13. Eodem tempore vir doctissimus & sanctissimus præsul Epiphanius, episcopis in Cipro congregatis Origenis librorum lectionem edicto inhibuit: Alijs quoque episcopis non sibi subiectis idem suadere conatus; quibusdam morem gerentibus, alijs recusantibus, non ob id quod non putarent fugiendam esse librorum suspecti dogmatis lectionem, sed quia de Origenis dogmatum damnatione nondum inter episcopos conuenerat. Putat quidem Nicephorus, Sozocratem & Sozomenum authores secutus, hæc ab Epiphanio facta tantum ut Theophilo Alexandrino obsequeretur: sed fallitur. Quam enim ex animo quamque recto ac proprio iu-

Ca. 12.  
& Soz.  
lib 6.  
ca 10.

Cap. 1.

Nicephor.  
li. 13. c.  
12. Soc.  
li. 6. c.  
6. &  
Sozo.  
li. 8. ca.  
14.



dicio ita censuerit Epiphanius, manifestum est ex opere eius Panario de hæresibus; in quo prolixè, nec minus eruditè, contra Origenis disputat errores. Vixit eodem fere tempore Augustinus, qui quid de mathematicorum, id est, genethliacorum libris facere sit solitus, supra ostendimus. Quid autem de his quæ contra religionem scriberentur facere soleant eius familiares & subditi, intelligi potest ex epistola apud eum 43. quæ est Maximi cuiusdam hominis ethnici, qua ille deorum cultum contra Christianam religionem defendens, tandem post multa sic ait: Post hæc non dubito, vir eximie, qui à meâ sectâ deuiasti, hanc epistolam aliquorum furto detractam, flammis vel quolibet pacto perituram. Nempe hoc Christianorum studium erat, pium sane & laudabile, omnia quæ religioni & pietati quoquo modo aduersabantur, disperdere & abolere penitus, ne vel auditu vel lectione percepta noxam parerent incautis. Sed ad principum leges redeo.

Theodosius iunior, Arcadij filius, & in imperio successor, scripta Nestorij hæresiarchæ & Theodoreti Cyrensis qui tum de Nestoriana hæresi suspectus erat, legi vetuit. Postea verò vnà cum Valentiniano eam legem sanxit, quæ est in codice, libro 1, titulo de hæreticis & Manichæis; in qua sunt hæc verba. Nec verò impios

Lege 6.

pios libros nefandi & sacrilegi Nestorij aduersus venerabilem orthodoxorum sectam, decretaque sanctissimi cætus antistitum Ephesi habiti scriptos, habere, aut legere aut describere quisquam audeat : quos diligenti studio requiri ac publicè comburi decernimus. Pœnam adiungunt bonorum publicationem : meminere & legis Constantini, qua Arianos, ob similitudinem impietatis, Porphyrianos dici voluit ; eius nimirum legis, cuius verba superius ex Socrate historico recitauimus. Hęc porro lex illa est, quam Boucmanus, qui se Bibliandrum Græco nomine vocauit, velut imperitè, imprudenter, inconsideratè, & perfunctoriè latam sugillare non veretur. As certè oportebat illum censorem & de altera lege, quæ est eodem titulo, numero octaua, si tamen eam vidit, suam censurâ & iudicium in medium adferre. Lata est enim ab eodem Valentiniano, & Theodosij successore Marciano, post celebratam synodū OEcumenicam Chalcedonensem ; sicut prior illa post Ephesinam ; & pœnam apposuit etiam grauiorem. Sic autem habet ; Nulli etiam contra venerabilem Chalcedonensem synodum, liceat aliquid vel dictare vel scribere, vel edere atque emittere, aut aliorum dicta vel scripta super eadem re proferre. nemo huiusmodi habere libros, & sacrilega scriptorum audeat monumenta ser-

uare, Quod si qui in his criminibus fuerint de-  
prehensi: perpetua deportatione damnentur.  
Et paulo post; Omnes verò huiusmodi  
chartæ ac libri, qui funestum, Eutychetis scilicet  
& Apollinaris, complexi fuerint dogmata,  
incendio concrementur, vt facinorosa per-  
uersitatis vestigia flammis combusta, depe-  
reant. Hæ sunt duæ trium orthodoxorum prin-  
cipum leges, de perdendis hereticorum libris,  
pro ecclesia Catholica late, & à Iustiniano pro-  
bata atque in codicem iuris relata; de qua-  
rum authoritate, dignitate, utilitate, nemo  
doctus, nemo Catholicus dubitauit; imò for-  
tasse nec de numero sectariorum quisquam  
dubitasset, nisi Bibliander hic nobis prodijset,  
qui altera dissimulata, propter nomen Marcia-  
ni, vt opinor, cuius pietas & prudentia scripto-  
rum monumentis admodum est celebrata,  
alteri dentem infingeret dum eius authoribus  
lenitatis imprudentiæque notam inurit, im-  
memor præcepti diuini: *Dijs non detrahes &  
principi populi tui non maledices.* Et eius quod à  
Sapiente dictum est: *Non iudicas contra indi-  
cem, quoniam secundum quod iustum est, iudicauit.*  
Sed ad rem propositam redeamus. Præter re-  
bus ecclesiæ per id tempus Leo primus cogno-  
mento magnus, cuius studio & authoritate  
coacta fuerat synodus Chalcedonenfis; adeo-  
que verisimile est eius hortari, vt alia quædam  
ita

Ex. 22.

Eccl. 8.

ita & istud de libris hæreticorum abolendis, à dictis imperatoribus pro ecclesia sancitum fuisse. Exstant enim huius Pontificis complures epistolæ ad Theodosium, ad Marcianum, ad Leonem imperatorem eius nominis primum, ad Pulcheriâ Augustam prudentissimam sanctamque mulierem, de rebus ecclesiæ Catholicæ componendis, deque extirpandis hæresibus. Quid autem idem hic laudatissimus Pontifex etiam per se decreuerit feceritque videamus. Grassabantur eius tempore, præter prædictas, duæ pestilentissimæ hæreses Manichæorum & Priscillianistarum. contra Manichæorum pestem disserit multis sermonibus; Priscilliani dogmata sigillatim recenset, ac refellit epistola 93, in qua de libris, talium dogmatum seminarijs, quos illi hæretici speciosis orna-  
bant titulis, communi hæreticorum more, ( sic enim & hodierni faciunt ) tandem ita concludit: *Curandum ergo est, & sacerdotali diligentia maximè providendum, ut falsati codices, & a sincera veritate discordes in nullo usu lectionis habeantur. Apocryphæ autem scripturæ quæ sub nominibus apostolorum multarum habent seminarium falsitatum, non solum interdicienda sed etiam penitus auferendæ sunt. Quamvis enim sint in illis quedam quæ videantur speciem habere pietatis; nunquam tamen vacua sunt venenis, & per fabularum illecebras hoc latentè operantur ut mirabilium*  
NATA-

Cap. 15.

*narratione seductos, laqueis cuiuscunq; erroris inuoluant. Vnde si quis episcoporum vel apocrypha haberi per domos non prohibuerit, vel sub canonicorum nomine eos codices in ecclesia permiserit legi, qui Priscilliani adulterina sunt emendatione corrupti; haeticum se nouerit iudicandum; quoniam qui alium ab errore non reuocat, seipsū errare demonstrat. Haetenus Leo, subiiciens paulo pōst, neminem inter Catholicos cēseri qui scriptis utitur ab ecclesia Catholica damnatis. Quā censurā Leonis de libris Priscillianistarū conciliū Bracarense primū, annis pene 200 posterius, canone 17 secutū est, anathema dicens taliū librorum lectoribus. Libros verò Manicheorū eiusdem pontificis iussu cōbustos publicè fuisse anno 446, author est in chronicis suis equalis & familiaris eius Prosper Aquitanicus. Nec multo pōst idem factum est à Gelasio pontifice, Hic enim Manichæos, libris eorum combustis, Romā expulit. Quem secutus Symmachus vno tantū intermedio, rursus inuentos in vrbe Manichæos in exilium egit, & codices eorum cremauit. Huic quoque proximus Hormisdas Manichæos, palam combustis eorum libris oppressit, atque ita tandem nefaria secta apud Romanos extincta est. Et quia in mentionē Gelasij pontificis incidimus: sciendum est hunc primum, scripto publico, libros Catholicos & orthodoxos ab hereticis, apocryphis, & suspectæ doctrinæ*

doctrinæ scriptis, secreuisse; & illos quidem toti ecclesiæ legendos proposuisse, hos autem catholicis vitandos, & ab omni Romana ecclesia eliminandos, censuisse. Hoc eius decretum extat apud Gratianum distinctione 15 ca. Sancta Romana ecclesia. Ab hoc igitur pontifice, qui vtriusque ordinis libros tanta diligentia collegit, quanta in illo decreto apparet; originem suam accepisse videtur Indicis librorum vetitorum conficiendi ratio, & vsus, quem in hodiernum vsque diem seruat ecclesia; res sanè utilissima ac plane necessaria semper visa, ad continendum intra limites puræ ac synceræ religionis gregem Christi. Sub ea tempora, Romani imperij principatum tenuit Iustinus senior Iustiniani auunculus, & proximus antecessor, & orthodoxæ fidei strenuus defensor; in cuius laudibus memoratur, quod Arianorum, Nestorianorum, Eutychianorum reliquias extra fines imperij pepulerit; quod Chalcedonense concilium publico edicto sacrosanctum haberi iusserit; quod primus omnium Imperatorum a Romano pontifice, diadema acceperit. De eo scribit Nicephorus libro 17. cum in synodo quadam Constantino-politana Seueri cuiusdam heretici dogmata damnata essent; ab imperatore laram legem, Seueri scripta conseruari non debere, sed si ubi reperirentur, igni cōburenda esse; sin minus,

Epitome de  
vitis  
Imperato-  
rum.

Cap. 9.

pus, ut capitis supplicio in eum animaduertetur, qui scripta talia sibi seruanda esse statuisset. Eidem hæretico linguam sacrilegam radicatus excisam, iubente Iustino, idem Nicephorus author est. Quod autem de libris Seueri perdendis Constantinopoli decretum erat, idem illud Hormisdas quoque Romanus Pontifex cuius supra meminimus, celebrata Romæ synodo decreuit, ratumque habuit. Iam verò de Iustiniano principe, qui proximè secutus est, quid attinet dicere? cuius prouida sollicitudine factum ut duas illas celeberrimas leges trium principum de quibus antè diximus, saluas habeamus; quas ille in suum Codicem nunquam retulisset, si non eas suo calculo probasset, & suas quoque leges esse voluisset. Quæ de re minus dubitabit, quisquis alias eiusdem Imperatoris sanctissimas pro religione leges attentè perlegerit. Et, ut semel dicam, nunquam placuit vel ecclesiasticis vel secularibus principibus eorum libros seruari, quorū damnarentur errores: sed damnatis errorum authoribus atque magistris, libri eorum, tanquam alteri, perpetuæque errorum magistri, semper pro damnatis simul eademque lege, habiti sunt. Id quod perspicuum est euoluenti acta omnium Conciliorum. Et quidem de Nicæno alijsque nonnullis iam diximus; nunc alia quædam, sed è multis pauca, summam per-

perstringam. In 5 synodo Oecumenica Constantinopoli habita temporibus Iustiniani, damnantur omnes superiorum temporum hæretici cum impijs eorum scriptis; canone 11 & sequentibus. In 6 synodo aët. 13, condemnantur item aliorum aliquot hæreticorum scripta, & tanquam profana & animæ pernicioſa, continuo iubentur, ob perfectum exterminium, igne concremari. quod & factum est. In 7 synodo quæ est altera Nicæna, pro venerandis imaginibus habita, editus est canon huiusmodi: Puerilia omnia ludibria, furiosaquæ dicta, aut scripta quæ aduersus sanctas imagines edita sunt, oportet dare Episcopo Constantinopolitano, vt cum reliquis hæreticorum libris reponantur. si quis autem hæc cellare inuentus fuerit: si sit episcopus vel presbyter vel diaconus, deponatur; si autem laicus aut monachus, segetetur. Nihil hoc canone manifestius. In 8 synodo actione 8, vniuersa acta duorum Conciliabulorum quæ Photius hæreticus coëgerat contra Nicolaum Papam & Ignatium patriarcham, mandato Imperatoris Basilij & synodi, combusta sunt. In magno Concilio Lateranenſi sub Innocentio 3, damnatur ac reprobatæ libellus seu tractatus Abbatis Iſachim, contra Catholicam Petri Lombardi doctrinam editus, de essentia Trinitatis. In concilio Complutensi sub Sixto 4, iussus est com-



comburī liber cuiusdam Petri Oxoniensis, damnatos aliquot articulos continens. Et hoc quidem prouinciale fuit concilium; at superiora omnia, vniuersalia. Postremo, quoniam sub nouissima hæc tempora ars typographica originem accepit, cuius beneficio cito ac facile liber aliquis in plurima exemplaria diffunditur; qua occasione plurimi errores in multitudinem paruo negotio spargi ac disseminari possent: prudentissimè visum est patribus Concilij Lateranensis sub Leone decimo congregari, tanto periculo maturè obuiam procedere. Quocirca statuerūt sess. 10. ne quis de cætero librum aliquem vel quodcunque scriptum imprimat, aut imprimi faciat, nisi ab Episcopo loci, vel aliquo per eum deputando, diligenter examinatum, & propriij nominis sub signatione approbatum fuerit; addita pœna excommunicationis, vltra librorum amissionem, & publicam eorum combustionem. Eandem porro curam & sollicitudinem de suppressendis libris noxiæ & perniciosæ lectionis, patres concilij Tridentini tribus locis declarauerunt. Primum sess. 4. in qua Lateranense decretum renouatur, deinde, sess. 18 vbi queritur synodus suspectorum & perniciosorum librorum, quibus impura doctrina continetur & longè lateque diffunditur, numerum nimis excreuisse; ideoque censet vt eiusmodi librorum

rum Indici conficiendo appositis etiam censuris, dolecti aliqui ex patribus præfiantur. Et tertio, sessione vltima ; in qua quid ab illis dolectis patribus præstitum sit exponit, præcipitque vt illud ipsum sedi Apostolicæ exhibitum, eiusdem iudicio atque authoritate terminetur, & euulgetur. Quod certe superioribus annis, magno catholicæ religionis profectu, errorum exterminatione, & piorum omnium qui pacatam habere volunt conscientiam, gratulatione, factum, vbicumque Index ille in vsum receptus est, vidimus; &, si Catholici simus, factum gaudemus.

Clarè satis ostensum est, opinor Auditores, & fortassis prolixius quàm res postulabat, tam decreta Conciliorum & pontificum, quam leges Orthodoxorum principum in hanc conuenire sententiam, lectionem librorum hæreticorum, velut pestem ac certissimam perniciem, Christianis omnibus, quos nulla eius rei necessitas constringit, fugiendam esse ; idemque iam olim solícite a fidelibus factum ; Ipsos verò pestiferæ doctrinæ libros, perpetua Catholicorum consuetudine, perdi, discerpi, cremari solitos; ne quod impieratis vestigium quo posterior ætas corrumpi posset, relinqueretur : simulque perspicuum est, quam vafre & subdolè ille doctrinæ Mahometanæ publicator ac Lutheranæ sectator atque discipulus,

Bibli-

Bibliander, suam apologiam construxerit, qui ex tota antiquitate præter vnam Theodosij & Valentiniani legem, quam iniuriosè perstringit, nihil putauerit attingendum; malens dissimulare cetera tam multa, quàm temeritatè peruersi iudicij sui post tot & tanta præiudicia veritatis, cordatis omnibus prodere, ac deridendam exhibere.

Nunc ordine procedendum esset ad reliquas orationis nostræ partes: sed quia temporis angustijs excludimur, in aliud tempus quæ supersunt, dicenda reseruabimus.

*Anno 1585. die 15. Octobris.*



O R A T I O



# ORATIO TERTIA.

*De fugienda lectione librorum  
hæreticorum.*



**N**ihil esse tam contra-  
rium veritati, tamque à  
ratione & sensu com-  
muni alienum, viri  
ornatissimi, quod non  
probabile fieri cogant,  
& specie veritatis ali-  
qua fucatum insectum-

que reddant ab ingenijs male feriatæ natæ dis-  
putationes; tam vetera ac peregrina, quam  
noua eaque domestica exempla fidem abunde  
faciunt. Nota sunt illa philosophorum quo-  
rundam veterum dogmatum paradoxa, Nihil  
posse sciri in rebus; Nihil moueri; Omnia esse  
in omnibus; Nullam disputantium esse con-

C

tradi-

traditionem; aliaq; huiusmodi plurima, quæ ab illis asserta & captiosarū rationum quibusdam velut coloribus vestita, fidē apud auditores inuenerūt. Quorū tamen absurditas minus cuiuspiam miranda videbitur, si cum nostræ, id est Christianæ religionis cacophiliis cōferatur; Hereticos dico, quorū priores illi philosophi patriarchæ & prodromi à nonnullis scriptoribus, satis appositè nec minus verè, sūt appellari. Quid enim Simon, Menander, Basilides & tota Gnosticorum schola? Quid Marcion? quid Manichæus, quid Priscillianus? ut alios taceam; an non omnem philosophiæ gentilis absurditatem, fœda atque infanda suorum dogmatum absurditate superarunt? An non rationi naturali & sensui humano bellum indixisse visi sunt? Quod si ad hodiernos descendimus: certè inueniemus & Adamitas & Catapaptistas illis nihilo saniores. sed tamen hoc genus, ut minus frequens, dissimuletur à nobis. Quid Lutherani & Calviniani; quorum in cæstris hostiū ecclesiæ maxima est multitudo, & prima autoritas? An non supra modum paradoxa sunt pleraque eorum placita, quibus iam mundum impleuerunt? Deum esse peccati authorē. Nec posse facere nisi quod facit. Non esse in homine liberum arbitriū. Omnia hominum etiam iustorū opera esse peccata. Iustificari hominē sola reputatione. Talem esse vnūquemque

quemque qualem se credit. Votis deo factis adstringi neminē. Homini impossibilia à Deo præcepta esse. & huius generis alia pene innumera, partim à veteribus hæresiarchis accepta, partim noua ab incude formata. Omnia verò eiusmodi, vt quàm nudè proposita auditaque absurditatem ostenderent, atque hoc pacto auditorem ab assensu detertere possent, eam speciosa oratione ac dicendi aliqua probabilitate, velut honesto pallio, circumtectâ, insidiosè occultent; præsentem haud dubiè perniciè allatura audientibus; nisi columbinę simplicitati serpentinam prudentiam adiungentes verum à verisimili, & syncerum ab adulterino fucatoque discernere norint. Equidem in hoc genere reponendum arbitror illud cuiusdam Lutherani, contra quod nùpera oratione hoc in loco disputare cœperam; Libros hæreticorum non esse tollendos è medio, neque eorum lectionem Christianis interdiciendam; sed liberum unicuique, de ijs vna cum lectione iudicium esse debere. Hoc enim Theod. Bibliander Lutheri discipulus rationibus quibusdam contra omnem rationem astruere atque euincere est conatus. Qua profecto in re, occultam diaboli machinationem licet animaduertere. Videt enim hanc vnâ viam, tali paradoxo velut clauē semel patefactam, satis esse ad miscendum erroribus or-

hem Christianum, & profligandum quàm longissimè ex animis hominum veritatem, suumque dominatum, euerso Christi regno, apprimè stabilendum. Quocirca operæ precium duxi susceptam diuina ope cum hoc monstro disputationem, eadem assistente ad calcem perducere. Ostendimus priore disputationis nostræ partē contra fallacem dissimulationem Bibliandri, non modò Pontificum decreta & Canones Conciliorum, sed & leges orthodoxorum principum sancto quodam studio ac zelo pariter in hoc conspire, vt grauissimis censuris ac pœnis appositis, Christianum populum auocent deterreantque ab eorum lectione librorum, qui damnatam aut suspectam de religione doctrinam continent. Ostendimus & vsu Christiani populi id iam olim sollicitè perpetuòque obseruatum. Nunc proximum vt quia rationes quasdam obtendit aduersarius, atque insuper etiam experientiam in patrociniū aduocat; doceamus quā sit & ab omni ratione alienū & experientiæ contrariū quod ab eo, tanta causæ confidentiā asseritur. Primum illud moneo, quod initio totius nostræ disputationis admonebam, me hūc nolle ingredi locum communissimum de vitandis hæreticorum colloquijs & congressibus. Tritum enim est hoc argumentum, & huic loco ad pertractandum minimè necessarium. Neque enim

enim arbitror Bibliandrum, vel si quis alius cum eo sentit, de apostolicis præceptis in ea parte adeo clavis quicquam addubitare. Nobis sufficiat illius argumenti cum isto necessariam esse connexionem. quamcumque enim de illo rationem protuleris, eandem huic communem esse probabo. *Sermo eorum*, inquit apostolus, *ut cancer serpit*. Item, *Per dulces sermones & benedictiones seducunt corda innocentium*. hæc & huiusmodi siue de sermone sonante intelligas, siue de sermone tacito & in scriptum redacto; quid interest? hoc fortasse, inquires, quod viua vox magis afficit, plusque energizæ habet. At vox scripta manet, quodque semel lecta non persuadet, iterum atque iterum & vel decies relecta persuadebit. semper enim præsto esse potest liber, commodissimus atque obsequentissimus magister, ad omnem discipuli nutum paratus, ut vel taceat, vel loquatur; vel subsistat vel pergat; vel quæ dicta semel, repetat quoties & quando libebit. Huiusmodi nihil in voce viua. Sonum enim fugientem, etsi non intellectum tenere quis poterit, ut eius intellectum capiat? Adde, quod libri, ut pote permansuri & per typographiam in plurimorum manus venturi, solent ad persuadendum accuratius scribi, quàm dici pronunciarisue soleat sermo mox periturus, & vacuas mittendus in auras. Est igitur vel parvel etiam maior ra-

2. Ti-  
mot. 2.

Ro. 16.

C;

tio



tio fugiendæ lectionis noxiæ atque sermonis. Quæ de re quidam huius seculi vir doctus, hoc fere modo ratiocinatus est : Lectio legentis est cibus; sicut sermo, audientis. Quantâ igitur cura cibum veneno infectû auersamur & fugimus, ne corpori mortem adferat : tanta librum hæretico felle tinctum auersari & fugere debemus, ne mortem inferat animæ. Et cum prohibeat Ioannes ne is qui alienam doctrinam adfert, intra domû recipiatur quanto magis prohibendum ne eiusmodi doctrina libro inscripta, in animum lectoris admittatur ? Præsertim cum omnes natura mali simus, & ad tenebras, in quibus nati sumus, quàm ad lucem, in quam per Christum reformamur, multo propensiores. Vnde etiam sacrarum literarum indagatorem monet Augustinus libro 2 de doctrinâ Christiana vt literas apocryphas vitet, ne præoccupent imbecillum animum, & periculosis mendacijs atque phantasmatis eludentes præiudicent aliquid contra sanam intelligentiam. Certè natura ipsa nos admonet a periculis quàm longissimè ab-  
**Pro. 6.** sistere. Idem admonet & scriptura sacra. *Nunquid potest homo, inquit Salomon, abscondere ignem in sinu suo, ut vestimenta illius non ardeant & aut ambulare super prunas, ut non comburantur planta eius ?* Quem locum exponens Venerabilis Beda, sic ait : Soli ei conceditur hæretico-  
 rum

rum libros legere, qui adeo solidatus est in fide Catholica, ut verborum dulcedine vel astutia nequeat ab ea segregari. Alioqui, satius est pericula cauere quam ea non sine periculo vincere, Cum iuxta Cypriani ad Pomponiū scribentis, certissimam sententiam, Nemo diu tutus esse queat, semper periculo proximus. Et quidem vsque adeo ab hoc periculo abesse populum Christianum vult August. sermone 31 de verbis apostoli, ut iudicet, hæreseon atque errorum ignorantiam eam qua nec nomina eorū nouerint, esse plerisque tutiorem. Nam ut in simili argumento ait Tertullianus de præscrip. Ignorare melius est, ne quod non debeas, noris. Est locus apud Leonem sermone 5 de ieiunio 10 mensis, de colloquijs hæreticorum vitandis; quem, quoniam etiam ad scripta colloquia pertinere non est dubitandum, hîc memorandum putauî. Diabolus, inquit, fideles quos apertis & cruentis persecutionibus impugnare non sinitur, sub falsa Christiani nominis professione corrumpit; habens hæreticos huic operi seruiantes, quos a catholica fide deuios, sibi quæ subiectos, militare in castris suis sub diuersis erroribus, fecit. Et sicut decipiendis primis hominibus ministerium sibi serpentis assumpsit; ita horum linguas ad seducendos rectorum animos, veneno suæ falsitatis armauit. Sed ijs insidijs

dilectissimi, ait sanctus Pontifex, pastoralis sollicitudine, in quantum dominus auxiliatur, occurrimus; & ne quid de sancto grege pereat præcauentes, paternis vos denunciationibus admonemus, ut labia iniqua, & linguam dolosam, a quibus animam suam propheta liberari postulat, declinetis: *quoniam sermo eorum, sicut ait beatus apostolus, serpit ut cancer.* Audi sequentia, Humiliter irrepunt, blandè capiunt; molliter ligant, lazenter occidunt. Veniunt enim, sicut seruator prædixit *sub vestitu ouium, intus autem sunt lupi rapaces*; quia non possent veras & simplices oues fallere, nisi Christi nomine regerent rabiem bestialem. hucusque S. Leo. Quæ verba etiam ad solum sermonem pertinere quis contendat; negare tamen non poterit, nihil hîc dici quod non ad hæreticorum scripta, vel æquè vel magis etiam, referri possit. Nam peius esse & periculosius scripta eorum legere, quam sermonem cum ijs mîcere; præter ea quæ modò dicebamus, etiam hac ratione conuincam. Etenim qui scripta hæreticorum legit & voluit, audit quidem eos; sed si quid dicere velit, non vicissim auditur. Itaque peruerri ab illis potest; conuertere autem eos vicissim non poterit. At si sermonem cum eis habeas; & audis tu eos, & ipsi te audiunt. Quare, sicuti metuendum non sermone suo te peruertant, ita sperari vicissim queat,

queat, tuo illos sermone ab errore suo renocandos. Igitur in colloquio quod subest periculum, aliqui spe fructus excusetur fortassis; at in lectione, ubi audis, & non audiris, quæ tandem suscepti periculi excusatio fuerit? si toxicum domi haberes; vehementer cauere ne quo casu, tuis misceretur edulij. At istud verum toxicum animæ, sciens & prudens mices cibo animæ tuæ dum inter libros tuos reponis; & non mices tantum, sed & degustas, vel dulcedine eius delectatus, vel curiositate seductus, nesciens quoniam mox ut haustum fuerit letali vulnere percutit animam tuam. Ab apostolis petamus exemplum de quibus refert Irenæus lib. 3. noluisse eos vel verbo cum hæreticis communicare. Verbum enim ut rem minimam posuit. Si noluerunt apostoli, gregis arietes; quid nos pusilli & imbecilles, & vix ouium nomine digni? si non verbo communicare; quid epistolas & libros legere? si non, Aue dicere; quid librum intra penetralia recipere, in conclavi ponere, aperire, voluere ac versare; hoc est viperâ in sinu fouere, cuius occulto morfu mox pereas? Neque enim apostolis si quid tale fecissent, quantum opinor, ab errore periculum erat; sed nos illorum exemplo instruendi fuimus, ne periculum amantes in illo pereamus. *Quæcumque enim scripta sunt ad nostram doctrinam scripta sunt.*

Iacob

**Genes.** Iacob Patriarcha iubet idola in terram defodi;  
**35.**  
**1 Re. 7.** Samuel præcipit vniuerso populo Israel vt auferat Deos alienos de medio sui; Moyſes, imo per Moyſen Deus euerti, succidi, confringi, comminui, & comburi mandat altaria, delubra, lucos, ſtatuas aliaque omnia falſi cultus monumenta, atque instrumenta. Nihil horum in alium vſum vtilitatis prætextu conuerſi fas erat; ſed tollenda perdendaque omnia, ne qua peccandi materia apud populum relinqueretur. Hæc porro in figura contingebant illis; ſcripta ſunt autem ad inſtructionem noſtram. Horum ſignificationem nobis aperiunt Tertullianus aduerſus Gnoſticos, & Hieronymus in explicatione prophetarum. Idola, hæreſes ſunt; altaria, luci, delubra, omnium eorum quibus velut adminiculis & instrumentis peſtes illæ fouentur, figuram prætulerunt. In hoc genere, primi ſunt hæreticorum libri, quibus ſua in vulgus dogmata ſpargunt; quos qui ſpecie vtilitatis contra eccleſiæ legem ſeruandos putauerit, nihilo magis, maledictum legis euadet, quàm qui olim ſculptile aut conſtatile aut aliud quodcunque anathema ſurripuiſſe atque occuſaſſe deprehenſus fuiſſet. Nota eſt hiſtoria Achan qui vſurpauerat de anathemate, de quo pronunciatum erat voce Iofue & iuſſu Dei, maledictum eum fore & male periturum quicumque de anathemate aliquid con-

**Iofue**  
**7.**

con-

contingeret. Et qui urbem Iericho anathemate deuotam reedificaret, In primogenito suo, inquiebat Iosue, fundamenta illius iaciat; & in nouissimo liberorum ponat portas eius. Atqui passim in concilijs Patres anathema dicunt scriptis hæreticorum : scripta igitur illa nostri temporis anathemata sunt, eo nocentiora quo suam habent ad persuadendum linguam semper instructam semperque paratam, in perniciem legentis, cuiusmodi nihil vetera illa habebant. Quare verendum summo opere est ne cum Achan illo pereat, & cum reedificatore Iericho omnium bonorum operum suorum à primo vsque ad nouissimum tanquam filiorum suorum fructum, perdat, si quis hæc animarum anathemata à patribus damnata atque deuota, non à se quàm longissimè remoueat abijciatque ; imo non confestim ignibus tradat, vt ipse sempiterni ignis periculum euadat. Dicet mihi fortassis aliquis, Quod tandem hîc periculum est, si hæretici cuiuspiam librum in manus sumam, leuiterque percurram, quicquid boni reperero velut spoliū Ægypti mihi in vsum vendicem ; erroribus minimè acquiescam ; nimirum mihi satis conscius firmitatis fidei meę ? Primùm, contra illam firmitatis fiduciam, tibi quisquis es, respondeo, non meis sed scripturæ verbis ; *Noli alium sapere sed ius. Qui se existimat stare, videat*

*videat ne cadat. Qui amat periculum, peribit in eo, beatus homo qui semper est pauidus: audi & illud psalmistæ quisquis in tua virtute præsumis; Ego dixi in abundantia mea, Non mouebor in æternum. Et quid sequitur? Aue tisti faciem tuam à me, & factus sum conturbatus. Deinde ut propius periculum agnoscas & caueas, quisquis tibi prudens cautusque videris; imprimis scire te oportet, hæreticos, utpote malarum causarum patronos, quo eas dicendo ex malis bonas faciant, summo studio in hoc incumbere, ut nihil prætermittant quod quocunque modo causæ seruiat. Quare undique ad inescandum lectorem, illecebras conquirunt. Hinc illæ in scriptis eorum verborum phaleræ, sententiarum apparatus, orationis suauitas, nihil non ornatum, nitidum, tersum. Cicero- nem aliquem vel Quintilianum loqui putes; tanta scriptis eorum inest elegancia & vis persuadendi. Quo in genere catholicos scriptores ab ijs plerumque superari, non inuiti fate- mur, & res ipsa docet. Veritas enim fucum non quærit, per se pulchra & amabilis. De Christi sponsa scriptum est, *Omnis pulchritudo eius ab intus*. At meretrix illa Babylonica, in- tus deformis & abominabilis, foris cultum quærit assciticium. Porro non capi, aut certè non moueri hoc tanto verborum atque orati- onis lenocinio, non cuiusvis est, sed pauco- rum.*

rum. Accedit & aliud ad periculi grauitatem; Multa sunt in religione nostra ardua atque difficilia quæ proinde fidem potius exigunt quam scientiam. *Est enim fides argumentum non apparensum*; Argumenta autem quibus hæc impugnatur, ut potest corruptæ rationi consentanea, sæpe magnam habent probabilitatem. Quæ verò eiusmodi sunt, diligentissimè solum ab hæreticis ad labefactandam veritatem, tum verbo tum præcipuè scripto inculcari. Iam verò constat esse paucissimos qui omnia ea ita dissoluere queant, ut animo suo planè satisfaciât. Quid igitur restat, nisi ut qui in talium lectione incidens ea, ut plerique, dissolvere nequit, vel in assensum trahatur erroris, vel in dubitationem incidat (quo quidem utroque modo fidei naufragium patitur): vel certè scrupulū aliquem, velut aculeum animo lectoris infixum lecta istiusmodi argumenta post se relinquât? quem deinde magnitudo & firmitas rectæ fidei euellere atque eximere vix tandem possit. Celebre est illud Terrulliani, in libro de præscriptionibus aduersus hæreticos, *Case* In ipso, inquit, congressu firmos fatigant, infirmos capiunt, medios cum scrupulo dimittunt. Hoc ille de disputatione quidem, sed aptissimè ad institutum nostrum. Quisquis enim librum hæreticum legit, disputationem suscipit, à qua vel fatigatus vel victus vel sauciùs abscedat.



abscedar.

Ex his porro perspicitur, quanto ad nocendum plus valeat lectio authoris hæretici quàm poëtæ lasciu: quem tamen vrbe pellendum in sua republica censuit Plato. Nam scripta lasciuia non ratione, non argumentis persuadent turpitudinem, sed sola orationis dulcedine teneros & in libidinem pronos illiciunt atque inficiunt animos adolescentum; quos tamen ratio paulo pòst ad se reuersa sanare facilè potest. At scripta hæretica præter illectamenta verborum, speciem adferunt argumentorum, quibus verum esse quod dicitur, etiam rationi persuadetur. Quo fit vt malum ex istiusmodi lectione inflictum, non nisi clara argumentorum solutione, & certissimis in contrarium argumentis, curari ac sanari possit, ac ne hac quidem via frequenter sanetur. Fugendum igitur est totum hoc genus, siue lasciuia poëmata siue hæreticorum scripta, tanquam noxia moribus, noxia religioni; Et quantum religio castitatem præcellit; tanto maiorem sui curam tantoque diligentiorum impiorum dogmatum fugam, requirit. Nec alio certiore remedio tantum malum superatur. In vna fuga pene omne præsidium est. Cum enim non vnus generis sint mala; & alia pugnando, alià fugiendo facilius certiusque superentur: in hoc posteriori genere cum primis locum tenet hære-

hæretica lues. *Fugite fornicationem*, ait apostolus, & alio loco; *Fugite ab idolorum cultura.* & propheta, *Fugite de medio Babylonis.* Certe notum est omnibus qui rectè sapiunt, fornicationis & immundiciæ spiritum illum Asmodeum, à castis animis non tam pugnando abigi, quàm fugiendo expugnari. At fornicationis nomine cultum idololatricum in scripturis significari, norunt qui prophetas legerunt. Porro idololatria quid typicè significet, suprà diximus; nimirum omnium hæreticorum dogmatum varietatem, Hieronymo teste. Si igitur, iuxta apostolicum præceptum fugienda est fornicatio, fugienda idolorum cultura; si iuxta propheticam admonitionē fugiendum de medio Babylonis: quomodo non omni conatu fugienda hæresis, quæ mysticè fornicatio est, & idololatria, & primum in Babylone. quæ *mater fornicationum* à Ioanne dicitur, dominatum obtinet? Aut quomodo quis dicet eam se fugere; si in eorum versatur librorum lectione, qui eam docent, propugnant, confirmant? Nihilo magis profecto quàm si dixerit quispiam adolescens castitatem se amare, lasciviam fugere, & tamē libenter voluat poëtas lasciviam magistros, hostes castitatis. Atque hæc de periculo. Quæ prima & potissima causa fuit, tam ecclesiæ præfectis quàm seculi principibus, legibus latis interdicens librorum hæreticorum

Apo-  
cal. 17.

rum

rum lectionem. Sed fingamus vel nihil vel parum esse periculi an ob id cessabit prohibitionis ratio? Minimè verò. Libelli famosi quibus vel principis, vel magistratus vel etiam plebei cuiuspiam fama proscinditur, læditur honor, nomen infuscat, etiamsi manifestè mendaces sint; legibus prohibentur, & apud quemcumque reperi fuerint grauitè puniuntur: & libros quibus nomen Dei blasphemat, maiestas læditur, sacrosancta religio oppugnatur, ecclesia Christi sponsa infamatur, etiamsi periculum abisset subuersionis legentium, impunè habere, legere, versare licebit? Quod si quæras, Qua lege Dei, libros huiusmodi habere aut legere prohibearur populus Christianus: Primùm, sufficere debet pijs subditis leges ecclesiæ, & religiosorum principum, quibus nos obedire præcipit lex Dei. Deinde quæram ego vicissim, qua Dei lege prohibitus fuerit Israëliticus populus seruare monumenta profanorum cultuum, iussus eadem destruere atque abolere: Quod si mihi respondeas, & quidem rectè, omnem eiusmodi prohibitionem atque iussionem ad primum decalogi præceptum pertinere, inque eo contineri; idem à me quoque respōsum puta. Quæ enim lege, verus Dei cultus præcipitur; eadem omnis falsus cultus prohibetur: cum quo simul omnia falsi cultus monumenta, instrumenta.

menta & adminicula prohibita censentur; siue ea idola sint, siue altaria, siue delubra, siue libri superstitionum, hærescon, ac malarum artium magistri; ita ut horum nihil seruare, sed cuncta disperdere oporteat. Quod vsque adeo animis semper hominum insitum fuit, ut eadem cura gentiles quoque pro suis, tametsi falsis, religionibus tenuerit. Narrant rerum Romanarum scriptores olim, Cornelio & Bebio Conss. ex decreto senatus Romani crematos publicè in frequenti foro libros repertos in monumento Numæ, propterea quod cum religione publicè recepta parum consentire viderentur. Et Vlpianus lege 4. familiæ Herciscundæ, de iudicis officio sic loquitur; Tantundem debet facere & in libris improbatæ lectionis, magicis, & his similibus. Hæc enim omnia protinus corrumpenda sunt. Ecce studium sanctarum legum, etiam inter homines non sanctos, & veræ pietatis exortes. Profecto surgent isti in iudicio, contra generationem istam; & condemnabunt eam. Sed quid ego ab ethnicis causæ patrocinium peto? Vel ipsos aduersarios & ecclesiæ inimicos faciamus iudices, & ab ijs exempla petamus. quo enim zelo pro sua perfidia armati sunt; eodem nos pro sancta religione armemur. M. Lutherus ut primum contra ecclesiam furere cœpit, in odium Rom. Pontificum, decretum Gratiani

Sabel.  
s. Dec.  
lib. 7.

D

cum

cum Decretalibus, hoc est, vniuersum corpus  
 Canonicum flammis consumpsit. Et probè  
 eum imitantur sectatores eius, imo & aliarum  
 sectarum hæretici. Etenim vbique studiosè  
 supprimunt libros quibus Catholica fides de-  
 fenditur, ne ab ijs secta detrimentum accipiat.  
 Scio non raro accidisse, vt qui suę sectę impen-  
 sius studēt, mox vbi prodierit liber Catholicus  
 qui sectæ videatur egregiè nociturus ; vni-  
 uersa simul exemplaria à typographo iusto  
 precio coemerent, disperderentque, prius-  
 quam in vulgus sparsa, religioni, vt ipsi loqu-  
 untur, noxam adferrent. Iam vero qui inter  
 eos Rabbini sunt, principio nihil equè cauent,  
 quam ne sui auditores aliunde nanciscantur  
 librum Catholici cuiuspiam cōtra se conscrip-  
 tum ; sed quicquid tale est, si forte ad illos per-  
 uenerit, confestim eorum manibus excutiunt.  
 Inter eos Ioannes Placotomus Lutheranus, in  
 sua schola, siue Latinæ scholæ constitutione,  
 legem istiusmodi statuit. Cauendum fidelibus  
 etiam, atque etiam præceptoribus, ne schola-  
 stici in Musæo suo malos, inutiles, pietati &  
 moribus noxios authores habeant, aut priua-  
 tim legant. Sed ne legem puerilem contem-  
 nas : accipe è vicino legem sanguinariam. Ete-  
 nim in Angliam libros Catholicorum inuex-  
 isse, aut quoquo modo penes se habere, capi-  
 tale est, & quidem lege recentissima. At mi-  
 nime

aimè recentis exemplo. simile enim studium  
 vetustis hæreticis eorumque principibus fuisse  
 probat historia ecclesiastica. Extant apud  
 Euagrium libro 2 capite 4 literæ Basilisci Im-  
 peratoris hæretici, quibus omnia acta Chalce-  
 donensis concilij vbicunque reperta, ignibus  
 tradi mandat; allegans tamen & ipse princi-  
 pum Catholicorum exemplum. Quandoqui-  
 dem, inquit, Imperatores piæ ac beatæ memo-  
 riæ Constantinus & Theodosius iunior, qui  
 ante nostram vixerunt ætatem, eodem modo  
 de omnibus hæreticorum dogmatis decreue-  
 runt. Ita ille exemplo Catholicorum princi-  
 pum factum suum tuetur; studio simili, sed  
 causa diuersa planèque contraria. Non dissi-  
 mile est quod apud Sozomenum legitur lib. 2  
 cap 13. vbi refert episcopos aliquot Arianos  
 Constantinopoli congregatos contra nouum  
 quoddam, ut ipsi calumniabantur, dogma  
 Marcelli episcopi Ancyrani: damnato dog-  
 mate scripsisse ad vicinas ecclesias, ut Marcelli  
 librum quo doctrina illa continebatur con-  
 quirerent eumque cremandum curarent. Hęc  
 & eiusmodi exempla ab aduersarijs sumpta  
 merito cauiore, prudentioresque reddere  
 nos Catholicos deberent; ut zelum quem illi  
 contra religionem, nos pro religione preste-  
 mus; si non maiorem, certè parem. Quamuis  
 enim Domino attestante, *filij hominū seculi prau-* Luc. 16.  
 dentiores;

Matth.  
10.

*dentiores in generatione sua sint filijs lucis : nos tamen, qui Dei gratia filij lucis sumus, eodem Domino exhortante, illorum prudentiam saltem imitari debemus. Quam ob causam etiam serpentinam astutiam discipulis suis imitandam proposuit, dicens ; Estote prudentes sicut serpentes & simplices sicut columba. Qua verò in re serpentinam nobis prudentiam imitandam putemus ? David psal 57. de quibusdam perditis hominibus loquens, furorem illis adscribit secundum similitudinem serpentis, sicut aspidis surda & obturantis aures suas, Quae non exaudiet vocem incantantium, & venefici incantantis sapienter. Hoc serpentis exemplum, quod peruersè peruersi illi in quos propheta inuehitur, imitantur ; nos iuxta domini admonitionem rectè & prudenter imitemur. Quid aliud heretici sunt quàm venefici ; & quid aliud sapiens veneficorum incantatio, quàm blanda & doctè composita hæreticorum oratio ? sapienter enim, idem est quod doctè, atque ex arte. Vnde illud, psallite sapienter. Et quid aliud aspis surda & obturans aures suas, ne vocem exaudiat incantantium ; quàm prudens Catholicus, prudentiæ serpentiniæ sedulus imitator, obturans aures, ne voces audiat ; & oculos claudens, ne velliteras videat, ab illis profectas quorum sermo velut cancer serpit, & qui per dulces sermones & benedictiones seducunt corda.*

psal.  
46.

*corda innocentium*, hoc est, eorum qui columbæ quidem simplicitatem habent, sed quia prudentiam ei non adiungunt serpentis, expositi sunt ad seductionem periculis errorum. Neque enim per voces & verba tantum, sed etiam per literas & characteres, incantationes & veneficia exerceri, notissimum est. Quare utrumque genus, tanquam duos exitiales scopulos, omni studio, summo conatu, quisquis Catholicam fidem, imo salutem suam, amat, & ab exitio volet esse quàm longissimè remotus; fugiendum sibi nouerit.

Satis nunc, ut arbitror, ostensum est argumentis tam ab exemplo, quàm à ratione petitis, quàm cum ratione & sensu communi pugnet portentosum illud Bibliandri paradoxum, publicandos esse hæreticorum libros neque ab eorum lectione Christianos legibus principum vel decretis Pontificum, deterrendos. Cætera quæ supersunt huius argumenti, quia nunc receptui nobis canendum est; in aliud opportunum tempus seruemus.

*Habita est hac oratio anno Domini  
1586. die 21 Ianuarij.*





# ORATIO QVARTA.

*De fugienda lectione librorum  
hæreticorum.*



**D**E mortifero sirena-  
rum cantu, & venenosi  
serpentis afflatu vitan-  
do, id est, de fugienda  
lectione librorum do-  
ctrinam hæreticam spi-  
rantiū, semel & iterum  
dixi hoc in loco & tali  
in confesso, qualis hic  
vester est confessus, viri ornatissimi; Prima  
quidem oratione id conatus, vt contra cuius-  
dam hæretici hominis seu crassam incertiam,  
seu improbam dissimulationem, monstrarem,  
omnibus seculis. Christianos & Catholicos  
principes leges & edicta sanxisse aduersus eos  
qui

qui libros hæreticorum legerent, aut omnino apud se retinerent: Altera verò, vt ostenderem quam iustis & necessarijs id rationibus factum fuerit, atque hodie fieri etiam multo magis oporteat. De quo vtroque argumento multa sunt à me prætermissa, quæ vel ipse, si non angustia temporis orationem nostram adstrinxissent, vtiliter adijcere poterã, vel alius quispiam ingenio, doctrina, & sermone instructior adferre in medium potuisset; sicut & eadem illa, quæ à me dicta sunt longè tractare felicius. sed tamen ea ipsa quæ pro tempore diximus, eiusmodi sunt vt & aduersarij vanitatem manifestè coarguant, & ad persuadendam veritatem cordatis omnibus abunde sufficiant. Itaque dudum perfunctus illo disputationis officio videri possem, nisi perspiccerem illud adhuc à me iure desiderari, vt quemadmodum certissimis argumentis monstraui, quàm sit hæreticorum librorum lectio Christianis perniciosa; ita vicissim tum memorati scriptoris, tum aliorum si qui cum eo sentiunt, argumentis, quibus illi rem tam perniciosam persuadere nituntur, respondeamus. Nam sicut peritus medicus, vt sanitatem ægroto restituat, non tantum boni succi nutrimentum præbet, verum etiam è corpore noxios educit humores; & sicut boni militis officium non in eo tantum versatur, vt hostem feriat, verum

D 4

etiam

etiam ut ferientis tela repellat; Ita qui disputationem aduersus aliquem erroris magistrum susceperit, non satis habebit veritatem ipsam luculentis argumentis ostendisse; nisi & ea, quibus error defenditur, argumenta, velut hostium tela quædam ex aduerso immissa, repulerit, eluserit atque destruxerit. Hoc igitur est, auditores, quod præbens oratio vobis promittit.

In ea namque respondebimus ad illa quæ vel aduersarius obijcit, vel ab alijs imperitis & curiosis, ac propriæ salutis incurijs hominibus, & prætexum aliquem noxiæ curiositatis suæ quærentibus, adferri solent; quamquam ea sint ad efficiendum quod volunt infirma atque inepta, Deo donante commonstrabimus. Ut autem ab eo quod præcipuum est, exordiar, Apostolū Paulum ante omnia sibi patronum assumunt, cuius hanc aiunt, apertissimam esse sententiam in priori ad Thessalæpistola, dicentis; *Omnia probate, Quod bonum est, tenete.* Igitur, inquit, & hæreticorum libri legendi sunt, ut quicquid ab illis scribitur, à legente probetur, discutiatur, examinetur ad normam verbi Dei & rectæ rationis; solumque illud quod bonum, id est, verbo Dei rectæque rationi consentaneum, inuentum fuerit, teneatur, cæteris omnibus reiectis atque repudiatis. Huic porro tantæ, id est, apostolicæ auctoritati,

rati, subnectunt interpretationem & exempla  
sanctorum Patrum, qui vel apostoli senten-  
tiam, in hunc sensum quem diximus, accepe-  
rint, vel suis ipsi factis, velut practica quadam  
interpretatione, eum sensum confirmarint,  
aliosue ad tale quid faciendum hortati fuerint.  
Ioannes Chrysostomus optimus Pauline men-  
tis interpres, Omnia, inquit, probate, seu vera  
seu falsa, vt cum examinatione discernatis, &  
ab illis quidem abstinearis, his verò adhærea-  
tis. Ita enim & illorum vehemens erit odium,  
& horum amor; quando non leuiter, & citra  
considerationem atque examen, sed exactè, &  
accuratè omnia feceritis. Chrysostomi vestigijs  
inhærens Theophylactus, neque latum ab eo  
vnguem discedens, ita breuiter; Omnia pro-  
bate, hoc est, & vana & vera cum probatione  
iudicate; tumque quod visum est bonum, re-  
tinete. Augustinus certè in libro de natura &  
gratia cap. 39 videri potest quàm maximè istis  
patrocinari, dum locum apostoli paululum  
mutando sic expressit, Omnia legite: quæ bo-  
na sunt t. nete. Videamus autem & exempla  
quæ proferunt. Dionysius Alexandrinus, Eu-  
sebio Cæsariensi referente lib. 7 hist. eccl. cap.  
6. in epistola quadam de baptisinate ad Phila-  
monem Romanum presbyterum scripta, te-  
statur se libros hæreticorum & traditiones  
perlegisse; atque hoc ex eare commodi per-  
cepisse,

cepisse, ut eorum peruersa dogmata multo  
quàm antè vehementius detestaretur. Et cùm  
quidam (inquit) ex numero presbyterorum me ve-  
taret, deterreretq; à legendo, ne turpi prauitatis &  
peruersæ eorum doctrina cœno contaminarer (meam  
enim mentem errorum labe pollui asseruit) cumq;  
vera, meo quidem iudicio, diceret; visio quædam ca-  
lissus ad me demissa me confirmavit, & vox ad aures  
allapsa manifestò præcepit ad hunc modum; Omnes  
libros quos sumis in manus, euolue sedulo. Tum  
deinde subiungit; Visionem ut potè ritè consenta-  
neam voci apostolica lubens equidem approbaui.  
Hæc apud Nicephorum lib. 6 cap: 8 totidem  
penè verbis repetuntur. Hoc vnum est exem-  
plum. Alterum in Cyrillo Hierosolymorum  
episcopo, qui in catechesi sexta Illuminato-  
rum, cum de Manichæorum impijssimis atque  
absurdissimis dogmatibus prolixè differuisset,  
illiusque sectæ plurima prodidisset arcana;  
tandem, in Manichæorum libris ea omnia  
scripta se legisse, palam confitetur. Tertium  
exemplum in Hieronymo, qui in epistola ad  
Minerium & Alexandrum scripta super intel-  
lectu verborum apostoli, Omnes quidem dor-  
miemus, sub finem ita de se loquitur; Si quis au-  
tem contraria factionis immurmura: quare eorum  
explicationes legam, quorum dogmatibus non ac-  
quiesco; sciat me illud apostoli libenter audire, Om-  
nia probate, quod bonum est, tenete; & saluatoris  
verba,

verba, dicentis; *Estote probati nummularij; ut si quis nummus adulter est, & figurā Caesaris non habet, nec signatus est moneta publica, reprobetur; qui autem Christi faciem claro præfert lumine, in cordis nostri marsupium recondatur. & infra, In terra aurum queritur, & de fluviorum alveis splendens profertur glarea, Pætolusq; ditior est cæno quàm fluens. Meum propositum est antiquos legere, probare singula, retinere quæ bona sunt, & à fide ecclesiæ catholica non recedere.* sic ille. Cuius etiam in lib. 2. Apologiæ aduersus Ruffinum de scriptis hæreticorū, hæc sunt verba; *Quæ nunc cōpellor legere, quæstione hæreseos suscitata; ut sciā quæ vitare debeam, quæ probare.* Quartum exemplum in Ambrosio constituunt, qui initio commentarij sui supra Lucam, de discernendis euangelij veris à falsis loquens; *Legimus aliqua (inquit) ne negligamus, legimus ne ignoremus; legimus non ut teneamus sed ut repudiemus, & ut sciamus qualia sint, in quibus magnificè isti cor exaltant suum.* Quam Ambrosij sententiam in decretū suum retulit Gratianus, distinctione 37. Quintum & postremū ac velut præcipuum exemplum in Augustino constituitur, ut qui non tantum ipse libros hæreticorum diligenter euoluit, Manicheorum dico, Arianorum, Donatistarum, Pelagianorum, cum quibus ei quotidiana erat pugna; verū etiam lectorem suum admonet & hortatur ut idem faciat. Nam in Ticonij cuiusdam Dona-

tiste

Lib. 5.  
de  
doctr.  
Christ.  
c. 30.

ristæ librum, in quo fatetur eum hæresi suæ consentanea scripsisse, commendat tamen tanquam elaboratum & vtile opus ; atque hæc verba subiicit : *Quod ideo dicendum putam, ut liber ipse legatur à studiosis ; quia plurimum adiuvat ad scripturas intelligendas.* Et ad Restitutū Diaconum scribens epistola 69 rursus eum hortatur ut Ticonium legat, non tamen eius omnia approbet. Eidem Augustino auctori vel certè suffragatori tribui meritò poterit illud 4 Carthaginensis concilij ( cui Augustinus interfuit & subscripsit ) decretum , à Gratiano quoque recitatum , *Vt Episcopus gentilium libros non, legat ; hæreticorum autem perlegat pro necessitate & tempore.* Nam hunc locum aduersarius nominatim ex Gratiani decreto nobis obijciendum putauit. His ferè præceptis, testimonijs, atque exemplis, niti se profitentur, qui librorum hæreticorum lectionem vel vtilem asserunt, vel à noxa defendunt. Quare quantum hæc ipsa momenti habeant ad persuadendum quod illi volunt, nempe liberum vnicuique esse oportere ut libros hæreticam, vel dubiam vel suspectam in religione doctrinam continentes, sicubi eos nancisci potest, legat, relegat, ac reuoluat ; neque id vllis humanis legibus siue ab ecclesia siue à principe profectis, inhibendū esse : nimirum illud est, quod nunc expendendū sumpsimus.

Equi-

Equidem spero atque cōfido me liquidè monstraturum ea quæ velut aduersa proferuntur, adeo nobis non aduersari, vt nostram hanc ac totius ecclesiæ sententiam constabiliant atque illustrent magis. Nam vt de eo quod primum opponebatur, primum respondeam: dixit quidem apostolus, *Omnia probate* ; sed neque omnibus hoc dixit, neque de omnibus. Quomodo enim omnibus hoc dixit, qui alibi testatur *non omnia corporis membra eundem actum habere* ? aut quomodo omnibus hoc dixit, qui non omnibus sed quibudam tantum tribuit discretionem spirituum ? videlicet eam enumerans inter particularia, & non omnibus passim communia spiritus sancti dona. Quonam autem modo rectè probare quis poterit ea quæ legit, nisi discretionem spirituum instructus ? An non eiusdem apostoli sententia est. *Animalis homo non percipit quæ sunt spiritus Dei ; spiritualis autem indicat omnia. Perfectorum est solidus cibum, eorum qui pro consuetudine exercitatos habent sensus ad discretionem boni & mali.* Nam & ibi Corinthios, & hîc Hebræos increpat apostolus velut adhuc animales, & carnales & paruulos in Christo quibus lacte opus sit, non solido cibo. Non omnes igitur sed perfecti soli, sensus habent exercitatos atque idoneos ad probandum, id est ad discernendum à malo bonum. Ac dicas mihi apostolum generatim scri-

Roma.  
12.

1. Corinthios.

1. Corinthios.  
2. &  
alio loco.

1. Corinthios.  
Heb.



scribere ad Thessalonicenses, ideoque omnibus hoc dictum esse, *Omnia probare*. Respondeo rem esse notissimam apostolum Paulum scribere ad ecclesias; Cæterum præcepta quæ in epistolis tradit non omnia ad omnes & singulos qui in ecclesia sunt, pertinere, sed quædam tradi omnibus, quædam præfectis ac maioribus tantum, quædam tantum minoribus, quædam alij certo hominum generi. Verbi gratia, omnibus dictum est; *Odite malum, Adhærete bono, Charitate fraternitatis inuicem diligite*, & alia quam plurima. Præfectis solùm præceptum est: *Tollatur de medio vestrum qui hoc opus fecit*. Et iterum; *Auferte malum ex vobis ipsis*. Et illud ad Colossen 4 *Dicite Archippo, Vide ministerium, quod accepisti in domino, ut illud impleas*. Perfectioribus & firmioribus tantum dicitur: *Ir firmum in fide suscipite*. Et alibi, *Si preoccupatus fueris homo in aliquo delicto; vos qui spirituales estis huiusmodi instruite in spiritu lenitatis*. Minoribus autem illud; *Obedite prepositis vestris*. Rursum alia sunt apostolica præcepta ad parentes, alia ad filios, alia ad dominos, alia ad seruos, alia ad viros, alia ad vxores, denique ad senes, ad iuuenes, ad anus, ad adolescentulas alia. Ex quibus planè perspicuum est non omnia quæ sunt in Paulinis epistolis præcepta, ad omnes pertinere; quod vel ex eo ipso loco unde deprompta est sententia, quam nunc tra-

ctamus,

etiamus, potest doceri. Nam illa præcepta,  
*Corripite inquietos, consolamini pusillanimes, susci-* 1. Thess.  
*pitate infirmos;* vel solum vel potissimum ijs tra- 14  
 dita sunt, quibus aliorum est cura commissa,  
 Quare & illud quod statim sequitur *Omnia*  
*probate*, tamen ecclesiæ Thessalonicensium  
 dictum est, non omnibus tamen sed ijs tantum  
 qui præsumt quique spiritus probare ac discer-  
 nere poterant, dictum esse convenientissimè  
 intelligitur. ait enim *spiritum nolite extinguere,*  
*prophetias nolite spernere.* deinde sequitur. *Om-*  
*nia probate, quod bonum est tenete.* Quo loco  
 notandū est, sicut apud Corinthios in publico 1. Cor.  
 fidelium conuentu erant qui spiritu incitati, 14  
 vel futura prædicerent vel scripturæ sacræ my-  
 steria explicarent, qui quidem prophetæ dice-  
 bantur; quos tamen ne quid fortè sanæ do-  
 ctrinæ dissentaneum effunderent, ab alijs pro-  
 phetis dijudicari oportebat, dicente apostolo,  
*propheta autem duo vel tres dicant; & ceteri di-*  
*judicent.* Ita & in ecclesia Thessalonicensium  
 fuisse qui prophetarent. Sed cum interdum  
 veris prophetis falsi se miscerent, eamque ob  
 causam Thessalonicenses omnem prophetam  
 omnemque prophetiam auersarentur, verum  
 à falso, & rectum à prauo nequaquam facile  
 secernentes: admonet eos apostolus, ne  
 prohibeant quin quisque vel suam prædictio-  
 nem, vel scripturæ expositionem in medium  
 adfe-

adferat, dummodo ordinatè id fiat, iuxta illud :

8. Cor. 14. *Omnia honestè & secundum ordinem fiant in v. bis*  
 ( hoc enim prohibere , esset spiritum extin-  
 guere, & prophetias spernere ). Ceterum dan-  
 dam esse operam vt ab ijs qui diuinorum my-  
 steriorum peritiores sunt ( quales maximè  
 oportet esse eos qui præsunt ) probentur, at-  
 que ad normam verbi Dei & rectæ rationis  
 examinentur quæ dicta sunt ; idque solum  
 quod verum, rectum & bonum iuentum fu-  
 erit, teneatur. Non ergo ad omnes, neque ad  
 multos, sed ad paucissimos iudicium illud pro-  
 bationis seu discretionis, ex apostoli senten-  
 tia pertinebat. Iam verò sicut non ad omnes  
 fideles. ita nec de quibuscunque dogmatibus  
 esse dictum, *Omnia probate*, tam clarum esse  
 arbitror, vt de eo nemo sanæ mentis dubitet,  
 etsi fidei Catholicæ sit aduersarius. Nunquid  
 enim probandum, examinandum, discutien-  
 dum erit, si quis hodie dicat aut scribat, quæ  
 hæretici docuerunt & scripserunt ; verbi gra-  
 tia duos esse deos, bonum & malum, alterum  
 noui testamenti, alterum veteris authorem ;  
 Christum non in vera carne sed phantastica  
 mortalibus apparuisse, passum & mortuum  
 esse ; nec præmia bonorū nec supplicia malo-  
 rum æterna fore, sed finem aliquem habitura ;  
 atque alia eiusmodi ? ac non potius, si quid talè  
 nostris auribus insonuerit, nullo adhibito

exa-

examine statim velut manifestè impium, & fidei nostræ contrarium, exhibilabitur? Igitur de ijs haud dubiè sententia Paulina accipienda venit, quæ nondum publico ecclesiæ decreto iudicata, & vel approbata fuerint vel improbata. Horum enim adhuc restat probatio, non quidem à priuato quocunque homine, vr iam ostendimus, sed à doctis & spirituum discretione donatis & spiritualibus in ecclesia viris, instituenda. Quæ verò semel iudicata sunt, ea quasi dubia rursus ad examen reuocare velle, intoleranda præsumptio est. Atqui dogmata hæreticorum tam noua quàm vetera, iam iudicata, iam damnata sunt; & libri eorum proscripti, non vnus Corinthiensis, aut Thessalonicensis; sed Romanæ, Catholicæ, apostolicæ ecclesiæ decreto, atque iudicio. Quæ igitur insania est, post tam graue, certum atque irrefragabile iudiciũ, cantare & recantare illud apostolicum, sed pessimè intellectum, *Omnia probate*? Quin potius sibi ipsis occinunt illud quod sequitur, *Quod bonum est tenete*? Nam quomodo ille quod bonum est tenet, qui post factam legitimam probationem, bonum iudicatum non agnoscit; sed suam sibi adhuc priuatam probationem reseruat, quasi studio discendi, cum viam inueniendæ veritatis tenere contemnât? De talibus enim alibi dicit apostolus, *Quod sint semper discentes, & nunquam ad*

2. Tim.  
3.

E

scien-

*scientiam veritatis permanentes.* Aut quomodo quod bonum est, tenet, qui quod malum est non reijcit? paris enim rationis sunt bona tenere, mala reijcere. Non reijcit autem malum, qui adhuc dubitat, qui probat, qui sententiam suspendit. Non reijcit malum, qui libros damnata dogmata continentes sumit in manus, & legit, & suos facit magistros. Iam nunc igitur patet, quàm pulchrè locus apostolicus qui videbatur aduersus, Catholicam adiuuet sententiam. Si enim omnia probanda sunt, probationis autem finis est rectum iudicium; & recto iudicio acquiescendum est. igitur probatione semel legitimè facta, iam vltior cesset probatio; & tantum locum habeat veritatis approbatio & falsitatis reprobatio. Tantū (inquam) bonum retineatur, & malum reijciatur. Legantur libri Catholici, probati; abijciantur libri hæretici, improbat. Siquidem ea demūm ratione præstabitur illud, *Quod bonum est, tenere.* Sed hæc satis ad apostolicæ sententiæ verum & genuinum, & Catholicæ doctrinæ fauentem, intellectum. Ex quibus etiam Chrysostomi, Theophylacti, & Augustini mentem assequi & perspicere facillimum est. Proinde nunc ad exempla & praxim sanctorum Patrum, proprijs ipsorum testimonijs consignatam, veniamus. Ita enim hæc à nonnullis allegari solent, quasi doctrinæ & legibus Catholicorū vehementer obli-

obstant; cum re penitus inspecta, vix aliud sit quod causam hanc quam agimus, vel magis adiuuet, vel plenius illustret. Neque enim negamus esse quosdam in ecclesia viros, iuxta apostolum, spirituales & sensum Christi habentes, ac dono discernendorum spirituum præditos, quique pro cōsuetudine sensus habeant exercitatos ad discretionem boni ac mali, ad quos spectet officium omnia probandi, omnia iudicandi, & iuxta Augustinum omnia legendi; quandoquidem probare & iudicare quæ scripta sunt, non possunt, nisi legerint: Non hos, inquam, negamus, sed planè agnoscimus, atque in ecclesia Dei necessarios esse confitemur. Non enim dogmata damnari possunt nisi audita; neque scripta reprobari nisi lecta; neque caueri nisi cognita. Sint igitur oportet qui audiant, qui legant, qui cognoscant, qui probent, qui iudicent. sed ad hæc quis idoneus? Paucissimi profecto. Quare & paucis in ecclesia tale iudicium permittitur, & talis facultas conceditur. Vnde est illa Venerabilis Bedæ sententia, quam & aliàs recitauimus, sed merito hic repetimus, ex commentario eius in Proverbia Salomonis: Soli ei conceditur hæreticorum libros legere qui adeo solidatus est in fide Catholica, ut verborum dulcedine vel astutia ab ea segregari nequeat. Tales nimirum fuerunt Dionysius, Cyrillus, Hieronymus,

Ambrosius, Augustinus, quorum nobis exempla obijciuntur. Tales & alij Patres, quotquot cum laude manus cum hæreticis conseruerunt. Huiusmodi igitur exempla si ad omnes trahuntur fideles: nihil prorsus agitur, nihilo magis quàm si talibus exemplis ad hoc utaris, ut omnes Christi fideles facias doctores, & scripturarum interpretes, contra illud apostoli, *Nunquid omnes doctores? Nunquid omnes interpretantur?* Sed tamen ipsorum Patrum quorum exempla proferuntur, verba paululum expendamus. *Equidem* (ait apud Eusebium Dionysius) *tametsi hæreticorum libros & traditiones perlegebam, & meum ipsius animum ad tempus scelestissimis eorum opinionibus quodammodo inquinare videbar: hoc tamen ab illis capiebam commodi, ut non modò eos interiori animi mei cogitatione condemnarem ac refellerem, sed multo vehementius in pasterum detestarer.* In quibus verbis habes & commodum quod sperare queat ex ea lectione perfectus; & periculum, quod metuat imperfectus. Nam si Dionysius, vir doctissimus, sensit animum suum ad tēpus inquinari quodammodo scelestis hæreticorū opinionibus: quid sentiet homo indoctus idemq; animalis & carnalis, infirmus & ad lapsum pronus? Quòd autem visio fuerit Dionysio cælitus ostensa; non regulam facit, sed priuilegium arguit, sic enim ei dicitur:

*Omnes*

*Omnes libros quos sumis in manus, enolue sedulo. Nam satis habes virium & firmitatis ad quaque tum convincenda tum exploranda. Hoc certe paucorum est. Quare & ratio postulat, paucis, imo paucissimis, à sanctissimo Christi vicario, quasi voce cælitus delapsa, potestatem hanc communicari. Sequitur, apud Dionysium; Visionem, vipote rite consentientem voci apostolica, sic ad potentiores dicenti, Estote spectati atque probati trapezita; lubens equidem approbaui. Hic rursus disertè significat, hoc explorandi & iudicandi officium ad solos pertinere potentiores. Clarum igitur est Dionysium vehementer pro nobis facere; sed multo id clarius de Cyrillo, cuius exemplum secundo loco fuerat obiectum. Cum enim multa ex Manichæorum placitis ad plebem recitasset absurda atque impia: tandem ait; Polluimur ista dicentes. Ne autem aliquis eorum qui adsunt ex ignorantia in sordes eiusmodi hæreticorum incidat; etiamsi & os meum, & auditorum aures polluam, ramen ita expedit. Multo enim melius est accusandis & reprehendendis alijs audire absurda; quàm ex inscissis in eadem incidere. Longè melius est ut sordes cognoscas & oderis, quàm ignorans in easdem incidas, Hæc ille. Quod si, authore Cyrillo, polluitur & loquens & audiens, tamen si cum reprehensione id faciat vterque;*

E 3

quid



quid de eo dicendum erit, qui loquentem audit cum persuasione? ut sit in hæreticorum libris, ubi malum non vituperatur ut caueatur, quod Cyrillus hæc loquens faciebat, sed speciosissimis & verbis & sententijs ornatur, ut persuadeatur? Sed audi adhuc ipsius Cyrilli de seipso confessionem; *Hæc scripta sunt*, inquit, *in Manichæorum libris, hæc nos legimus, non credentes dicentibus. propter vestram enim securitatem* (neophytos alloquitur) *etiam perditionem curiose scrutabamur: sed Dominus liberabat nos ab eiusmodi errore.* Ecce, Cyrillus necessitate legens Manichæorum libros, periculum tamen aliquod suum agnoscit, & curiositatem accusat. Quia, nimirum vix fieri potest, ut quamvis ex necessitate suscipiatur, à curiositate prorsus libera sit heretici libri perlectio. Porro quæ Hieronymus de se scribit, nullam habent difficultatem, non enim docet quid passim omnibus facere liceat, sed tantum quid ipse fecerit, tanquam scriba doctus in regno cælorum; Nam & necessitatis meminit, cum de scriptis hæreticorum ait: *Qua nunc compellor legere, ut sciam quæ vitare debeat, quæ probare.* Si dicis, hanc rationem omnibus esse communem; prorsus negamus; aliter enim doctor ecclesiæ vitanda & probanda cognoscit, nempe libros ipsos legendo; aliter quilibet ex plebe, si videlicet audiat suum pastorem.

Verùm

Verum est adhuc aliquid in verbis Hieronymi animaduersione dignum. Nam præter apostolicam scripturam dudum à nobis tractatam & explicatam; hæc citat Christi saluatoris verba; *Estote probati nummularij*. Eadem apud Eusebium Græcum refert Dionysius, tamen interpres paulo aliter verterit. Quæ quidem nusquam extant in tota scriptura Canonica, licet ea ut Christi verba, Hieronymus; & uti apostoli verba, citet Dionysius. Attamen apud alios quoque authores veteres interdum reperiuntur velut apud Clementem Rom. libro primo constitutionum apostolicarum eo loco ubi de Episcopis agit, quibus dictum esse affirmat, *Iudicium iustum indicare; estote trapezite seu nummularij probati*. Meminerunt item eius sententiæ Ambrosius in Lucam, Cyrillus Alexandrinus in Isaiam, & Ioannes Damascenus in 4 de fide Orthod. libro. Quamquam vnde illa accepta sint, utrumne ex Euangelio Nazaræorum, an verò aliunde. nondum constet. sunt tamen eiusmodi ex quibus non ineptum possit argumentum peti veritatis, quam in præsentia defendimus. Primum, quia quamvis vnius regni omnes homines moneta uti debeant publica & probata; non tamen omnium, sed paucorum est nummos ipsos explorare sintne probati, an adulterini. Deinde, quia sententiâ illam Clemens solis episcopis

Vide  
Marianum  
in loci  
Hier.

copis dictam commemorat. Ac tertio, quia Dionysius eam ad potentiores dictam esse testatur. Quare etiam de sententia apostoli, quæ prorsus cum ista congruit, & ab Hieronymo ei coniungitur, prorsus erit similiter iudicandum. Quartum exemplum ab Ambrosio petebatur; sed nec eius difficilis est explicatio, maximè si ad fontem recurramus. Nam pro eo quod apud Gratianum legitur, *Legimus aliqua, ne negligamus*; tamen si bonum sensum id quoque habeat, legitur apud Ambrosium multo rectius multoque ad nostrum propositum accommodatius; *Legimus aliqua, ne legantur*. Hoc autem quid aliud est, quàm probatos in ecclesia nummularios, quos ibidem nominat Ambrosius, id est episcopos & doctores legis diuinæ peritos, legere quædam, & legendo improbare atque damnare tanquam noxia; ne deinceps ab alijs legantur, & lecta noxam adferant? Hoc enim significant subsequencia eius verba; *Legimus ne ignoremus; legimus non ut teneamus, sed ut repudiemus*. Quintum & postremum exemplum in Augustino statuebatur: Verùm & id non rectè. Quis enim scriba tam doctus in regno cælorum, ut Augustinus? Quis nummularius tam probatus? Quis tam idoneus ad probanda & iudicanda omnia;

~ve

ut eius audito iudicio, quod bonum est teneatur, quod malum, rejiciatur? Hoc igitur exemplum tam singulare, si quis ad se trahendum putat; is vel extremam inscientiam, vel insignem suam prodit arrogantiam. Verum, inquit, Augustinus etiam alios ad Ticonij hæretici Donatistæ lectionem adhortatur. Fatemur, sed neque horatur omnes, neque ad omnia hæreticorum legenda; sed vnius Ticonij; neque omnia quidem illius, sed vnum duntaxat librum in quo multa utilia, pauca noxia continebantur; quæ & ipsa monet idem Augustinus diligenter cauenda esse; Hæc enim sunt eius verba: *Quod ideo dicendum putavi, ut liber ipse legatur à studiosis, quia plurimum adiuvatur ad scripturas intelligendas; & non de illo speretur tantum, quantum non habet. Cautè sanè legendus, non solum propter quadam in quibus ut homo erravit, sed maxime propter illa quæ sicut Donatistæ hæreticus, loquitur. Hæc Augustinus. Igitur ille regularum liber Ticonij in eorum librorum numero reponendus est, qui propter multa quæ continent utilia, permittuntur lectoribus, dummodo vel annotentur, & præmonstrentur cauenda: ut sit in libris Origenis & Tertulliani, ac nonnullis Cypriani; vel certiori consilio, quæ in talibus libris hæretica vel suspecta loca*  
repe-

reperiuntur, penitus expungantur, vti faciendum esse in quibusdam huius nostri seculi auctoribus sapienter admodum decreuerunt Patres ad librorum prohibitorum indicem conficiendum à Tridentina synodo selecti. Quid igitur est quod quidam suæ curiositati vtilitatem tantopere prætexunt, dicentes in hæreticorum libris plurima contineri vtilia, & ad rectam scripturæ intelligentiam & germanum eius sensum percipiendum, vehementer conducentia; cùm Augustinus vnum Tychonij librum ad scripturas intelligendas plurimum conducibilem, vtpote regulas seu claves quasdam interpretandæ scripturæ necessarias ex professo tradentem, moneat non nisi summa cum cautela legendum esse? Quod si vel maximè tibi vtilitatem aliquam liber hæreticus sit allaturus: ante omnia tamen cauendum erat scandalum, id est periculum tuum. *Si manus tua, vel pes tuus scandalizat te, ait Dominus, abscinde eum, & projice abs te. Bonum est tibi ad vitam ingredi debilem vel claudum; quàm duas manus, vel duos pedes habentem, mitti in ignem æternum. Quin etiam si oculus tuus scandalizat te: erue eum & projice abs te. bonum est tibi unum oculum habentem in vitam intrare, quàm duos oculos habentem mitti in gehennam ignis.* Esto igitur, quod dicis; liber aliquis hæreticus instar oculi videre te faciat & intelligere multa in scripturis divinis;

nimis ; at tibi satius est ea omnia ignorare,  
 quàm cum tuo periculo discere. Quanquam,  
 vt plenius tibi respondeamus, profecto nimis  
 bene sentit de aduersarijs, & nimis malè de  
 domesticis qui existimat ad scripturæ verbiq̃ue  
 diuini thesaurum peruestigandum, plus admi-  
 niculi ex hæreticorum scriptis, quàm catholi-  
 corum, consequi se posse ; vtcunque illi lin-  
 guarum, & secularis scientiæ præsi-  
 dijs, seu potius inflati, ad scripturam interpre-  
 tandam accesserint. Non enim hæreticorum  
 synagoga, sed Catholicorum ecclesia, pignus  
 à Deo accepit spiritum veritatis, qui cum ea  
 maneat in æternum. Ad quem veritatis spiri-  
 tū pertinet in primis recta interpretatio scrip-  
 turarum. Quoniam igitur, Auditores, vt finem  
 dicendi faciam, satis ostensum arbitror ; pri-  
 mum quidem apostolicam sententiam non fa-  
 uere, sed aduersari potius ijs qui libros hæreti-  
 corum legendos putant ; cū neque iudicio  
 ecclesiæ probantis acquiescant, neque quod  
 bonum est constanter teneant ; Cumq̃ue facta  
 maiorum à minoribus in exemplū trahi, contra  
 liquidam & expressam doctrinam illorum, non  
 debeant ; Cum denique nihil aut ferè nihil in  
 scriptis hæreticorum reperiatur, quod non  
 purius reperiatur, & securius legatur apud scrip-  
 tores Catholicos : sanè quisquis sibi suæque  
 saluti prospectum volet, siue doctus ille sit  
 siue

Rom.  
m.

siue indoctus, ne sit prudens apud semetipsum, neque plus sapere velit quàm oportet, non velum vtilitatis noxiæ curiositati prætendat, atque ita semetipsum fallat; sed quæ dudum approbata sunt, teneat, quæ reprobata, fugiat; quæ semel decreta sunt & iudicata, in dubium reuocare non præsumat; sed obedientem se filium ecclesiæ Catholicæ per omnia præbeat; illudque semper metuat, quòd, Pio 4 summo Pontifice teste, librorum ab hæreticis editorum lectio non modò simplices homines corrumpere soleat, verùm etiam sæpe doctos eruditosque in varios errores & à veritate fidei Catholicæ alienas opiniones, inducere.

*Habita anno 1589. 27 Septemb.*



ORATIO ●

# ORATIO QVINTA.

*Contra auaritiam scientia.*



ERIT ò apud omnes  
malè audiunt, & vul-  
go execrabiles habentur  
diuites qui auaritiæ  
morbo laborant hoc præsertim tem-  
pore, quo clamor pau-  
perum longa fame af-  
flictorum, & tantum

non pereuntium, non nostras tantùm aures  
impleuit qui iam propemodùm ad eorum eiula-  
tiones quotidianas obsurduimus; sed iam in  
cælum ascendit, iam nubes penetrauit, iam in  
aures Domini Sabbaoth introiuit; ultionem  
haud dubiè reportaturus de nobis, nisi charita-  
tis & misericordiæ sinû erga fratres famelicos  
& pereuntes largius expandamus. Terribile  
est



1. Ioan.

2.

dist.

26. cap.

Pasce.

Mat.

23.

est quod ait apostolus Ioannes; *Qui habuerit subit inuiam huius mundi & viderit fratrem suum necesse habere & clauseri viscera sua ab eo; quomodo charitas Dei manet in eo? & illud cuiusdam: Pasce fame morientem; si non pauperis occidisti. Maxime verò terribile fulmen illud Dominicum; Discedite à me maledicti in ignem æternum; Esurini enim, & non dedistis mihi mām lucare: Sitiui, & non dedistis mihi potū; hospes erā, & non collegistis me: Nudus, & non operuistis me: Infirmus, & in carcere eram, & non visitastis me. Copiosum est hoc argumentum, auditores, atque omnino temporis huius: sed fortasse non huius loci. De quo proinde nunc non dicam plura: Cæterum comprehensum est inter homines & quidem inter doctos, aliud quoddam auaritiæ genus, priore illo longè detestabilius, longèque nocentius; De quo nunc, quia cum doctis mihi sermo est, pro temporis angustia breuiter dicere institui; spero & vtiliter me dicturum, Deo adiuuante. Est hæc auaritia spiritualis, quam auaritiam scientiæ scriptor quidam nominat. Sicut enim auarum vulgo dicimus, qui cum pecuniam, allaque terrena, atque huic temporali vitæ subseruientia bona possideat ipsque abundet, non tamen ea erogat in vsus necessarios, sed inutili thesaurum sibi colligit, sibi que soli reseruat; ita scientiæ auarum rectissime dixeris eum, qui cum scientiæ donum à Deo acceperit,*

non

non tamen erogat illud in vtilitatem proximorum , sed tanquam thesaurum diligenti studio collectum, nemini mortalium vsu futurum auarè sibi retinet . Quod cum in omni scientiæ genere, quæ vtilis esse possit reipublicæ, iustam reprehensionem mereatur ; in ea profecto, quæ omnium vtilissima est & maxime necessaria, id est rerum diuinarum scientia, non potest non vehementer culpabile, imo & valde detestandum, haberi. Hoc igitur est, auditores, quod hac oratione mihi tractandum & probandum sumpsi, cum primis esse detestabile hoc auaritiæ genus, atque adeo detestabilius illa quam vulgus auaritiā vocat & præcunctis vitijs exosam habere solet. Quo monstrato, diluam & ea quæ à nonnullis in huius criminis excusationem adferuntur. Primum omnium quoniam nihil ad probationem efficacius Dei verbo adferri potest ; parabolam euangelicam à Salvatore propositam, audiamus : In qua homo peregrè proficiscens, ita bonorum suorum dispensationem seruis suis paritus est, vt vni quinque talenta, alij duo, alij vnum crederet unicuique secundum propriam virtutem. Horum duo priores, operando, summam acceptam duplicarunt : Tercius, vnum quod acceperat talentū, abiens fodit in terram, & abscondit pecuniam Domini sui. Venit tempus rationis reddendæ. Illi audiunt  
à Do-

à Domino; *Euge serue bone & fidelis: quia super pauca fuisti fidelis, super multa te constituam; Intra in gaudium Domini tui.* Hic vero quamuis ei excusationis verba non deessent Scio quia homo durus es; metis ubi non seminasti; & congregas ubi non sparsisti; & timens aby & abscondi talentum tuum in terra. Ecce habes quod tuum est: Audire tamen meruit à iusto iudice; *De ore tuo te iudico serue nequam, serue male & piger. Quare non dedisti pecuniam meam ad mensam: & ego veniens cum usuris utique exegissem illam? Et rursum: Tollite ab eo talentum, & date ei qui habet decem talenta; Omni enim habenti dabitur, & abundabit; Ei autem qui non habet, & quod videtur habere, auferetur ab eo.* Quæ verò sententia in seruum inutilem? & inutilem seruum ejcete in tenebras exteriores; Illic erit fletus & stridor dentium. Graue profecto iudicium, sed iustissimum, in aua-  
 ros scientiæ possessores. Quid enim talenti nomine, nisi donum scientiæ à Deo acceptum, & in proximorum utilitatem erogandum, intelligimus? Talentum illud operando & negotiando duplicat, qui acceptum scientiæ donum bene & fideliter erogat atque dispensat; dispensando, fructum pietatis inter fideles multiplicat, ut eum offerre possit Domino suo, & dicere: Domine quinque talenta vel duo talenta, tradidisti mihi; ecce alia totidem superlucratus sum. Ille verò talentum accep-

acceptum fodit in terram, secundum Matthæum; vel reponit in sudario secundum Lucam; qui laborem fugiens, & inania pericula metuens, vel potius huiusmodi metum simulans, eumque desidiæ suæ prætexens; acceptum scientiæ donum, sine usu, sine fructu, apud se retinet; ipse interim aut terrenis desiderijs atque occupationibus implicatus. quod significatur defossione talenti in terram; aut certè amore quietis ( ut loquuntur ) id est, commoditatis vitæ, detentus. quod significat talentum sudario inuolutum. Pulchrè hoc ipsum notauit Ecclesiastes, ubi inter alia humana vitæ vanitates, & istam breui sententia damnauit. *Stultus, inquit, complicat manus suas; Cap. 4. & comedit carnes suas, dicens: Melior est pugillus cum requie, quàm plena utraque manus cum labore & afflictione animi: Nempe prætextu quietis, & vitandæ molestiæ, & laboris, & afflictionis animi ( quod ea fere coniuncta soleant esse cum dispensatione talenti cælestis in proximos ) complicat manus suas, id est ab opere dispensandæ pietatis abstinet, velut sibi viuens, sibi que consulens. Quem profectò stultum non vocaret sapientissimus scriptor, nisi eum à vera sapientia longè remotum, atque alienum iudicaret.*

Quæret aliquis, an igitur ex præcepto quisque teneatur scientiam quam habet, alijs com-

municare? Breuiter respondeo, sciantiam vti-  
 lem & salutarem tenetur quisque proximis.  
 eâ carentibus atque indigentibus ( si desint alij  
 per quos id rectè fiat ) pro opportunitate loco-  
 rum & temporum & personarum, benignè  
 communicare; ita vt sine graui peccato id pro-  
 prius omitti, sine culpa verò negligenter ac par-  
 cè fieri, non possit. Si enim non est hoc in præ-  
 cepto sed in cōsilio; aut si eius præcepti trans-  
 gressio siue omissio, non in grauioribus sed le-  
 uioribus peccatis habenda est; quid sibi vult  
 illa terribilis Domini increpatio, *serue male  
 & piger*? Quid illa inutilis serui proiectio in  
 tenebras exteriores, vbi erit fletus & stridor  
 dentium? Quin in ipsis Domini verbis vim  
 præcepti agnosce: *Negotiamini*, inquit, *dum  
 venio*. Et rursum: *Oportuit ergo te committere pe-  
 cuniam meam nummularijs*. Verbum, oportuit,  
 non libertatem consilij, sed necessitatem præ-  
 cepti, declarat, & quidem sub ea pœna quam  
 ex Euangelio modò commemorauimus, hoc  
 est, eternæ damnationis. Omitto generalia præ-  
 cepta: *Diliges proximum tuum sicut te ipsum*. Uni-  
 cuique Deus mandauit de proximo suo. Speciale  
 est illud Petri: *Unusquisque sicut accepit gratiam,  
 in alterutrum illam administrare, sicut boni dispen-  
 satores multiformis gratia Dei*. Et illud Pauli ad  
 Corinthios: *Vnicuique datur manifestatio spiri-  
 tus ad utilitatem*. Alij quidem per spiritum datur  
 sermo

1. Pet.  
 4

2. Cor.  
 12.

*Sermo sapientiæ, alij autem sermo scientiæ secundum eundem spiritum &c. Ad utilitatem, inquit, non ad otium. Ad utilitatem verò, non suam tantum, sed totius corporis; quemadmodum ex analogia corporis naturalis, & membrorum eius, quam eodem loco subiicit apostolus; euadit perspicuum. Si enim absurdum est in corpore naturali oculum sibi soli videre, non pedibus, non manibus, non reliquo corpori; quanto erit absurdius in corpore Christi quod est ecclesia, cuius omnia membra charitate compaginata esse oportet, si membrum eius aliquod scientiâ illuminatum, qua cæteris rectam viam commonstrare possit, non eam in publicum vsum proferat, sed otiosam atque inertem apud se torpescere sinat? *Lucerna corporis tui est oculus tuus. Atqui nemo accendit lucernam & ponit eam sub modio, sed super candelabrum, ut luceat omnibus qui in domo sunt. Audi Salomonem de communicandâ scientiâ in mysterio differentem: Deriuantur fontes tui foras; & in plateis aquas tuas divide. Et alibi: Mane semina semen tuum, & vespere non cesset manus tua. Mane, id est, in iuuentute; Vespere, in senectute. Nee putes inutile futurum, Quia nascis, inquit, quid magis oriatur, hoc aut illud: Et si utrumque simul, melius erit. Audi & Ecclesiasticum: Quod habes in manu, ciba ceteros. Sapientia enim abscondita, & thesaurus inuisus; qua utilis**

Ecclesiasticus 21.

*in utrisque? Melior est qui abscondit stultitiam suam, quàm qui abscondit sapientiam suam. Quare etiam suo exemplo idem Sapiens ad communicandam sapientiam nos omnes admonet:*

*Ca. 24. Videte, inquit, quoniam non soli mihi laboravi, sed omnibus exquirentibus veritatem. Et alter beneficio Dei de accepta sapientia non ingratus,*

*Sap. 7. ait; Quam sine fictione didici, & sine invidia communico & honestatem illius non abscondo. Præclarum certè in utroque exemplum; quod utinam imitentur omnes sapientiæ studiosi. Quod si à natura petendum est exemplum; an non Sol, Luna, stellæ, aliæque lucida corpora, lumen suum, pro suo quodque modo, vel in remota vel in proxima quæque diffundunt? Quod si à consuetudine; quis ferat hominem lucernæ suæ lumen, lucernis aliorum communicare nolentem? Omnino enim simile quid habet scientia cum lumine lucernæ. Nam sicut illud communicari potest absque ullo eius detrimento: sic & scientia. Qua in re perspicuum est quanto detestabilior sit avarus scientiæ, quàm avarus pecuniæ. Non enim adeo mirandum, si qui pecunias habet, non eas elargitur in alios; quoniam eas largiri non potest, nisi ipse dominus earum esse disinat. O angustas inopesq; diuitias, ait in Consolatione philosophica Boëtius, quas nec habere totas pluribus licet, & ad quemlibet sine oc-*

*tero-*

*rerum paupertate non veniunt.* At thesaurus ille sapientiæ & scientiæ, quæ sunt diuitiæ nostræ spirituales, nulla largitione minuitur, nulla profusione exhauritur. Est enim bonum quoddam cæleste ac diuinum. Sicut enim Deus bona sua atque adeo seipsum absque vlllo sui detrimento communicat; ita potest & hoc bonum à nobis, absque vlla eius diminutione communicari. Et proinde inexcusabilis est quisquis scientiæ suæ participes alios facere recusat. Dicam aliquid amplius. An non omni execratione dignus videretur, qui frumentum, aut panem, aut pecuniam erogare nollet in pauperes famelicos, quando eius & copiam haberet, & tali largitione non solum minui non posset thesaurus eius, verùm etiam augeretur continuò: contrà verò, asservatione minueretur; morte possessoris penitus amitteretur? An non eum tanquam humani generis, atque ipsius naturæ hostem, diris omnibus omnes deuouerent? Atqui prorsus eiusmodi est, qui scientiæ thesaurum, cùm habeat penes se, sintque tam multi passim per ciuitates, per vicos, per domos qui densis ignorantie tenebris immerfi, doctrina atque institutione indigēt, multo certè plures quàm videmus hodie panē mendicantes passim in plateis; nolit tamen ex eo thesauro quicquam depromere quo alij instituantur ad salutem. Nam scientia,



tia, vt quidam ait, distributa recipit incrementum, & auarum dedignatur possessorem. nisi publicetur, elabitur; publicata augetur. Et notū est illud ex philosophia, Habitus per operationes augeri, radicari, & meliorari; per cessationem animi, labefactari, ac deteriores effici. Post mortem verò thesaurus pecuniæ viuentibus relinqui potest; thesaurus scientiæ non potest. Etenim, quod dici solet, Auarus quod in vita non facit, post mortem facit, ditans amicos aut hæredes; At qui scientiæ tenax, nihil eius dum viueret in commune expendit, relinquere eam post se non potest; moriens totum amittit & sibi & alijs. Vbi rursum meminisse nos conuenit parabolæ euangelicæ, in qua à seruo pigro & inutili ablatum est suum talentum; atque ei datum, qui multiplicata iam talenta receperat. *Tollite inquit Dominus, ab eo talentum, & date ei qui habet decem talenta; Omni enim habenti dabitur, & abundabit; Ei autem qui non habet, & quod videtur habere, auferetur ab eo.* Habet enim qui vtitur; non habet autem & videtur habere, qui cum habeat non vtitur. Vnde illud vulgo tritum ex Mimmo Publicano, *Auaro iam deest quod habet; quàm quod non habet.* Si enim rectissime dictum est à Poëta,

*Quò mihi diuitia, si non conceditur vti?*

Cur non etiam verissime dicatur; *Quò mihi doctri-*

doctrina, si non conceditur uti? Sed hac de re  
 beatum Augustinum, si placet, loquentem  
 audiamus: Ita enim ait l. i de doct. Christ. c. i  
 Omnis res qua dando non deficiit, dum habetur &  
 non datur, nondum habetur, quomodo habenda est.  
 Ille autem ait: Qui habet, dabitur ei. Dabit ergo  
 habentibus; id est, cum benignitate utentibus eo  
 quod acceperunt, adimplebit atque cumulabit quae  
 dedisti Illi quique & illi septem erant panes, ante-  
 quam inciperent dari esurientibus. Quod ubi fieri  
 cepit; cophinos & sporias, satiatis tot hominum mil-  
 libus, implerunt. Sicut ergo ille panis, dum fran-  
 geretur, accreuit; sic ea qua ad hoc opus aggredien-  
 dum iam Dominus praeiuit, cum dispensari cape-  
 rint; eo ipso suggerente, multiplicabuntur, ut in ipso  
 hoc nostro ministerio, non solum nullam patiamur  
 inopiam, sed de mirabili etiam abundantia, gau-  
 deamus. Haec ille. Iam si concertamus oculos  
 ad rem subiectam; quis non videt, quanto sit  
 preciosius, quantoque magis homini necessa-  
 rium, quod subtrahitis, qui scientiam abscon-  
 dit, quam qui pecuniam? utpote non ad cor-  
 poris sustentationem sed animae salutem per-  
 tinens. In illo enim divinae scientiae thesauro,  
 latet cibus regius, frumentum electorum, &  
 vinum germinans virgines. Quae singula ex-  
 phicarem; nisi me instituta breuitas prohibe-  
 ret. Haec vero si non proferuntur; non pasci-  
 tur anima, sed fame verbi Dei deficiens, atque

extabescens, emoritur. Si ergo corporis interfectorem meritò dicimus eum, qui proximum inedia morientē, cū possit, non pascit; iuxta illud, *Si non pauiſti, occidiſti*: quod excusationis velū obtendet, quo minus interfecto animæ iudicetur apud Deum, qui animā proximi sui fame verbi Dei defectā ac pereuntem, panē cēlesti non refecit, non erigit, non confortat, ne in eternam mortē abstrahatur? Si maledicitur in populis, qui abscondit frumentum tempore famis, ut est in Prouerbijs Salomonis: qua maledictione ferietur, qui inter tot millia animarum esurientiū, celat verbum salutis in tēpore necessitatis: Nonne anima plus est quā esca? Non est magnum pascere ventres morituros; sed magnum est pascere animas in eternum victuras, ait Augustinus. Gregorius verò audet & dicit; *Maius miraculum est verbo consolationis peccatorem conuertere, quā carnem mortuā suscitare.* Quod autem, etiam extra necessitatem extremam, non absque iniuria proximorum, possit abscondi scientiæ talentū; his verbis testatur Bernardus. *Rem profecto proximi retines, si aonis scientia et eloquentia adornatus, verbum bonum, quod posset prodesse multis, inutili, imo damnabili silentio ligas.* Certē maledictus qui frumenta abscondit in populis. Ac metuendum sanē, ne is qui eiusmodi est, cogatur aliquando propheti-cum illud exclamare: *Fam mihi quia tacui.* Nam & apo-

apostolus testatur & dicit : *Va mihi si non euangelizauero ; necessitas enim mihi incumbit . non propter temporalis subsidij defectum , vt putant quidam ; sed propter periculum damnationis æternæ . Va vobis , ait Dominus ad legislperitos , quia tulistis clauem scientiæ ; ipsi non introitis , & eos qui introibant , prohibuistis .* Luc. 11. Cùm enim portatur clauis scientiæ , & ianua secretorum cælestiũ non aperitur , nec ipse qui clauem portat , intrat , & alios intrare volentes prohibet . Satis pro breuitate temporis ostendimus , auditores , teneri vnumquemque scientiam vtili & salutarem , cuiusmodi maximè est scientia rerum diuinarum , tanquam donum ad vtilitatem aliorum , & vt alibi loquitur apostolus , *ad edificationem corporis Christi* sibi à Deo 1ph. 4. datum , cõmunicare ac dispensare loco & tempore , præsertim si desint alij , per quos rectè id fiat ; cõque teneri magis , quo magis ad æternam salutem est necessarium ignorantes ea instrui , & quo maius accipitur detrimentũ , si non fiat . Satis id quoque patuit , quàm damnabile ac detestabile sit hoc spiritualis avaritiæ genus , ideoque doctis omnibus , qui suæ salutis consultum velint , modis omnibus fugiendũ . Hæc autem cùm generaliter dicta sint , de talento scientiæ in proximorum salutem expendendo , quod multis modis etiam extra curam pastoraalem fieri potest ; quæret aliquis , vtrum eadem

eadem ratio cogat eum, qui doctrina & gratia sermonis sufficienter instructus est, ut verbo Dei pascere possit oves Christi; vel semetipsum ad id muneris offerre, vel à superiore oblatum suscipere? Ad hanc questionem, male sanctorum verbis, quam meis respondere; faciam autem id breuissimè; prolatis trium patrum, Augustini, Prosperi & Gregorij sententijs, ut in ore trium testium stet omne verbum. Augustinus libro 19 de ciuit. ita scribit: *Ocium sanctum querit charitas veritatis; negotium iustum suscipit necessitas charitatis. Quam surcinum si nullus imponit; percipienda atque inuenda vacandum est veritati: Si autem imponitur, suscipienda est propter charitatis necessitatem.* Et epistola 81. *Siquam operam vestram mater Ecclesia desiderauerit; nec elatione anida suscipiatis, nec blandiente desidia respuatis, nec vestrum ocium necessitatibus Ecclesie praponatis; cui parituri si nulli boni ministrare vellet, quomodo nasceremini, non inueniretis.* Prosper lib. 3 de vita contemplatiua, de ijs, qui contemplationis audi, publicis muneribus se lubducunt, differens; *Videndum est, inquit, utrum iuste faciant illi, qui se remouentes ab occupationibus cunctis, ac studijs spiritualibus offerentes, nihil humane societati proficiunt; Et desideria sua commodis omnium preferentes, utilitatem communem desiderate vacationis electione contemnunt: Cum profecto, laborantibus opem ferre*  
*nolle,*

nolle, cum possis; & communi bono posthabito, ois-  
sa quiete frui velle, nihil habeat equitatis. Cui equi-  
tati qui seruiant: omnes omnium bono vivunt, ac  
velut sibi inuicem nati, salutem mutuanam iuventur ac  
diligunt. Ac per hoc, contra iustitiam faciunt hi,  
qui merito suae conversationis vel eruditionis electi,  
otiosum studium fructuosa vili: ac regenda multi-  
tudo anteponunt; & cum possint laboranti Ecce-  
sia subuenire, operosa administrationis laborem,  
fruenda quieti contemplatione refugunt. Sed quo-  
niam sunt multi, qui se impares tantæ sarcina no-  
rant; tales iuste se, etiam quesiti, non offerunt, ne  
videantur non ecclesiasticos labores velle suscipere,  
sed honores ambire; cum dignitas ecclesiastica nec  
ambienda sit nec vitanda. Qui verò præesse & pro-  
desse populo possunt; si quesiti non fuerint, iuste se-  
ipso percipiendæ sapientiæ studijs tradunt. Ha-  
tenus Prosper. Tertius nunc accedat Grego-  
rius ille magnus, qui in libro curæ pastoralis  
ita scriptum reliquit: Sunt nonnulli, qui exima  
dona virtutum percipiunt & pro intermissione cete-  
rorum magnis muneribus exaltantur. Qui nimi-  
rum culmen regiminum si vocati suscipere renunt;  
ipsa sibi plerumque dona adiungunt, quæ non pro se  
tantummodo, sed etiam pro alijs acceperunt. Cumq;  
sua & non aliorum lucra cogitant; ipsis se, quæ pri-  
mata habere appetunt, bonis primant. Hinc itaque  
ad discipulos veritas dicit, Non potest civitas abs-  
condere super thronum positum. Et, Nemo accendit tu-  
cernam

*bernā et ponit eam sub modio; sed super eandem  
 labrum ut luceat omnibus qui in domo sunt. Hinc  
 Petro ait: Simon Ioannis amas me? Qui cum ama-  
 re se protinus respondisset; audiuit; Si diligis me,  
 pascue oves meas. Si ergo dilectionis est testimonium  
 cura pascionis; quisquis virtutibus pollens gregem  
 Dei pascere renuit, pastore summū convincitur non  
 amare. Et infra. Sunt itaque nonnulli, qui mag-  
 nis, ut diximus, muneribus ditati dum solius con-  
 templationis studiis inardescunt; parere utilitati  
 proximorum, predicatione refugiunt, secretum  
 quietis diligunt, secessum speculationis petunt. De  
 quo si districte indicetur, ex tantis procul dubio rei  
 sunt, quantum venientes ad publicum, prodesse potue-  
 runt. Qua enim mente, is qui proximis profutur-  
 us est: esceret, utilitati ceterorum secretum prae-  
 ponit suum: quando ipse summi Patrie unige-  
 nitus, ut multis prodesset, de sinu patris egres-  
 sus est ad publicum nostrum? Hæc Gregorius:  
 Ex his igitur atque huiusmodi sanctorum  
 Patrum sententijs, primum hoc discimus, Si  
 quis ineptus sit regendæ multitudini quod  
 vel scientiâ careat, vel alia ratione imparē at-  
 que indignū eo munere se norit; offerre se non  
 debet imo nec oblatam curam suscipere. Si  
 verò ad id muneris idoneus iudicetur ab ijs,  
 quorum iudicio meritò debet acquiescere;  
 nisi ipse contrarium certo nouerit, offerre  
 se quidem ad munus pastorale non te-  
 netur*

netur, nisi magna proximorū necessitas id postulet; oblatum verò atque à superiore iniunctum, recusare pertinaciter non licet. Quare non facile admittenda est eorum excusatio, qui quasi ex humilitate, ut onus pastorale subterfugiant, impares se tanto oneri profitentur. De quibus ita scribit Gregorius : *Sunt nonnulli qui ex sola humilitate refugiant, ne eis quibus impares se existimant preferantur. Quorum profecto humilitas, si ceteris quoque virtutibus cingitur, tunc ante Dei oculos vera est, cum ad respuendum hoc quod viliter subire precipitur, pertinax non est. Neque enim verè humilis est qui superni nutus arbitrio, ut debeat præesse, intelligit; & tamen præesse contemnit.* Sic ille. Multa alia, auditores, in hanc questionē conferri poterant, ut quæ iustā, & benelimatam tractationem requirant, & bene tractata utilitatem non parvam cōtineat; sed ne molesti simus, tandē claudenda est oratio. Vtinam verò doctis omnibus eum charitatis affectum inspiret omnium bonorū author Deus, ut intelligant & rebus ipsis declarent se thesaurum scientiæ suæ portare atque circumferre non ad fastum & ambitionem, non ad quæstum & avaritiam, non ad curiositatem & vanitatem, non ad contentionem & æmulationem, sed ad honorem & gloriam Dei imprimis, deinde ad suam & proximorum salutem, ac totius ecclesiæ ædificationem. Ita namque futurum, ut qui

Past. p.  
1. c. 6.



qui ex timore & amore Dei, non turpis lucri gratia, sed voluntariè verbo salutis pauerunt gregem Dei: cùm apparuerit princeps pastorum percipiant immarcescibilem gloriæ coronam. Ita futurum aliquando, vt qui docti fuerint, ac doctrinæ suæ talento bene vti; in illa retributione iustorum fulgeant quasi splendor firmamenti, & qui ad iustitiam erudiunt multos, quasi stellæ in perpetuas æternitates. Quod nobis omnibus concedat, qui est in secula benedictus.

*Fuit habita anno 1587. 23 April.*

## Additio Authoris .



REGORIUS lib. pastor. curæ pa. 3. adm. 26 agit prolixè contra eos qui cùm prædicare valeant; nimia & vitiosa humilitate recusant, & citat ad hoc multas scripturas & rationes, Vide etiam

etiam hom. 17 in euangelia, vbi etiam multa huius argumenti habentur. Locus est insignis apud Augustinum lib. 32 contra Faustum ca. 10. vbi pulchrè huc adducit quod est Deuter. 25 de eo qui non ædificat domum fratris sui.



# ORATIO

## SEXTA.

*Præter unam Catholicam fidem  
non esse salutem.*



ER SVASVM iam olim quibusdam fuit, auditores, non referre qua opinione quisque de Deo, rebusque diuinis imbutus sit: Posse nimirum vnumquemque mortalium Deum sibi promereri in quacun-

que religione, & in quacunque secta seu hæresi, dummodo piè secundum conscientiam, diuinum numen coleret ac veneraretur. Ad hunc modum sensit & scripsit sancti Ambrosij tempore Symmachus quidam vrbs Romæ præfectus in oratione quam populi Romani nomine

nomine ad Imperatores Christianos Valentinianum & Gratianum pro sacris Deorum restituendis habuit. In ea enim oratione cum laudasset Constantium Imperatorem, quod Romanis ceremonijs nil detraxisset; quodque illas, ipse licet aliam religionem secutus, imperio conseruasset, hæc subiunxit verba : *Suus enim cuique mos, suus cuique ritus est. Varios custodes urbibus, & varios cultus mens diuina distribuit. Et anima nascentibus, i a populis natales genij diuiduntur.* Et nonnullis interpositis : *Aequum est, quicquid omnes colunt, unum putari : Eadem spectamus astra, commune calum est, idem no mundus inuoluit, Quid interest quia quisque prudentia verum requirat? Vno itinere non potest perueniri ad tam grande secretum.* Sic ille. Similis fere fuit oratio Themistij philosophi, qui vt Valens Arianus Imperatoris grauius Catholicos diuerxantis animum leniret atque ab incepto reuocaret, referente Socrate lib. 4 c. 27. & Sozo. lib. 6 cap. 36. admonuit eum, ne qua ipsum caperet admiratio de Christianorum in religionis negotio dissensione. Eam enim perexiguam esse si cum multitudine ac turba opinionum, quæ sunt apud gentiles philosophos, compareretur : Deumque velle tam diuersa ac dispari opinionum ratione suam gloriam illustrare, quo singuli eius maiestatem propterea magis reuerentur, quod non sit cuiquam in promp-

tu eum accuratè cognoscere. Sed fuerit hæc fortasse gentiliū, seu philosophorum, seu quorumlibet stulta persuasio. Non enim diuersarum nationum populi, cū singuli suos colerent Deos, suumque colendi ritum tenerent, alias nationes damnasse leguntur, quòd vel Deorum diuersitate vel cultus disparitate à se discreparent; quoniam semel admissa religionis diuersitas ac Deorum multitudo, neque forma neque numero terminum recipiebat aut modum: magisque vnaquæque natio sibi videbatur religiosa, si plures ex alijs quoque gentibus sibi Deos aggregaret. Hinc apud Athenienses ara ignoto Deo extructa, cuius, si

Aa. 17.

Cap. 1.

Beato Hieronymo in epistolā ad Titum commentanti credimus, talis inscriptio erat: *Dij Asia & Europa & Africa, dijs ignotis & peregrinis.* Hinc apud Romanos subinde noui Dij in Capitolium ex decreto Senatus cooptati ac prioribus appositi. Quæ illorū superstitio tandem fuit cōsulque progressa, vt toto mundo nihil esse Deorum putaretur, quod Roma non coleret. *Hæc ciuitas*, inquit Leo serm. 1 in natalem apostolorum Petri & Pauli, *ignorans sue prouectionis auctorem, cū penè omnibus dominaretur gentibus, omnium gentium seruiebat erroribus & magnam sibi videbatur assumpsisse religionem, quia nullam respuebat falsitatem. In ea namque diligentissima superstitione habebatur collectum, quis-*  
quid

*quid usquam fuerat vanis erroribus institutum.* Fuerit igitur hæc gentilium persuasio; quos euangelicæ lucis expertes, nihil est mirum ad omnem erroris vanitatem, credulitatis sinum expandisse. Mirandum verò magis est inter eos qui Christi nomen profitentur, & ad lucem accesserunt euangelicam, hoc seculo non defuisse, qui quod illi de omni religione, hoc ipsi de ea quæ Christum agnoscit, quocunque nomine censeatur, docere & scribere non fuerunt veriti; nimirum omnem hominem cuiuslibet opinionis & sectæ saluatum iri, si a Christo capite peruersa aliqua opinione non recedat; vel certè, si fidei summam teneat, quæ est in apostolico symbolo expressa; neque hostiliter eos insectetur, qui eandem fidei summam tenentes, alijs quibuscunque Christianæ doctrinæ controuersijs ab ipso fortè dissentiant; neque ab ijs schismate aliquo sese separet, sed cum ijs omnibus, tanquam eiusdem fidei, spei, & charitatis consortibus communionem & societatem retineat. Quam doctrinam primum ab vno & altero autore profectam & disseminatam, quòd prima facie blanda, grata, iucunda esset, multi auidè hauserunt. Quid enim amore blandius, quid pace gratius, quid salute iucundius? Vnde & amoris seu charitatis nomen hæc secta inuenit; & hoc tam specioso titulo facile quàm plurimos ad se pellexit.

Quæ si vera esset ; cùm ad salutem omnibus  
ijs qui Christianum nomen profitentur, tam  
breue faciat compendium ; quid causæ est ob-  
secto, quod tam serò dogma tam necessarium  
Christianis innotuit ? Cur nunc tandem reue-  
larum est, quod tot retroactis seculis Eccle-  
siam Christi latuit ? Fuit quidem olim Apelles  
quidã, qui vt ex Rhodone quodã commemo-  
rat Euf. brius lib. 5 cap. 13, diceret de fide non  
esse curiosius inquirendum sed vnumquem-  
que in ea fide perstare debere, quam professus  
fuisset. Eos enim qui in Christum crucifixum  
spem coniecissent, saluos fore, dummodo in  
bonis operibus sedulò versati reperirentur.  
Verùm Apelles ille hæreticus fuit Marcionis  
sectator ; & hanc eius sententiã ne refutatione  
quidem dignam Patres censuerunt ; præsertim  
cùm is solus ac præter eum nemo alius tale  
quid dixisse legatur. Nisi forte idem cum eo  
fenserunt Rhetoriani, quorum & Philastrius  
in catalogo hæreseon & post eum Augustinus  
hæresi 72 meminit, orti à Rhetorio quodam ;  
qui omnes hæreticos rectè ambulare & vera  
dicere affirmabat. *Quod ita est absurdum, inquit*  
*Augustinus, vt mihi incredibile videatur eum id*  
*affirmasse.* Sed hoc forsitan illa hæresis voluit,  
quod dixerat Apelles, quodque nostro seculo  
Cassander docuit ; nempe nullam hæresim sic  
errare vt à salute abducatur, quamdiu in Chri-  
stum

stum creditur, vel apostolicum symbolum tenetur. Præter hos igitur alium huius opinionis assertorem hætenus in scriptis veterum reperire non licuit. Habet autem religio Mahometana quiddam prorsus simile. Namque author & institutor eius Mahometes confirmat omnes recte viuentes atque vniū Dei cultores, seu Iudei seu Christiani fuerint, seu relicta sua lege in aliam abiuerint, indubitanter diuinum amorem assecuturos. In Iudæos verò & Christianos grauitè inuehitur, quòd omnibus diuersam à se religionem tenentibus, aditum paradisi præcludant. Nunc mihi considera, auditor Christiane, (vt ad confutationem dictæ opinionis descendam) quos authores vel illa ipsa, vel quæ illi planè respondeat opinio, habuerit iam olim; nempe, primum paganos, deinde hæreticos, denique Mahometanos. Ab horum authoritate si fas est argumentum ducere; habebunt Cassandriani, quo suam doctrinam probabiliter defendant. Sin verò talium authoritas suspectam potius reddit sententiam; reiicienda profectò atque explodenda nobis est hæc doctrina, vnà cum suis authoribus. Cæterùm clarius hoc ipsum euadet, si proprijs argumentis rem examinemus. Primum igitur, nemo dubitauerit fidem Christianam esse totius Christianæ religionis, & proinde salutis nostræ fundamentum; quo sub-

Alco  
ca. l.

G ;

lato



lato ipsam quoque religionem corruere & salutem excidere sit necesse. Porro fides non est, nisi sit integra; sicut & alia quæcunque virtus non ab vno vel altero abiecto contrario virtutis rationem accipit, sed ita demum, si quicquid est contrarium abijciatur. Neque enim iustum dixeris eum, qui vni & alteri quod ipforum est, tribuit, alios interim debita pecunia defraudans; neque castum qui aliena quidem vxore abstinet, sed scortationibus seipsum commaculat: Ita fidem, quæ Theologica virtus est, habere non dicitur qui partem eorum quæ credenda sunt, recipit, partem reijcit. Credenda sunt autem non ea sola quæ in symbolo apostolico sunt expressè posita, sed omnia quæcunque verbi Dei ambitu continentur. Est autem geminum Dei verbum, alterum scriptum, alterum sine scripto traditum. Et, ne de verbo non scripto quæstionem moueamus; quàm multa continentur scripturis veteris & noui testamenti, quæ non sunt apostolico symbolo comprehensa? Quæ tamen omnia ad verbum Dei quod fide recipiendum est, pertinere, nec aduersarius negauerit. Quid si ergo quispiam apostolico symbolo contentus, scripturas diuinitus inspiratas neget? Quid si saltè de vno aliquo ex quinque Moy- si libris, vel vno ex quatuor euangelijis ita sentiat, vt non diuino sed humano spiritu putet esse

esse conscriptum? Quid si neget Deum locutum fuisse in patriarchis & prophetis; legem dedisse populo Israelitico; Christum multò antè promississe venturum Salvatorem ex semine Abraham, ex tribu Iuda, ex stirpe David? Nunquid quia nihil horum symbolò continetur idcirco eum qui hæc omnia vel aliquòd horum negauerit, retenta interim symboli confessione; aut fidem Christianam habere dicamus, aut cum illa sua qualicunque fide saluum fieri posse putabimus? Absit à mente Christiana rem adeo absurdam cogitare. Sed plenius adhuc, si placet, absurditatem illius sententiæ consideremus. Quæro, utrùm innumerabiles hæreticorum sectæ quæ iam inde ab initio existerunt, iure ac merito damnatæ fuerint vnà cum suis dogmatibus, ab ecclesiâ Christi? Quod si de recentioribus tergiuersatur fortassis aduersarius, ne causam suam manifestò deferere videatur; at certè de antiquioribus, quin ita se res habeat, negare non audebit, ne veteris quoque ecclesiæ iudicium omne contemnere videri velit. Atqui inter tam multas hæreses, vix paucas inuenies, quæ symbolo apostolico diserte & expressè contradicant. Nam Simone, Marcione, Manichæo & alijs nonnullis exceptis, reliqui omnes eiusmodi sunt, ut suas hæreses nihil cum symbolo apostolico pugnare existiment, quod proinde & ipsi non

grauatè recipiunt, & suis etiam sectatoribus  
 tenendum præscribunt; tantum abest ut illi  
 differre & expressè vel in parte contradicant.  
 Exemplis rem declaremus. Nonatus eos qui in  
 persecutione lapsi essent ad communionem  
 per sacramentum pœnitentiæ recipi solebat;  
 sed tamen spem remissionis peccatorum co-  
 ram Deo, pœnitentibus non auferbat. Relin-  
 qui enim eos volebat misericordiæ Dei. Non  
 ergo expressè pugnabat contra illud symbolum,  
*Remissionem peccatorum*. Idem damnabat secun-  
 das nuptias: sed eas nusquam asserit symbo-  
 lum. Origenes sempiternas fore negat potestas  
 impiorum: In symbolo *vitam æternam* lego, in æ-  
 tem æternam non lego. Sabellius non agnoscit  
 tres distinctas in deitate personas; patrè tamen  
 & filium, & spiritum sanctum cum symbolo præ-  
 fitetur. Photinus Christum dixit non semper fu-  
 isse, sed ex virgine initium cepisse: Non tamen  
 Christum filium Dei negat, quod affirmat sym-  
 bolum. Arius negat filium patri consubstantia-  
 lem; Neque hoc asserit symbolum apostolicum.  
 Macædonius Spiritum sanctum creaturis ana-  
 numerat: Neque huic quidem symbolum ex-  
 pressè repugnat. Apollinaris Christum dixit  
 carnem sine anima suscepisse: Non legis id  
 symbolo Christum suscepisse carnem animatam.  
 Nestorius diuidebat in Christo personas, Eu-  
 tychius naturas confundebat: Symbolum nec  
 per-

personam nominat, nec naturam. Aërit. non  
ex ecclesiæ præscripto, sed pto voluntate leius  
nandum esse dicebat : Quid est in symbolo  
quod huic doctrinæ liquidd repugnet ? Idem  
orationes & oblationes pro mortuis contem-  
nebat : Sed nec eas expressè commendatas in  
symbolo reperies. Iovinianus omnia peccata  
dixit paria, & coniugiū virginitati adæquavit :  
Horum imparitatem non auitit symbolū. Hel-  
vidius perpetuū virginatē matris Dei contra-  
dicit : Symbolum virginē pronunciat, de per-  
petuitate tacet. Pelagius præcū originale ne-  
gat, docetq; posse hominē sola libero arbitrio,  
sine auxilio gratiæ Dei implere eius mandata :  
Huc nihil contrarium audis in symbolo. A-  
liorum hereticorum infinitam turbam præter-  
eo. De his. quare quos iam enumeravi, num  
eos talia sentientes & talia dogmatizantes rectè  
dānauent ecclesiā Christi, nō ante mille annos.  
Certe negare non potes, si priscæ saltem illi  
ecclesiæ suam dignitatem & auctoritatē tueri  
voles. Quare manifestè consequens est illorum  
dogmata, quamvis symbolo apostolico ex-  
pressè non repugnent, fidei tamen Christianæ  
repugnare, & nequaquam cum eius integritate  
consistere ; & proinde omnes eos qui talia  
vel docent vel sentiunt, tanquam fundamento  
sublato salutem consequi non posse. Et qui-  
dem ipsæ ecclesiæ sententiæ, quibus errores  
huius-

1. Cor.  
25.

huiusmodi cum suis authoribus & assertoribus percellit; id satis declarant. Omnibus enim anathematis pœnam annectit, eandem videlicet quam denunciat apostolus ijs qui Christum non amant; *Si quis, inquit, non amat Dominum nostrum Iesum Christum; sit anathema.* Sic in suis decretis ecclesia; *si quis hoc aut illud dixerit, aut hoc illudque negauerit: anathema sit.* Neque id solum, sed insuper eos hæreticos pronunciat, & ab eorum cōmunionē prorsus abstinendum præcipit, & suam illis communionem negat; ut qui nec fidei nec charitatis vinculo cum veris ecclesiæ filiis colligari possint. Neque verò vnquam aliter de ijs quorum dogmata damnauit, sensit ecclesia, quàm eos, dum in errore persistunt, etiamsi symbolum apostolicum recipiant, & diuersa sentientes non infectentur hostiliter, ad æternam salutem pertingere non posse; sed partem habituros cum diabolo & angelis eius. Quàm multa sunt in Athanasij symbolo (quod tota ecclesia vsu & authoritate sua confirmauit) quæ non sunt expressa in symbolo apostolico? At illius hoc principium est: *Quicumque vult saluus esse, ante omnia opus ut teneat Catholicam fidem; quam, nisi quisque integram, inuiolatamque serauerit, absque dubio in æternum peribit.* Quæ sit autem illa Catholica fides, verba sequentia doceant, in quibus, ut dixi, multa sunt, quæ symbolum

bolum apostolicum non habet. Ac rursus in medio: *Qui vult ergo saluus esse ita de vinitate sentiat.* Denique concluditur his verbis: *Hæc est fides Catholica, quam nisi quisque fideliter firmiterque crediderit, saluus esse non poterit.* Quod in eo symbolo tam disertis verbis expressum est, id in omnibus ecclesiæ decretis quibus aliquid fidei esse declarat, similiter est intelligendum; nempe saluos esse non posse, sed absque dubio in æternum perituros, qui definitam semel ab ecclesia fidem suscipere recusant; dum tamen ecclesiæ sententia sufficienter ijs fuerit manifestata. Quod quidem hodie de præcipuis qui controuertuntur articulis, latere non potest. Quæ cum ita sint: fugienda prorsus est ista persuasio, tanquam salutis æternæ naufragium, & certa ad interitû via; videlicet vnumquemq; hominem Christo ascriptum, quamcunque teneat sectam, in sua fide saluari posse, dummodo summa religionis capita quæ sunt in apostolico symbolo expressa, recipiat; & neminem eiusdem symboli participem à societate sua seu communionem hostiliter repellat. Quondâ inter Catholicos & Donatistas, beati Augustini tempore, longè minor erat discrepantia doctrinæ, quàm sit hodie inter Catholicos & diuersarum opinionum sectarios. Nam præter quæstionem generalem de ecclesia, quam de toto terrarum orbe perijisse atque apud

apud se solos in Africa remansisse, iactabant Donatistæ; & alteram de baptismo extra ecclesiam accepto, quem ratum esse iisdem Donatistæ negabant (nihil profectò, hac quidem parte, aduersus expressa symboli verba docentes; quandoquidem nec baptismi, nec cuiusquam alterius sacramenti symbolum omnino meminit): nulla, aut certè permodica fuit inter eos dogmatum diuersitas. Vnde ex vulgo Donatistarum quidam, imo permulti, putabant nihil ad salutem interesse, utrùm inter suos an apud eos qui Catholici vocabantur, Christi fidem tenerent. De quibus Augustinus in epistola 48 ad Vincentium Donatistam; *Quàm multi, inquit, nihil interesse credentes, in qua quisque parte Christianus sit, ideo permanebant in parte Donati, quia ibi nati erant; & eos inde discedere, atque ad Catholicam transire nemo cogebat?* Et postea, de iisdem conuersis & ad Catholicam reuersis, *Dicant, inquit, Putabamus quidem nihil interesse, ubi fidem Christi teneremus; Sed gratias Domino, qui nos à diuisione collegit, & hoc uni Deo cōgruere ut in unitate colatur, ostendit.*

Sed dicet mihi aliquis, Donatistas manifestè impigisse in eum symboli articulum, quo credere nos profiteamur sanctam ecclesiam Catholicam, ut qui in vnum Africæ angulum eam, quam Catholicam, id est, vniuersalem ac toto orbe diffusam confiteri oportebat, prauo  
suo

suo dogmate redegerent atque coarctassent. Ita sanè res habet; sed id iam omnibus sectis est commune. Quæ enim heresis non sibi vendicat nomen ecclesiæ, atque idem illud nomen, quantum in ipsa est, de toto terrarum orbe abradit? Lutherani, Calviniani, Mennonistæ, & alij quocunque nomine censeantur, nonne ad se singuli veram Christi ecclesiam pertrahere conantur? cum tamen non in toto terrarum orbe, sed in parte sint; sicut olim Donatistæ. Verùm sicut, verbi gratia, Calvinista quispiam apostolicum symbolum confidenter ac pleno ore recitat, nihil offensus nomine *Catholica*; quia eam vocem in diuersum, ac suæ sectæ commodum, sensum interpretatur: ita quondam Donatista. Neque enim & ille ecclesiam negabat Catholicam, aut vocem illam de symbolo detruncabat, sed in promptu habebat quid per illam intelligeret, quod suæ sectæ non putaret contrarium. Nec mirum, quando, ut ait Augustinus lib. de utilitate cred. ca. 7. *Omnes heretici Catholici volunt videri.*

Quod si mihi respondeas, falsas ac peruersas esse huiusmodi interpretationes; idèoque etsi verba symboli repeant sectæ, rem tamen ipsam non tenere: planè consentio. Cum enim variè circa diuersas symboli partes ab omnibus ferè sectis erretur, si particulatim illarum sensus excutiarur; idèoque per sæpe quod in  
vni-



vniuersali nouerunt, in particulari nesciant :  
 nusquam tamen ab illis erratur grauius, quàm  
 vbi ad hunc venit articulum. *Sanctam eccle-*  
*siam Catholicam.* Nam generalibus quidem ver-  
 bis eam vtcunque confitentur & credunt; sed  
 in particulari eandem ignorant, & proinde  
 nec credunt. Quomodo Iudæus Messiam cre-  
 dit in genere; quem in particulari negat. Ne-  
 que enim minus est ad integritatē fidei neces-  
 sarium, credere, hanc cui Romanus Pontifex  
 Petri successor Sixtus quintus hodie præsidet,  
 esse veram Christi ecclesiam, in quam compe-  
 tant omnes diuinæ promissiones & propheti-  
 cæ prædictiones de ecclesia factæ; quàm sit ne-  
 cessarium credere, hunc Iesum Nazarenum  
 Mariæ filium, à Iudæis crucifixum, esse verum  
 Christum Saluatorem, in quem competant  
 omnes diuinæ promissiones & propheticas  
 prædictiones de Christo factæ. Quocirca san-  
 cti Patres affirmare non dubitant, hæreticos  
 neque cognoscere neque credere ecclesiam  
 Christi. Sic enim scribit Cyprianus in epistola  
 ad Maximum: *Non est vna nobis & schismaticis*  
*symboli lex, neque eadem in Baptismo interrogatio.*  
*Nam cum dicunt, Credis remissionem peccatorum*  
*& vitam aternā per sanctam ecclesiam? mentiuntur*  
*in interrogatione, cum non habeant ecclesiam.* Sic &  
 Hieronymus in dialogo quem contra Lucif. e-  
 didit; *Cum solemus su, inquit, in lauacro post tri-*  
nita-

nitatis confessionem interrogare, Credis in sanctā ecclesiam? In quam credidit Arianus? In Arianorū? sed non habent. In nostram? sed extra hanc baptizatus, non potuit in eam credere quam nesciuit. Augustinus tum in libro de vnitāte ecclesiæ cap. 4. tum in libro 2 contra Cresconium, cap. 8, intrepidè pronunciat, eos qui de capite Christo scripturis sanctis consentiunt, & vnitati ecclesiæ non communicant; de Christi corpore quod est ecclesia, ab ipsius Christi testificatione dissentire, eamque proinde nec nouisse nec credere. Verba eius breuitatis causa omittam. Vt igitur tandem ad caput nostra redeat oratio, planè perspicuum ex ijs quæ diximus euadit, sectas ab ecclesia Christi Catholica diuisas ac dissentientes, etsi traditum ab apostolis fidei symbolum aliquo pacto teneant, fidei tamen integritatem (quæ nisi sit integra, fides non est) haudquaquam tenere. Primum, quia verā & integra fides verbum Dei recipit absq; omni exceptione: constat autem & omnes consentiunt, verbum Dei non vnius apostolici symboli angustijs concludi. Deinde quia nec ipsum quidem symbolum, quomodo oportet, recipiunt, dum à vero & genuino eius intellectu quàm longissimè recedunt; quandoquidem, vt alias symboli partes præteream, sic ignorant veram Christi ecclesiam, aliam non veram eius loco, falsæ suæ imaginatione,

tionē, substituentes; quemadmodum Iudæi  
 verum Christum nesciunt, cuiusque loco alium,  
 qui nec est, nec erit vnquam, vana persuasione  
 sibi fingunt & promittunt. Vnicuique verbum  
 addo; Quod si etiam omnes sceleris fidei sum-  
 mam teneant, quæ ad salutem sufficeret, ni-  
 hilo magis tamen cum ea saluari posse, quàm  
 malos Christianos, quos integram fidem tene-  
 re non dubitamus. Sicut enim istis deest recta  
 vitæ conuersatio, sine qua non est salus; ita  
 illis deest ecclesiæ communicatio, extra quam  
 non est salus; cùm, attestante beatissimo Cy-  
 prino, *Nemo possit habere Deum patrem, qui  
 non habuerit ecclesiam matrem.* Sed careres aliam  
 postulat orationem.

*Anno 1587. 22 Septembris.*

## Additio Authoris.



CONSTANTINVS quidem Imperator in  
 epistola quam scripsit ad Alexandrum  
 episcopum Alexandrinum & Arium pres-  
 byterum, vt eos ridigeret ad concordiam,  
 dicit non referre ad fidem & salutem,  
 vtrum teneatur de questione inter illos suscita. Sed  
 hoc scripsit per imperitiam; vt post vix adhuc bene  
 Christianus; & forte illa epistola composita fuit ab  
 aliquo aulico, fauente plus satis partibus Arii, quales  
 tunc non pauci in aula regia versabantur.

O R A T I O

# ORATIO SEPTIMA.

*De gratijs Deo agendis.*



**Q**ui vitam suam ciuili-  
ter & ad humanam  
conuersationē accom-  
modatē instituere vo-  
lunt, auditores, inter  
ea vicia quibus homi-  
nū animos offendit ac  
societatem lēdi noue-  
runt; vnum hoc vel

maximè cauendū sibi proponunt, ne notam  
incurrant ingrati tudinis apud eos quibus pro-  
bitatem suam commendari cupiunt; satius quē  
ducant nihil beneficiorum ab alijs accipere,  
quā pro ijs acceptis ingratos videri. Nec  
sanè immerito. Sciunt enim inter homines,  
homine ingrato nihil haberi detestabilius;  
in quem illud iam olim vulgo iactari soli-

H

tum;

1 Tim.  
3.  
Libro  
de be-  
nef.

tum; *Ingratum dixeris, omnia dixeris.* Neque id sine ratione. Nam beneficentia bonorum omnium fons est, & origo: Nihil autē beneficentię tam cōtrarium est, quàm beneficiū, si acceperis, nolle agnoscere, nolle laudare, nolle gratiam referre; quę sunt tres ingratitudinis partes ac veluti gradus, ijs ē directo oppositi, quos perfecta gratitudo requirit. Quātum est igitur ingratitudinis crimē quod fontē obstruit omnium bonorū? Certē apostolus ad Timotheum scribens, ingratū scelestis, vel quod vox Gręca magis sonat, impijs, anumerat. Et si Senecę credimus: *Nihil aq̃ue concordiam humani generis dissociat ac distrahit, quàm hoc vicium.* Quodd si tam diuina quàm humana auctoritas ingratitudinem qua homo peccat in hominem, tam graui exaggeratione cōdemnat: quid de ea dicemus quę in deum committitur? Vtique dicere non dubitabimus eam tanto grauiorē esse quanto maior est Deus homine; quantoque maiora à Deo beneficia quā ab hominibus nos accepisse, certō credere debemus. Vitandū igitur hoc malum omnibus nobis, tanto diligentius, quanto malum ipsum deterius, magisque Deo exosum. Nihil enim ita displicet Deo, quemadmodum ingratitudo in Deum, Bernardo teste super Cāntica. Cāterū vitare atque effugere hoc malum omnino non possumus, nisi beneficiorum Dei iugem & perennem

nem in animis nostris memoriam retineamus, dicamusque cum Psalmista: *Benedic anima mea Domino & noli obliuisci omnes retributiones eius.* Ps. 103.  
 Verum nec hoc ita ut oportet, præstare possumus, nisi ea ipsa beneficia, quænam sint, cognita habeamus, & ut apostolus ait, *Sciamus quæ à Deo donata sunt nobis.* 1. Cor. 2, Erit igitur hic sermo non solum de gratiarum actione, non quacunque, sed ea quam omnes deo debemus: In quo docere statui, ipso donante & adiuuante deo, quæ sint ea bona, de quibus, & pro quibus vnumquemque Christianum Deo gratias agere oporteat. Ac ne longius excurrat oratio; tantum ea proferemus ex scriptura & traditione, quæ vel apertâ vel tacitam gratitudinis aut gratiarum actionis mentionem contineant. Bona quidem ac beneficia quibus nos diuina bonitas afficit, in multiplici sunt genere. Sunt enim alia extra hominem posita, alia in corpore, alia in animo: & horum alia naturæ contemperata sunt, alia naturæ terminos excedunt. Rursum, in ipso homine sunt ista, esse, posse, viuere, agere, moueri, sentire, intelligere, velle, operari. At quamvis hæc omnia, quia dei beneficia sunt, gratum postulant animum (*Ipse enim fecit nos & non ipsi nos; In quo viuimus mouemur & sumus; Ex ipso & per ipsum & in ipso sunt omnia, Ipsi gloria in secula.*) Ps. 99.  
A. 8. 17.  
Rom. 11. : propriè tamen de ijs bonis nunc dicendum, quibus ipsi boni sumus, &

H 2

per

per quæ authori nostro Deo propinquamus. Nā quod ad externa & corporis attinet bona, etiam homines à vera religione alieni non ignorarunt hæc à Deo petenda, & pro his gratias Deo agendas; sed iidem, magno errore, bona animi sibi à seipsis, non à Deo esse, & crediderunt & scripserunt. Isocrates orator & philosophus, in Parænesi ad Demonicum, *Existima, inquit, rem optimam quæ à Deo datur, esse bonam fortunam; quæ verò à nobis, bonum consilium.* Tullius, etiam ipse orator & philosophus, libro 3 de natura Deorum ita scriptum reliquit: *Virtutem nemo unquam acceptam Deo reulit; Nimirum rectè. Propter virtutem enim iure laudamur, & in virtute rectè gloriamur; quod non contingeret, si donum à Deo, non à nobis haberemus.* & paulo post; *Num quis quod bonus vir esset, gratias Dijs egit unquam? At quod dives, quod honoratus, quod incolumis: Iouemq; Opt. Max. ob eam rem appellant; non quod nos iustos, temperantes, sapientes efficiat, sed quod saluos, incolumes, opulentos, copiosos.* Et iterum; *Iudicium hoc est omnium mortalium, fortunam à Deo petendam, à seipso sumendam esse sapientiam.* Hæc ille. Nec melior Horatii, quamuis moralis poëta, sententia. Sic enim canit:

*Sed satis est orare Iouem, qui donat & aufert;  
Det vitam, det opes: aequū mī animum ipse parabo.*

Rectius profectò his omnibus Iuuenalis,

**Socra-**

Socratico, imò diuino ea in parte lumine illu-  
stratus :

*Orandum est ut sit mens sana in corpore sano.*  
Si orandum ; igitur & pro accepto munere gra-  
tes agenda. Quod qui ignorant ; illorum nu-  
mero procul dubio sunt adiungendi, qui sicut  
ait apostolus ad Romanos, *cum cognouissent* Rom.  
*Deum, non sicut Deum glorificauerunt, aut gratias* 1.  
*egerunt ; sed euasuerunt in cogitationibus suis, et*  
*obscuratum est insipiens cor eorum : Dicentes enim*  
*se esse sapientes, id est, sibi non Deo quod sapie-*  
*bant, tribuentes, stulti facti sunt.* Accidit hoc  
idem Pelagianis ; quorū illa vox ab Augustino  
commemoratur serm. 36 de verbis Domini,  
*Deus me fecit hominem ; ego me facio iustum.* Sic  
igitur illi, partim ethnici, partim hæretici, per-  
ruxer aduersus Deum ingrati. At verò longè ar-  
liter sapit schola Christiana, multò aliter fi-  
lios suos instituit ecclesia. Scimus enim, &  
credimus quī in ecclesia bene instituti sumus,  
non tantum externa, & corporis bona, quæ  
magni philosophi ne in bonis quidem nume-  
randa esse duxerunt, sed etiam, & quàm maxi-  
mè bona animi, quæcunque & qualiacunque  
demum sint, potentias, inclinationes, virtu-  
tes, scientias, cogitationes, desideria, consilia,  
consensus, electiones, acceptiones, actiones  
& opera, cuncta hæc diuinæ largitatis esse be-  
neficia ; nec cuiquam horum quicquam con-



tingere posse nisi Deus dederit: ac proinde pro his omnibus, omnium auctori & largitori Deo gratias humiliter & veraciter esse agendas; ut per humilem & veram gratiarum actionem omnia hæc ad fontem suum recurrant, unde emanarunt. Hoc quidem omnis scriptura nos docet, ubicunque vel omnium bonorum Deum auctorem prædicat, vel omne bonum in nobis Deum operari testatur, vel speciatim singula bona, usque ad ipsam boni cogitationem, ipsumque credendi initium, gratiæ diuinæ deputat: Sed, pro nostro instituto, quod est de gratiarum actione dicere; duntaxat ea depromemus exempla & testimonia, quæ cum laude, benedictione, confessione, gratiarum actione, Deo referunt atque transcribunt ea peculiariter bona, quibus homines sunt boni. Paulus apostolus vas electionis & gratiæ Dei prædicator eximius, per omnes penè epistolas, nunc pro fide, nunc pro dilectione, nunc pro fidei ac dilectionis incremento atque profectu, nunc pro constantia & perseverantia, nunc pro malorum tolerantia, nunc pro alijs atque alijs virtutibus ac virtutum actionibus, eorum ad quos scribit; gratias agit Deo. Rom. 1. *Gratias, inquit, ago Deo meo per Iesum Christum pro omnibus vobis, quia fides vestra annuntiatur in universo mundo, Id est, gratias ago pro fide vestra, quæ tanta est, ut fama eius uniuersum*

mun-

mundum peruagetur. & cap. 6. *Gratias Deo, Rom.*  
*quod obedistis ex corde in eam formam doctrinae, in*  
*qua traditi estis. Primæ Corinth. 1. Gratias ago*  
*deo meo semper pro vobis, quod in omnibus diuites*  
*facti estis in illo, in omni verbo, & in omni scientia;*  
*ita ut nihil vobis desit in vlla gratia. Et cap. 15, Deo*  
*gratias, qui dedit nobis victoriam per Dominum no-*  
*strum Iesum Christum. 2 Corinth. 2, Deo gratias,*  
*qui semper triumphat nos in Christo Iesu. Et cap.*  
*9 agens de pauperum subuentione, eamque*  
*Corinthijs diligenter commendans; ut intel-*  
*ligerent authorem huius boni operis, fructum*  
*eius præcipuum ponit in gratiarum actione &*  
*glorificatione Dei; Quoniam, inquit, ministe-*  
*rium huius officij, non solum supplet ea quæ desunt*  
*sanctis; sed etiam abundat per multas gratiarum*  
*actiones in Domino; per probationem ministerij*  
*huius; glorificantes Deum in obedientia confessionis*  
*vestre in euangelium Christi, & simplicitate com-*  
*municationis in illos &c. ac demum hoc epipho-*  
*nemate cõcludit: Gratias Deo super inenarrabili*  
*dono eius. Ephes. 1, Audiens fidem vestram & di-*  
*lectionem in omnes sanctos, non cesso gratias agere*  
*pro vobis. Phil. 1, Gratias ago Deo meo in omni*  
*memoria vestri, semper, in cunctis orationibus meis*  
*pro omnibus vobis; super communicatione vestra*  
*in euangelio Christi à prima die usque nunc. Deni-*  
*que, ne multa commemorando tadium fa-*  
*ciam, simili exordio gratiarum actionis, cæ-*

2. Co-  
rini. 9.

teræ currunt epistolæ ; vt in omnibus, stylam,  
 & ( vt ita dicam ) genium agnoscas apostoli-  
 cum, imò calamus Spiritus sancti per aposto-  
 lum scribentis. Duas interim sententias ex eo-  
 dem apostolo, quia generales sunt & rem vni-  
 uersam, de qua agimus, complectuntur, non  
 possum quin adiiciam. Scribēs enim ad Eph. 5,  
*Gratias, inquit, agite semper pro omnibus in nomine*  
*domini nostri Iesu Christi, Deo & Patri.* Nā quod  
 ait, *pro omnibus*, non tā personas vult intelligi  
 ( *Non enim omnium est fides*, vt pro omnibus agen-  
 dæ sint gratiæ ) quā res ipsas, id est, bona quæ-  
 cunque & cuiuscunque generis atque ordinis,  
 quæ se habere intelligerent. Quod manifestius  
 altera sententia declarat 1. Thess. 5, *in omnibus*  
*gratias agite.* Qui enim dicit, *in omnibus*, de rebus  
 se loqui significat, vtrique bonis ; & de his nihil  
 excipi permittit. A Paulo apostolo ad Dauidē  
 transeo, vt quā vtriusque testamenti pagine  
 de plena & perfecta omnium bonorum laude  
 in Deum conferenda, sibi consentiant ; ho-  
 rum concordie authoritate doceamur. Dauid  
 oblati a populo in ædificium templi dona-  
 rijs, cū vidisset, quod corde toto offerebant  
 ea Domino, vt habet historia 1 Paral. 29 ; *La-*  
*etus est gaudio magno.* Et, sicut diximus Paulum  
 intellecta bona ac propensa voluntate Corin-  
 thiorum ad subueniendum egenis fratribus,  
 gratias egisse Deo super inenarrabili dono  
 eius ;

eius; sic & ipse pro tam bona voluntate po-  
 puli sui alacriter & promptè conferentis in  
 opus templi, Domino benedixit, his verbis :  
*Benedictus es Domine Deus Israël patrū nostrī, ab* 1. Ps.  
*æterno in æternū. Tua est, Domine, magnificentia &* 29.  
*potētia, & gloria atque victoria; & tibi laus: Cun-*  
*ctæ enim quæ in calo sunt, & in terra, tuæ sunt. Et in-*  
*frā; Nunc igitur Deus noster cōfiteamur tibi & lau-*  
*damus nomē tuum intēly' n̄. Qui ego & quis populus*  
*meus, ut possimus has tibi uniuersa promittere? Tuæ*  
*sunt omnia; & quæ de manu tua accepimus, dedimus*  
*tibi. &c.* Dices mihi fortè, Dauidem hæc dicere  
 de donarijs in ædificationem templi oblati;  
 hæc quippe neminem offerre Deo potuisse,  
 qui non de manu eius illa prius acceperit. Fa-  
 ctor id quidem; sed non solum. Nam benedi-  
 xit & gratias egit Deo, non tam de rebus obla-  
 tis quàm de ipsa oblatione, id est prompta ac  
 deuota offerendi voluntate; Benedixit, in-  
 quam, & gratias egit Deo pro bono, pro quo  
 lætatus erat gaudio magno: hoc autem bo-  
 num erat, quod viderat, quod corde toto offe-  
 rebat populus Domino: hoc nimirum erat  
 quod virum sanctum lætificabat, hoc cura ad  
 gratiarum actionem incitabat. Hoc igitur & in  
 illis verbis rectè intelligitur; *Tuæ sunt omnia;*  
*& quæ de manu tua accepimus, dedimus tibi.* Quasi  
 dicat, Nihil dare, nihil offerre tibi possumus,  
 quod nō de manu tua prius acceperimus. Da-  
 mus

mus & offerimus tibi munera hæc corporalia, aurum, argentum, æs, ferrum, lapides; sed hæc de manu tua prius accepimus, quia tua sunt omnia. Damus & offerimus bonam voluntatem ac promptam animi deuotionem: sed & hæc quomodo dare & offerre possemus, si non ea tu prius dedisses? Tua enim sunt omnia, nec minus hæc quam illa. Tibi enim competit omnium rerum, sicut perfectum dominium, sic perfecta causalitas. Et ut intelligamus pro bona voluntate populi, Dauidem benedixisse Deum; attendamus ad verba sequentia, quibus idem vir Dei, Deum orat ut donum illud, pro quo iam gratias egerat, cōseruet ac perpetuum esse iubeat: *Domine Deus, inquit, custodi in æternum hanc voluntatem cordis eorum; & semper in generationem tuam mens ista permaneat.* Pro hac igitur voluntate cordis, ac deuotione mentis, quam hinc petit custodiri; verbis superioribus gratias egerat. Nec profecto sibi dissimilis esse potuit vir sanctus, cuius totum ferè psalterium in Dei laude, & gratiarum actione consumitur. Ibi legis, *Benedicam Dominum in omni tempore, semper laus eius in ore meo. Benedic anima mea Domino, & omnia quæ intra me sunt, nomini sancto eius. Non nobis, Domine, non nobis; sed nomini tuo da gloriam. Dixi, Nunc cæpi; hæc mutatio dextera excelsi.* Et alia huiusmodi multa. Sed quid ego his immoror, quando etiam de cælo perfectæ grati-

1. Par.  
19.

gratitudinis & gratiarum actionis exempla, quæ imitari delectet, adducere possumus? Sunt illic spiritus iustorum, sunt angeli sancti, & ipse Christus Dominus absolutum omnis virtutis exemplar. De spiritibus iustorum sic Ioannes in Apo. c. 4. *Cum darent, inquit, illa animalia gloriam & honorem & benedictionem sedenti super thronum, viventi in secula seculorum; procidebant viginti quatuor seniores ante sedentem in throno, & adorabant viventem in secula seculorum; & mittebant coronas suas ante thronum, dicentes, Dignus es, Domine Deus noster, accipere gloriam, & honorem, & virtutem. Vbi per viginti quatuor seniores, vniuersa multitudo sanctorum intelligitur; qui coronas suas ante thronum Dei mittere dicuntur, ait Gregorius lib. 22 mor. ca. 5, quia certaminum suorum victorias non sibi tribuunt sed auctori, ut ad illum referant gloriam laudis, à quo se sciunt vires accepisse certaminis. Vnde Prosper in expos. postremi psalmi, Mirabilis, inquit, Deus in sanctis suis; ut quicquid in illis virtutum atque meritorum est, totum ad Dei gloriam referatur. De angelis verò nihil diuersi sentire debemus. Nam etsi non per Christum, qui propter nos homines & propter nostram salutem descendit de calis; à Deo tamen totum se accepisse sciunt, quod habent; naturam, gratiam, victoriam contra draconem & angelos eius, ut omnis gloria sit solius Dei, & nec homo*

nec

nec angelus gloriatur nisi in Domino. Hinc primum canticum angelorum in scripturis, *Gloria in excelsis Deo*. Hinc omnium angelorum & vigintiquatuor seniorum, id est, omnium spirituum iustorum, procidentium in conspectu throni in facies suas, adorantium Deum vna & communis est laudatio, & confessio, dicentium, *Benedictio & gloria & sapientia, & gratiarum actio, honor & virtus & fortitudo Deo nostro in secula seculorum. Amen.* Apoc. 7. Verum in Christo Domino, qui laus est hominum & angelorum perfectam in Deum gratitudinem longè iucundiùs speculamur. Quantum ille in omnibus suis operibus, etiam ut ab humana ipsius voluntate profectis, glorificauerit Patrem, nec vllâ prorsus in re propriam quæsiuerit gloriam; nimirum sciens & confitens cum perfecta gratiarum actione, omnia sua opera sibi data esse à Patre, nec quicquam se habere à seipso: ipse in euangelio verbis docemur, Ioannis 5, *Non possum ego à meipso facere quicquam.* Et paulo post, *Opera qua dedisti Pater ut perficiam ea, testimonium perhibent de me, quia Pater misit me.* Et cap. 7, *Mea doctrina non est mea, sed eius qui misit me.* Et cap. 8, *À meipso facio nihil; sed sicut docuit me Pater, hæc loquor.* Et infra; *Si ego glorifico meipsum; gloria mea nihil est.* Et cap. 14, *Verba qua ego loquor, à meipso non loquor, sed Pater in me manens ipse facit opera.*

Idem

Idem in psalmo 3 sic patrem suum alloquitur,  
*Tu es susceptor meus, & gloria mea. Gloriam suam,*  
 ait Augustinus illum locum exponens, *Deum*  
*dicis etiam ille, quem sic suscepit Dei verbum, ut si-*  
*mul cum eo Deus fieret. Discant superbi, qui non ti-*  
*benter audiunt cum eis dicitur, Quid habes quod*  
*non accepisti? Si autem accepisti; quid gloriaris*  
*quasi non acceperis?* Sic Augustinus. Quid au-  
 tem discant superbi? nisi in Deo, & non in se-  
 ipsis, gloriarı; Deo in omnibus gratias agere,  
 & nihil sibi ascribere. Si enim ille homo qui  
 solus sine peccato apparuit, nihil habuit suum,  
 sed ipsam etiam bonam voluntatem qua pro  
 genere humano pati ac mori vellet, datam ac-  
 cepit à Deo (quemadmodum docet sanctus  
 Thomas) ideoque Deum gloriam suam vo-  
 cat, & de omnibus gratias agit: quid est quod  
 sibi reseruet ac vendicet homo peccator, in  
 quo tanquam suo gloriatur, & de quo, quasi  
 non accepto, non existimet Deo gratiam se de-  
 beret. Præclare Cyprianus lib. 3 ad Quirinum:  
*In nullo gloriandum, quando nostrum nihil sit.*  
 Quod dictum sancti martyris adeo placuit  
 Augustino, ut illud, tanquam inuictum testi-  
 monium, in scriptis suis non vno loco Pela-  
 gianis opponendum putauerit. Ut autem ad  
 id redeam quod initio dixi, quemadmodum  
 ecclesia Christi filios suos de gratiarum actio-  
 ne in omnibus Deo reddenda, semper insti-  
 tuerit,

3. q. 47.  
 ar. 3. &  
 in 3. d.  
 20. q. 5.



tuerit; illud profectò constat in moribus ecclesiæ iam olim atque ab initio positum esse, ut ad omnem bonum rumorem, quo vel propagatio fidei vel conuersio peccatorum, vel credentium profectus, vel quodcunq; bonum opus nunciaretur; fideles, nihil dubitantes quin hoc totum à Deo authore profectum esset, gratias ei agerent, dicentes, Benedictus Deus; aut, Deo gratias, aut aliquid simile. Qui mos haud dubiè ab apostolis manauit. Exemplum habemus in conuersione Pauli apostoli, de qua ipse ad Galatas 1. loquens de ecclesijs Iudææ; *Tantum, inquit, auditum habebant, id est, famâ cognouerant, quoniam qui persequebatur nos aliquando, nunc euangelizat fidem quam aliquando expugnabat; et in me clarificabāt Deum.* Cùm idem Paulus Act. 21 apud Iacobum apostolum & seniores narrasset fidem & conuersionem gentium per ministerium ipsius; *illi eum audissent, ait scriptura, magnificabant Deum.* Huc pertinet quod idem apostolus, in exordijs singularum epistolarum, gratias Deo agit pro ijs bonis quæ de illis ad quos scribit, auditu acceperat. Factitarunt hoc idem apostolici viri, Gregorius Thaumaturgus Neocæsareæ episcopus, migraturus è vita, cùm quæsiuisset quot in ciuitate Neocæsariensi reliqui essent infideles, responsumque esset, tantum esse septemdecim *Deo gratias, inquit, Totidem enim tantum fideles erant.*

*erant, quando cepi episcopatum.* Gregorius Magnus ad Anastasium scribens Antiochenum episcopum, de cuius optima vita & administratione fama referente multa cognouerat; epistolam incipit hoc exordio, *Gloria in excelsis Deo*, & eodem fine epistolam claudit. Idem pontifex audita cōuersione gentis Anglorum, scribens ad Augustinum eius gentis episcopum, rursus eiusdem hymni angelici verbis incipit epistolam, & claudit. Quod cū ab eo tam studiosè ac penè curiosè in duabus epistolis factum videamus; quid aliud eum significare voluisse putemus, quàm pro eo bono quod audiuerat, & quo lætificatus fuerat; solidam perfectamque Deo gratiam & gloriam deberi? Sed quid hæc commemoro tanquam rara exempla; quando per vniuersam ecclesiam apostolo iubente non tantum fiunt orationes, obsecrationes, postulationes, verùm etiam gratiarum actiones; illæ, pro bonis impetrandis; istæ, pro bonis acceptis? Sed pro quibus bonis? Nemo hoc melius quàm Cælestinus pontifex dixerit, qui in epistola ad episcopos Galliæ, cū dixisset, ecclesiam precari Deum vt infidelibus donetur fides; lapsis pœnitentia; & cetera quæ ibi recenset, de his ipsis bonis ita cōcludit, *Quod adeo totum diuini operis esse sentitur, vt hac efficiendi Deo, gratiarum semper actio laudisq; confessio, pro illuminatione talium* vel

Lib. 4.  
cap. 37.

*vel correctione, referatur.* Finem facio si vnum adhuc adiecero, quod ad rem præsentem maxime puto pertinere. In ore fidelium, publicè ac priuatim, frequentissimum est illud, *Deo gratias.* De quo sic Augustinus in epistola ad Marcellinum; *Quid melius & animo geramus, & ore promamus, & calamo explanemus, quàm Deo gratias? Hoc nihil dici breuius, nec audiri letius, nec intelligi gratius, nec agi fructuosius potest.* Sic ille. Sed quis author huius verbi abbreviati? Primum & solum hoc lego apud apostolum Paulum in epistola ad Rom. semel, in prima ad Corinth. semel, & in 2 ad Cor. ter, scilicet providere Spiritu sancto ut per apostolum Paulum ecclesiæ traderetur, ab Augustino tam magnificè commendaretur: quos ambos gratiæ Dei præcipuos assertores novimus. Voluerunt aliquando Donatistæ, instigante diabolo, ab ore fidelium tollere, *Deo gratias*; & substituere, *Deo laudes*: cuius rei etiam Augustinus meminit. At nihil effecerunt. Ac certè multo melius est, *Deo gratias*, quàm *Deo laudes*. Nam istud *Deo gratias* includit hoc *Deo laudes*, non contrà. Multos enim laudamus sine gratiarum actione, ut qui nihil in nos beneficij contulerunt: quicunque verò gratias agit, beneficium laudat simul & benefactorem. Quid igitur voluit hæreticus Donatistarum spiritus, quando per *Deo laudes*, *Deo gratias* obliterare conati sunt;

nisi

In pla.  
132.

nisi id agere ut gratiæ verbo sublato ex ore, ipsa etiam gratitudo quam Deo debemus, de corde recederet? Vis itaque nosse pro quibus bonis Deo sint agendæ gratiæ? (hoc enim argumentum seruaui postremum) observa & vide pro quibus bonis fideles autoritate & traditione apostolica in hanc consuetudinem inducti, dicere cōsueuerint *Deo gratias*. Et cum diligenter obseruaueris; nihil inuenies exceptū omnium eorum, quæcunq; vel accidunt homini, vel ab homine fiunt; bonorum. Quod si intima cordis alieni perspicere posses; quidquid ibi vel bonæ cogitationis vel rectæ voluntatis, vel sancti desiderij conspiceres: identidem *Deo gratias* ad omnia & singula fidelis animus dicere non dubitaret. Verū pro breuitate temporis hæc sufficiant. Ex quibus arbitror planum & perspicuum esse, si apostolicis & propheticiis verbis auscultamus; si beatos spiritus iustorum, si angelos sanctos, si ipsum Christum Dominum & saluatorem nostrum nobis imitandos credimus; si filij ecclesiæ simus, eiusque doctrinam & traditionem libenter amplectimur, si verbum breuiatum *Deo gratias* quoties ote proferimus, corde tenemus: nihil profecto bonorum esse, siue eorum quæ externa dicuntur, siue quæ corporis, siue quæ animi sunt bona, pro quo non veram, plenam, perfectam auctori & largitori Deo debeat homo Christianus

stianus gratiarum actionem. Hæc ad omnes  
 quidem, sed ad vos potissimum dicta sint, Bac-  
 calaurei candidati. Præuenit vos Deus in bene-  
 dictionibus suis, auxit vos donis suis. Quid-  
 quid studij, quidquid industriæ, quidquid la-  
 boris atque conatus in profectum vestrum  
 impendistis; Dei donum est. Ipse profectus  
 scientiæ, gratiæ, pietatis, à Deo est. Non qui-  
 dem vnus omnia, sed alius alia multiformis  
 gratiæ dona consecutus est; idque secundum  
 beneplacitum voluntatis eius, qui distribuit  
 singulis prout vult: Omnia tamen ad edifica-  
 tionem corporis Christi quod est ecclesia. Igi-  
 tur beneficia Dei agnoscite. Apostolicum præ-  
 ceptum est, *Grati estote*. Bona vestra in origi-  
 nem suam refundite. *Cessat enim gratiarum de-*  
*cursus, ait Bernardus, ubi recursus non fuerit.* Nec  
 modo nihil augetur ingrato; sed etiam quod  
 acceperit in perniciem vertitur. Quod ne cui-  
 quam vestrum contingat, fontem beneficien-  
 tiæ diuinæ, ex quo bona quæ habetis fluxerunt  
 omnia, ad vberius & copiosius influendum in  
 animas vestras, quotidianis gratiarum actio-  
 nibus prouocate. Ita certissime futurum, ut  
 qui dedit, dona sua multiplicet, & tandem  
 multiplicata coronet. Quod vobis ipse conce-  
 dat qui est super omnia benedictus. Amen.

Causa.  
 ser. 11.

ORATIO

# ORATIO OCTAVA.

*Extra Christi ecclesiam non  
esse salutem.*



OMINVS & saluator  
noster, auditores, cum  
de misterio carnis suæ  
& sanguinis in cibum  
& potum exhibendę ad  
Iudęos loqueretur; &  
hoc eius sermone non  
solum plerique de tur-  
ba offensi disceptarent

inter se dicentes; *Quomodo potest hic nobis car-* Ioa. 6.  
*nem suam dare ad manducandum; verum etiam*  
*multi ex discipulis eius, dicerent: Durus est hic*  
*sermo; & quis potest eum audire. atque ob hanc*  
*causam magistrum suum deferrent, & ut scri-*  
*bic Euangelista, abirent retro, nequa amplius*

I 2

cum

cum eo ambularent; ipse vero cum ad duodecim apostolos conuersus diceret; *Nunquid & vos vultis abire?* respondit ei Simon Petrus & dixit: *Domine, ad quem ibimus? Verba vite aeterna habes. Et nos credimus & cognouimus quia tu es Christus filius Dei.* Quæ euangelica narratio peropportuna nobis vita est, quæ & faceret ingressum & materiam suppeditaret ad id de quo præsens ista futura est ad vos oratio. Id autem est Ecclesiâ Christi non esse deferendâ; quod extra eam salus esse non possit. Breuis propositio: De qua nos, non tam docendo quam exhortando, atque excitando inuicem fidem vestram atque meam, vt apud veros atque ingenuos ecclesiæ filios decet; breuiter item, adiuuante deo, verba facturi sumus. Christum & Ecclesiam, vnâ quodammodo personam esse, secundum scripturam sacram docent Sancti Patres, nominatim Augustinus & Gregorius. Huius personæ caput Christus est, corpus ecclesia. Sicut enim Christus caput est ecclesiæ, ita vicissim ecclesia corpus Christi. Vtrumque vnâ sententiâ complexus est apostolus ad Ephes. 1 sic dicens: *Et ipsum, scilicet Christum, dedit caput supra omnem Ecclesiam, quæ est corpus ipsius.* Et cap. 5. *Christus caput est Ecclesiæ, ipse saluator corporis sui.* Et ad Colos. 1 *Ipse est caput corporis Ecclesiæ.* Iam vero, sicut iuxta regulam Tychonij ab Augustino laudam

cam

eam & explicatam, multa in scripturis sacris de Christo quasi de capite dicuntur, quæ in corpus eius dicta intelligi oporteat, ita multa quæ Christus Dominus dixisse aut fecisse aut passus fuisse legitur, occulto quodam significationis sacramento, ad corpus eius quod est ecclesia, cuius ipse caput est, sunt referenda. Non enim dedignatus est in actionibus & passionibus suis quas pro Ecclesia subiuit, eiusdem ecclesiæ typum gerere, & per eas quid illa actura vel passura esset, significando prænunciare. Rem exemplis declaremus. Cum mulier hæmorrhøissa vestē Christi tetigisset; dixit ille: *Quis me tetigit?* Cui responsum est à discipulis: *Turba te comprimunt & affligunt? & dicis Quis me tetigit?* Quare, quid aliud significatum est, quàm futuros in Ecclesia quamplurimos qui eam comprimerent, & comprimendo affligerent, malis & scandalosis moribus viscera eius lacerantes; paucos vero qui eam vera & viua fide tangerent; Alibi dixit Christus ad quosdam: *Queritis me, non quia manducaſtis ex panibus, & saturati estis,* 10. 6. An non similiter Ecclesia multis dicere potest; *Queritis me, & mihi ad hæreere vultis, non quia signa veræ ecclesiæ in me, agnoscitis; sed ut manducetis & saturemini de bonis terræ quibus me sponsus meus locupletavit;* Rursus alibi de Christo dicitur: *Ingressus domum, neminem voluit scire: &* 7.

Matth.

7.

I 3

non



*nen potuit latere.* Sic nimirum corpus eius, quod est Ecclesia, quantò magis quasi latere vult per humilitatem, eò minus latere potest, propter fulgorem virtutum procul lucentem, & odorem bonæ famæ qui ab ea dispergitur in omnem locum. Alibi de seipso Christus ait: *Nonne oportuit pati Christum, & ita intrare in gloriam suam?* Sic & Ecclesia de seipsa, per os Pauli:

Lucæ  
24.

AA. 14.

*Quoniam per multas tribulationes oportet nos intrare in regnum dei &c.* Addendum aliquid, proposito nostro vicinius: Instruit Christus ac præmunît fideles suos contra fallos doctores qui venturi erant in nouissimis temporibus; dicens, *Tunc si quis vobis dixerit, Ecce hic est Christus, ecce illic; nolite exire, nolite credere.* Quod si ad Christi redemptoris personam referas, quotusquisque falsorum magistrorum est, aut fuit, qui se Christum esse diceret; aut Christum fuisse dicens, fidem apud populum inuonerit. Sed si in Christo corpus Christi id est, Ecclesiam intelligas; optimè perspicies, quid sit de quo tam sollicitè cauendo dominus præmonitos nos voluit. Qui enim sunt qui hodiè dicunt: *Ecce hic est Christus, Ecce illic; Ecce in penetralibus*: nisi qui Ecclesiam Christi Catholicam & vniuersalem atque apostolorum prædicatione per omnes gentes diffusam, ad suos angulos reuocare contendunt, quorum alij dicunt; *Ecce apud nos est ecclesia,* qui Lu-  
the-

therent sequitur magistrum: Alij Ecce apud nos, qui Caluino doctore gloriamur; scilicet exemplo Donatistarum, qui olim dicebant: *Ecce apud nos, in Africa, in parte Donati, & nusquam alibi est.* Verum de hoc aliàs. Satis enim nunc nobis est, per hæc exempla monstrasse, quod propter unitatem Christi & Ecclesiæ, tanquam capitis & corporis, multa Christi dicta & facta in Ecclesiam quadrent; adeo ut interdum etiam in Christo Ecclesia intelligatur. Quod si rale quid etiam in illa narratione euangelica, quam initio adduximus, interpretemur: non arbitror eam contemplationem à mente eius qui calamum euangelistæ ad scribenda Christi & discipulorum opera, direxit, alienam esse. Videamus enim an non quotidie de doctrina Ecclesiæ à multis dicatur, quod tunc de doctrina Christi à multis dicebatur; *Durus est hic sermo: & quis potest eum audire?* 10a. 6. Docet Ecclesia, utique à sponso suo Christo edocta, in eucharistiæ sacramento, vere realiter & substantialiter contineri corpus & sanguinem Christi; Sed multis durus est hic sermo, & auditu intolerabilis; nihilo minus quam illis sermo Christi, quibus dicebat, *Nisi manducaveritis carnem filij hominis & biberitis eius sanguinem: non habebitis vitam in vobis.* Docet ecclesia, peccata confitenda esse sacerdoti. Quam multi respondent: *Durus est hic sermo; & quis*

*potest cum audire ?* Exigit Ecclesia pro peccatis fructus dignos pœnitentiæ ; Iubet deo reddi vota perpetuę continentię, paupertatis & obedientię ; Matrimonia negat solui posse, ne quidem per adulteriũ ; Præscribit certa ieiunia, & certis diebus abstinentiã à carnibus : Ad hæc & huiusmodi, an non à quam plurimis respondetur ; Duri sunt hi sermones ; & quis potest eos audire ? Denique, non solum propter dogmata fidei, verum etiam propter præcepta morum quæ filijs suis tradit Ecclesia ; multi dicunt : *Durum est hic sermo.* Non quia durum est aliquid in omnibus istis ; quomodo nec erat in doctrina & verbis Christi ; Sicut enim Christi, sic & ecclesiæ suave iugum est, & onus leue ; sed quia carnalis homo ea quæ ratione non assequitur, aut quæ cupiditatibus suis sentit contraria, dura & factu impossibilia iudicat : Quid ergo sequitur ? *Ex hoc multi discipulorum eius abierunt retro, & iam non cum illo ambulabant.* Quare hoc ? nisi quia sermo Christi durus eis videbatur, & ferre eum non poterant. Quis, non videat hoc quoq; apertissimè in Ecclesia Christi compleri ; & quidem hac nostra tempestate, si vnquam aliàs ? Quam multi non ferentes sermonem Ecclesiæ, sed durum eum interpretantes, abierunt retro ; & non modo cum eâ non ambulant, sed hæretici & schismatici facti sunt ; id est hostes Ecclesiæ palam se declarauerunt !

runr ! Dixit ergo Iesus ad duodecim, *Nunquid & vos vultis abire ?* Tam multis ab Ecclesia recedentibus vt in eorum comparatione pauci remansisse videantur ; ad hos ipsos paucos apud remanentes, quasi sermonem Ecclesia conuertit. Sunt autem significati per duodecim ; quia nimirum illi remanent, qui Ecclesiam ab apostolis fundatam & doctrinam eius ab apostolis iraditam esse, firmiter credunt. Neque enim facile Dimouentur vt recedant, qui se cogitant ædificatos esse super fundamentum apostolorum. Dicit ergo eis Ecclesia, *Nunquid & vos vultis abire ?* Sicut enim Christus apostolos suos ita continebat in suo discipulatu, vt tamen per liberum arbitrium si vellent, abire possent, & magistrum deserere : sic Ecclesia, non solum infirmos sed etiam firmiores quosque intra gremium suum ita continet, vt tamen non ignoret adhuc mutabilem in eis esse voluntatem, qua & recedere ab ipsa possint, & magisterium eius derelinquere. Sed quod sequitur audiamus, *Respondit ei Simon Petrus ; Domine, ad quem ibimus ? Verba vite aterna habes. Et nos credimus & cognouimus quia tu es Christus filius Dei.* Plena mysteriorum, doctrinæ & consolarionis verba sunt ista. *Respondit Petrus, utique suo & ceterorum nomine, loquitur enim plurali numero ; Ad quem ibimus ? Et nos credimus & cognouimus.* Sed ideo

Matth.  
16.

2ph. 1.

Tract.  
26. in  
Joan.

ideo solus loquitur, ut in vno loquente vnitas Ecclesiæ monstretur. Et merito solus nunc loquitur pro omnibus ad fidei perseuerantiam, qui apud alium euangelistam solus pro omnibus fecit fidei professionem. Unde & meruit audire; *Tu es Petrus; & super hanc petram edificabo Ecclesiam meam.* Igitur & nos respondeamus ecclesiæ, & ad imitationem Petri dicamus; Domina, ad quem ibimus? Verba vitæ æternæ habes. Et nos credimus & cognouimus, quia tu es corpus & sponsa Christi filij Dei. Ideo Domina; quia Domini nostri sponsa. Ad quem ibimus, si à te recesserimus? Sicut præter Christum non est salus; ita nec præter te, quæ corpus Christi es. *Ipsæ enim saluator corporis sui.* Quare si salui esse volumus; in te, quæ corpus es Christi, necesse est maneamus. Neque enim caput influit vitam, nisi in membra corporis sui. Si vis vivere, ait Augustinus, *de spiritu Christi; esto in corpore Christi.* Atque hoc est quod Petrus dicere nos docuit: *Verba vitæ æternæ habes.* Christus quidem verba vitæ æternæ habet, quia doctrinam quâ ad vitam perueniatur æternam, tradidit, & gratiam quâ secundum eam doctrinam viuatur, impertit: Ecclesia verò verba vitæ æternæ habet, quia doctrinam, vitalem atque salutarem Christo tradente, cum abundantia gratiæ accepit, & eandem integram, puram ac illibatam perpetuâ successione,

cessione, usque in finem, custodit. *Nique enim* Math. 16.  
*perne inferi, id est spiritus erroris & nequitie,*  
*unquam praevalerunt adversus eam. Ipsa est co-* 1. Tim. 2.  
*lumna & firmamentum veritatis. Ipsa est cui Chri-*  
*stus promisit spiritum veritatis mansurum cum* 10a. 14.  
*ea in aeternum. Ipsa est cui iam olim per pro-*  
*phetam dictum est à Domino: Spiritus meus qui* Isa. 59.  
*est in te, & verba mea quae posui in ore tuo, non rece-*  
*dent de ore tuo, & de ore seminis tui, & de ore semi-*  
*nis feminis tui, amodo & usque in sempiternum. Quae*  
*cum ita sint: cur non ei absque omni hesita-*  
*tione dicimus: Verba vitae aeternae habes? Magna*  
*profectò ratio manendi, & non recedendi ab*  
*ea. Quid enim optabilius vita aeterna? quae si-*  
*cut symboli nostri conclusio est, ita & spei no-*  
*strae consummatio. Hanc igitur si cupimus, si*  
*quaerimus, si speramus; ab ecclesia cui soli ver-*  
*ba vitae aeternae concessa sunt, non receda-*  
*mus. Haeremus in corpore, ut vivificemur à*  
*capite. Adhaereamus sponsae, ne nos venduto-*  
*rios abiciat sponsus. Credimus enim & cog-*  
*novimus quod ecclesia corpus est & sponsa*  
*Christi. Sed est adhuc quod in persona Petri*  
*consideremus. Ne enim solum hic docemur*  
*non esse deserendam ecclesiam Christi, quod*  
*extra eam non sit salus; verum etiam admonemur*  
*quaenam ea sit ecclesia, ne forte quis, in*  
*manifesta luce caecutiens, civitatem hanc su-*  
*pra montem positam, quae abscondi non po-*  
test,

test, non videat. Cum ergo multi abirent retrò, soli illi remanserunt cum Christo quorum nomine locutus est Petrus, dicens : *Domine ad quem ibimus ? &c.* Ita sane cum multi ab ecclesia discedant ; illi soli in ea remanent qui Petrum sequuntur pro omnibus loquentem : Petrus non deserit Christum : Tu caue ne deseras Petrum. Petrus enim Petra supra quâ Christus suam ædificauit ecclesiâ. Sed Petrum non sine successore suo intellige : ne aliquando vacillet promissio. *Et porta inferi non preualebunt aduersus eam.* Hæc igitur est illa ecclesia, quæ tibi deserenda non est, si perire non vis ; Ecclesia super Petram, quæ Petrus est, fundata, apostolica ; Romana. Hæc est quæ verba vitæ æternæ habet, quia in ore eius posuit Dominus verba sua, quæ non recedent ab ore eius, nec ab ore seminis eius usque in æternum. De hac beatissimus Cyprianus in libro de vnitæte ecclesiæ. *Quisquis, inquit, ab ecclesia segregatus, adultera iungitur ; à promissis ecclesiæ seperatur. Nec perueniet ad Christi præmia, qui relinquet ecclesiam Christi. Alienus est, profanus est, hostis est. Habere iam non potest Deum patrem qui non habet ecclesiam matrem. Si potuit euadere quisquam qui extra arcam Noë fuit ; & qui extra ecclesiam foris fueris, euadit. Et infra : Esse martyr non potest, qui in ecclesia non est. Ad regnum peruenire non poterit, qui eam qua regnatura est dereliquit. Et iterum :*  
*Cum*

*Cum Deo manere non possunt, qui esse in ecclesia Dei unanimis noluerunt. Ardeant licet flammis, & ignibus traditi, vel obiecti bestiis, animas suas per-  
nant; non erit illa fidei corona, sed pœna perfidiae; nec religiosa virtutis exitus gloriosus, sed desperatio-  
nis interitus. Occidi talis potest, coronari non potest.*  
De hac item ecclesia S. Hieronymus ad Dama-  
sum Petri successorē, ita scribit: *Ego nullum pri-  
mum nisi Christum sequēs, beatitudini tuæ, id est ca-  
thedra Petri communionē consocior. Super illam pe-  
tram adificatam ecclesiam scio. Quicumque extra  
hanc domum agnum comederit; profanus est. Si quis  
in arca Noë non fuerit; peribit regnante diluvio. Et*  
idem alibi: *Qui ab ecclesia recesserit; statim peste  
moriatur.* Longum esset aliorum Patrum de hac  
re attexere testimonia: sunt enim innumera.  
Neque profectò necessarium nobis, qui, Dei  
beneficio, filij Ecclesiæ Catholicæ sumus, qui  
congregamur intra vnum ouile, qui sequimur  
vnum pastorem; quibus proinde persuasissi-  
mum est iuxta S. scripturarum fidem, aposto-  
lorum doctrinam, Patrum auctoritatem, mag-  
ni denique concilij Lateranensis apertissimam  
definitionem; *Unam esse fidelium vniuersalem Ec-  
clesiam; extra quam nullus omnino saluetur.* Cui  
inter tot exempla filiorum desertorum, hære-  
ticorum, dico, & schismaticorum, vicinos  
quosque ad defectionem & desertionem Ec-  
clesiæ sollicitantium; tanquam ipsa nobis di-  
ceret,

In c. 4.  
Ezech.



ceret, *Nunquid & vos vultis abire?* respondeamus quorquor veri fideles sumus, ædificati super fundamentum apostolorum, atque in petra solidati, respondeamus inquam, & vnius Petri ore velut pro omnibus loquentis, dicamus: Domina, ad quem ibimus? Verba vitæ æternæ habes. Credimus enim & cognouimus quia tu es corpus & sponsa Christi. Quam fidem in nobis cōfirmet idem Christus dominus ecclesiæ suæ saluator & rector, qui est in secula benedictus.

*Anno 1594. Iunij 21.*



ORATIO

# ORATIO NONA.

*Hæreses nostri temporis iam olim  
condemnatas esse.*



V o d in iudicijs foren-  
sibus obtinet, ornatissi-  
mi & honoratissimi  
viri, ut, si qua causa se-  
mel in supremo tribu-  
nali iudicata ac definita  
fuerit, eam postmodum  
retractari non liceat;  
maximè si & diuturni-  
tas temporis sententiæ robur addiderit, & ad  
eam longa continuaque possessio partis victri-  
cis accesserit: id si dicam in causis religionis  
ac fidei, iure meritoque obtinere debere; ne-  
mo vestrum erit, arbitror, qui non mecum  
sentiat, & non illud, æquissimum iudicet. Nam  
illic

illic quidem humanæ leges finem litibus statuunt, ne semper incertæ maneat rerum possessiones, neue iusticia quæ unicuique quod suum est, reddit, perpetuis altercationibus exclusam, confusam semper ac perturbatam relinquat rempublicam : hîc vero, lex diuina certum instituit iudicium ; quo controuersia semel terminata rursus ad examen reuocari non possent, ne, sicut apostolus ait ad Eph. 4. semper simus velut paruuli fluctuantes, & circumferamur omni vento doctrinæ ; ne simus, vt idem apostolus ad Timoth. scribit, nihil scientes, sed semper languentes circa quæstiones & pugnas verborum ; neue, quod ad eundem, semper discentes, & nunquam ad scientiam veritatis peruenientes. Hoc enim verissimè in eos competere, qui nec inquirendi, nec dubitandi, nec disputandi finem faciunt, nec in vlllo iudicio acquiescunt, nisi quod ipsi priuatâ sumunt autoritate, quis non videat ? Porro iudicium illud certum quod controuersijs fidei dirimendis instituit lex diuina, non aliud est quam iudicium Ecclesiæ Catholicæ siue per supremum Ecclesiæ pastorem & iudicem, Romanum dico Pontificem, prolatum, siue in concilijs approbatis expressum ; siue ex vnanimi & consentiente sanctorum Patrum doctrinâ, velut diuersorum iudicum sententijs, in vnum idemque decretum conspirantibus,

bus, acceptum. Quos utique tres modos certæ definitæque sententiæ, in omni quæstione fidei ac morum, omnis antiquitas agnouit. Quare, si etiam in humanis rebus ac negotijs sæcularibus, obseruandum est quod generaliter præcipit Sapiens, dum ait; *Non inuices contra iudicem; quoniam secundum quod iustum est, iudicat*: Quantò minùs, contra Ecclesiam, rerum spiritualium iudicem à Christo constitutam, iudicare fas erit? quoniam multò magis illa secundum quod iustum est, iudicat. Hæc enim, apostolo testificante, columna est & firmamentum veritatis: Hæc, à Domino supra petram ædificata tantâque soliditate fundata est, ut portæ inferi nunquam aduersus eam sint præualituræ. De hæc præceptum habemus à Domino, ut qui eam non audierit, sit nobis sicut ethnicus & publicanus, quamobrem, ne semel ab ecclesiâ iudicata ac definita fidei dogmata, deinceps ullâ disputandi temeritate conuellerentur, non solum Patres docuerunt, Pontifices decreuerunt, concilia statuerunt; verùm etiam pijsissimi Imperatores sanxerunt. Neque id modò quòd perspicerent eiusmodi temeritatem ecclesiæ paci, quam procurare & conseruare tenentur, esse vehementer inimicam; sed quòd etiam intelligerent contrariam esse legi diuinæ, Christi quæque promissis; quibus ita confirmata est ecclesiæ iudicatoria potestas, ut à ve-

K

ritate

ritate fidei aberrare non possit; & proinde in-  
 pium sit eius iudicium vel contemnere vel ab  
 eo prouocare. Hanc igitur regulam si secuti  
 fuerimus; vti profectò debemus omnes quot-  
 quot Christiani & Catholici dici volumus e-  
 iam certè facillimum cuique erit, animo com-  
 plecti ac reputare secum, quid de tam multis,  
 toto hoc nostro seculo subortis, nouorum  
 dogmatistarum opinionibus, apud se statuere  
 debeat. Taceo enim de iudicio ecclesiæ præ-  
 sentis; non allego decreta synodi Tridentinæ  
 nostris temporibus habitæ; non ingero con-  
 demnationem articulorum Martini Lutheri,  
 per Leonem decimum: Ad iudicia antiquioris  
 ecclesiæ te reuoco, quisquis es quem fidei im-  
 becillitas vna ac simplici ecclesiæ voce non  
 omnino sinit esse contentum. Volo quas &  
 consulas, quid ante annos 200, 300, 400, quid  
 ante mille annos, & ultra, vsque ad apostolo-  
 rum tempora senserit, docuerit, iudicauerit  
 ecclesia de omnibus, aut penè omnibus, quas  
 nostra hâc tempestate à nouellis magistris;  
 sed nequaquam ecclesiæ discipulis, in contro-  
 uersiam vocata sunt. Hæc enim, ni fallor, ad  
 veritatem persuadendam etiam simplici-  
 bus quibusque, & ijs qui vel dialecticas argu-  
 mentorum subtilitates non capiunt, vel ad  
 operosas atque prolixas Doctorum de con-  
 trouersijs lucubrationes euoluendas vacare  
 non

non possunt, expeditissima via & ratio est; ex  
 praiudicatis æstimare de præsentibus. Quo-  
 circa, age breuiter ac strictim præcipua qua-  
 dam capita doctrinæ hoc nostro seculo con-  
 trouersæ, percurramus; & num olim aliquan-  
 do ad tribunal ecclesiæ adducta, iudicata ac  
 determinata fuerint, videamus. Liberum arbi-  
 trium hominis negant omnes ferè, huius ætatis  
 sectarij. At eam hæresim ante annos 1300. in  
 Manicheo, & iterum ante annos 800. in Albe-  
 nensibus, totius ecclesiæ consensus damnauit;  
 ac demum in Ioanne Wicleff, Concilium Con-  
 stantiense inter articulos eius 27 loco anathe-  
 matizauit. Deum authorem esse peccati, do-  
 cent sectariorum permulti; præcipuè Calui-  
 nistæ & Bezani. At eadem vesana quondam  
 Manichæorum & Florianorū blasphemia fuit,  
 eademque etiam Mahometistarum, vti notauit  
 Cedrenus in vita Heraclij Imperatoris. Quam  
 quidem impietate vno ore patres omnes con-  
 demnarunt. Solemnis doctrina sectariorum  
 est, solam fidem ad salutē sufficere: Verum hoc,  
 ipsis etiam apostolorū temporibus, pseudoa-  
 postoli quidā docuerunt, quos Petrus, Iacobus  
 Ioannes, & Iudas, imo & Paulus, suis scriptis  
 damnarūt; quemadmodū Augustinus testatur  
 in libro de fide & op. ca. 14, & de vnico baptis-  
 mo contra Petil. ca. 10. id ipsum in Eutymio  
 hæretico damnatū, qui eodem Augustino re-  
 ferente,

ferente, in hæresi 54, asseuerabat, nihil cuiquam obesse quorumlibet perpetrationem ac perseverantiam peccatorum, dummodo eius quæ ab illo docebatur, fidei particeps esset. Quibus sane verbis non dissimilia dixit & scripsit Lutherus. Docent Lutherani & Calvinistæ peccatum Veri ac proprii nominis in baptizatis remanere, tametsi ut aiunt, non imputetur. At qui iam olim Procliani, teste Epiphanio in hæresi 46. habiti sunt à patribus hæretici, quod dicerent peccatum in renatis vivere; nec radicibus tolli per baptismum, sed sopiri per fidem. Messaliani quoque in eandem censuram incurrerunt, quod dicerent baptismum non excindere peccati radicem, ut auctor est Theodoretus lib. 4. hæreticarum fabularum. Negant Zwingliani & Calvinistæ ac plerique etiam Lutherani, præbyteros Ecclesiæ potestatem habere remittendi peccata post baptismum admissa: Negarunt hoc ipsum olim Nouatiani, eo nomine per totam Ecclesiam iudicati hæretici; quemadmodum testantur Cyprianus lib. 4. ep. 2. Ambrosius duobus libris de pœnitentia, Epiphanius & Augustinus in hæresi Catharorum. Sanctos cum Christo regnantes neque colendos, neque inuocandos esse; nec dies festos eis statuendos; nec frequentandas eorum memorias, nec honorandas eorum reliquias, nec peregrinationes

ad

ad pia loca suscipiendas; communis est ac decantata omnium sectariorum doctrina: Sed ea primum Manichæi hæresis fuit, deinde Eustachianorum, ut ex concilio Gangrensi constat; postmodum Vigilantij, quemadmodum liquet ex Hieronymo eius antagonista, fideique Catholicæ aduersus eum propugnatore; Denique posterioribus seculis, eorum qui dicti sunt Pauperes à Lugduno; Hæresis, inquam, quoties renouata, toties ab Ecclesia damnata. Docent vno ore sectarij, nec orandum pro defunctis, nec sacrificium pro ijs offerendum. At ea ipsa fuit hæresis Aërij, quem in catalogo hæreticorum scripserunt Epiphanius & Augustinus; fuit item Henricianorum, Albigensum, & Pauperum à Lugduno, quos omnes Ecclesia suo iudicio profligauit. Purgatorium animarum tollunt iidem penè omnes sectarij: At quicunque illud superioribus seculis sustulerunt, hæretici iudicati sunt, Albanenses, & Albigeneses, Henriciani, & Petrobrussiani, nec non Apostolici, falsò à seipsis nominati, quos doctissimè S. Bernardus Clarèuallensis serm. 66. in Cantica, & Venerabilis Petrus abbas Cluniacensis, peculiari libro refutarunt. Sunt inter Calvinistas qui doceant, nullum crimen esse, si fides animo retenta, apud persecutorem ore negetur, atque illud usurpent, Iura, peritura, secretum prodere noli: Quæ quidem olim



doctrina Elcesaitarum fuit, ab Eusebio Cæsariensi commemorata lib. 6 cap. 31, & inter hæreses ascripta ab Augustino. Fuit & Priscillianistarum, eodem Augustino teste, quorum dogmata tam Pontifices Romani quam episcoporum concilia anathemate damnaverunt. Fuit & Apostolicorum, de quibus modo dicebamus. Indicta Ecclesiæ ieiunia, & certorum abstinentiam ciborum fortiter contemnunt sectarij omnes. Contemserunt & olim, Augustino teste, Aërius & Iovinianus; & longe post eos, Pauperes Lugdunenses. Sed æque omnes, hæretici propter hoc ab ecclesia iudicati. Inter nuptias & virginitatem nullum esse discrimen apud Deum, pleriq; omnes sectarij docent. Idem docuerunt, & à Patribus damnati sunt, Iovinianus atque Helvidius. Omnium parem esse in cælo beatitudinem docent Protestantes; Docuit hoc ipsum Iovinianus, & Patrum iudicio condemnatus est. Celibatum episcoporum, sacerdotum ac cæterorum ecclesiæ ministrorum oppugnâ omnes huius sæculi novatores. Oppugnavit item, stylo beati Hieronymi confossus & ab ecclesia damnatus olim, Vigilantius. Christi & Sanctorum imagines deturbant è templis & demoluntur omnes sectarij; Sed nec crucis salutaris signum pingunt aut honore aliquo dignantur. Verum utrâque in se Julianum apostatam auctorem

thorem agnoscant, qui & statuum Christi ab hæmorrhoida muliere positam impiè deiecit, & signum crucis pari impietate despexit. Testes sunt Sozomenus lib. 5. cap. 20 & Socrates lib. 3. cap. 3. Agnoscant & Leonem Isauricum & Constantinum Copronymum, & vniuersum genus Iconomachorum, cum Waldensibus & Albigenfibus, sui furoris atque doctrinæ consortes: Quos nimirum omnes, & particularibus iudicijs episcopi per regiones, & vniuersali sententiâ Patres septimæ synodi œcumenicæ, condemnarunt. Instituta monastica, & vouendi religionem vno ore carpunt, & superstitionis accusant, sectarij: Sed id iam olim fecerunt Lamperiani teste Damasceno, & Longobardi, & Pauperes Lugdunenses & Wicleffistæ: Quippe Ioannis Wicleff quatuor super hac re articulos confixit anathemate Synodus Constantiensis. Voluntariam paupertatem & quorundam ordinum religiosorum mendicationem damnant sectarij: Sed hoc ipsum, in duobus articulis eiusdem Ioannis Wicleff, a Concilio Constantiensi damnatum legimus. Aduersus indulgentias ecclesiæ, primus hoc seculo disputationem instituit Martinus Lutherus; Ei assenserunt omnes sectarij. Verum multo antè, eas contempserunt Pauperes à Lugduno, & Ioannes Wicleff. cuius item articulus est de re condemnatus

15.

16.

17.

- extat in eodem Constantiensi concilio. Primum Romani Pontificis de medio tollunt, & omnes Ecclesiæ Romanæ constitutiones repudiant, in vniuersum sectarij omnes: Sed dudum ante eos illud ipsum fecerunt, quos dixi, Pauperes à Lugduno, cum Ioannes Wiclef & Ioannes Hus; quorum de eadem re condemnatos articulos aliquot in memorato concilio Constantiensi videre est. Vt ad Ecclesiæ sacramenta veniamus, nullā per ea gratiam conferri, doctrina est omnium fere sectariorum. Hoc de baptismo, de Eucharistiā, de clericorum ordinatione tradiderunt olim Messaliani eoque nomine iudicati hæretici; vt author est Theodoretus lib. 4. fabularum hæreticarum. Baptismi ceremonias, atque in vniuersum omnes Ecclesiasticas benedictiones, spernunt & irrident sectarij. Sed huius impietatis suæ magistros habent Waldenses, Flagellantes, Lollardos & similia portenta, iam olim ab Ecclesiā pulsa & prostrata. Paruulos ex Christianis parentibus natos, sine baptismo saluari, docuit Ioannes Calvinus: At hoc in Pelagianis olim damnatum fuisse, nemo doctus & in B. Augustini scriptis versatus, ignorat. Consignationem episcopalem in Ecclesiæ Sacramentis sectarij non agnoscunt: Spreuit & olim Nouatianus, Eusebio teste lib. 6. c. 35. Spreuerunt item Waldenses, & reliqui damnati,

nati, quos modo dicebam. In Eucharistiæ Sacramento non contineri realiter & substantialiter corpus & sanguinem Domini nostri Iesu Christi, sententia est omnium hodie Sacramentariorum : At fuerunt & olim beati Ignatij tempore (teste Theodoro dialogo tertio) qui non confiterentur Eucharistiam esse carnem Saluatoris quæ passa est pro nobis. Manifestius verò, maiorique successu postea docuit idipsum Berengarius, mox Henriciani & Albigenes & Wicleffistæ. Sed hos omnes, impij erroris, Romani Pontifices ac cæteri episcopi non vno concilio, condemnarunt. Remanere in sacra Eucharistia substantiam panis & vini post consecrationem, docent non modo Sacramentarij, sed etiam Lutherani. Verum id non solum in Berengario Sacramentariorum principe damnatum est olim, sed & in Ioanne Wicleff, disertis verbis iterandæ eiusdem erroris condemnationem censuerunt Patres Constantiensis concilij, quemadmodum, liquet ex articulo 1. & 2. Sacrificium externum & visibile in Ecclesia nullum esse; duce & antesignano Luthero contendunt omnes sectarij, non sine grauissimis in Missam siue liturgiam ecclesiasticam maledictis & contumelijs. Sed hac in parte, doctrinæ ac blasphemix suæ parentes habent, velint nolint, Bogomites hereticos, qui in Græcia tempore Alexandri 3. Ponti-

23.

24.

27.

Pontificis exorti, Missam dæmonum sacrificium sacrilego ore nominarunt; vti testatur Euthymius 2. parte suæ Panopliæ titulo 23. Nec dissimilis fuit insania Henricianorū, & Ioannis Wicleff, cuius articulum quintum numero, quo dicebat non esse fundatum in Euangelio, quod Christus Missam ordinauerit, cum cæteris eius articulis damnarunt Patres synodi

16. Constantiensis. Confessionem peccatorum quæ sacerdoti sit tanquam Christi vicario, non admittunt sectarij: Sed & eâ in re necesse est Ioannem Wicleff in concilio Constantiensis condemnatum, eoque antiquiores Waldenses hæreticos, authores & patronos agnoscant.

17. Inter episcopum & presbyterum nihil prorsus interesse, docent sectarij. Idem planè docuit olim Aërius Arianus; Sed tanquam manifestam hæresim refutauit Epiphanius. Nec alio loco habiti sunt, qui eandem doctrinam postea refricarunt Marsilius Patavinus & Pauperes a

18. Lugduno. Extremam vñtionem sectarij non modo è Sacramentorum Ecclesiæ numero eximunt, verum etiam derisui habent: Itidem fecerunt Lugdunenses Pauperes, & similium sectarum homines; episcoporum iudicijs & Romanorum Pontificum decretis, condemnari.

19. Ecclesiam Christi inuisibilem esse, & ex solis prædestinatis constare, doctrina est sectariorum pene omnium: Sed eam in Ioanne Hus

ana-

anathemate damnauit Synodus Constantiensis, idque per plures articulos. Catholicam Ecclesiam de orbe terrarum perijsse; & quod ad externam attinet professionem & Sacramentorum celebrationem, apud se solos reliquam esse; cæterum prioribus aliquot sæculis extinctam fuisse, docent Lutherani & Calvinistæ. An non hoc prorsus simile est cum eo quod olim dixerunt Donatistæ, Christi Ecclesiam, propter crimina Cæciliani, perijsse de toto orbe terrarum; & in solâ Africâ, solâque Donati parte remansisse? Nisi quod Donatistæ nunquam penitus eam deletam ac deperditam fuisse quoad externam faciem, docuerunt; quod isti docent. Quare si illos ob eiusmodi doctrinam in hæreticorum numero semper habuit Ecclesia; quantò magis istos? Sed video me modum excedere in enumerandis sectariorum nostri sæculi placitis & opinionibus, quas cum hæreticis, ecclesiæ iudicio iam olim damnatis communes habent; tamen si fateor nondum omnes me percensuisse; nec profectò in tantâ errorum multitudine & confusione, facile mihi esse ut omnes percenseam. Quare superest ut receptui canam, & quod initio volui, concludam. Si enim nihil penè est in doctrinis & placitis eorum, qui de fide & religione controuersias Ecclesiæ Catholicæ nostro hoc sæculo suscitauerunt, quod non olim ipsius Ecclesiæ,

clesiæ, quæ tunc sine omni controuersia nomen Ecclesiæ cum omnibus eius priuilegijs possidebat, iudicio & authoritate fuerit condemnatum: nulla profectò causa est cuiquam Ecclesiæ filio, vt non, pro ea reuerentia atque obedientia quam Ecclesiæ, Christi sponsæ, atque omnium fidelium matri, debet; nec non pro ea sollicitudine quam sibiipso debet pro æterna sua salute, in eiusdem Ecclesiæ doctrina, iudicio, definitione, cum omni securitate conquiescat.

*Anno 1597. 14. Octob.*

## Additio Authoris.



OTERRANT quædam adiungi superioribus: velut, S. Mariam non mansisse virginem in partu. qui olim idem dixerint videbis apud S. Augustinum hæresi 82. Larigationes male conferri in Monasteria, Tempia Ecclesias: Quod dixerunt etiam Albigenes & wiclefus, & alij, apud Prateolum.

Paruulis nihil prodesse baptismum: Id hodie Anabaptistæ docent: olim Henriciani & Petrobrussiani.

Contemnunt tantum ecclesiæ multi: olim Pauperes Lugduenses.

Miracula quæ in ecclesiâ sunt impie calumniantur sectarij plerique, inter eos præcipue Centuriatores Magdeburgenses: Idem fecerunt Pauperes Lugduenses. Omitto alios & alia.

ORATIO

# ORATIO DECIMA.

*In Ecclesia Christi malos esse  
permixtos bonis.*



**S**APIENTIS nostri  
sententia est in Pro-  
uerbijs, auditores, Oc-  
casiones querit, qui vult  
recedere ab amico; omni  
tempore erit exprobrabi-  
lis. Generale quidem est  
hoc prouerbiū & mul-  
tis humanæ vitæ exem-  
plis comprobatum: sed cuius veritas in nullo  
hominum genere clarius & euidentius agnos-  
citur, quàm in desertoribus Ecclesiæ Catholi-  
cæ, Hæreticos dico & schismaticos. Hi nam-  
que dum ab Ecclesia, quam sponsus eius in  
Canticis, amicam vocat, recedere & separari  
volunt,



volunt, siue quod sensum suum sensui matris Ecclesiæ subiicere detrectant, siue quod suauē iugum Ecclesiasticæ disciplinæ ferre non sustinent; occasiones quærunt, & prætextus, quos impiæ desertionis ac separationis suæ sceleri obtendant: nimirum vt iustâ ac necessariâ ratione compulsi, ab Ecclesia recessisse videantur. Multa igitur ac varia quæ sibi in Ecclesia Catholica meritò displiceant, proferre & commemorare solent; Verbum Dei neglectum ac deprauatum, tyrannidem Pontificum, superstitiones monachorum, fiduciam meritorum, ceremoniarum onus importabile, sacramentorum vsum inuersum & contaminatum, horrendam in sacrificio Missæ idololatriam, denique mores corruptissimos eorum qui sibi Ecclesiæ Catholicæ nomen vendicant. Ecce occasiones ecce prætextus, quos ad palliandam turpitudinem suam quærunt ac sibi fingunt filij desertores, vtique malitiâ suâ & calumniandi studio excæcati. Porro quia de singulis quæ illi calumniantur, disputationem aduersus eos instituere, longioris est negotij, quàm quod breui possit oratione absolui: De eo solo quod vltimum à me positum est, id est, de occasione quam petunt ex morum corruptelâ eorum qui sunt in Ecclesiâ Catholicâ, (quoniam hæc in re apud imperitos exaggerandâ, valde diserti & copiosi esse solent, nec paucos, quod

quod dolendum est, venenatis huiusmodi sermonibus à viâ salutis secum in perditionem abducunt) aliquid dicere pro instructione & cautelâ simpliciorum, nunc constitui. Quod ut Deo donante faciam vtiliter; primo loco ostendam Ecclesiam in sacris literis talem nobis describi, quæ durante hoc sæculo semper tam malos quam bonos intrâ se contineat, malos inquam non à bonis separatos, sed bonis ubique permixtos. Deinde docebo propter quamrâmcunque malorum hominum in Ecclesia multitudinem non esse cuiquam ab eâ recedendum. Tertio quam graue sit & horrendum schismatis, seu separationis crimen, demonstrabo. Ac postremò, refellenda nobis erunt ea quæ pro sui schismatis excusatione proferunt desertores. Et quidem de eo quod primum dixi, fortè putabit aliquis superuacaneam fore nostram orationem: Satis enim ac plus satis docet experientia malos nusquam terrarum deesse, nullamque tam sanctam esse congregationem, in qua mali bonis sese non misceant; ut planè constet ecclesiam Catholicam in hoc sæculo sine malorum permixtione existere non posse. Sed quia tam veteres heretici quam noui, super hâc etiam re litem ecclesiæ magistris suscitauerunt, dum vel inuisibilem faciunt ecclesiam, eamque ex solis iustis constantem; vel, quæ Catharorum ac Donatistarum

rum fuit olim impudentissima superbia, omnes suæ sectæ homines iustos & sanctos affirmant : facturus operæprecium mihi videbar, si in hoc etiam argumento partem aliquam orationis insumerem, præsertim cum ab ea calumnia schismaticorum, vindicanda sit ecclesia, quâ sic eam grauant multitudine scandalorum & abundantia iniquitatis, vt compelli se dicant, si salui esse velint, ad eam deserendam, quasi de ea dictum ac præceptum nobis sit illud apostoli. *Exite de medio eorum & separa-*  
*mini*; Et quod angelus in Apocalypsi clamat : *Exite de illa populus meus, vt ne participes sitis delictorum eius, & de plagis eius non accipiat; quoniam peruenerunt peccata eius vsque ad calum.* Igitur, vt institutum exequar, vnde potius auspicabor, quàm à doctrina Christi Saluatoris nostri, qui in euangelio sponsam suam ecclesiam ita nobis describit, vt intra eam malos esse bonis permixtos apertissime declaret? Simile factum est, inquit, regnum calorum homini qui seminauit bonum semen in agro suo : Cum autem dormirent homines, venit inimicus eius, & superseminauit zizania in medio tritici, Et paucis interpositis; Domine, inquiunt serui ad patrem familias, Nonne bonum semen seminasti in agro tuo? Vnde ergo habet zizania? Et ait illis : Inimicus homo hoc fecit. Sermo quidem parabolicus, sed non dubie significationis; vt quem Dominus ipse discipulis

cipulis

discipulis interrogantibus exponere dignatus  
 est. Tantum nomine regni cælorum, quid sig-  
 nificetur, videndum. Hoc enim ideo Dominus  
 non exposuit; quia pars parabole non erat, sed  
 magis nomen rei cui parabolam vellet ac-  
 commodari. Quod igitur regnum cælorum?  
 an Ecclesiæ triumphantis in cælis? Minimè  
 verò: Nam illa ciuitas est de qua scriptum  
 est in Apocal. *Non intrabis in eam aliquod coin-* Apoc.  
*quinatum, aut abominationem faciens & menda-* 21.  
*cium. Et iterum: Foris tuncos, & venefici, & im-* Apoc.  
*prudici, & homicida, & idolis seruientes, & omnis qui* 22.  
*amat, & facit mendacium.* At regnum cælorum  
 de quo Dominus sub parabola disserit, non so-  
 lum triticum habet sed & zizania; id est, non  
 solum bonos sed & malos; non solum filios  
 regni, sed & filios nequam, id est diaboli. Sic  
 enim Dominus ipse semen bonum & zizania  
 interpretatur. Quare si hæc de regno Ecclesiæ  
 triumphantis intelligi nullo modo possunt,  
 certè consequens est in Ecclesiam militantem  
 ea dicta esse; quæ propterea regnum cælorum  
 vocatur, quia etsi militet in terris; spes tamen  
 eius & conuersatio in cælis est. Ac ne quis zi-  
 zania non in regno cælorum, sed in agro, quem  
 Dominus mundum, non Ecclesiam exposuit,  
 seminari & nasci capilletur; audiat extrema  
 Domini parabolam exponentis, verba; *Sicut er-*  
*go, ait, colliguntur. Zizania & igni comburantur;*  
 L sic

sic erit in consummatione sæculi. Mittet filius hominis angelos suos, & colligent de regno eius omnia scandala, & eos qui faciunt iniquitatem, & mittent eos in caminum ignis. Quid in his verbis apertius, quam quod in regno Christi, durante hoc sæculo, sint scandala & homines facientes iniquitatem; vt pote quos angelorum ministerio de regno eius in fine sæculi colligendos & separandos, atque in caminum ignis mittendos, ipse Dominus parabola suæ interpreter, pronunciat? Audiamus & alteram parabolam.

**Mat. 13.** Iterum, inquit, simile est regnum calorum sagenæ missæ in mare & ex omni genere piseium congreganti. Quam, cùm impleta esset, educentes, & secus litus sedentes, elegerunt bonos in vasa, malos autem foras miserunt. Hoc quamuis sub parabola dictum, post superioris tamen expositionem parabola videri potuit ita clarum vt interpretatione non egeret, præsertim si cogitemus apostolos, ecclesiæ ministros atque præfectos, quibus dictum est. *Faciã vos fieri piscatores hominum.* Verumtamen ne qua forsitan apud nos, qui hæc eramus lecturi, remaneret ambiguitas; istam quoque parabolam Dominus exponere voluit; ita subiungens; *Sic erit in consummatione sæculi. Exibunt angeli & separabunt malos de medio iustorum, & mittent eos in caminum ignis.* Si mali aliquando de medio iustorum separandi, sunt; ergo nunc sunt in medio iustorum, in eandem conclusam sagenam,

sagenam, id est, ecclesiam hanc militantem. Neque enim aliud per sagenam, cui regnum cœlorum assimilatum est, intelligi posse, ex eo quod suprâ de regni cœlorum significatione dixi, manifestum est. Sed & tertiam parabolam audiamus. *Simile est regnum cœlorum decem virginibus, quæ accipientes lampades suas exierunt obviam sponso & sponsa. Quinque autem ex eis erant fatuæ, & quinque prudentes &c.* Quid fatuæ virginis, nisi malos ac stultos ecclesiæ filios, & quid prudentes, nisi bonos significant? Et tamen omnes in ecclesia sunt militante, quæ sub nomine regni cœlorum decem virginibus comparatur. Denique ut plura paucis colligam, quoniam ecclesia Christi varijs in scriptura sacra nominibus, per figuram & similitudinem, significatur; penè nihil eorum est, ex quo non demonstretur in eâ bonorum & malorum hominum esse permixtionem. Ac primùm ecclesiæ Christi figuram atque imaginem in arca Noë fuisse nobis repræsentatam, Petrus apostolus in prima sua epistola declarat. Atqui scimus in arcam animalia munda pariter & immunda à Noë congregata fuisse. Scimus in eâ fuisse non solos Sem & Iapheth, sed & Cham improbum filium. Deinde an non ouile est ecclesia Christi? At in ouili cui pastor vnus præest, sunt & oues & hœdi in fine sæculi ab ipso pastore suo separandi, illæ collocandæ à dex-

Mat. 25.

1. Pet.

Io. 10.  
Mat. 25.

Eze.  
94.

Mat. 1.

1. Ti.  
mot. 3.

Mat. 5.

tris, hi statuendi à sinistris. Sed, etsi nomen  
 ouilis ita vrgeas, vt in illud solas oues admittas;  
 non tamen efficies, quin iuxta prophetam  
 Ezechielem, sanas & ægras, fortes ac debiles  
 oues, intra se contineas. *Aream* vocat Eccle-  
 siam Christi, præcursor eius Ioannes baptista,  
*Cuius, inquit, ventilabrum in manu sua, & per-*  
*mundabit aream suam; & congregabit triticum*  
*suum in horreum, paleas autem comburet igni inex-*  
*tinguibili.* Sicut ergo paleæ cum tritico repleta  
 aream, nec nisi ventilatione separantur: sic  
 malis cum bonis implent ecclesiam, non prius  
 separandi quàm cuius ventilabrum est in ma-  
 nu sua, purget ac permundet aream ecclesiæ  
 suæ. Quod profectò secundum Dominicas  
 parabolas non est futurum ante sæculi con-  
 summationem. Iam & domus, & ciuitas, &  
 regnum, ecclesia Christi vocatur; *Vt scias, in-*  
*quit apostolus ad Timot. quomodo oporteat te in-*  
*domo Dei conuersari, qua est ecclesia Dei viui.* Et  
 Christus in euangelio, *Non potest abscondi ciui-*  
*tas supra montem posita.* Regnum verò ecclesiam  
 appellari satis iam ex superioribus liquet; &  
 de ea re sunt innumera scripturæ testimonia.  
 Quæ verò domus vel paululum numerosa,  
 quæ ciuitas aut quod regnum, in quo non mali  
 bonis permixti? quando & in familiâ Christi  
 Domini tam parua, vt duodecim tantum ho-  
 minibus constaret, non defuit homo tam ma-  
 lus

ius ut diabolus dici mereretur; tam avarus, ut Dominum suum triginta argenteis vendiderit eis, à quibus ad necem quærebat. Legimus & nuptiali conuiuio comparatam ecclesiam, in quod rex ingressus ut videret discumbentes, vidit ibi hominem non vestitum veste nuptiali, eoque dignum qui ligatis manibus ac pedibus mitteretur in tenebras exteriores. Postremo Christus Dominus semetipsum viti comparat, atque de eâ sic loquitur apud Ioannem, *Ego sum vitis, vos palmites. Qui manet in me & ego in eo, hic fert fructum multum. Si quis autem in me non manserit: mittetur foras, sicut palmes, & arefcet, & colligent eum & in ignem mittent, & ardet.* Sunt igitur in vite Christo non solum palmites fructiferi, verum & steriles & infructuosi, separandi tandem & in ignem mittendi. Quomodo autem in Christo; nisi quia in ecclesia eius, quatenus vnum corpus sunt Christus & ecclesia? Nam & ipsa corporis analogia ad eam rem de qua agimus, argumentum nobis suppeditat; ut sicut in corpore non solum integra & sana sunt membra, sed etiam læsa atque infirma, nonnumquam & mortua: Sic in ecclesia, quæ Christi corpus est, intelligamus esse non solum qui moribus integri sunt & probati, verum etiam qui corrupti & improbi; nonnulli quoque, mortuum instar, incorrigibiles ac desperari. Quod

Ioan.  
6.  
Moth.  
16.

Mat 22

Ioan.  
15.



Mat. 18.

ne dubium cuiquā sit, docet hoc Christus, non sub parabola sed planis apertisque verbis apud Matheum, inquit, *Si peccauerit in te frater tuus, vade & corripe illum inter te & ipsum solum. Si te non audierit, adhibe tecum adhuc unum vel duos. Quod si eos non audierit, dic ecclesie. Si autem ecclesia non audierit, sit tibi sicut ethnicus & publicanus.* Ex quo sanè manifestum est in Ecclesia peccatores inueniri, & tales quidem qui nec fraternā correptione, nec ipsius Ecclesiæ admonitione emendati, tamdiū tamen in ea manent, & fratres vocantur, donec ab ea, per illos qui ligandi soluendique potestatem habent, eijciantur iam non vt fratres, sed velut ethnici & publicani habendi. Certè si vlla est excommunicandi potestas in Ecclesia (quam vtique potestatem illo ipso loco Dominus instituit & commendauit): euidentissimè conuincitur in Ecclesia malos esse. Neque enim per excommunicationis censuram eijci possent, qui intus non sunt; neque amputari qui non cohererent. Quocircā & fornicarius ille apud Corinthios, ab apostolo Paulo excommunicandus, sic ab eo describitur vt intra ipsam existens Ecclesiam. Nam Ecclesiā Corinthiorum alloquitur quādo dicit, *Omnino auditur inter vos fornicatio.* Et iterum: *Tollatur de medio vestrum qui hoc opus fecit.* Rursus; *Expurgate vetus fermentum.* Denique, *Auferre malum istum ex vobis ipsis.* Sed nec auderet

2. Co.  
sint. 5.

auderet aut præsumeret apostolus de malis ac sceleratis hominibus, nisi intus essent, iudicium exercere. *Quid enim mihi, inquit, de ijs qui foris sunt, iudicare? Nonne de ijs qui intus sunt vos iudicatis?* Adde, quòd ipsos Ecclesiæ prælatos non raro malos esse contingit. Et quis dixerit eos à quibus Ecclesia regitur, in Ecclesia non esse? Ioan. in Apoc. sub nomine septem angelorum ad septem Ecclesias Asiæ, seu verius ad earum præpositos, scribens, fermè nullum prætermittit quem non grauitè reprehendat. Nominatim vero Sardensis Ecclesiæ episcopum sic alloquitur, *Nomen habes quod viuas, sed mortuus es.* Atqui fuisse hos in Ecclesia, adeo verum est, vt eorum crimina in Ecclesiarum reprehensionem redundarent. Credo satis à me esse demonstratum, auditores, Ecclesiam Christi in scripturis sanctis talem nobis describi, quæ durante hoc sæculo bonos & malos inuicem permixtos, tanquam animalia munda & immunda in arca Noë; tanquam aues & hædos in ouili; tanquã bonum semen & zizania in agro; tanquam triticũ & paleas in area; tanquam bonos & malos pisces in sagena; tanquam palmites fructiferos & infructiferos in vite, tanquam membra sana & infirma in corpore; denique tanquã homines probos in vnâ domo, ciuitate, regno, contineat intia se; nec prius separationẽ malorum à bonis admissura,

Apos.  
1. & 3

quam veniet ille ad iudicium qui reddet unicuique secundum opera sua. Quapropter indubitanter affirmo, si qua in terris reperiretur hominum congregatio iuxta speciem externam tam sancta, ut in ea nulla apparerent scandala, nullum exemplum malum; credere me non posse congregationem huiusmodi illam esse Christi Ecclesiam quam in terris futuram sacræ literę nobis & prædixerūt, & notis manifestissimis ostenderunt: Sed vel esset hypocritica ac foris tantum dealbata Ecclesia; vel esset duntaxat portio quædam Ecclesiæ veræ Catholicæ. Nam licet Ecclesia nunquam scandalis caritura sit usque ad finem sæculi; nihil tamen prohibet esse in ea congregationem paucissimorum aliquot hominū, in qua, saltem ad breue tempus, non sint aut non appareāt scandala. quamvis hoc ipsum rarum sit & difficile. Cæterum illud definire non audeo, sitne maior in Ecclesia malorum numerus an bonorum. Neque enim eā de re puto extare in scripturis certa & indubitata testimonia. Nam si ex parabolis coniectura petenda est; res prorsus ambigua relinquitur. Etenim plures esse malos, suadere quidem videbatur arcæ similitudo, in qua palearum multo maior est numerus quam granorum tritici, Eòque referri poterit quod in arca Noe, quæ fuit typus Ecclesiæ, plura fuerint immunda quam munda animalia. Quibus  
sanè

sanè argumentis adducti Gregorius Magnus,  
 & ante eum Augustinus, interdum affirmant  
 paucos in Ecclesia bonos esse comparatione  
 malorum, videntes & illâ Domini sententiâ, quâ  
 interrogatus à quodam, An pauci sint qui sal-  
 uantur, respondit : *Contendite intrare, per angustam* Lucæ 13  
*portam, quia multi, dico vobis, quarent intrare*  
*& non poterunt.* Et alibi ; *Intrate per angustam*  
*portam ; quia lata porta & spatiosa via est quæ ducit*  
*ad perditionem ; & multi sunt qui intrant per* Matthæi 7  
*eam. Quàm angusta porta & arcta via est quæ ducit*  
*ad vitam ; & pauci sunt qui inveniunt eam.* Tale  
 & illud est toties à Domino repetitum, *Multi*  
*vocati ; pauci vero electi.* Et quidem malorum  
 numerum adedò prævalere in Ecclesia, ut boni  
 vix appareant, apostolico testimonio com-  
 probari videtur, quo, de raritate bonorum  
 conquerens, ait, *Omnes quæ sua sunt querunt, non*  
*quæ Iesu Christi.* Verùm si ad alias Ecclesiæ para-  
 bolas & similitudines in scriptura propositas,  
 animum aduertamus ; in diuersam inclinabi-  
 mur sententiam. Etenim in agro bene culto,  
 qualis est ecclesia, plus est tritici quàm ziza-  
 niorum ; & plures in sagemam boni pisces col-  
 liguntur quàm mali ; & plures in vite palmites  
 sunt fructiferi, quàm infructiferi ; & plura  
 sunt in corpore membra viua & sana, quàm  
 mortua & infirma ; Denique in epulo nuptiali  
 atque in tanto numero conuiuarum, vnus tan-  
 tum

rum intentus est dignis qui eijceretur, quod vestem non haberet nuptialem. Quare si et huiusmodi comparationibus de numero bonorum & malorum statuendum aliquid est: plures esse in Ecclesia bonos quam malos statuendum erit. Nec verò satis propriè videbitur Ecclesie competere excellens illa sanctitatis nota, quam ei in symbolo ascribimus, credentes & confitentes sanctam esse Ecclesiam Catholicam; si plures in ea sint mali atque impuri, quam boni & sancti. Nec de moribus Ecclesie Catholice, sanctis utique & probatis, librum aduersus Manichæos edidisset beatus Augustinus, si malorum hominum ac viriorum multitudinem præ bonis in ea prævalere existimasset. Porro respicientibus nobis ad alias Ecclesie comparationes, & ex ijs argumentum querentibus; aut equalis bonorum ac malorum numerus videbitur, aut planè dubius. Equalis quidem, iuxta parabolam decem virginum, quarum quinque fuerunt fatue & quinque prudentes. Dubius verò, dum comparatur Ecclesia Christi cum omni in quo herdi cum omnibus stabulantur: aut cum domo, ciuitate, regno; in quibus modò bonorum excedit numerus, modò malorum. Cum autem constet non omnia quæ parabolicis narrationibus continentur, ad mysterium parabolæ significatum accommodanda esse, quomadmodum à Chrysostomo & alijs scri-

Scripturæ interpretibus non vno loco est annotatum; facile cuique est videre quàm parum firmæ sint coniecturæ, quæ de numero bonorum atque malorum in Ecclesia Christi, ex euangelicis parabolis desumuntur. Nam quæ à Christo Domino extra parabolam de paucitate bonorum atque electorum dicuntur, non ab eo dicta sunt, comparatione malorum qui in Ecclesia sunt, sed eorum qui in mundo; quorum certè numerum incomparabiliter maiorem esse, nemo dubitat orthodoxus. At de bonis & malis Ecclesiæ sinu comprehensis, & Ecclesiæ sacramenta percipientibus, vtri plures sint; satius fortasse fuerit sententiam suspendere, quàm aliquid definitè, quòd certò probare nequeam, pronunciare. Vnum tamen hoc non possum quin adijciam, plerumque contingere, vt qui ex peccati corruptione proueniunt ad iudicandum & malè suspicandum de proximis, quique pulchritudinem Ecclesiæ quæ ab intus est, non videmus; opinione ac suspitione nostra malorum numerum vltra quàm par est, augeamus. Non est negandum multos esse bonos in Ecclesia, quamuis occultos: quia pulchritudo Ecclesiæ intus est, in virtutibus scilicet, quæ in animo latent, & per humilitatem conseruantur ne pereant. Ex corruptela nostra fit vt multi putentur mali qui boni sunt. Nam etsi forte publicè aliquis peccauit,

cavit, imò et si famam amisit: tamen per veterem  
 pœnitentiam forte iam filius Dei est, melior  
 illo qui saluam habet famam, sed fortassis non  
 saluam conscientiam. Forte hunc bona fama  
 extollit in superbiam: illum infamia per hu-  
 militatem & pœnitentiam corrigit ad bonam  
 vitam. Prior ille fortassis virtutum quodam  
 splendore externo speciosus est coram homi-  
 nibus: hic verâ & solidâ virtutum posses-  
 sione locuples coram Deo & angelis eius.  
 Itaque non est credendum tam paucos esse  
 bonos in Ecclesia, quàm multi existimant.  
 Si enim Eliæ seruo Dei, dicenti, *Relictus sunt ego*  
*solum*; responsum est à Domino; *Reliqui mihi sep-*  
*tem millia virorum, qui non curauerunt genua ante*  
*Baal*: Et, si vir ille sanctissimus tantulque præ-  
 pheta tam grauitè opinione falsus fuit, ut se  
 solum esse putaret verum Dei cultorem: quan-  
 to magis nos in huiusmodi re iudicanda falli  
 continget? quanto etiam magis (ut ad caput re-  
 deat oratio) falluntur hæretici atque schisma-  
 tici, odio Catholicæ Ecclesiæ execrati, ut nu-  
 merum malorum qui in Ecclesia sunt, supra  
 numerum augeant? Nos autem Ecclesiæ Ca-  
 tholicæ filij; suadente charitate semper in par-  
 tem benigniorem propensi, iudicium nostrum  
 suspendamus, quoadusque veniat Dominus, qui &  
 illuminabit abscondita tenebrarum & manifestabit  
 consilia cordium; quàm ante tempus certam de  
 re

1. Reg.  
 19.

2. Co-  
 rinth.  
 4.

re in octa sententiam proferamus. Et hæc satis de eo quod primo loco dicendum erat. Reliquas orationis partes, alio tempore, si Deus dederit, expediemus. Quanquam ex his quæ hætenus diximus de primo ex propositis capitulis, non difficile est iudicare de secundo & tertio; nimirum non licere cuiquam ab Ecclesia recedere, quantacumque in ea appareat multitudo malorum; & esse horribile ac longè maximum scelus, si quis id faciat. Non enim aliam Ecclesiam nobis designant Scripturæ quàm quæ habeat semper malos bonis admistos. Gemere inter malos debemus; non propter malos nos à bonis separare; ne illis ipsis malis efficiamur peiores; quia grauissimum esse schismatis crimen inter omnia peccata, quæ contra proximum suum homo committere potest, S. Thomas ostendit ex eo quod sit contra bonum spirituale multitudinis. 2. sec. q. 36. art. 2. ad 3. Et profecto horribiles pænæ quibus Deus schismata quondam puniuit, magnitudinem sceleris loquuntur. Vide Numerorum c. 16. Item 4. Reg. 17. v. 21. in originali scriptura. Vide etiam S. Augustinum, potissimum in libris contra Donatistas; ac nominatim lib. 1. c. 8. Contra Parmen. lib. 1. c. 4. & 7. Tract 27. in Ioan. & in libro de Patientia. Digna est lecta epistola Dionysij Alexandrini ad Nouatianum sancto Cornelio antipapam, quæ extat apud

Euse-



Eusebium hist. lib. 6. c. 37. dignus lectu Irenæus lib. 4. c. 62. Adde Chrysost. homilia 11. in ep. ad Ephesios. Item S. Cyprianum epist. 65. aliàs lib. 3. ep. 9. & epist. 75. aliàs lib. 11. ep. 6.

Exempla sanctorum prophetarum, apostolorum, & aliorum idem nos docent; quia quamvis viderent vitia gravissima sacerdotum ac reliquorum ministrorum Dei & ecclesie, eaque sæpe ac multum reprehenderent, non tamen deseruerunt Ecclesie societatem.

Et necessario quidem: quoniam extra ecclesiam non est salus. Qui deserunt, quibuscumque tandem peccatis veris aut fictis offensi, similes sunt ei, qui offensus moribus eorum quibuscum eadem trahi vehitur, seipsum coniicit in mare, quod ab illis separaretur; & non potius patienter fert alienam improbitatem, quam non potest corrigere; Vel membro quod seipsum à corpore separaret propter morbum alterius membri; & non potius ad laboraret ut commembrum illud sanitati restitueretur, aut insanabile abscindatur.

Anno 1599. 25. Octobr.

ORATIO



# ORATIO

## VNDECIMA.

*An nostri temporis hæretici peiores sint antiqui?*



V D I V I S T I S, viri celeberrimi, differentem baccalaureum nostrum candidatum, de fugiendis hæreticorum colloquijs & commercijs, deq; cautela adhibenda, siqua necessitas cogat cum eis conuersari.

Utilis oratio & nostris temporibus opportuna. Verùm ne quis sibi blandiatur, & cum periculo suo plus satis hoc in genere sibi indulgeat; operæpretium fuerit paulò propius atque penitus, ingenium & mores hæreticorum nostri temporis inspecto, ut ex ea re etiam

re etiam, periculum quod ab eorum congressibus & consuetudine fidelibus imminet, quantum & quale sit, intelligi possit. Huius rei gratiâ constitui tractare quæstionē, Vtrum nostræ ætatis hæretici, malitiâ superent omnes hæreticos superiorum temporum. Et quidem fortassis alicui videbor in sectarios & nouatores nostros nimium inflammatus, qui de ijs tam odiosam comparisonem in medium proferam. Quis enim dubitauerit, inquiet aliquis, quin veterum hæreticorum multi, multò fuerint neotericis nostris deteriores, perniciosiores, execrabiliores? Ac primò, Simonem magum nobis adducet, hæreticorum omnium primum & hæresiarcharum principem, eundemque, teste Ignatio martyre, diabolicæ sobolis primogenitum. Cuius tanta fuit impietas, si vetustis scriptoribus Irenæo, Eusebio, Epiphanio creditur, ut seipsum Deum faceret, & pro Deo colendum discipulis suis proponeret; dicens se esse Patrem & filium & Spiritum sanctum. Tanta vero impuritas, ut abominandas eius sectæ libidines & flagitiosa mysteria ab iisdem authoribus prodita, nec legere nec audire sine horrore, Christianus pudor sustineat. Adducet etiam sequaces & successores eius, Menandrum, Basilidem, Valentinum, Carpocratem, & totâ scholam Gnosticorum; quorum tam sædæ fuerint & portentosa turpitu-

pitudines, ut propter eam causam Borboritæ,  
 quasi cœnoli, fuerint appellati. Cum his autem  
 tam impiæ & tam impuræ doctrinæ homini-  
 bus, nostræ ætatis sectarios, qui hæc omnia  
 palam damicare & fugere se profiteantur, com-  
 parare velle; distet esse hominis impudentis,  
 iniqui, & affectu præoccupati. Virgebit nos &  
 hoc argumento: Hæreses estimandæ sunt ex  
 obiectis. Quare quanto excellentius est obie-  
 ctum circa quod hæresis versatur, tanto &  
 ipsam detriorom esse necesse est; velut quanto  
 res melior quam quis odit, tanto ipsum odium  
 peius esse constat. Vnde nemini dubium, quoniam  
 longe peruersius sit odisse Deum quam ho-  
 minem. Atqui hæreses antiquæ, ut plurimum  
 versatæ sunt vel in depravanda natura diuini-  
 tatis, vel in oppugnando mysterio Trinitatis,  
 vel in sabuerendo Dominicæ incarnationis  
 Sacramento; quæ prima sunt Christianæ fidei  
 capita. Nam priorum quidem seutorum  
 hæretici, Simoniani, Valentini, Marcioni-  
 cæ, Manichæi multa impia & fabulosa de Deo  
 eiusque natura commentis fœne. Qui verò pro-  
 xime eos sunt secuti, Sabelliani, Ariani, Ma-  
 cedoniani, sacrosanctæ Trinitati bellum intem-  
 perant: Posteriores autem ut Nestoriani,  
 Eutychiani, Monothelitz in Christum caput  
 nostrum Deum & hominem, inperum fecerunt.  
 Sed & horum affines, Prælagiani, illud  
 M ipsum

ipsum Dominicæ dispensationis mysterium  
 euacuare conati sunt, gratiam Christi negan-  
 tes. Cæterum nouellæ hereses nihil tale, sed ea  
 tantum ratione damnabiles sunt, quod de Ec-  
 clesia, de sacramentis, de iustificatione, de pur-  
 gatorio defunctorum, cultuque sanctorum  
 atque alijs huiusmodi, non rectè sapiant. Quæ  
 omnia, non prima religionis nostræ capita  
 sunt, sed eorum effecta quædam, velut obiecta  
 fidei nostræ secundaria. Quare quantum hæc  
 ab illis distant; tantum hereses nouæ malitia  
 & impietate superantur ab antiquis. Quod si  
 malitiam hereticorum putemus æstimandam  
 ex odio quo flagrant aduersus Ecclesiam Ca-  
 tholicam; dicet mihi hac in re facilè principes  
 omnium fuisse Arianos, vt pote pertinacissi-  
 mos & infestissimos Catholicorum persecu-  
 tores; quorum furoris & crudelitatis exem-  
 plis plenz sunt ecclesiasticæ historiæ Socratis,  
 Sozomeni, Theodoret, Victoris Vticensis, &  
 aliorum. Hæc, inquam, opponet mihi fortasse  
 quispiam, ne in comparationem & certamen  
 malitiæ, nostros sectarios ausum vocare cum  
 hereticis antiqui temporis. Verum nihil agi-  
 Veritas quærenda est, & in lucem proferenda.  
 Primum quidem, non est à nobis in quæstione  
 positum, Vtrum hereses nouæ peiores sint an-  
 tiquis; sed vtrum hæretici. Esse autem nostræ  
 tempestatis hæreticos antiquis peiores, videor  
 mihi

mihi suadere posse non paucis nec inualidis  
 argumentis; quorum hoc primum sit: Post-  
 eaquàm semel in omnes gentes Ecclesia Chri-  
 sti propagata est; tanto magis & fides decre-  
 scit, & iniquitas atque malitia hominum ac-  
 crescit, quanto magis appropinquat finis se-  
 culi. Christi voces sunt in euangelio; *Filius* Lucæ,  
12.  
*hominis veniens, putas, inueniet fidem in terra?* Et  
 iterum: *Quoniam abundabit iniquitas, refrigescet* Mat.  
24.  
*charitas multorum.* Quæ si in vniuersum dicta de  
 hominibus, appropinquante mundi consum-  
 matione, vera sunt; vtique consentaneum est  
 ea maximè veritatem habere in eorum genere,  
 qui fidem & Ecclesiam Christi deseruerunt, id  
 est, in hæreticis: vt nimirum in eis impleatur  
 quod de eis peculiariter dictum est ab apo-  
 stolo, *Malis autem homines & seductores profi-*  
*cient in peius, errantes & in errorem mittentes.* 1. Ti-  
mot. 2.  
 Non enim hoc tam de singulis seductoribus  
 dictum est, quàm de vniuerso genere sedu-  
 ctorum, id est hæreticorum; quod serie qua-  
 dam errorum & errantium protenditur vs-  
 que ad finem mundi. Accedat aliud argumen-  
 tum illi simile: Quò magis appropinquat  
 aduentus Antichristi; eò magis ad eum reci-  
 piendum homines disponuntur ac præparan-  
 tur. At verò præparantur maximè per hæreses  
 & schismata, velut aptissimas dispositiones ad  
 illam apostasiam Antichristi tempore futu-  
 ra,

ram, de qua Paulus apostolus in 2. epistola ad  
 Thess. Igitur quanto magis illud tempus ap-  
 propinquat, tanto magis & numero & malitia  
 crescent illi qui per hæreses & schismata ab-  
 strahunt homines ab Ecclesia Christi, ut eos  
 Antichristo præparent. Quamvis enim om-  
 nibus hæreticis sit commune, quod sint  
 Antichristi præcursores (nam hoc epitheto  
 passim à SS. Patribus ornantur); quodque  
 viam sternant Antichristo venturo: magis ta-  
 men hæc encomia in eos competunt, qui prin-  
 cipi suo Antichristo sunt viciniore, eiusque  
 aduentum magis è propinquo prænunciant.  
 Qua etiam ratione conuenit eos illi esse studiis  
 ac moribus similiore. Eam rem nobis confir-  
 mat Ioannes apostolus in sua Apocalypsi:  
*Cum, inquit, consummati fuerint mille anni, solu-*  
*uetur Satanas de carcere suo, & exibit, & seducet*  
*gentes, quæ sunt super quatuor angulos terre. Et*  
*circuierunt castra Sanctorum, & ciuitatem dile-*  
*ctam.* Hæc quidem Antichristi persecutio est.  
 Sed quod ait: *Soluetur Satanas de carcere suo,*  
 non est existimandum vno quopiam die aut  
 anno peragendum simul ac semel: Paulatim  
 enim id nunc agitur in ijs, qui Antichristum  
 præcurrunt, ut in ipsius aduentu peragatur.  
 Iam igitur incipit solui Satanas, non ob aliud,  
 quàm quia maiorem solito potestatem ad ho-  
 mines seducendos accipit. Atqui Satanicæ po-  
 testatis

testatis instrumentis ad seducendos homines;  
sunt hæretici. Quæ & ipsos ad eam rem, per  
fraudem & maliciam, magis quàm superiorum  
semporum hæreticos, aptatos esse oportet: ut  
nimis potentius in ijs, velut instrumentis  
suis, operetur Satanas iam solutus. Huius au-  
tem rei etiam illud est argumentum, quod ho-  
dierni scotarij non vna aut altera hæresi con-  
tinenti sunt; sed quas olim singuli hæretici aut  
inuenerunt aut sunt secuti, quasque iam olim  
in illis Ecclesiâ damnavit; isti colligunt in  
massam, additis etiam alijs quas ipsi novas pe-  
pererunt. Quis enim est, obsecro, Lutherano-  
rum, aut Calvinianorum, aut etiam Anabapti-  
starum, qui non cum Simone mago fidem præ-  
dicet sine operibus; cum Manichæo, liberum  
collat arbitrium; cum Ioviniano, nuptias æ-  
quet virginitati; cum Vigilantio, martyrum  
sepulchris ac reliquijs insultor; cum Aërio  
fidelium pro defunctis orationes exhibet?  
Quis non pendet omnes Albigensum, Fratricu-  
lorum, Wicleffitarum, Hussitarum errores ac  
hæreses, suas facit? ut de novis Arianis, Sabel-  
lianis, Nestorianis, quia minus late pullulas  
runt, nihil dicam. Si ergo illi peiores ac pesti-  
lenciores sunt hæretici, qui plus pestilentis er-  
roris collegerunt, quàm qui minus; sanè per-  
spicuum est, nostros antiquis & peiores esse &  
pestilentiores. Sed iam sepositis argumentis



à scriptura & ratione petitis; ad experientiam veniamus; & ipsorum nostris temporis hæreticorum mores, ingenia, studia proprias intueamur, ne forte calumniam se pati ex ratiunculis nostris, conquerantur. Multa quidem in hæreticis cuiuscunque ætatis vitia à Catholicis observata, & à scriptoribus annotata sunt; sed duo præcipuè in ijs eminent quæ velut proprietates quasdam & individuas comites hæretica prauitas sibi vendicat. Ea sunt superbia & odium. Superbia, qua sibi supra modum placent, suamque gloriam impensissimè quarunt; alios verò præ se fastuosi contempnunt. Odium, quo homines Catholicæ vnitatis prosequuntur. Vtrumque diabolicum vitium. De superbia hæreticorum nostri seculi, hoc solum dicam, in duobus eorum antesignanis & coryphæis, Martino Luthero, & Ioanne Caluino tantam fuisse, vt etiam amicis & socijs sue hæreseos, fuerint intolerabiles. Testes eius rei, qui gesta eorum scripserunt. Verùm longè certiores superbiæ & arrogantia eorum testes sunt libri ab ipsis scripti & editi: quos qui legerit, non mirabitur, si dixerò duobus illis Luthero & Caluino nullum vquam hæresiarcham omnibus retro sæculis arrogantiorum fuisse. Tantus passim in eorum libris fastus, tanta philautia, tantus aliorum contemptus etiam excellentium Ecclesiæ doctorum, vt vix  
ab

ab apostolis ipsis temperent; certe non inferiores seiplos agnoscant. *Posuerunt enim in celum os suum, & lingua eorum transiit in terra.* Psal. 72  
 Audite quid de se Lutherus scribat in libro ad ducem Georgium: *A tempore apostolorum, inquit, nullus doctor aut scriptor, nullus Theologus aut Iurisperitus tam insigniter & clarè conscientias secularium statuum confirmavit, instruxit, ac consolatus est, sicut ego feci, Per singularem Dei gratiam hoc certò scio, quoniam neque Augustinus, neque Ambrosius, qui tamen in hac re optimi sunt, mihi in hoc aequales sunt.* Audite & Caluini verbum vnum ex multis; lib. 3. institutionis cap. 3. sic ait: *Ante mille & trecentos annos usu receptum fuit, ut preces fierent pro defunctis; Sed veteres omnes, fateor, in errorem abrepti sunt.* Ecce vobis arrogantiam istorum duorum, qua suam sententiam & doctrinam vel præponere audent, vel opponere toti Sanctorum Patrum antiquitati. Et dubitamus adhuc, quin totam suorum Patrum, id est, hæreticorum veterum arrogantiam fastu & superbia superent? Quales autem magistri, tales & discipuli; ut meritò in totam sobolem ab illis propagatam hoc superbiz crimen conferamus. Restat ut de odio fraterno dicamus; quo utique laborare se, imò flagrare & estuare, apertissimè declarant verbis, scriptis, & factis. Nam quod ad verba spectat, ut priuatos eorum sermones passim

Rom.  
5.

aduersus Ecclesiam virulentia plenos, taceam;  
quid aliud sunt eorum conciones, quam ma-  
ledicendi quædam exercitamenta, quibus con-  
uicia & probra plenis buccis euomunt in fi-  
lijs Ecclesiæ Catholicæ, potissimum in sacer-  
dotes & monachos, atque in dogmata Catho-  
licæ religionis? ut verissime quadrent in  
eos illa scripturæ verba; *Sepulchrum patens est  
guttur eorum. Venenum aspidum sub labijs eorum.  
Quorum os maledictione & amaritudine plenum  
est.* Nec secus de scriptis eorum sentiendum.  
Nam plerique eorum libri, quid aliud sunt  
quàm inuectiua & insectationes plusquam  
Satyricæ, quibus vel sanctissima Ecclesiæ in-  
stituta lacerant, vel personas exagitant? Qui-  
bus si detrahas spiritum blasphemiae & mæle-  
dicentiae; profectò inuenientur admodum te-  
nuia, ieiuna, & languida, ac penè mortua. Iam  
dicat mihi quispiam, an veterum hereticorum  
aliquis aut linguam aut calamum habuerit di-  
cendis aut scribendis in Catholicos contume-  
lijs & maledictis æquè exercitatum? Quòd si  
fortè vel vnum inueniat; illud tamen hære-  
ticis nostræ tempestatis peculiare ac proprium  
relinqui necesse est, quòd vsque aded in cælum  
ponant os suum, ut Christi Domini nostri vi-  
carium, non vereantur Antichristum appel-  
lare. Hoc enim primus fecit Mart. Lutherus;  
& in hoc, eum ut ducem & principem, omnes here-

heretici deinceps exorti, strenuè imitantur. Nam Ioannes, quidem Wicleffus & Ioannes Hus, ex quibus maximam pestifera suæ doctrinæ partem Lutherus hausit, cum in clerum & Pontificem Romanū multa & acerba con- gesserint maledicta; non tamen eò progredi sunt ausi, vt Romanum Pontificem dicerent esse Antichristum, illum scilicet hominem peccari, quem Paulus describit. Quod quidem patet ex articulo Ioannis Hus 19. inter eos quos concilium Constantiense damnauit: In quo dicitur quod per censuras excommuni- cationis, suspensionis & interdicti, clerus viam preparat Antichristo. Nam si viam Antichristo venturo adhuc preparat clerus Rom. vt ille dicit; igitur, ex eius sententia, nondum Anti- christus aduenit. At Lutherus hac in parte, vt in multis alijs, magistros suos superans, non solum id dixit & scripsit; verum, etiam disci- pulis suis, & in vniuersum omnibus huius se- culi sectarijs adeò persuasit, vt nihil apud eos magis vulgatum magisque decantatum sit, quam Romanum Pontificem esse Antichri- stum. Quæ contumelia, cum in Christum Do- minum recidat, qui primarium est Ecclesiæ caput, & cuius ille vicarium munus in terris gerit, æstimet nunc vnusquisque apud se, quan- to Lutherani ceterique sectarij nostri peiores sint patribus ac maioribus suis, quibus tanta blas-

blasphemia nunquam legitur excidisse. Et quidem minora sunt hæc quæ dixi, si cum factis eorum sævis ac sanguinarijs conferantur, quæ illi odio fraterno repleti in Catholicos, sicubi potentiores euaserint, designauerunt. Nam ubi, quæso, non extant sequitæ & crudelitatis eorum exempla. Testes sunt Anglia, Gallia, Flandria, Hollandia vim odij Caluiniani toties & tam grauitè expertæ. Testes, noui martyres; eorum manibus crudelissimè interempti, tanta vbique multitudine, vt eorum numerum inire adhuc nemo potuerit. Certè Anglia & Hollandia, non decimam partem, fortè nec centesimam passa est persecutionis & rædium, omnibus retro sæculis, ab hæreticis simul & paganis, quas hoc seculo, intra paucos annos, vel à solis hæreticis sustinuit: vt profectò cum hodiernis hæreticis antiqui illi si comparentur; longè se superatos faciliè agnoscant. Ex quibus omnibus iam satis opinor constare, quàm neque paradoxon sit, neque temerarium, sed ipsa veritate subnixum, si dixerò nostrorum temporum hæreticos, ijs potissimum vicijs, quæ sunt hæreticorum propria, id est superbia & odio, ita cum suis maioribus certare, vt non modò eos adæquent, verùm etiam non paruo intervallo post se relinquant. Possem tandem rem confirmare ex Apoc. cap. 9. vbi quinta tuba canente, sub nomine stellæ de celo lapsæ

lapſæ in terram, item locuſtarum de fumo pu-  
 rei abyſſi in terram exeuntium, Lutherus &  
 tota hæreticorum factio eum ſubſecuta, talis  
 nobis depingitur, vt quæ ſingularis & eximia  
 ad nocendum maliciæ, facinora & exempla,  
 præ omnibus quos tubæ ſuperiores inſonue-  
 rant, editura ſit. Verùm obſcurioribus inſiſtere  
 nolo; vbi maniſeſtiora quæ protulimus argu-  
 menta ſatis abundè quæ ſufficiunt. Reſtat, vt  
 breuiſſimè diluamus ea quæ in diuerſam que-  
 ſtionis partem adferebantur. Simonem qui-  
 dem magum fuiſſe inſigniter malum atque ſu-  
 perbum, non nego: Sed ille vnus fuit homo;  
 Hic verò non de perſona vna aut altera que-  
 ſtio eſt, ſed de vniuerſo genere hæreticorum  
 noſtri ſæculi, collato cum generibus veterum  
 hæreticorum. Adde quòd Simon quando ſe  
 Deum fecit, & pro Deo coli voluit; non iam  
 hæreticus erat, ſed in apoſtaram profecerat.  
 Nam hæreticus definitur qui ſub titulo ac pro-  
 feſſione nominis Chriſtiani, dogmata ſerit fi-  
 dei Chriſtianæ repugnantia. At qui ſemerip-  
 ſum Deum facit aut Chriſtum, non vtique ſe  
 Chriſtianum profitetur, id eſt, Chriſti diſcipu-  
 lum, ſed illi palam aduerſatur; naturam & ho-  
 norem eius ad ſe rapiens; quemadmodum fa-  
 cturus eſt Anrichriſtus. Sed nec ſecunda obie-  
 ctio mouere nos debet. Sciunt enim Theologi  
 peccata ſpiritualia, cuiusmodi ſunt ſuperbia,  
 inui-

inuidia, odiumque fraternum, suo genere peiora esse carnalibus. Iam autem ostendimus nostros sectarios spiritualibus vitijs excellere. Peiores ergo sunt Gnosticis, in quibus carnalia vitia notabantur. Porro de tertia obiectione, iam antè dixi, non hîc à nobis quæri, vtrum hereses nouæ deteriores sint antiquis; sed vtrum heretici. Nam hæreticorum malitia & multis alijs estimanda venit, quàm ex solo suæ peruersæ opinionis obiecto. Et ramen, si multitudinem ac numerum præuorum dogmatum consideremus; etiam hac parte procul dubio, sicut demonstrauius, vereres hereticos neoterici multis, vt ita dicam, parasangis antecurrunt. Illud denique quod de Arianorum persecutionibus in historia celebratis, vltimo loco adferebatur; probat quidem nostros in Arianis habere præclara quædam exempla crudelitatis quæ imitentur; non tamen subuertit eam comparisonem, quæ illos à nostris superatos in hoc genere docuimus. Nam Ariani quidem paucis in locis talia fecerunt, ac seculis diuersis: At nostri multa longè deteriora, locis innumeris, atque in diuersis prouincijs, vno fere eodemque tempore, immanissimè perpetrarunt. Igitur, vt concludam, ea sit, auditores, orationis nostræ utilitas, vt cum hereticorum nostri temporis tanta sit peruersitas, & ad nocendum malitia, quanta non fuit aliorum qui  
supe-

superioribus seculis eos præcesserunt; intelligamus, quantoperè & consuetudo eorum & doctrina, ex qua tam tetri nascuntur fructus, fugienda nobis sit, quantoque studio cauendum ne eorum aut argumentis persuasi, aut blanditijs deliniti: (*nam facies eorum tanquam facies hominum, & capillos habent sicut capillos mulierum*, ait Ioannes in Apocalypsi) Catholicam Ecclesiam deseramus vnquam; sed vt in ea, per fidem & charitatem firmiter radicari & fundati, perpetuò maneamus.

Cap. 9.

Anno 1602. 4. Decemb.



ORATIO



# ORATIO DVODECIMA.

*An Christus postquam in calum  
ascendit, aliquando in proprio  
corpore cuiquam apparuerit  
in terris.*



EMPVS nunc agitur,  
auditores, inter resur-  
rectionē Dominicam  
& ascensionē medium,  
quo nimirum B. Luca  
testante Christus Do-  
minus apostolis suis  
præbuit seipsum viuum  
post passionem suam, in multis argumentis,  
per dies quadraginta apparens eis, & loquens  
de regno Dei. Non enim illi dies otioso tran-  
sire decursu; sed, vt ait Leo Pontifex, magna  
in eis

in eis confirmata sacramenta, magna sunt reuelata mysteria. In ijs metus diræ mortis ablatus est, & non solum animæ sed etiam carnis immortalitas declarata: In ijs, per insufflationem Domini infusus est apostolis omnibus spiritus sanctus: & B. apostolo Petro supra ceteros, post regni clauis, ouilis dominici cura mandata. Qua in re, vt singula præteream, illud in vniuersum discimus, per illos dies nullam Christi apparitionem factam esse, quæ non cum magna & publica vtilitate Ecclesiæ esset coniuncta. Tota enim in apostolis instruebatur Ecclesia; tota potestatem, doctrinam, consolationem accipiebat; quatenus scilicet illa omnia toti Ecclesiæ ad salutem erant profutura. Sed quorsum hæc? Vt de Christi Domini apparitionibus nequaquam humiliter sentiamus: ne temerè fidem accommodemus narratiunculis quibus dicitur: Huic apparuit Christus, & illi apparuit. Num tu igitur, inquires, quicquid huiusmodi fertur, explodis ac reijcis, aut in dubium vocas? Vt ad hoc respondeam, pono in quæstione. *An Christus postquam in celum ascendit, aliquando cuiquam apparuerit in terris.* De ea loquor apparitione, quæ non est per somnum aut ecstasim, nec per imaginem aut similitudinem sensibus obiectam, sed quæ in proprio corpore conspiciendum sese oculis humanis Christus exhibuerit; quomodo con-

spe-

spectus est post resurrectionem oculis suorum discipulorum. Nec illud, in terris, ita accipi volo, ut ad videntem tantum referatur, sed etiam ad apparentem Christum. Quare ad disputationem præsentem non pertinet illa beati Stephani protomartyris visio, quia ipse quidem in terra positus, sed Christum in cælo constitutum oculis suis conspexit, quum ait: *Ece*

*AA. 7. video calos apertos, & filium hominis stantem a dextris Dei.* Primum igitur videamus, quid pro parte negante quæstionis propositæ, possit adferri. Id quidem vel unum, vel præcipuum hoc est, Christum Dominum, quadragesimo post resurrectionem suam die, in cælum ascendisse, & consedisse ad dexteram Patris; nec prius inde descensurum, quam veniat iudicaturus vivos & mortuos. Quod demum futurum est in consummatione seculi. Non igitur, ante illud tempus, ulla Christi in terris apparitio corporalis cuiquam hominû facta est; ac proinde quicquid tale factum narratur aut scribitur, rejiciendum. Quod sumitur, non prius inde descensurus, quam veniat ad iudicium (nam de eo solo dubitare quispiam posset); ex scripturis manifestum videretur, idque non qualicumque sed angelico testimonio. Cum enim apostoli Christum in cælum ascendentem intuerentur, Actuum 1, *Ece duo viri, haud dubium quin angeli, astitunt in albos in vestibus*  
*albis,*

albis, qui & dixerunt: *Viri Galilai, quid statia aspicientes in calum? Hic Iesus qui assumptus est a vobis in calum, sic veniet, quemadmodum vidistis eum euntem in calum. Sic veniet; utique in fine seculi, ad exercendum iudicium. Tanquam diceret; Non est quod aspiciatis in calum, quasi inde huc ad vos rediturus sit Iesus. Frustra est illa vestra expectatio. Quod iam ascendit, ibi mansurus est, nec inde reuersurus donec ad iudicium veniat. Quo sermone angelico persuasi apostoli, mox, ut scriptura testatur, reuersi sunt Ierosolymam. Non minus aperta probatio est ex eiusdem libri capite 3. ubi Petrus apostolus sic ad Iudæos de Christo: *Quem oportet quidem calum suscipere usque in tempora restitutionis omnium.* Hoc quid aliud est, quam oportere, id est, diuinitus esse decretum, & à prophetis prænunciatum, ut Christus in calum receptus illic maneat usque ad illud tempus, quo fiet omnium restitutio? Quæ periphrasis est extremi iudicij. Tertius accedat, Paulus apostolus, qui Colossenses suos exhortatur his verbis, paschali hoc tempore in officio diuino sæpè repetitis: *Si consurrexistis cum Christo, quæ sursum sunt querite, ubi Christus est in dextera Dei sedens: quæ sursum sunt sapite.* Quibus sanè verbis non tantum præcipit ut diuina ac cælestia querant & sapiant, & totam spem suam ad illam cælestem patriam extendant;*

Colos.

tendant; verum etiam sine dubio locum significat in cælestibus corporalem, in quo Christus secundum naturam assumptam atque in proprio corpore resideat gloriosus. Quare fatendum est, eum continuò & absque vlla temporis interruptione, ex quo semel in cælum ascendit, vsque ad eum diem & horam, qua fiet quod ab angelis prædictum audiuiſtis; quodque idem apostolus ait ad Philippenſes 3. *Vnde etiam Saluatorem expectamus Dominum nostrum Iesum Christum; in cælo esse & permanere.* Quod & Augustinus in quodam loco testatur, citante Gratiano De consecratione dist. 2. cap. Prima: *Donec sæculum finiatur, inquit, sursum est Dominus.* Certè nisi Christus in cælestibus continuò resideret: aliquando falsò diceretur ab Ecclesia; *Vbi Christus est in dextera Dei sedens.* Falleretur aliquando quum Christum adorat & inuocat existentem in cælis. Hoc enim facit & fecit ex eo tempore, quo nouit eum in cælum ascendisse: sursum corda, sursum oculos, sursum manus tendens ad Christum. Et quis est fidelium qui si interrogatus fuerit, vbi nunc sit Christus, dubitet respondere; Dominus noster Iesus Christus est in cælo? Ratione postulatus, symbolum fidei allegabit, in quo recitat de Christo: *Ascendit ad caelos, sedet ad dexteram Dei Patris omnipotentis. Inde venturus est iudicare vivos & mortuos.* Id enim sic se intelligere, quasi dictum

Phil. 3.

Tract.  
30. in  
Ioan.  
sed  
Grat.  
male  
verba  
distinguit

dictum sit; Illuc ascendit; illic sedet donec veniat; Atque ita se in Ecclesia didicisse. Vnde quidam nostræ ætatis celeberrimus scriptor, quum in soluendo quodam Ioannis Caluini argumento versaretur; velut ex ore Catholicorum, respondens: *Nos, inquit, fatemur Christum quoad naturam humanam ascendisse in calum; ibiq; nunc esse, & futurum usque ad diem iudicij, neque ante descensurum.* Sic ille. His igitur testimonijs satis roborata videtur assumptio propositi argumenti, qua dicebatur Christum non prius è cælo, quò ascendit descensurum, quàm veniat cum potestate magna & maiestate viuos & mortuos iudicaturus. Sed video desiderari vt eiusdem argumenti consequentia probetur. Nam si dicam fieri non posse vt idem corpus simul in diuersis sit locis; meritò mihi respondebitur; naturaliter non posse, sed diuina virtute quò minus id fiat nihil ob stare. Id enim confitemur omnes Catholici, atque hoc modo respondemus hæreticis sacramentarijs, dum simili argumentatione realem & corporalem Christi in Eucharistia sacramento præsentiam, nobis subtrahere conantur. Proinde firmior adhibenda est probatio. Hanc verò suppeditat angelicus doctor Aquinas, quum docet non posse vnum idemque corpus ne quidem diuina virtute constitui localiter in pluribus locis; sed sacramenta-

Bellae,  
lib. 1.  
de sa-  
cramen-  
to  
Euch.  
ca 14.

Vide  
Dm.  
Soto  
in dist  
10. q. 1.  
ar. 5.

liter tantum. Tradit eam doctrinam in quodlibetis & in 4. sent. & in 3. parte suæ summæ : Atque hac ratione probat, Quoniam contradictio sequetur, si corpus aliquod idem numero ponatur esse localiter, siue, ut ille loquitur, circumscriptiuè in pluribus locis. Id quomodo demonstret, apud ipsum videre est. Huiusmodi namque subtilitatum pertractatio huic nostræ non conuenit orationi. Si igitur S. Doctoris permagna est, ut esse debet apud omnes authoritas, in eo præsertim argumento de quo audiuit à Christo ; *Bene scripsisti de me Thoma* : fatendum erit Christum posteaquam in cælum ascendit, nunquam cuiquam in terris corporaliter apparuisse ; ne, quod tantus doctor fieri posse negat, idem corpus simul plures ac diuersos locos occupet ; cælestem videlicet, à quo non recedit, & terrestrem siue aëreū in quo poneretur apparere. Non enim de modo sacramentali nunc agitur, sed de locali ; secundum quem fiunt apparitiones rerum corporaliter præsentium. Hæc sunt, auditores, quæ pro parte negante quæstionis initio propositæ, produci poterant : non ea tamen tanti ponderis, ut alteri parti præiudicium facere queant. Ad eam igitur suis argumentis astruendam accingamur. Iam suprâ dixi, de ea Christi Domini apparitione quæstionem institutam esse, qua seipsum in proprio corpore conspiciendum

ciendum humanis oculis exhibuerit : non de ea qua visus sit per somnium, aut ecstasun, aut per similitudinem aliquam corpoream oculis obiectam. Non igitur huc pertinent apparitiones quas legimus factas aut Petro apostolo, quando vidit aperto cælo vas quoddam submitti in quo erat omne genus animalium ; quando & ei dictum est à Domino: *Surge Petre, occide & manduca.* Aut Paulo, quando astitit ei Dominus nunc Ierosolymis, nunc Romę, confortans eum & animans ad constantiam. Aut Ioanni apostolo, quando vidit similē filio hominis, vestitū podere, & reuelantem mysteria quę scriberet. Multo minùs ad rem præsentem facit illa seu visio, seu reuelatio facta Paulo apostolo, quando, sicut ipse commemorat, *raptus est usque ad tertium calum, & in paradysum, ubi audiuit arcana verba, quę non licet homini loqui.* Primum quia non ibi Christum vidisse se dicit. Deinde quia non quid in terra viderit vel audiuerit, refert ; sed quid in cælo, & in paradiso. Postremò nec ipse audet affirmare, utrūm id passus sit in corpore existens, an extra corpus. His ergo remotis, illa vel imprimis ad institutum nostrum pertinet apparitio qua eīdem Paulo apostolo Christus Dominus apparuit, nondum Paulo, sed adhuc Saulo ; nondum apostolo, sed aduersario ; quando ille in ipso persecutionis feruore Damascum petens,

Actor.  
10.  
Actor.  
23.  
2. Ti-  
mot 4.  
Apoc.  
1.



ut Christi fideles victos & perdendos perdu-  
ceret in Ierusalem ; repente prostratus in ter-  
ram, audiuit vocem dicentem sibi ; *Saule, Saule*  
*quid me persequeris ?* Quo dicente, *Quis es Do-*  
*mine ?* Dominus respondit ; *Ego sum Iesus, quem*  
*tu persequeris* Et iterum interroganti, *Domine quid*  
*me vis facere ?* Respondit, *Surge, & ingredere ci-*  
*uitatem, &c.* Act. 9. Sed ut hoc exemplo rem  
propositam doceamus ; tria probanda sunt :  
Paulum vidisse Christum ; quod in verbis me-  
moratis non habetur : & ut viderit, eam visio-  
nem non imaginariam aut similitudinariam  
fuisse, quomodo alias Christum illi apparuisse  
iam diximus, sed qua ipsum hominem Chri-  
stum oculis suis corporeis aspiceret. Ac tertio,  
Christum in terris a Paulo conspectum esse.  
Horum primum nullo negotio probatur.  
Quod enim eo loco tacuit scriptura, alibi ex-  
pressit. Nam eodem capite Ananias, ad quem  
missus erat Paulus catechizandus, sic eum allo-  
quitur : *Saule frater Dominus misit me Iesus, qui*  
*apparuit tibi ;* Græcè, *visus est tibi, in via qua ve-*  
*niebas.* Et rursus capite 22. *Dens præordinavit te*  
*ut videres Iustum, & audires vocem ex ore eius.*  
Barnabas quoque de eo narrat apostolis, quo-  
modo in via vidisset Dominum, & quia locu-  
tus est ei. Act. 9. Sed & Dominus Saulum pro-  
stratum, sic allocutus est ; *Ad hoc apparui tibi,*  
*Græcè visus sum tibi, ut constituam te ministrum*  
&

*& testem eorum qua vidisti.* Refert hoc ipse Paulus coram Agrippa rege, vocatque cælestem visionem. Act. 26. Nec aliud referendum quod scribit 1. Corinth 9. *Novine Christum Iesum Dominum nostrum vidi?* Et c. 15. *Novissime omnium tanquam abortivo, visus est & mihi.* Ut sanè mirum sit Caietanum hanc visionem, cuius ad Corinthios meminit Paulus, aliud detorquere, quasi tunc non viderit, quando audiuit; *Quid me persequeris?* Ita vir doctus cæcutit in re manifesta. De altero quod probandum erat, obloquitur Calvinus. Nam historiam Act. 9. ita tractat quasi Saulus Christum non in propria persona viderit, sed in specie aliqua Christum repræsentante; nec vocem audierit ipso Christi ore prolatam, sed diuinitus factam in aëre; qualis fuit vox Dei Patris super Christum baptizatum, & in monte trahsfiguratum. Sed ad hoc commentum refellendum, si non sufficiant tam aperta scripturæ verba quibus dicitur Paulus vidisse Dominum, & locutus ei fuisse, & audisse vocem ex ore eius; eo saltem argumento planè revincitur, quia constat hanc apparitionem Paulo propterea factam esse, ut tanquam oculatus testis resurrectionis Dominicæ, pari iure & autoritate cum cæteris apostolis qui Christum in carne viderant, eius euangelium gentibus annuntiaret. *Ad hoc, inquit, appari tibi, ut constituam te ministrum & testem*

*testem eorum quæ vidisti.* Atque id omnino voluit ea quæ scribit ad Corinthios; Dicens enim; *Nonne Dominum nostrum vidi?* cum alijs apostolis se comparat, ut qui non minùs quàm illi Dominum in carne viderit. Cùm autem dicit omnium nouissimè sibi visum esse Christum; utique testibus oculatis resurrectionis Christi sese annumerat; quales erant Petrus, Iacobus & alij discipuli, quibus post resurrectionem suam Dominus apparuit. Ideò verò se illis annumerat, ut & suo ipsius testimonio veritatem resurrectionis cõprobet. Quæ probatio nulla esset, si non eodem modo quo cæteri, Dominum vidisset: ut optimè ratiocinatur S. Thomas parte 3. suæ summæ. Tandem agnouit hoc etiam Calvinus, ipsa luce veritatis conuictus; Itaque confugit ad illud destruendum quod nobis tertio locò probandum erat. Dicit enim in suis institutionibus, Paulum vidisse quidem & audiuisse Christum ipsum, sed in cælo existentem; ita scilicet ut diuino quodam miraculo oculi & aures Pauli cælos penetrarent. Sed quid ais Caluine? Nuper in eodem opere, Sanctorum inuocationem, sanè quàm petulanter exagitabas, huiusmodi verbis: *Quis consueque longas esse illis aures reuelauit, quæ ad voces nostras porrigantur? oculos etiam tam perspicaces, qui necessitatibus nostris aduigilent.* Nunc verò, an non vides te Paulo tam longas aures dare, & oculos

q. 17.  
ar. 6.  
ad 3.

oculos tam perspicaces, ut in cælum vsque penetrarent, quibus & videat Christum & audiat. Sed hoc ad hominem. Cæterum res ipsa doceatur. Lux tanta Paulum circumfulsit, ut eum planè excæcauerit: Deinde non ipse solus sed & comites eius, quamuis minus perfectè, & lumen viderunt & sonum vocis audierunt. Tum illæ mutux interrogationes, & responsiones; *Quid me persequeris? Quis es Domine? Ego sum Iesus, quem tu persequeris. Quid me vis facere? Surge & vade, &c.* ac plura quæ alibi referuntur: an non hæc omnia satis arguunt, & lucem corporis Dominici in aëre proximo fuisse, & allocutionem mutuam cominus factam, ubi Christus in aëre constitutus Paulo vicinus esset, & quidem vicinior quàm alijs? Quòd si Paulus Christum in cælo tantùm vidisset; non adeò certè fuisset idoneus resurrectionis Dominicæ testis. Nam facile potuissent homines reiicere ejus testimonium, ac dicere vel deciprum esse videndo ob tam immensam loci distantiam, vel sola vidisse imaginatione. At dicet: Scriptura testatur lucem illam fulsisse de cælo: Et Paulus ipse cælestem visionem vocat, *Non fui, inquit, incredulus cælesti visioni.* Sic etiam interdum Augustinus: *Caput de calo clamat, Quid me persequeris?* Breuiter respondeo, tritissimum esse in scripturis ut cælum pro aëre qui supra nos est, accipiat, etiamsi sit valde pro-

propinquus. Vnde legimus pluuiam cæli, & volucres cæli, & multa talia. Quamquam quod ex Augustino adfertur etiam sic intelligi potest, caput de cælo clamasse; quia Christus qui clamabat reuera in cælo erat; nec ideo tamen non in aëre vicino, vt paulò post declarabo. Atque hæc satis de Christi apparitione post eius ascensionem Paulo facta. Sed nunquid in hac re Petrus coapostolo suo Paulo inferior? Refert Ambrosius in oratione contra Auxentium, B. Petrum quum ab infidelibus qui Romæ erant ad necem quæreretur; a Christianis rogatum, vt ad instituendum & confirmandum populum se reseruaret; quamuis esset cupidus passionis, ex vrbe egredi cœpisse. Tum vidisse sibi in porta Christum occurere, urbemque ingredi; & dixisse: *Domine quò venis?* Christumque ei respondisse, *Venio iterum crucifigi.* Quo responso accepto, Petrum mox sponte in urbem remeasse, vt qui intelligeret hoc domini responsum ad se pertinere. Refert hoc idem & alij graues authores. Ac fortassis illud est quod Petrus in secūda sua epistola scribit, à Christo Domino sibi significatum velocem esse depositionem tabernaculi sui. Nihil enim vetat quo minus hæc epistola scripta sit a Petro statim post illam Christi apparitionem, priusquam iussu Neronis comprehenderetur, affigendus cruci. Arbitror autem

&c

& in hac Christi apparitione, magnæ cuiusdā rei mysterium significatum esse. Sicut enim Paulo propterea Christus apparuit, vt eius apostolatui adderet authoritatem, & sic eiusdem testimonio suæ resurrectionis veritatem confirmaret: ita æquum est existimare Christum propterea Petro, quum Roma discedere vellet, apparuisse, ac ne discederet, admonuisse; vt ostenderet urbem Romam diuinitus electam, in qua, Petri cathedra fundaretur, ac totius Ecclesiæ principatus stabiliretur. Quæ res profectò non perinde fidem obtinuisset, si Petrus extra Romam mortuus fuisset. Cum autem apparitio quæ Paulo facta est, non per imaginationem aut similitudinem aliquam, sed in propria Christi persona, contigerit; non est quod de apparitione quæ Petro contigit, diuersum sentiamus; ne plus aliquid apostolo Paulo, quàm apostolorum principi Petro concessisse, Christus videatur. Iam hæc dux tam insignes apparitiones sufficere possent & fortasse sufficiunt: Libet tamen & alias aliquot attexere. Narrat Marcellinus Comes in Chronicis Monaxio & Plintra coss. decem scilicet annis ante mortem B. Augustini, Dominum nostrum Iesum Christum in nube apparuisse supra montem Oliueti: atque inde multas vicinarum gentium nationes, tam visu quàm auditu, perterritas, atque in Christum credentes, sacra

sacro fonte ablutas fuisse, omniumque baptizatorum tunicis crucem Salvatoris impressam refulsisse. Et, ut multa strictim percurram, legitur idem Christus Dominus apparuisse B. Carpo, apud Dionysium in epistola ad Demophilum: B. Antonio, apud Athanasium in eius vita. Victori cuidam, apud Paulinum in epistola ad Macarium. Iosepho cuidam, apud Epiphanium in hæresi 30. S. Martyrio, apud Gregorium hom. 39. super Euangelia. Alij cuidam viro sancto peregrinorum susceptori, in homil. 23. eiusdem operis. S. Tharsisæ, apud eundem Gregorium lib. 4. dial. Ipsi sancto Gregorio, apud Ioannem diaconum vitæ eius scriptorem. Et quis cætera enumeret, quæ de huiusmodi apparitionibus feruntur; ut quæ S. Brigittæ, S. Catharinæ Senensi, alijsque sanctis factæ sint? Equidem de his omnibus aut plarisque facile mihi persuasero, partim eas solâ imaginatione completas esse, partim exteriorum sensuum immutatione factas, partim accidisse in corporibus, angelorum ministerio formatas; denique nonnullas incertæ esse narrationis; ut hîc vel maximè locum habere debeat illud apostoli; *Spiritum nolite extinguere. Prophetias nolite spernere. Omnia probate; quod bonum est tenete.* Porro si qua verè corporalis apparitio personæ Christi, duabus illis præcipuis adiungenda foret; non aliam malim quàm  
de

de qua meminerunt authores non contem-  
nendi, scilicet eam qua Christus, dilectissimæ  
matri suæ virgini Mariæ tunc apparuit, quādo  
ad eam ex hoc sæculo migraturā venit, animam  
illius sanctissimā assumpturus in cælum & su-  
pra choros angelorum exaltaturus. Hoc enim  
sentire & pietati congruum est, & sanæ do-  
ctrinæ nulla ex parte dissentaneum. Verūm ut-  
cumque ea res se habeat ( neque enim animus  
est affirmare quod certa autoritate probare  
non possum ) : ex illis tamē apostolicis, & ma-  
ximē ex apparitione Paulina, colligo & con-  
cludo responsionem indubitam ; Christum,  
posteaquā in cælum ascendit, aliquando se-  
cundum veram ac visibilem sui corporis sub-  
stantiam in terris apparuisse. Tantū superest  
ut argumento in contrarium allato satisfaciā  
Id quidam ita commodē se facere putant, si  
dicant nihil esse absurdi, Christum interdum  
ad horam supernum illum gloriæ suæ locū  
relinquere, & pro salute seu consolatione suo-  
rum electorum in terris agentium, ad eos des-  
cendere ; continuō post in habitationem cæ-  
lestem recipiendū. Ita sentit S. Thomas parte  
3. q. 57. ar. 6 Dicit enim dignitati mansionis cæ-  
lestis quam Christus habet in cælo, non dero-  
gare, si ex aliqua dispensatione quandoque  
corporaliter ad terram descendat, ut se alicui  
specialiter ostendas ; sicut Paulo. Nec sanē ali-  
ter



ter ille respondere potuit ; vt cuius sententia sit, nulla virtute posse idem corpus localiter in diuersis locis constitui. Doctori suo consentit cōmentrator eius Bartholomæus Medina. Astipulantur Ioannes Hesselius in explicatione resurrectionis Dominicæ, & Alfonso Mendoza in controuersijs Theologicis, & alij nonnulli qui S. Doctoris vestigijs pressius insistant. Verum, quia satis ex scripturis, atque ipsa ratione, & quodam fidelium consensu, dudum à nobis probatum est, Christum Dominum quem Pater ad dexteram suam collocauit in cœlestibus, non ante extremum iudicij diem inde descensurum ; quando etiam cum eo venturi sunt omnes angeli eius ; ea nobis argumenti propositi solutio potius eligenda est qua propositæ obiectionis consequentia negatur. Libenter enim fatemur cum plerisque Theologis, quando illæ Christi apparitiones quas retulimus & probauimus, factæ sunt, Christum in diuersis locis simul localiter existisse: id quod eò fatemur propensius, quòd hæc sententia plurimum adiuuet Catholicam nostram fidem qua credimus in sanctissimo Eucharistia sacramento, Christum verè, realiter, & corporaliter esse præsentem. Nam si localiter, id est, secundum extensionem quantitatis, ostenditur aliquando simul fuisse in pluribus locis ; quāto magis id fieri potest sacramentaliter, hoc est,

per

per modum substantiæ, non quantitatis ? Itaque veniam dabit S. Doctor, si, quem in præcipuis veneror, hac in parte ab eo recedam. Non enim id facio temerè, sed magna ratione coactus : nec solus, sed cum multis alijs ; nec his quibuscunque, sed doctissimis, inter quos numero Dominicum à Soto dogmatum sancti Thomæ grauem alioqui & strenuum propugnatorem. Vt igitur finem dicendi faciam, auditores, cum fructum habeat hæc disputatio, vt aduersarij oculos suos aperiant, & Dei potentiam ingenij sui terminis non circumscribant, ne pergant à nobis illud audire, quod à Christo Sadducæi : *Erratis, nescientes scripturas neque virtutem Dei*. Catholici verò, in eo quod credunt, vt tenacius credant, confirmentur ; nec ab eo quod in Ecclesia Christi didicerunt, vllis hæreticorum argutijs ( quas omnes fidei fundamento innixa vera Theologia facile dispellit ) abduci se patiantur : illo per gratiam suam præstante, qui est in secula benedictus.

*Anno 1605. 10. Maij.*

ORATIO

# ORATIO

## DECIMA- TERTIA.

*Vtrum siccarum missarum usus  
iusta ratione sublatus sit per  
synodos episcopales.*



V A M ad vos, audito-  
res ornatissimi, habitu-  
rus sum orationem, or-  
diri libet ab illo psalmi  
versiculo ; Domine di-  
lexi decorem domus tue,  
& locum habitationis  
gloriae tuae. Dixit hoc ille,  
& dicere potuit, qui

singulari zelo pietatis accensus, in suis cogita-  
tionibus & consilijs ab initio sui regni nihil  
prius

Psalm.

pritis habuit, quàm vt ea quæ ad decorem domus Dei pertinent, promoueret. Vix enim inauguratus regno, congregatis omnibus electis ex Israël, arcam Domini summa celebritate adduxit in ciuitatem regiam. Quod quidem <sup>2. Reg. 6.</sup> fecit tâta animi deuotione, vt accinctus ephod lineo totis viribus ante arcam saltaret ac luderet: regis suæ dignitatis (si carnali sensu loquendum sit) oblitus ac negligens; adeò vt etiam à sua coniuge Michol, filia Saul, despectus & irrisus fuerit, dicente, *Quàm gloriosus fuit hodie rex Israel, discooperiens se ante ancillas seruatorum suorum; & nudatus est quasi nuderetur vnus de scurris.* At ille, quod religiosissimum principem ac Dei seruum decebat, respondit, *Ante Dominum qui elegit me potius quàm patrem tuum, ludam, & vilior fiam plusquam factus sum: & ero humilis in oculis meis; & cum ancillis de quibus locuta es, gloriosior apparebo.* Sciebat enim illud quod omnes Christiani nouimus, quia Deo seruire regnare est. Cui & nouerat dicere, *Tu es gloria mea & exaltans caput meum.* Sed non ibi conqueuit animus pijsimi regis. Iam arcam ad se introduxerat, tenso ei tabernaculo, & Leuitarum ministerijs vtcunque ordinatis, qui coram ea in hymnis & organis & cymbalis & rubis iugiter laudarent Dominum, confidentes ei quoniam bonus, quoniam in seculum misericordia eius: Iamque videri poterat

O

voto

voto potitus. Verum ille multo longius deuotionem suam extendit. *Diligebat quippe decorem domus Dei.* Ideo de domo cogitat ædificanda Domino. *Videſne,* inquit ad Nathan prophetam, *quòd ego habstem in domo cedrina; arca autem Domini sub pellibus est?* Cùmque responsum accepisset à Domino, *Non tu ædificabis mihi domum ad habitandam: sed filius qui nascetur tibi, ipse ædificabit domum nomini meo:* Minimè tamen cessandum sibi ratus, illud saltem suarum partium esse putauit, vt omnem materiam, omnemque sumptum præpararet ad domum Domino ædificandam. Et quam domum? *Domus,* inquit, *quam ædificare volo Domino, talis esse debet, vt in cunctis regionibus nominetur. Preparabo ergo ei necessaria.* Et ob hanc causam, ait scriptura, ante mortem suam omnes præparauit impensas. Scire vultis impensarum magnitudinem? *Ecce ego,* inquit ad Salomonem filium suum, *in paupertate mea præparauì imperſas domus Domini; auri talenta centum millia; & argenti mille millia talentorum; æris verò & ferri non est pondus. Vincitur enim numerus magnitudine. Ligna quoque & lapides præparauì ad vniuersa impendia. &c.* Neque tamen hæc satis illi erant ad maiestatem domus, quam ædificare voluit: quod de suo minus potest, de publico procurat, indicta principum ac totius populi collecta spontanea. Qui, regis ad exemplum, toto

corde

2. Reg.  
7.

1. Par.  
22.

corde obtulerunt ea quæ commemorantur eiusdem libri cap. 29. Nec hac quidem prouidentia contentus, adiungit mandatum quo præcipit cunctis principibus Israël, vt adiuuent filium suum. Quin & illud ad curam suam pertinere existimauit, vt locum ædificando templo aptum & commodum inueniret. Qua in re, solitudinem eius, quanta fuerit, pulchrè describit Salomon, ita de patre suo canens in psalmo; *Memento Domine David & omnis mansuetudinis, siue, vt in Hebræo est, afflictionis & laboris, eius: Sicut iurauit Domino; votum vouit Deo Iacob. Si introiæro in tabernaculum domus mee, si ascendero in lectum strati mei; Si dederò somnum oculis meis, & palpebris meis dormitationem: Et requiem temporibus meis: Donec inueniam locum Domino; tabernaculum Deo Iacob.* Nec voto suo frustratus est rex Deo deuotus. Nam sequente peste, quam inter tres plagas elegerat, quum pro populo supplicaret, oraculo diuino ostensus est ei locus in quo & placare Deum oblato sacrificio deberet, & domum ei ædificandam filio suo mandare. Denique ne quid esset quod ad Dei cultum in ea domo constituendum ac stabiliendum à se considerari posset; penè limites suæ potestatis atque officij prætergressus, accuratè etiam ministeria disposuit sacerdotum ac Leuitarum, præpositos, cantores, ianitores, thesaurorum va-

forumque sacrorum custodes; Item ministeriorum ordines & vices. Addit & psalmos à seipso compositos; & musica varij generis instrumenta, diuinis laudibus celebrandis accommodata. Atque hæc omnia sanè merebantur, vt domus illa seu templum, Dauidis potius quàm Salomonis diceretur, quamuis vsus loquentium ( sed extra scripturam sacram) diuersum obtinuerit. Multo enim plus est quod in eam contulit Dauid, quàm quod Salomon. Sed mystica ratio, quæ Dauidem prohibuit ab ædificanda domo Dei, id etiam postulabat, vt non Dauidis templum, sed Salomonis nuncuparetur. Quum alioqui si merita considerentur, Dauidis sint in eo opere, quàm Salomonis, haud dubiè excellentiora. Hæc de Dauide, vt ostenderem quàm is verè dicere potuerit: *Domine dilexi decorē domus tue, & locum habitationis gloriæ tue.* Ac rursum quàm verè cecinerit in alio psalmo: *Quàm dilecta tabernacula tua Domine virtutum! concupiscit & deficit anima mea in atria Domini.* Habuit ille in hoc pietatis zelo, non quidem equales, sed tamen imitatores strenuos, Ezechiam & Iosiam reges, Zorobabel ducem populi, & Simonem Oniæ filium, sacerdotem magnum, quem præclare commemorat Ecclesiasticus. Horum exempla velim ob oculos posita tam regibus quàm sacerdotibus Christianis, vt quod ab illis tanto studio

Psa. 83.

Cap.  
50.

studio factum viderint circa templum illud  
 umbraticum, eiusque cultum carnalem vt ita  
 dixerim, conseruandum atque instaurandum;  
 id à se, studio certè non minori, nouerint agen-  
 dum pro conseruatione & instauratiōe cul-  
 tus spiritualis, quem in Ecclesia sua Christus  
 instituit. Quamuis enim vterque sit cultus ex-  
 terior, consistens in ceremonijs, sacramentis,  
 sacrificijs externis & sensibilibus, nec non in  
 precibus & canticis audibili voce pronuncia-  
 tis; quamuis etiam vtrique cultus interior re-  
 spondere debeat: illum tamen carnalem voco,  
 hunc spiritualem, quòd ille non nisi ad emun-  
 dationem carnis & remissionem peccatorum  
 legalem valeret (*Nihil enim ad perfectum ad-*  
*duxit lex;* ait apostolus. vnde & *mandatum illud*  
*carnale* ab eodem vocatur) quòdque huic suæ  
 qualitati congruentes habuerit ceremonias,  
 quas idem apostolus iustitias carnis appellat:  
 hic verò, ex institutione sui authoris, ad emun-  
 dandam conscientiam, animasque sanctifican-  
 das vniuersam extendat; cui proinde ceremo-  
 niarum vt pauciores, ita & puriores & spirituali-  
 bus significandis aptiores, sunt assignatæ. In  
 quo item, sacrificium non multiplex sed v-  
 num; non brutorum animalium occisorum,  
 sed corporis & sanguinis Domini nostri Iesu  
 Christi: In qua parte ministerij, quemadmo-  
 dum Epiphanius & Hieronymus loquuntur,

Heb. 7.



Sess. 22.

præcipua salus est Christianorum. Quam ob causam Patres concilij Tridentini inter alia quæ pro reformatione Ecclesiæ prudenter & sanctè constituerunt, singularem curam adhibendam voluerunt vt hoc sacrosanctum Missæ sacrificium omni religionis cultu & veneratione celebraretur. Quod si, inquiunt, necessario fatemur nullum aliud opus adeo sanctum ac diuinum à Christi fidelibus tractari posse, quàm hoc ipsum tremendum mysterium quo viuifica illa hostia, qua Deo Patri reconciliati sumus, in altari per sacerdotes quotidie immolatur; Satis etiam apparet, omnem operam & diligentiam in eo penendam esse, vt quanta maxima fieri potest, interiori cordis mundicia & puritate, atque exteriori deuotionis ac pietatis specie peragatur. Cùm igitur multa iam siue temporum vicio, siue hominum incuria & improbitate, irrepsisse videantur, quæ à tanti sacrificij dignitate aliena sunt: vt ei debitus honor & cultus, ad Dei gloriam & fidelis populi edificationem, restituatur; decernit sancta Synodus, vt ordinarij locorum episcopi ea omnia prohibere atque è medio tollere sedulo curent ac teneantur, quæ vel auaricia idolorum seruitus, vel irrauerentia, quæ ab impietate vix seiuncta esse potest, vel superstitio, vera pietatis falsa imitatrix, induxit. Et multis interpositis; Postremò, ne superstitioni locus aliquis detur, edicto & pœnis propositis caueant, ne sacerdotes alijs, quàm debitis horis celebrent, nèue ritus alios aut alia ceremonias

*menias & preces in missarum celebratione adhibeant, præter eas quæ ab Ecclesia probatæ ac frequentis & laudabilis usu receptæ fuerint. Huc usque Synodus. Cuius quidem decretum strenuè & pro viribus executi sunt, cum aliarum regionum episcopi, tum vel hi maximè qui Belgij nostri regunt Ecclesias. Exstant eorum decreta Synodalia de cultu, ceremonijs & officio diuino, de quæ tollendis ac protligandis vitijs & corruptelis, quas superiorum temporum supina negligentia, etiam in ipsius sacrificij sacram actionem inuexerat; adeò vt multa iam, Deo eorum pios conatus adiuuante, correctæ habeamus. An verò inter eiusmodi vitia seu corruptelas reponi debeat illa dudum ac passim vsitata Missarū, quas vocant, siccarū celebratio, dubitare quis posset. Certè ita visum est Reuerendissimis Dominis Ecclesiarū Belgicarum episcopis; qui pari consensu missas istiusmodi censuerunt penitus abrogandas; id quæ Statutis ea de re editis, partim in synodis ipsorum tam diœcesanis quàm prouincialibus, partim in Directorijs parochorum, quæ Pastoralia seu Manualia vocantur. Quæro igitur an siccarum Missarum vsus iusta ratione sublatus sit per synodos episcopales; ea de re pro tempore pauca dicturus, si primum quam Missa sicca dicatur, & quas ob causas celebrari soleat, exposuero. Guido de monte*

Quæ-  
stio.

Rocherij in libro cui titulus est *Manipulus curato-  
rum*, quemque typographi hodie inscribunt.  
Enchiridion sacerdotum, tract. 4. cap. 7. ita  
scribit; *Ratione peregrinorum non debet quis trans-  
gredi institutionem de unica missa celebranda in  
die. Saluo tamen meliori iudicio, magis approbo  
circa ista, consuetudinem qua observatur in aliqui-  
bus Ecclesijs Gallicanis; quando scilicet dicta missa  
superveniunt peregrini ad aliquam Ecclesiam; si  
non sit ad manum alius sacerdos paratus celebrare,  
sacerdos induit se, quomodo si deberet dicere missam,  
& dicit missam de B. Virgine, vel de sancto spiritu  
vel de illo sancto in cuius honorem suscipitur peregrina-  
tio; non tamen dicit canonem, nec consecrat: sed  
ostendit eis reliquias aliquas loco elevationis corporis  
Christi. & ista missa vocatur missa sicca. Sic ille.  
Ioannes Eckius in annotationibus ad librum  
quendam oblatum Cæsari, art. 21. *Missam sic-  
cam appellant, inquit, quando die dominico aut  
festo sacerdos simulat omnia que sunt celebrantis,  
cum introitu, collecta, epistola, euangelio & canticis;  
tamen quia non habet communicantem, nec ipse vult  
communicare, ideo non consecrat; sed est missa sicca,  
sine Eucharistia, sine corpore & sanguine Christi.*  
Nostri temporis scriptor Emanuel Sa, in apho-  
rismo 39. verbi Missa, describit hoc missę ge-  
nus his verbis; *Missa sicca celebratur sine planeta,  
cum vestibus reliquis sacris, vel superpelliceo cum  
stola in modum crucis, & candelis. Non fit autem conversio  
ad**

*ad populum nec cōsecratio, nec ea quæ ad oblationem pertinent. Hæc ille. Parochus quidam diœcesis Cameracensis ante annos 25. sic mihi eam descripsit; Cum noua nupta offert se benedicendā, solent pastores (vel quia antè sacrosancta mysteria peregerunt, vel quia cibum sumptserunt) silent, inquā, submissa voce missam celebrare, quā vocant siccam, hoc pacto: Non præmittunt confessionē, sed incipientes ab Introitu, omnia perficiunt usq̃ ad canonem; tum canone omisso transeunt ad orationem dominicam, cetera superaddentes; sed non communicant, quia non consecrarunt. Hactenus ille. Dicuntur & vetera quarundam ecclesiarum Manualia modum ac ritum præscribere missarum huiusmodi celebrandarum, ac nominatim Sacerdotale Romanum: quæ quoniam in promptu non habebā, verba eorum præmitto. Satis enim ex his quæ in medium attuli, intelligere licet, quænam Missa sicca dicatur, & quas ob causas celebrari solita. Rationem nominis Eckius disertè expreslit, quia sine Eucharistia est, id est, sine corpore & sanguine Domini. Causæ variæ indicantur. Prima, quam solam adfert author Manipuli, nè peregrinus qui voto suscepto memoriam alicuius sancti visitat, serò adueniens omninò careat missæ solatio. Hanc causam aliæ postea subsecutæ sunt; vt si noua nupta sit benedicenda, si puerpera purificanda: Item pro nauigantibus, vt quoniam in mari propter*

agita-

agitationem missas celebrare periculosum est, ideoque illicitum, vt tradunt Summistæ, Syluester & alij; saltem habeant aliquid simile sacrificio missæ. tamen refert S. Gregorius lib. 3. dialogi cap. 36. quosdam nauigantes oborta tempestate in extremo discrimine positos, pace mutuo data corpus & sanguinem redemptoris accepisse. Eas verò Missas nauticas aliqui vocant: Alias porro, venaticas seu venatorias; quæ fiunt in gratiam venatorum, quibus scilicet ad venationem festinantibus integrum non est, integrum missæ sacrificium audire; aut ab ea serò reuersis, non licet. Sed & pro defunctis hoc genus missarum aliquando celebrari consuevit. Legi in epitaphio cuiusdam qui mortuus est ante annos 128. fundationem ab eo factam trium missarum, & trium siccarum; vtique pro refrigerio animæ suæ. Iam verò generalem quandam causam Eckij verba nobis innuunt; *Quoniam, inquit, sacerdos non habet communicantem, nec ipse vult communicare (forè grauatus mala conscientia): propterea non consecrat, sed siccam missam facit.* Si quæras à quo tempore inceperit vsus harum missarum; arbitror non multo ante tempora Guidonis Rocheriani. Nam de ea consuetudine loquitur velut recentiore & particulari. Scripsit autem ille suum librū ante annos 275; quod ex epistola dedicatoria liquet. Ex eodem  
satis

fatis apparet has missas originem habuisse in Gallia, quamuis inde paulatim ad alias regiones, Germaniam, Italiam & Belgium nostrum manauerint. Ac fortasse authoritas libri ( multorum enim manibus teri solet ) effecit, vt qui in eo commendatur, siccarum missarum vsus, passim fuerit receptus. Sed nunc argumenta proferamus eorum quibus earum vsus videtur non improbandus. Primùm aiunt missas siccæ seu nauticas non carere antiquitatis commendatione. Nam Dionysius hierarchiæ Eccles. cap. 7. inter reliquas Christiani funeris ceremonias Euchen nominat, quam veteres Missam verterunt, ac nominatim Burchardus lib. 3. decretorum cap. 65. Nam in hac missa sustinentur catechumeni & pœnitentes. Cuius rei causam hanc habent, quòd in exsequijs non fieret consecratio, sed tantùm precatio, nullaque sequeretur communio. Meminisse quoque earum putant concilium Carthag. 3. can. 29. qui sic habet, *Placuit vt sacramenta altaris non nisi à ieiuniis hominibus celebrentur, excepto vno die anniuersario, quo cœna Domini celebratur. Nam si aliquorum pomeridiano tempore defunctorum commendatio facienda est, solis orationibus fiat, si illi qui faciunt iam pransi inueniantur.* Tertiò huc adducunt missas illas imperfectas, in Græcorum Ecclesijs vsitatas, quæ vocabantur præsanctificatorum, id est, hostiarum ante cum

cum diem consecratarum. Quæ missæ præter communionem nihil habebant. Fiebant autē per omnes ferias quadragesimæ, die Dominico & sabbatho exceptis; tametsi huius generis vnicam in die parasceues seruat Ecclesia Latina. Hæc tria argumenta mouerunt auctorem catecheseon ex prælectionibus Domini Galeni, huius quondam cathedræ primarij professoris & academix Cancellarij consecratarum, catech. 139. mouerunt, inquam, vt a missis siccis approbandis non abhorreret. Quartò; Quid prohibet, inquiunt, missas eiusmodi retineri in vsum fidelium, vt laudes Dei, & pias quasdam orationes Deo offerendas pro salute viuorum ac defunctorum; vt hac ratione etiam sacrificia possint appellari, iuxta scripturas, *Sacrificium laudis honorificabit me.* &, *Dirigatur oratio mea sicut incensum in conspectu tuo.* & apud apostolum, *Offeramus hostiam laudis semper Deo*, id est fructum labiorum confidentium nomini eius. Sanè constat in ijs precibus & canticis, quoniam ex probatis missalibus recitantur, nihil improbandum contineri. Postremò, Quid attinebat nouis decretis abrogatorijs conuellere morem tam antiquum, tot Ecclesiarum; cumque doctorum testimonio & episcoporum autoritate firmatum? Nam Guido vir doctus, vt audiuius palam approbat. Galenus quoque noster, siue eius interpres,

Ma. 49.

Pl. 140.

Heb. 13.

pres, conciliat eis primę antiquitatis honorem. Quodq; his amplius, Sacerdotale Romanum, & aliarum ecclesiarum Manualia, dum ritum celebrandi præscribunt, vtique tanquam res bonas, & ad Dei cultum pertinentes, cõmendant. Hęc igitur sunt quę pro missis siccis adferri possunt. Verùm absit à nobis, vt his argumentis moti iudicium doctissimorum & sanctissimorum antistitum, quorum synodalibus decretis illę missę sunt abrogatę, inter quos fuere Martinus Rythouius Iprensis Episcopus, Petrus Curtius Brugenſis, & Cornelius Ianſenius Gandauenſis; omnes scholę Louanienſis in sacra Theologia magistri & professores; absit, inquam, vt horum iudicium sinamus in dubium vocari aut quoquo pacto de inſcítia, temeritate, imprudentia suspectum reddi. Potius rationes expendamus, quibus inducti id necessariò sibi faciendum iudicauerint. Sunt autem grauissimę. Primùm, videbant eas missas, à nullo Pontifice Romano, à nulla synodo, à nullo canone Ecclesiastico authoritatem habere; sed initium accepisse à priuata quorundam ac indiscreta deuotione, tam fidelium seu peregrinorum seu quorumcunque aliorum quibus molestum erat, consueto missarum beneficio destitui; quàm sacerdotum, qui illorum deuotioni nimium indulgentes sese præbuerunt. Sciebant item in sacramentis Dei nihil  
sim u-



simulatum admitti debere. Quo argumento docent Theologi non esse licitum peccatori impœnienti Eucharistiam petenti, porrigere panem non consecratum. Atqui magna hîc hypocrisis est, si non in intentione sacerdotis, at tamen in re ipsa quæ agitur. Dum enim sacerdos vestibus sacrificialibus indutus accedit ad altare Domini, luminaribus impositis, legit Introitum, orationes, epistolam, euangelium, ac cætera facit quæ sacrificaturi solent, tantùm canone, & consecratione Eucharistiæ, eiusque sumptione abstinet: quis obsecro fidelium simplicium & indoctorum huiusmodi sacerdotis actione non fallatur, ut putet verè agi id quod simili actione verè quotidie in Ecclesijs agitur, id est, veram missam à Christo Dño institutam, celebrari? maximè cùm errorem confirmet ipsum nomen missæ. Vocantur enim ab omnibus tam doctis quàm indoctis, Missæ siccæ. Neque verò ita doctum est vulgus ut nouerit determinationem ibi esse non restringentem, sed alienantem, quomodo dialectici loquuntur. Rectissime igitur censuerunt episcopi, vel idcirco retinendas non esse, quia similitudinem habent cum veris missis, & speciem earum ingerunt oculis simplicium, & hac specie eos fallunt ut errore existiment veras se missas audire. Hic autem error quàm sit fidelibus periculosus, quis non videat? Præterea, credo sanctos

sanctos illos episcopos etiam amplius ac penitius considerasse actionis istius absurditatem. Si enim quispiam inuitaret amicos ad epulum, & mensam ijs sterneret, positis mappis & mantilibus, & quadris, & patinis; verum nec cibi quicquam, nec potus, quo conuiuę reficerentur apponeret, sed vacuos omnino dimitteret; & tamen ne parum pius conuiuator appareat, in principio mensę benedictionem recitaret, atque in fine, gratiarum actionem: quis non rideat, imò non insectetur hominis illius stultam improbitatē, qui amicos ad epulandum inuitatos, ad hunc modum illudendos sibi sumsisset? Atqui simile valde est quod hęc agitur. Paratur altare, sternitur mensa Domini, vestit se sacerdos ornamentis solitis, tanquam oblaturus & appositurus cibos; præmittit orationes quę significant futurum sacrificium; recitatur oratio Dominica, solita recitari propter illud, *Panem nostrum quodianum*: Denique, in exitu leguntur orationes pro gratiarum actione percepti sacrificij, *Quod ore sumpsimus, &c. Refecti cibo potuq; celesti, &c. Hac nos communio protegat, &c.* Nec tamen oblatum aut appositum quicquam fuit, quò omnis illa actio & oratio referri possit. Hoc quid aliud est quàm hominibus ludibrium facere? Quid si etiam Deo & Christo eius? Quod ne durius dictum cuiquam videatur, audiat quid Ioannes

nes

nes Eckius vir doctissimus, ac Martini Lutheri fortissimus antagonista, de hac re sentiat. Sic enim scribit in libro superius à me citato : *Impium & blasphemum est nouum aliquorum commentum, & à Christo passo in Ecclesia inauditum, de sicca missa, iuxta vulgare Germanicum.* Deinde post eius descriptionem quam suprà audistis, ita subiungit : *Hocine est irridere Deum & illudere Christo cum Iudeis faciem eius velantibus, spectaculi more simulare id quod in veritate non agitur?* En de missis siccis iudicium tanti viri. Sed cur vocat eas irrisionem Dei & illusionem Christi? Ideo, ni fallor, quia simulatur & ob- tenditur illa actio & non exhibetur, in qua Christus Deo patri offertur: quod vtrique in Dei & Christi eius iniuriâ cedere perspicuum est. Postremò, sciebant Reuerendissimi Domini episcopi, de quibus loquor, potestatem sibi datam, imò necessitatem impositam à concilio Tridentino, tollendi & abrogandi ea omnia, quæ vel auaritia, vel irreuerentia, vel superstitio in Dei cultum induxisset; denique corrigendi quicquid à tanti sacrificij dignitate alienum aut à ritibus ac ceremonijs Ecclesiæ diuersum irrepsisset. Quale esse id de quo nunc agimus, satis iam liquet ex dictis. Itaque concludo, memoratos antistites decretis suis Synodalibus, iustissima ratione missas siccas sub- mouisse, earumque vsum penitus interdixisse.

Tan-

Tantum reliquum est, ut breuiter ad ea respondemus quæ patrocinari missis huiusmodi videbantur. Primum quod ex Dionysio adfertur ad rem præsentem nihil facit. Nam Dionysius nudas preces in funere describit, non missam, nec aliquid simile cum missa; nisi quis etiam Vigiliis mortuorum Missam velit vocare. Cæterum Dionysij interpres qui Græcam vocem euchæ vertit missam, imperitiam suam prodidit. Nam euche non aliud Græcis significat quàm votum aut precationem, aut coniuncta vota precesque. Eadem planè responsio valet ad canonem concilij Carthaginensis. Quanquam de eo canone glossa iam olim pro nobis satisfecit, ad capitulum, Sacramenta altaris. de consec. dist. 1. *Si oportet, inquit, presbyterum præsens commendationem mortuorum facere, sine commendatione missæ debet hoc facere.* Sentit ergo glossator, officium missæ in casu canonis omnino prætermittendum esse; & alias preces, ut mortuorum vigiliis, esse legendas. Hæc enim orationes intelligi vult concilium. Porro quod obijcitur de missis præsanctificatorum, quæ sunt in Græcorum consuetudine; & de actione liturgica, quam obseruat Ecclesia Latina in sacra die parasceues, non minori facilitate diluitur. Nam illæ missæ sunt pars quædam & consummatio sacrificij corporis & sanguinis Domini antea oblatis. Fit

P

enim

enim in ijs sumptio & consumptio mysteriorum. Itaque rectè fiunt eiusmodi missæ ad altare, tanquam ad mensam Domini, ex qua sumitur panis & potus mysticus, corpus scilicet & sanguis Christi. At in missis siccis nihil tale, sed talium lârua quædam ac falsa promissio. Hinc etiam patet, cur retineri non debeant aut tolerari tanquam orationes quædam ac Dei laudes. Non enim possunt orationes & laudes ullæ esse Deo gratæ, si cum hypocrisis, & iniuria Dei, & scandalo proximorum coniunctæ fuerint. An verò desunt aliæ preces ab Ecclesia probatæ & vtitatæ, quibus tam viuorum quàm mortuorum salus Deo commendetur; ut ad cisternas istas siccas quæ continere non valent aquas confugere oporteat? Quod attinet ad authores & statuta quibus illæ missæ fulciri videbantur, breuiter de singulis ita responsum sit. Guido modestè loquitur dum ait; *Saluo meliori iudicio magis approbo &c.* Quis verò non huius simplicis presbyteri iudicio, sententiam anteponat tot ac talium episcoporum? Dominus Galenus, etsi vir doctissimus, opinione falli potuit, si tamen ita sensit; nec adhuc episcoporum decreta viderat, haud dubiè assensurus & approbaturus, si vidisset. Quod idem dico de eius interprete. Denique Sacerdotale Romanum, quod nobis obijcitur, priuari est hominis, nec à Romana Ecclesia appro-

approbatum. Manualia quoque Ecclesiarum, siqua missas huiusmodi præscribunt, non ab Episcopis edita fuerunt aut probata, sed illis fortasse dormientibus, ab eorum vicarijs per imperitiam parochis diocesanis obtrusa. *Cum enim dormirent homines, venit inimicus, & superseminauit Zizania in medio tritici.* Sed hæc satis de questione proposita. Det nobis omnibus Deus per gratiam suam ita conuersari in domo sua & Ecclesia sua, vt cum psalmista verè & in Domino dicere possimus; *Domine dilexi decorem domus tue & locum habitationis gloriae tue*; vtque consortes effici mereremur eorum de quibus idem psalmista canit: *Beati qui habitant in domo tua Domine, in secula seculorum laudabunt te.*

Mand.  
21

Vide de hac materia Nauar. miscel. 384 seq.  
qui differunt, et de sacerdotali Rom. dicit quod auctor  
id effe approbatum a Leone X.

Anno 1608. 21. Nouemb.

# ORATIO

## DECIMA- QUARTA.

*De Magdalena Evangelica*



VASTIO celebris est apud Theologos, auditores, vtrum ea quæ in euangelijs commemorantur vel de muliere peccatrice, cui remissa sunt à Domino peccata multa, quia dilexit multum; vel de

Maria Magdalena, de qua eiecit septem dæmonia, quæque circa sepulcrum Domini sollicita fuit; vel de ea quæ apud tres euangelistas Dominum vixisse legitur in Bethania: in vnam eandemque mulierem omnia competant, an

OLITACO

verò

verò ad diuersas, duas scilicet, aut tres, aut etiam quatuor mulieres sint referenda. Variant enim opiniones, plerisque sentientibus, quod vna sit eademque: alijs verò in duas, alijs in tres quatuorue ea quæ narrantur, distribuentibus. Quæ quæstio quoniam ad intelligentiam euangelicæ narrati<sup>o</sup>nis, & dicta euangelistarum inter se concilia<sup>n</sup>da, pertinet atque conducit: gratam fore huic celeberrimo auditorio eius tractationem, minimè diffido: maximè quòd & temporis occasio nos huc inuitet. Nam siue vna sit illa mulier, siue due, siue plures; crastina dies qua per totam Ecclesiam solemnitatis agitur Beatæ Mariæ Magdalene, ita nobis eorum quæ siue de vnâ, siue de pluribus euangelica prodit historia, sub vno nomine commemorationem indicit; vt etiam si plures sint, nullius tamen earum memoria prætermissa videatur. Est autem hæc quæstio non nuper excitata, vel hoc, vel superiori sæculo: sed de qua etiam veteres ac præcipui doctores Ecclesiæ, tanquã de dubia & controuersa quæstione locuti sunt. Quam proinde Cæsar Baronius in suis ad martyrologium Romanum annotationibus, famosissimam & antiquitus disputatam quæstionem appellat. Mariannus quoque Victorius in Indice operum S. Hieronymi, difficillimam vocat, & vbique in Ecclesia controuersam. Dixi præcipuos Ecclesiæ doctores, de



ea velut dubia locutos fuisse : Ii sunt Ambrosius, Hieronymus & Augustinus. Ambrosij scribentis in 7. caput euangelij secundum Lucam, vbi peccatricis mulieris historia narratur, hæc verba sunt : *Hanc ergo mulierem inducit S. Matthæus supra caput Christi effundentem unguentum : & ideo forte noluit dicere peccatricem. Nam peccatrix secundum Lucam supra Christi pedes effudit unguentum. Potest ergo non eadem esse ; ne sibi contrarium euangelista dixisse videantur. Potest etiam quæstio meriti & temporis diuersitate dissolui : ut adhuc illa peccatrix sit, iam ista perfectior. Etsi enim personam non mutat Ecclesia vel anima, tamen mutat profectum. Et infra : Altera igitur est illa, vel persona, vel profectus. Hæc Ambrosius. Sed & Hieronymus lib. 2 contra Iovinianum ita scribit : *Hic iam queritur in corpore, qui pedibus Domini dignus sit, qui capite : qui oculus eius sit, qui manus. Quod & dua mulieres in euangelio, pœnitens & sancta, significant ; quarum altera pedes, altera caput tenet : tametsi nonnulli existimant unam esse, & qua primum coepit a pedibus, eam gradatim ad verticem peruenisse. Sic ille ; non tamen suam declarans dubitationem, sed quid alij nonnulli existimarent, aperiens. Augustinus verò tract. 45. super Ioannem, exponens historiam Lazari a morte suscitati, cuius erat soror Maria ; sic ait : *Ecce ipsa soror Lazari & si tamen ipsa est qua pedes Domini unxit***

*unxit unguento, & terpsit capillis suis, quos lauerat lacrymis ) melius suscitata est, quàm frater eius : qua de magna male consuetudinis mole est liberata : Erat enim famosa peccatrix. Et de illa dictum est : Dimittuntur ei peccata multa, quoniã dilexit multũ. Liqueat igitur hanc quæstionem de qua agimus, non solũ illo tempore, quo Patres memorati vixerunt, dubiam & controuersam in Ecclesia fuisse ; verũ etiam ipsos de ea dubitasse, Ambrosium ( dico ) & Augustinum. Nam Hieronymum non tam suam dubitationem declarasse, quàm quid nonnulli sentirent indicare voluisse, iam dictum est. Quanquam tota hæc istorum Patrum dubitatio, tantũ versatur in peccatrice de qua Lucę 7, & in Maria Lazari sorore, quæ Dominum unxisse perhibetur apud tres reliquos euangelistas. Nam de Maria Magdalena nominatim ijs locis non meminerunt Porro fuisse & ante istorum tempora, de numero dictarum mulierum varietatem opinionum, Origenes disertè testatur tract. 35. super Matthæum, agens de vñtionibus quas Christo Domino impensas à muliere seu mulieribus quatuor euangelistæ commemorant. *Multi quidem, inquit, existimant de una eademque muliere quatuor euangelistas exposuisse ; quia conscripserunt tale aliquid de muliere : & omnes similiter alabastrum unguenti nominarunt ; et quæ sequuntur ; vbi suam de-**

Baro-  
nius  
citat.

nique subiicit opinionem, qua non vnam, sed plures eas fuisse mulieres confirmat; vt infra videbimus. Post eum quoque Eusebius Pamphili scribens ad Marinum varietatis meminit, dum quosdam dicit duas ponere; licet ipse fateatur nihil ob stare, quo minùs vna dicatur. Verùm vt ordine procedamus in tractanda quæstione, primo loco videndum quibus rationibus seu testimonijs fulciatur ea sententia, quæ tenet vnam eandemque fuisse mulierem, cui sint ea omnia ascribenda, quæ suprâ commemorauimus. Deinde exponendæ rationes earum opinionum, quæ diuersa facta in diuersas personas, siue duas, siue tres, siue quatuor diuidunt: vt collatis argumentis, si fieri potest, emergat de proposita quæstione veritas; si non certa, saltem ita probabilis, vt animo quærentis ac dubitantis vtcunque satisfactum videri possit: sin minùs; saltem occasio data sit bonis ingenijs amplius aliquid atque exactius de hac quæstione cõmentandi. Primum non puto laborandum in explicandis argumentis eorum, qui narrationem Matthæi & Marci de muliere in Bethania vngente Dominum, & narrationem Ioannis, de Maria sorore Lazari itidem in Bethania Dominum vngente, ad diuersas referunt vnctiones: ac multo minùs, qui etiam ad diuersas referunt personas; quod faciunt Origenes loco superius citato,

tato, & cum secuti Theophylactus in Mar-  
 cum, & Euthymius in Matthæum. Placet enim  
 omnino hac in parte, quod scribit Augustinus  
 lib. 2. de consensu euangelistarum cap. 79. non  
 esse dubium, quin eandem rem memorati tres  
 euangelistæ narrent gestam in Bethania: vbi  
 etiam discipuli ( quod omnes tres commemo-  
 rant ) murmurauerunt aduersus mulierem ,  
 tanquam de perditione preciosissimi vnguenti.  
 Nam quod obstare videtur; dum vnus euan-  
 gelista narrat pedibus infusum vnguentum, alij  
 duo capiti; doctè eam apparentem dissonan-  
 tiam tollit eodem loco Augustinus. Hoc igitur  
 constituto, ac proinde quaternitate mulie-  
 rum de quibus nunc agimus, submota; dispi-  
 ciendū de reliquis, num & illæ omnes in vnam  
 concludi possint. Ea namque sententia est B.  
 Gregorij Papæ, quemadmodum constat ex tri-  
 bus locis simul sumptis, quæ sunt apud eum  
 homilia 25. & 33. super euangelia, & cap. 186.  
 libri 6. epistolarum: Cui sententiæ subscribunt  
 posteriores non pauci, V. Beda, Rupertus, &  
 alij atque inter hos author homiliæ cuiusdam  
 de S. Maria Magdalena, falsò attributæ Ori-  
 geni, inter cuius opera habetur; quum sit au-  
 thoris Latini ac multo recentioris, ipso etiam  
 Baronio teste in notis ad martyrologiū; quem  
 miror ita sui oblitum, vt in annalibus ex ea ho-  
 milia docere contendat, Originem aliquando  
 à pri-

à priori sua sententia recessisse. Hęc opinio, an apud quenquam scriptorem Ecclesiasticum Gregorio antiquiorem reperiatur, affirmare non possum. Nam quod Origines dicit multos existimare, de vna eademque muliere quatuor euangelistas locutos esse; tantum de ijs agit euangelistarum narrationibus, in quibus fit mentio mulieris vngentis Christum: quod de Maria Magdalena expresso nomine nusquā legitur. Tantum enim nominatur inter mulieres, quæ Christum sunt secutæ ministerij causa, & prosecutæ vsque ad crucem & sepulcrum: quæ quidem vngere mortuum Christi corpus voluerunt, non tamen vnixerunt, resurrectione eius præuentæ. Veruntamen vnā eandemque esse, peccatricem, & Mariam Magdalenam, & Lazari sororem, ita videtur ex euangelijis ostendi: De sorore Lazari sic loquitur Ioannes capite II. *Maria autem erat quæ vnxit Dominum vnguento, & extersit pedes eius capillis suis.* Atqui nulla alia mulier ante id tempus, nisi peccatrix illa, legitur vnxisse Dominum vnguento, & pedes eius capillis suis extersisse. Est igitur hæc eadem cum illa. Argumentum est beati Augustini, quo persuasus, in hanc sententiam descendit vt arbitretur peccatricem cum sorore Lazari eandem esse. Iam quod peccatrix eadem sit cum Maria Magdalena; suadet ea scriptura, qua dicitur,

ex hac Maria Dominus eiecisse septem demonia. Luce 8. & Marci vltimo. Quod quidem in illam peccatricem apprimè quadrat, vt per septem dæmonia, viciorum vniuersitas intelligatur significata : idque iuxta B. Grogorij & aliorum interpretationem. Suadet idem euangelista Marcus, affirmans Christum postquam a morte resurrexit, omnium primò apparuisse Mariæ Magdalenz. Valde enim conueniens erat, vt qui pro peccatoribus mortem subiecit, à morte suscitatus primò se peccatrici videndum exhiberet. Rursus, eandem esse Mariam sororem Lazari cum Maria Magdalena, probant ex verbis quæ Christus protulit, Iuda murmurante quòd Maria Lazari soror vnguentum preciosum effudisset in pedes ipsius : *Sine illam*, inquit, *vt in diem sepulture meæ seruet illud*. Cæterùm eandem illam quæ ad vngendum corpus Iesu paratum vnguentum ad eius sepulcrum attulit, Marcus euangelista Mariam Magdalenam fuisse testatur, quæ cum Salome & Maria Iacobi, id officij præstiterit. Vnde intelligi volūt hanc cum illa vnā & eandem esse. Denique confirmatur auctoritate Ecclesiæ, quæ in officio diuino solemnitatis crastinæ à vespers hodiernis inchoandæ, ad vnā mulierem, quam Mariam Magdalenam nominat, omnia refert supradicta ; & quòd à peccatis sanata, & quòd à septem dæmonijs liberata, & quòd

IOAN.  
II.

quòd ad sepulturam Dominicam sedula præceteris fuerit. In quo argumento plurimum esse ponderis, nemo est qui dubitet : adeo ut in quæstionem à nonnullis vocetur, an hæc sententia sit fide tenenda. Nam huc spectare volunt quod S. Gregorius dicit homil. 33. super euangelia : *Hanc verò quam Lucas peccatricem mulierem, Ioannes Mariam nominat, illam esse Mariam credimus de qua Marcus septem demonia eiecta fuisse testatur.* Sed nunc ad eas rationes exponendas accedamus, quibus alij non vnam sed plures fuisse mulieres, id est, aut duas, aut tres (nam plures tribus querere superuacaneum est) in quas comperant acta memorata. Ut autem ternarius earum habeatur numerus, hæc tria probanda sunt : Peccatricem & Mariam Magdalenam non esse eandem : rursus, Peccatricem cum Maria sorore Marthæ & Lazari non eandem esse. Item Mariam Magdalenam non esse eandem cum Maria sorore Lazari. Quibus autem binarius sufficit numerus; suffecerit quoque vnum quodlibet ex his tribus astruere posse. Quod igitur horum trium erat primum, id in primis ostendi videtur ex ipsa serie narrationis euangelicæ apud Lucam. Cùm enim septimo capite de peccatrice & poenitente muliere pertexit historiam, nomen illius reticet, non ideo, (quod quidam adferunt pro ratione) quia famæ eius &

Dei.

& honori consultum vellet. Quid enim ad consulendum eius honori profuit, euangelistam tacuisse nomen, si passim omnes per Ecclesiam fideles scituri erant, quænam esset? Aut, cur non eadem ratione Davidis & Petri nomina suppressit scriptura, quando eorum crimina nobis prodidit? Sed tacuit, quomodo aliorum atque etiam aliarum quæ laudabiles fuere, nomina tacuerunt euangelistæ: velut illius Hæmorrhœissæ, & Chananeæ mulieris, & illius quam hic idem euangelista Lucas narrat extulisse vocem de turba, atque dixisse Domino: *Beatus venter qui te portavit, & ubera que* Lucæ  
II  
Initio  
c: 8.  
*suxisti.* Quum verò idem Lucas statim pōst, ac nulla alia narratione interposita, scribit de mulieribus quæ curatæ à spiritibus malignis & infirmitatibus, sequebantur Christum, & ministrabant ei de facultatibus suis; primam inter eas suo nomine designat Mariam Magdalenam, nec verbo significans eandem esse, de qua proximè locutus fuerat. Quin potius non eandem esse narratio declarat. Nam peccatrix extremis verbis dicitur a Domino; *Vade in pace*: quod & Hæmorrhœissæ dixerat a se sanatæ, & adulteræ mulieri Ioan. 8. *Vade, inquit, noli amplius peccare.* Quæ verba utique sunt dimittentis à se mulierem. Alioqui dixisset ei quod alijs, *Veni, sequere me.* Sed dices, Sponte sua mulier, collectâ prius ex facultati-

bus



Rom.  
12.

bus suis pecuniâ, Dominum secuta est, vt gratiam se pro tanto beneficio accepto exhiberet. Id haud dubiè verum arbitror de Maria Magdalena à tot dæmonijs liberata: sed de peccatrice non sit probabile; imò videri potest admodum improbabile, vel hoc vno argumento: Nam qua ratione Christus Dominus qui toties & tam grauitè monet à scandalis cauendum esse, quique per apostolum suum præcipit dicens; *Providentes bona non tantum coram Deo, sed etiam coram omnibus hominibus*: qua, inquam, ratione sineret peccatricem infamem mulierem, & vt apertius dicam, publicam meretricem (sic enim à Patribus appellatur) recenter conuersam ac neophytam accedere ad suum comitatum, & in eo remanere; vbi paratæ tot calumniæ aduersariorum, tot in promptu infirmorum offensiones, etiam ipsorum Christi discipulorum? Aut quis hodie tale quid facientem aut patientem probaret? Quàm verò indecorum, mulierem nuper meretricem atq; infamem, familiariter assidueque conuersari cum Maria matre Domini, ac cæteris honestis & integræ famæ mulieribus; quæ Christum sequebantur, & tam viuenti quàm mortuo officiosa impendebant obsequia? Iam ex ipsa historia accedit aliud argumentum, quòd vna dici non possit, peccatrix & Magdalena. Hæc enim à septè dæmonijs curata narratur. Quod  
eti

et si nonnulli de spiritali curatione, id est, vi-  
 ciorum expulsionem, quibus oblecta fuerat illa  
 peccatrix, exponant, ut supra meminimus :  
 plarique tamen interpretes de corporali dæ-  
 monum eiectione, ut verba sonant, intelligunt.  
 Nam historicorum est planis verbis uti in suis  
 narrationibus, & non allegoricè loqui. Testan-  
 tur autem disertè Lucas & Marcus, ex hac mu-  
 liere quam Mariam Magdalenam vocant, eie-  
 cta fuisse septem dæmonia. Nec sanè aliter id  
 accipiendum, quàm quod idem Lucas eodem  
 loco de alijs narrat mulieribus, quibus Mag-  
 dalenam annuenerat, dicens : *Et mulieres aliqua* Lucas.  
*que erant curata à spiritibus malignis, & infirmi-* 2.  
*tatibus ; Maria que vocatur Magdalene, de qua*  
*septē dæmonia exierant, &c.* Queritur ergo quan-  
 do fuerit ab hac obsessione dæmonum curata :  
 num antequam vnxit pedes Domini, & ab eo  
 audiuit ; *Remittuntur tibi peccata* : an post id  
 tempus. Nam in ipso tempore quo illud fecit  
 & audiuit, eam curationem contigisse, ratio  
 non finit. Nequaquam enim euangelista hoc  
 corporale miraculum spiritali coniunctum  
 tacuisset : præsertim in tanta dicendi occasio-  
 ne. Quod si prius curata fuit ; quomodo non  
 tunc etiam desijt esse meretrix, tanto beneficio  
 affecta ? Nam certè quod alijs, id & ei dictum  
 fuisset à Domino ; *Vade & impii noli peccare.*  
 Si postea curata dicitur ; cur post remissa et  
 pec-

peccata, & postquam audiuit, *Vade in pace*; adhuc a dæmonijs fuit obsessa? Conatur hoc dilemma soluere Baronius in Annalibus: Verum rectene & solidè, an secus id faciat, lector eius iudicet. Sed hæc satis de primo membro.

De. 1.

Sequitur secundum, scilicet peccatricem non esse eandem cum Maria sorore Lazari. Quod ita probant; Peccatrix illa Galilæa fuit. Nam quòd de ea narrat Lucas, in Galilæa contigisse, contextus historiæ declarat. Consentiant etiã interpretes, quibus placet rem accidisse, vel in Naim, vel in Capharnaum, Galilæa ciuitatibus. Maria verò Lazari soror, Ierosolymitana erat, ex Bethania castello seu municipio Ierosolymis vicino, sicut & soror eius & frater; quemadmodum liquet ex ijs, quæ de his tribus commemorat Ioannes. Nec vsquam legitur in Galilæa, vel alibi conuersata. Deinde, illa, infamis fuit mulier; hæc apud Iudæos honesta & clara habebatur; ita vt honoris causâ multi ex Iudæis, vt refert Ioannes inuiserent eam & Martham sororem eius, vt consolarentur eas super morte fratris. Quod facturos non est verisimile, si impudica & meretricia conuersatione familiam suam dehonestasset. His iam adde, quòd Christus Dominus non tam familiariter cum suis discipulis huius Mariæ domum frequentasset, multoque minus apud eam hospitium etiam nocturnum (quod ex euangelijs

Ioan.  
n.

euangelij fecisse constat) elegisset; si fuisset aliquando meretrix, eaque publice infamis. Talium quippe familiaris & domestica consuetudo, etiam post actam pœnitentiam viris etiam sanctis fugienda est; saltem vt ne quis infirmus scandalizetur. Nec verò Iudæi prætenuissent Christo & discipulis eius hanc calumniam impingere, qui tam multa alia leguntur in eo criminari fuisse. Qui enim dicebant; *Hic cum peccatoribus manducat, & bibit*; an non multo magis dicturi erant, *Hic hospitium eligit apud infamem mulierem*? Et, vbi regula, quam euangelij sui prædicatoribus præscripsit, dicens; *In quamcunque ciuitatem aut castellum intraueritis, interrogate quis in ea dignus sit, & ibi manete*? Dignus, id est, honorabilis, ac bonæ famæ; ne scilicet euangelium malè audiat propter hospitis vitam improbam aut suspectam. Restat vt & de tertio membro aliquid dicamus. Diuersam fuisse mariam Magdalenam à Maria sorore Lazari, primum hoc communi argumento cum præcedente, videtur ostendi; quòd & illa Galilæa fuerit ex Magdalo Galilææ castello orta. Numeratur enim ab euangelistis inter eas mulieres, quæ Christum è Galilæa fuerant secutæ. Mariam verò Lazari sororem Ierosolymitanam fuisse, iam probatum est. Nam quòd illuc ex Galilæa non commigrauerit, vt alij volunt, ex eo satis apparet, quia

De 4

Lucæ 8. 23,

24

Q

quia Ierofolymis habebat multos notos ; qui  
vt iam dictum est, honoris causâ ad eam ibant  
consolaturi super fratre defuncto. Præterea,  
nec legitur Maria Lazari soror occupata fuisse  
circa sepulturam Domini, quemadmodum nec  
Martha soror eius, quamuis multum sedula &  
solicita : sed hoc singulariter ac nominatim  
ascribitur Mariæ Magdalenæ, quæ id præstitit,  
adiuta à socijs mulieribus, quæ simul cum ipsa  
è Galilæa Ierofolymam ascenderant. Nam  
Maria & Martha, non erant ex earum numero,  
quæ Christum assidue comitabantur ministerij  
causâ: Sed tantùm de illis legitur apud Lucam,  
& apud Ioannem, quòd Christo solitæ erant  
hospitium suæ domus præbere. qui vbi tale  
quid referunt, nusquam Magdalenam cogno-  
minant. Vbi verò de sepultura Domini agitur;  
Mariæ Magdalenæ nomen auditur. Verùm  
hæc satis. Omitto recensere authores & vete-  
res & recentiores, quorum testimonijs hæc sin-  
gula membra, vel simul omnia comprobentur.  
Non enim permittit breuitas temporis nobis  
ad dicendum concessi. Illud addo, videri posse  
quòd in hac re de qua agimus, acciderit, quod  
alibi interdum ; vt diuersæ historiæ in vnâ  
conferantur, maximè vbi consensus est in no-  
mine. Quomodo Græci Nazianzenus & Me-  
taphrastes ; & ex Latinis Prudentius, ex duo-  
bus Cyprianis vnum fecerunt ; quod & in  
marty-

martyrologia quædam irrepsit. Ita Simonem apostolū & Simeonem discipulum, Cleophæ filium, quidam vnum faciunt. Ita nonnulli de Philippo apostolo & Diacono tanquam vno, historias passionis contungunt. Quod an etiā in Dionysio Atheniensi & Parisiensi acciderit, examinent antiquitatum periti: Certè constar in quibusdam martyrologijs, eos die & loco & genere passionis separari. Sic & e diuerso, nominum pluralitas vnam personam interdum in duas diuisit; Quod in Bartholomæo & Nathanaele accidisse, mihi vehementer probabile est. Intellexistis, auditores, quibus argumentis ac rationibus singula membra partitionis suprà positæ nitantur; ex quibus illud effici videatur, vt ternarius sit agnoscendus numerus earum mulierum, de quibus est instituta hæc oratio. Id cui non placet, illi necesse erit ad ea respondere. Si cui verò probatur hæc sententia: quid ad argumenta communiter receptæ opinionis responderi possit, ita breuiter accipiat. Quod adfertur ex capite 11. Ioannis, vbi dicitur, *qua vnxit Dominum vnguento, & exersit pedes eius capillis suis*, facile soluitur ex capite 12. eiusdem, vbi id ipsum totidem verbis, quomodo factum sit, narratur. Scriptum est igitur 11. capite verbis præteriti temporis, historico more, vt præteritum referatur non ad tēpus rei quæ narratur, sed ipsius

scriptionis. Quod genus prolepsin seu Anticipationē vocāt : quomodo multa dicta reperiuntur in sacris literis. Et vt aliquid huic simillimū ex ipsis euangelijs adducamus, **Matheus**, **Marcus** & **Lucas** enumerantes 12. apostolos, quos Christus sibi elegit, non modò Simonem in eo catalogo vocant Petrum, quamuis illud nomen postea acceperit, verum etiam de Iuda dicunt quòd tradidit Christum, quodque proditor fuerit. Quod vtrique constat multò post illam electionem apostolorum factum fuisse. Rectè tamen eo loco suæ historię, vbi de vocatione 12. apostolorum agitur, Iudam designant hoc epitheto, *qui tradidit eum* ; quia quamuis id postea fecerit, factum tamen est priusquam scriberetur. Ita planè de eo quod Ioannes scribit, arbitrandum. Argumentum porro quod petebatur ex prærogatiua primæ apparitionis post resurrectionem, duobus modis solui potest. Primùm, si dicamus Christum non omnium primò Mariæ Magdalenz, sed dilectissimæ matri suæ ( quæ multorum opinio est ) apparuisse. Sed quia tam aperta scripturæ verba, quibus dicitur, Christum apparuisse primò Mariæ Magdalenz, non mihi videntur cum aliqua exceptione, quam ipsa scriptura non suggerit, interpretanda ; aliter, & melius responderi potest, illius prærogatiuæ eam potius fuisse rationem, quòd

quòd Dominus illis se primò omnium à resurrectione viuum exhibere voluit, qui vel quæ studiosius vel sollicitius eum mortuū requirebant ; vt & ibi locum haberet eius promissio qua dixerat ; *Quærite & inuenietis*. Inter illas autem facillè primam ac præcipuam fuisse Mariam Magdalenam, ex ijs quæ Ioannes de ea scribit, intelligere promptissimum est. Cur autem ipsa inter has prima ac præcipua ; nisi quia animo semper gerebat memoriam beneficij, quo fuerat à Domino affecta ? Quod cùm à duobus euangelistis expressum legamus ; non est cur aliam excogitemus rationem, quam probare non possumus. Iam illud quod adferebatur ex euangelista, *vt in diem sepulture mee seruet illud* ; nihil conuincit, imo diuersam adiuuat sententiam. Nam sensus est, effuso in caput & pedes Christi adhuc viuientis vnguento, iam factum esse, quod illa facere cogitauerat aut potuerat, erga mortuum. ac si dicat : Ista exhibuit officium vnctionis viuo, quod aliæ exhibere volent mortuo, nec poterunt ; vt pote per resurrectionem meam præoccupatæ. Quod apud Marcum expressius significauit Dominus, dicens. *Quod habuit hæc, fecit. Præuenit enim ungere corpus meum in sepulturam*. Ad vsum publicum Ecclesiæ quod attinet, quæ tanquam de vna muliere quam Mariam Magdalenam nominat, solemnitatem

Marci

16.

Lucæ

8.

Ioan.

12.

Marci

14.

Q 3

annuam



annuam instituit & celebrat : iam initio responsionem indicaui. Non enim affirmat Ecclesia vnam fuisse ; sed sub vno nomine tres historias euangelicas complectitur, & mulierem quam eadem historiarum commendant, siue vna fuerit, siue plures, sub vno nomine veneratur. Nam Ecclesiarum non eam esse mentem, ut velit ad vnam ac eandem mulierem omnia referri ; dupliciter ostendo. Primum, quia cum in Ecclesiastico officio huius festi, prius caneretur hymnus, cuius initium, *Lauda mater Ecclesiarum*, in quo leguntur hi versus : *Maria soror Lazari, quae tot commisit crimina*, & quae sequuntur ; visum fuit summo Pontifici Clementi octauo eum hymnum submouere, & pro eo alium substituere. Non enim placuit ut tam expressis verbis de Maria sorore Lazari & hospita Christi, diceretur, *Quae tot commisit crimina*. Deinde id confirmo ex Litanij ecclesiarum, In quibus inter sanctarum virginum nomina, primo loco ponitur Maria Magdalena, & deum subiungitur : *Omnes virgines & viduae, orate pro nobis*. At verò nullus dixerit, Mariam Magdalenam viduam fuisse: Fuit igitur virgo ; & proinde ab illa peccatrice diuersa. Sed nec illud difficultatem habet, quod Gregorius dicit ; *Hanc peccatricem mulierem, quam Ioannes Mariam nominat, credimus illam esse, de qua Marcus septem demonia eiecta fuisse testatur*. Nam

credere,

*credere*, in his verbis non aliud est, quàm existimare, siue id certa fide teneatur, siue tantùm opinione probabili. Quomodo & Augustinus loquitur tract. 50. in Ioannem. Quod ait *pistici*, locum aliquem credere debemus, vnde hoc erat vnguentum. *Credere debemus*, id est, existimandum est, opinari conuenit: qua tamen in re historice cognitionis, falli B. Augustinum valde verisimile est. Et ad hunc modum sæpè etiam alij loquuntur. Vt finem faciam, profiteor hæc a me ita dicta esse & disputata, ve nihil prorsus definitè de quæstione proposita affirmare velim: cuius determinationem equidem doctioribus, atque inprimis Ecclesiæ Catholicæ & sacrosanctæ sedis apostolicæ iudicio, cui nos in omnibus acquiescere par est, libenter relinquo.

*Anno 1609. die 21. Iulij.*

## Additio ex schedis ipsius Authoris.



RE posueramus probanda; Primum, Mulierem peccatricem de qua Lucæ 7. & Mariā quæ in euangelij nominatur Magdalena, esse diuersas. Secundum, Illam peccatricem & Mariam sororem

Q 4

Lazari

Lazari esse diuerſas. Tertium, Magdalenam & Mariam Lazari ſororē diuerſas eſſe.

Quod ad primum attinet, hæc addi poſſunt. S. Ambroſium in cap. 24. loquentem de Magdalena, loqui tanquam de diuerſa ab illa peccatrice. Nam quod eodem loco paulò poſt, ait; *Veteriſque lapſus arumnarum compenſat reſurrectionis indicio*: hoc de muliere in genere dicit, non de vna aliqua ſingulari; & lapſum Euz primæ parentis intelligit; vt manifeſtū eſt inſpicienti locum. Idem tamen in Præſatione. quam habet in feſto B. Mariæ Magdalenz, ſic loquitur quaſi eſſet vna eademque illa quondam peccatrix & Magdalena; vt anceps fuiſſe videatur, quemadmodum & ſuprà dictum eſt.

Sedulius libro tertio Carminis Paſchalis, ſentit eſſe diuerſas Peccatricē & Magdalenam; dum locis magno intervallo ſeiunctis refert Peccatricis conuerſionem atque reconciliationem, & ſeptem dæmoniorum ex Magdalena expulſionem.

Quod attinet ad ſecundum; S. Hieronymus in 26. Matth. paulo poſt initium, conſtanter facit diuerſas Peccatricem & ſororē Lazari; dum ait, *Nemo putes eandem eſſe* &c. Chryſoſt. quoque homil. 81. in Matth. & 61. in Ioannē, eas facit diuerſas. S. etiam Petrus Chryſoſol. ſerm. 93. loquitur de ijs tanquam de diuerſis. B. Ambroſius autem in 7. Lucæ ſcribens, dubitat an ſit eadē mulier de qua illic agitur, & de qua apud Matth. c. 26. in princ. ubi narratur quod vnxerit caput Domini. *Poteſt, ait, non eadē eſſe*. Et paulo poſt, *Altera eſt illa, vel perſonā vel profeſſu*. S. quoque Auguſtinus, ſermo. 27. de verbis Domini; *Vita iniqua non erat nec cum Martha, nec cum Maria: & ſi aliquando fuit, Domino intrante fugit*. Atqui vita iniqua illius peccatricis non fugit Domino intrante; ſed potius ipla ad Dominum intrante. Nec de illa peccatrice dubitanter loquutus fuiſſet Aug. *ſi aliquando fuit*. Significat igitur Mariam ſororem Lazari & Marthę fuiſſe diuerſam ab illa peccatrice; aut ſaltem,

saltem, sibi esse ambiguum an sit eadem cum illa. Sicur etiam tractatu 49. in Ioannem, paulo post init. dubitanter loquitur, dum inquit; *Ecce ipsa soror Lazari (si tamen ipsa est qua pedes Domini unxit unguento, & terxit capillis suis quos lauerat lacrimis) melius suscitata est quam frater eius: cum de magna mala consuetudinis mole est liberata. Erat enim famosa peccatrix: & de illa dictum est, Dimittuntur ei peccata multa; quoniam dilexit multum.* Bernardus serm. 2. de Assumpt. B. Mariæ Deiparæ, dicit in euangelio illius diei nullam fieri mentionem Lazari, eo quod per illum pœnitentia significetur. quo indicat, Mariam sororem eius non fuisse illam peccatricem. alioqui enim per illam in primis fuisset significata pœnitentia. His adde, quod cum vita actiua significata sit per virginem sanctam, nimirum per Martham: multo magis per virginem significata est vita contemplatiua. Ea autem significabatur per Mariam sororem Marthæ: quæ Maria sedens secus pedes Domini, audiebat verbum illius; Martha distenta & satagente circa ministerium hospitale. Luc. 10.

Quibus de causis non est mirum quod Origenes in Canticum cantic. homil. 2. earum quas vertit B. Hieron. sub finem, ita loquitur de Maria quæ Ioan. 12. narratur unxisse pedes Domini, vt nullam omnino faciat mentionem peccatricis quæ prius Dominum unxerat.

Ad tertium quod attinet, S. Lucas Euangelij sui cap. 10. vbi ait, *Et huic erat soror nomine Maria,* &c. sic de ea loquitur quasi prius nullam eius mentionem fecisset: & tamen nominauerat Mariam Magdalenam cap. 8.

Item Euangelistæ sororem Lazari non aliter nominant quàm Mariam, nullo addito epitheto; quum autem loquuntur de Magdalena, semper hoc cognomen addunt, nominantes expressè Mariam Magdalenam. Matth. cap. 27. & 28. Marcus, cap. 14. & 15. Lucas, dicto c. 8. & 24. Ioannes c. 19. & 20.

Rursum, Matthæus & Marcus scribentes de muliere quæ

quæ Dominum, instante iam passione ipsius, vixit, eam non nominant; vt nec alibi vllam nominatim faciunt mentionem Mariæ sororis Lazari & Marthæ: at Mariam Magdalenam assiduè nominant, vbi de passione & resurrectione Domini texunt historiam. Cur autem priore loco, vbi memorabile illud eius factum referunt à Domino defensum & laudatum, nomen ipsius tacuissent, quod postea in factis non magis celebribus erant expressuri; si & illud vnctionis nobile factum esset Mariæ Magdalenz?

Clemens Constitut. apostolic. lib. 3. c. 6. manifestè, vt duas diuerfas, commemorat Mariam sororem Lazari, & Mariam Magdalenam. In quem locum scribens eruditissimus vir Franciscus Turrianus, multis ostendit esse tres diuerfas, Peccatricem, Mariam Magdalenam, & Mariam sororem Lazari; addens sese ea libertate vt eo quòd nihil ab Ecclesia hæc sit definitum. quod nonnulli recentiores nimis audacter asseuerant.

Item, Mariam sororem Lazari fuisse virginem non est cur dubitetur: Magdalenam autem fuisse viduam, habet author Commentarij in Marcum (ad cap. 15.) qui extat inter opera Hieronymi. Quod sanè non est improbabile. Aliæ enim mulieres quæ Christo ministrarunt, maritos vel habebant vel habuerant; vt Maria Iacobi, Ioanna, Salòme. Et decet viduas honestas, & facultates suppetant, ex ijs ministrare seruis Lei.

Atque hæc istorum sint allata, vt non miremur quod veteres Ecclesiæ Doctores, plures faciant hasce sanctas mulieres, duas nimirum, aut etiam tres: Origenes, Basilius Seleuciæ episcopus, Titus episcopus Bostrorum, Theophylactus, & Euthymius, locis indicatis: & Macarius Ægyptius homilia 12. apud Turrianum. Ex recentioribus autem, præter Iacobum Fabrum (cuius opus de tribus Magdalenis Ecclesia censuit corrigendum quibusdam locis) & eos quos indicauimus, inter quos eminet Turrianus, est etiam Nicolaus

hæus Zegerus Scholijs in cap. 11. Ioannis. Illud addere debeo, quod opinio quæ has mulieres facit plures, bonis rationibus multiplicat numerum sanctarum mulierum; ideoque occasionem præbet ecclesiæ filijs Deum in pluribus laudandi. Et iuxta hanc opinionem, neque aliena peccata tribuuntur alijs, neque alienæ laudes,

## Additio Censoris.



O c tamen non est probandum, quod & veterum & recentiorum nonnulli, existimarunt tres, aut saltem duas, esse mulieres, quæ in euāgelio habeant cognomen Magdalenz. Eusebius Cæsariensis in epistola ad Marinum, apud Turrianum loco citato, narrat, nec tamen approbat, fuisse suo tempore qui opinarentur duas fuisse Marias Magdalenas; quarum altera a Domino iam resuscitato audiuerit, *Noli me tangere*; altera verò occurrentis Domini pedes tenuerit cum Maria Iacobi.

Idem retulit S. Hieron. q. 4. ad Hedibiam, nec probat S. Ambrosius in 24. Lucæ hanc putat facillimam viam conciliandi Matthæi & Ioannis narrationes, si dicantur fuisse duæ diuersæ, quæ vt nomen Mariæ, sic cognomen habuerint Magdalenz. Photius verò apud Turr. opinatur fuisse tres Marias Magdalenas: duas, peccatrices; tertiam, sororem Lazari & Marthæ, non peccatricem sed pietate claram. Quæ opiniones in euangelio non habent fundamentum; vt facile est volenti aduertere, ratiocinari; & aliorum veterum sententijs repugnant. Potuit tamen fieri, vt etiam Maria soror Lazari, & illa peccatrix sit cognominata Magdalena, non quidem in historia euangelica, sed à populo Christiano. Nam vsus fidelium quædam ex sacris literis pe-

Ioan.  
20.  
Marth.  
28.

ris petita nomina propria vel appropriata, facit communia ; & contrà, quædam communia facit propria. Tres fuisse Marias quæ cum aromatibus ad sepulcrum Domini venerint, communis est vox fidelium : in euangelio tamen illa tertia non Maria nominatur, sed Salôme dumtaxat. Verùm consuetudo fidelium ei nomen dedit Mariæ ; quod retinetur etiam in Martyrologio Romano, Die 22. Octobris Nomen Marthæ in vulgari Teutonum Christianorū lingua factum est commune, vt significet ancillam. Contrà autem, nomen Angeli, nomen Christiani, quàm multis est proprium ? Potuit etiam fieri, vt Maria soror Lazari à Christianis dicta sit Magdalena, ab alio quopiam loco, quàm illa Magdalena euangelica, iuxta ea quæ sunt apud Baronium Anno Christi 32. sect. 23. videlicet à Magdal-gad oppido in tribu Iuda, cuius meminit scriptura Iosue 15. vel à Magdalo apud Ægyptum, de quo Exodi 14. in princip.

Possemò, potest fieri vt sub vno festo tres illas sanctas veneretur Ecclesia, intendens singulis adaptare sua; licet id plebs per se non assequatur : vt scilicet hic tres sanctæ accipiantur velut vna, sola commemoratione ; reipsa autem tres diuersæ fuerint, & diuersæ fuisse ab Ecclesia seu ecclesiasticis viris, intelligantur. Cui rei illud non est dissimile, quòd Ecclesia sub vno nomine Epiphaniæ Domini, tria diuersa commemorat miracula & beneficia Domini : Adorationem Christi à Magis factam in Bethlehem, Christi Domini baptismum, & miraculum aquæ in vinum conuersæ in Cana Galilææ : quæ tria neque constat neque est verisimile, diuersis licet annis, eodem die contigisse ; Imo, eodem anno quo Dominus fuit baptizatus, hoc miraculum fuisse factum, ac proinde alio die, probat Baronius anno Christi 31. sect. 34. & sequentibus. Ecclesia tamen canit, *Tribus miraculis ornatum diem sanctum colimus, hodie stella &c. hodie vinum ex aqua &c. hodie in iordane*

*Iordane &c.* Imò, in alia antiphona ita canit quasi & eodem anno & eodem die omnia hæc contigissent: hoc modo; *Hodie caelesti sponso iuncta est Ecclesia: quoniam in Iordane lauit Christus eius crimina: currunt enim muneribus Magi ad regales nuptias: & ex aqua factò vino latantur conuiuia.* Quum tamen certissimum sit non esse mentem Ecclesiæ aliam, quàm quòd istorum trium vno die fiat commemoratio: sicut & Baronius interpretatur, vbi proximè citatus est, sectione 34. in fine.

Atque hæc ideo dicta sint, ne vel recentiorum opinionioni quis faueat tres euangelicas Magdalenas ponentium: vel officium ecclesiasticum die 22. Iulij, audeat reprehendere; vel damnare velit viros pios & doctos seu veteres seu neotericos, qui tres sanctas mulieres in narrationibus euangelicis agnoscunt; Illam quondam peccatricem, Mariam sororem Lazari, & Mariam Magdalenam in euangelio sic cognominatam.



ORATIO





# ORATIO DECIMA QVINTA.

*Vtrum in consecratione calicis  
aqua vino mixta conuertatur  
immediatè in sanguinem  
Dominicum.*



NTE mensem vnum  
aut alterum, auditores  
ornatissimi, inter quos-  
dam scholæ nostræ  
baccalaureos mora est  
quæstio : Vtrum in  
consecratione calicis  
aqua vino mixta con-  
uertatur immediatè in sanguinem Domini-  
cum. Quæstioni dedit occasionem Illustrissi-  
mus

**ORATIO DECIMA QVINTA. 255**  
mus Ecclesiæ Romanæ Cardinalis bonæ me-  
moræ Cæsar Baronius, qui in tomo suorum  
annalium Ecclesiasticorum duodecimo, ad  
annum Domini 1188, refert Gaufredum quen-  
dam S. Bernardi in Claravalle monachum, per  
litteras consuluisse Cardinalem Albanensem  
episcopum & Domini Papæ vicarium, de hu-  
iusmodi quæstione tunc recenter in Gallijs  
ventilata : alijs affirmantibus hanc aquæ con-  
versionem in Christi sanguinem, alijs verò ne-  
gantibus. Quamvis enim immediatæ conuer-  
sionis in ea epistola non fiat mentio; constat ta-  
men ex serie narrationis, atque ex rationibus  
utriusque partis quas adfert; denique ex eo  
quia casum ponit, etiam si quantitas aquæ præ-  
ualeat; constat, inquam, ex his, de immediata  
conuersione aquæ in sanguinem eum loqui.  
Quoniam verò memorati Cardinalis Alba-  
nensis ad eam Gaufredi epistolam nullum ex-  
stat rescriptum, sed nec apud vllum Theolo-  
gorum legisse memini tractatam ex professo  
eam quæstionem; putavi rem me facturum  
nec inutilem S. Theologiæ studiosis, nec vobis  
auditoribus qui ad has Vesperias conuenistis,  
ingratam; si breui oratione coner explicare;  
prius allatis in medium utriusque partis ar-  
gumentis ac rationibus, quid de hac quæstione  
tanquam probabilius & verius tenendum vi-  
deatur. Vbi primum distinctione opus est. Aut  
enim

enim aqua vino infusa conuertitur in vinum ante consecrationem, aut non conuertitur : Si conuertitur ; nulla dubitatio est, quin per consecrationem simul cum reliquo vino transubstantietur in sanguinem. Quod si non conuertitur aqua in vinum ante consecrationem, sed ex vtroque commixto tertium quid ac diuersum gignitur ( hoc enim fieri per naturam posse iuxta rationem mixtionis, supponunt doctores ) Sic e diuerso nulla dubitatio est, per consecrationem nihil effici, imò consecrationem nullam esse. Non enim adest materia quę consecratur. Si verò non conuertitur, sed aqua remanet vsque ad consecrationem ; iam locum habet quęstio quę post Gaufredum à nobis mouetur : vtrum ea aqua simul cum vino cui admixta est, per consecrationem transeat in sanguinem . Ac ne casum hunc rarum quis existimet, propterea quòd diligens à sacerdotibus adhiberi soleat cura, ne plus admisceatur aqua, quàm quod citò ac facilè à vini natura absorberi queat : sciendum est huius rei, quantum apparet, apud veteres curam non fuisse. Quod intelligi potest primùm ex epistola B. Cypriani ad Cæciliū scripta contra Aquarios, in qua id solum agit, vt non sola aqua adhibeatur in mysterijs, sed vtrumque simul, vinum & aqua ; de quantitate aqua adhibendæ nihil sollicitus. Deinde ex alijs veteris Ecclesiæ decretis

S. Thomas  
concedit ; ne-  
gat Vi-  
etiacus

Epist.  
6. alias  
lib. 2.  
ep. 3.

cretis & canonibus, qui de quantitate aquæ vino apponendę nihil præscribunt : nisi quod in concilio Triburiensi, quod habitum fuit anno Domini 895, decretum est can. 19, sic aquam vino permiscendam esse, ut duæ partes sint vini, tertia verò aquæ : addita hac ratione, quia maior est maiestas sanguinis Domini, quàm fragilitas populi qui per aquam designatur. Multò autem post, id est, circa annum Domini 1200, Innocentius 3. lib 4. mysteriorum missæ cap. 30, cùm quæreret, Quid autem si plus apponatur aquæ quàm vini, erit irritum sacramentum ? respondet : Oportet quidem quod tantum vini ibi ponatur, quod aqua commixtum saporem vini retineat. Nec plura addit de aquæ quantitate vino apponenda. Sed & Cardinalis eiusdem temporis Vitriacus, hoc tantum dicit, semper plus vini, minus aquæ debere apponi Quod & Honorius 3. qui Innocentio tertio proximè successit, de eadem re ad quendam archiepiscopum scribens, suo decreto confirmavit ; ut haberetur extrà, De celebratione missarum. *Perniciosus, inquit, in tuis partibus inolevit abusus, videlicet quòd in maiori quātitate de aqua ponitur in sacrificio, quàm de vino : cùm secundum generalem consuetudinem Ecclesie generalis plus in ipso sit de vino, quàm de aqua ponendum : Ideoque fraternitati tue mandamus, quatenus id non facias, nec in tua pro-*

R

nincia

*nuncia fieri patiari. Quibus in verbis tantum dicitur, plus esse ponendum de vino: non autem, longè plus, sicut hæc verba, nescio cuius errore, citata inuenio in catechismo Romano. Rationem verò pontifex aliam non adiecit, nisi ex consuetudine Ecclesiæ generalis. Vbi glossa: Credamus, inquit, quod hæc consuetudo à sanctis Ecclesiæ patribus fuit instituta. Moxque subdit: Et ita solo usu antiquorum Patrum ponitur plus de vino, quàm de aqua. Deinde prosequitur: Et alia ratio posset assignari, quia vinum delectabilius est ad bibendum quàm aqua: & ideo ponitur plus de vino quàm de aqua; Nam si plus poneretur de aqua, non transiret ita suauiter: &, ne horrorem generaret, unde posset periculum imminere, quia aqua malum stomachum facit. Ita suavis ille & facetus glossator: ne dicam nugator. Atqui meliorem & veriore rationem nos postea proferemus. Illud addo, non solum curam non fuisse prioribus illis sæculis de perpusilla quantitate aquæ apponenda: verum neque hoc curatum, vt tempestiuè, sicut loquuntur, id est, ante missam inchoatam, hæc admixtio fiat: licet hodie multorum usu id receptum sit, velut fratrum Dominicanorum & aliarum quarundam Ecclesiarum, vt restatur Dominicus Sotus in 4. dist. 9. sub finem quæstionis primæ. Sed usus ille recentior est: quemadmodum & ille, de quo Gabriel in expositione*

positione canonis missæ, ut ante euangelium aqua apponatur; ac meritò præferendus hac in parte mos Ecclesiæ Romanæ, qui habet, ut ea mixtio demum fiat imminente oblatione, id est, quando sacra mysteria inchoantur. Et ita oportere fieri docet S. Thomas, & ex eo Sylvester. His accedit quòd, quemadmodum testatur Iacobus à Vitriaco Romanæ Ecclesiæ Cardinalis, si vinum aqua mixtum fuerit, vinum per artificium separari potest ab aqua. Quod & Innocentius 3. in capitulo, *Cum Martine*, commemorat à physicis affirmari. Quamquam non necesse est ad physicos recurrere: quandoquidem id etiam hodierna œnopolarum praxis comprobatur. Ex quibus satis intelligitur, non adeò rarum aut esse aut fuisse, ut aqua calici infusa & vino mixta, maneat aqua usque ad consecrationem: dum videlicet aut plusculum aquæ infunditur, aut inter infusionem & consecrationem non satis temporis intercedit, ut tota in vinum conuerti possit; præsertim cum vinum tenuius est ac debilius; maximè si iam acescat; qui casus nequaquam infrequens est. Alioquin, extra hos casus æquum est, ut valeat quod dicit Innocentius lib. 4. mysteriorum missæ, capite 39. *Quis enim ambigat aquam in vinum transire, cum multo vino modicum infunditur aqua?* His ad quæstionis intelligentiam & explicationem præmissis;

De celebrat.  
Missæ

R 2

nunc

nunc utriusque partis argumenta proferenda sunt, partim ea quæ in epistola Gaufredi continentur, partim quæ apud alios reperimus: ac primum quidem partis affirmantis argumenta, deinde negantis. Igitur pro affirmante primus adducitur testis S. Cyprianus, cuius in epistola ad Cæcilium hæc sunt verba: *Sic calix Domini non est aqua sola, aut vinum solum, nisi utrumque sibi misceatur; quomodo nec corpus Domini potest esse farina sola, aut aqua sola, nisi utrumque adunatum fuerit & copulatum.* Ex quibus verbis consequi videtur vinum sine aqua sibi admixta, siue ea prius in vinum conuersa fuerit, siue non, in sanguinem Domini nunquam transmutari. Sequitur Ambrosius, cuius non paulo clariora sunt verba lib. 4. de Sacramentis cap. 4. & 5. *Didicisti, inquit, quod ex pane fiat corpus Christi: & quod vinum & aqua in calicem mittitur, sed fit sanguis consecratione verbi celestis.* Item; *Ante verba Christi, calix est vini & aqua plenus: Vbi verba Christi operata fuerint, ibi sanguis efficitur, qui plebem redemit.* Hæc Ambrosius, perinde de vino & aqua loquens, quod ad consecrationem attinet. Citat præterea Gaufredus Hieronymum super caput 14. Marci, ita scribentem: *Formans Dominus sanguinem suum in calicem vino & aqua mixtum; ut alio purgemur à culpis, alio redimamur à pœnis.* Citat & Augustinum in tractatu de baptismo, dicen-

dicentem: *Unde & aqua mittitur in calicem, & fit sanguis consecratione verbi celestis.* Verùm de commentario in Marcum, qui fertur inter opera S. Hieronymi, satis inter doctos conuenit, illius non esse, sed authoris incogniti. Quæ autem verba citat Augustini titulo, apud eum non inueniuntur, suntque eadem penè cum verbis Ambrosij, quæ iam audiuius. Proferuntur deinde eorum testimonia, qui post exortâ Berengarij hæresim, & cōtra eam scripserunt, Hildeberti & Algeri. Paschasius autem his antiquior in libro de corpore & sanguine Domini capite 11. de aqua quæ cum vino miscetur in sacrificio, differens, hæc scribit: *Licet prius mysticè uinum & aqua commisceatur; post consecrationem tamen non nisi sanguis bibitur.* Et paulo post: *Non in conuenienter aqua consecratur; non quod aqua permaneat, sed vertatur in sanguinem.* Et rursus nonnullis interpositis: *Cor stat igitur, quia etsi tria ponuntur, (scilicet panis, uinum & aqua) nō nisi caro & sanguis postea rectè creatur.* Hæc Paschasius. in quibus illud præcipuè notandum, quod dicit aquam consecrari & verti in sanguinem. Si enim consecratur aqua; manet igitur vsque ad consecrationem aqua: ut per consecrationem vertatur in sanguinem. Vnde Gaufredus hoc Paschasij testimonium euidens appellat. Vbi tamen Gaufredus in hoc sine dubio fallitur, quod dicit B. Papam Gre-

R 3                      gorium



gorium in libro Dialogi, magnum huic Paschasio sanctitatis perhibuisse testimonium. Locus est lib. 4. Dialogi cap. 40. Fallitur, inquam, manifestè. Non enim de hoc Paschasio, qui nondum erat, locutus est, aut loqui potuit Gregorius: sed de Paschasio Romanæ Ecclesiæ diacono, cuius exstant libri de Spiritu-sancto; Hic verò Paschasius, cognomento Ratbertus, abbas fuit monasterij Corbeiensis, penè quadringentis annis illo Romano posterior. Porro Hildeberti Cenomanensis Episcopi (qui Trithemio teste, Berengarij Turonensis aliquando discipulus fuerat, sed postea factus persecutor erroris) ex libro de Sacramento altaris, qui hodie non exstat, hæc verba refert Gaufredus: *Aqua in sanguinem vertitur, ut populus qui per aquam figuratur, in melius se mutatum intelligat.* Algerus, eadem cum Paschasio scribens, lib. 1. de Sacramento altaris cap. 19. *Sciendum est, inquit, quia licet prius mysticè vinum & aqua misceatur, post consecrationem tamen non nisi sanguis bibitur.* Huc vsque testes à Gaufreddo producti: quibus haud dubiè ex Græcis Patribus Ioannem Damascenum adiunxisset, si illi notus, aut saltem lectus fuisset. Nos igitur eius verba ponamus, quæ sunt in lib. 4. de orthodoxa fide cap. 14. ubi loquens de Domino suis discipulis tradente mysteria, sic ait: *Accipiens calicem ex aqua & vino, tradidit illis dicens:*

*edicens: Bibite ex hoc omnes: Hic meus est sanguis &c. Moxque affirmat. Dominum panem sui ipsius corpus facere, & vinum & aquam, sanguinem. Et quomodo, inquit, panis sit corpus Christi, & vinum & aqua sanguis Christi? Ac deinde: Quia mos est hominibus panem manducare, & vinum & aquam bibere; coniunxit his ipsam suam diuinitatem, & fecit hac suum corpus & sanguinem. Hæc & alia in eandem sententiam eo loco Damascenus. Denique his testimonijs adiungatur, si placet, Innocentius ipso Gaufrido posterior, vt ne miteris ab eo non esse allegatum. Qui pontifex consultus ab Archiepiscopo Lugdunensi super hac questione, Vtrum aqua cum vino in sanguinem conuertatur: cum plures scholasticorum attulisset responsiones, vt patet ex capitulo *Cum Martha*, extrâ, De celebratione missarum; ita tandem resoluit: *Verum inter opiniones prædictas illa probabilior indicatur, quæ asserit aquam cum vino in sanguinem transmutari; vt expressius eluceat proprietas Sacramenti. Nam cum aqua multa, sint populi multi; ideo vino aqua vnitur, vt Christo populus adunetur. Per hoc enim quod suscepit ipse de nostro, & accepimus ipsi de suo; tam insolubili nexu coniungimur, vt qui est vnum cum Patre per ineffabilem vnitatem, fiat vnum nobiscum per admirabilem vniionem: ac per hoc, ipso communiter mediante cum Patre, vnum efficimur.* Hæc*

ille . Sed quia testium & testimoniorum satis ;  
 audiantur & rationes, quibus hæc opinio par-  
 tis affirmantis fulciri videtur . Sunt autem hæc  
 quatuor : quarum prima colligitur ex Cypria-  
 no, estque apud Gaufredum , qui eam his ver-  
 bis exponit : *Aiunt, inquit, quod dum substantia*  
*aqua , qua ad conficiendum panem miscetur simila,*  
*post consecrationem aqua non maneat ; incongruum*  
*fore videtur , ut mixta vino similiter in consecra-*  
*tione non mutetur.* Secunda ratio sumitur ex sig-  
 nificatione mystica, & insinuat ab Innocentio  
 Papa , verbis paulò antè recitatis . Nam aqua  
 vino mixta in sacrificio , populi fidelis cum  
 capite Christo unionem repræsentat . Quod  
 & à Cypriano traditum est , & ab alijs Patri-  
 bus: ac repetitum in Concilio Tridentino sess. 22.  
 cap. 7 . Atqui fidelis populi naturalis est unio  
 cum Christo capite , sic ut unum corpus con-  
 stituant; igitur ad hanc unionem significan-  
 dam oportet aquam simul cum vino in Christi  
 sanguinem transmutari . Nam alioqui , popu-  
 lus , qui per aquam significatur , remanebit à  
 Christo diuisus ac seiunctus . Tertia ratio hu-  
 iusmodi est : si aqua relinquitur in calice post  
 consecrationem: igitur sacerdos hausto calice,  
 non erit ieiunus; & proinde eodem die , in ca-  
 sibus alioqui concessis , iterum sacrificare &  
 communicare non poterit: nihilo magis quàm  
 is, qui post communionem sumpserit ablutio-  
 nem.

nem . Adfert hanc rationem Innocentius tertius lib. 4. mysteriorum missę cap. 29. & S. Thomas in 4. dist. 11. q. 2. & Gabriel super canonem missę . Quarta ratio , & ea potissima , desumitur ex adoratione . Nam , vt ait Dominicus Sotus in 4. dist. 9. quęstione 1. sub finem, *se solum vinum consecraretur, & aqua maneret illie in substantia aquę; hoc esset plebem seducere, quę adorat quicquid substantia sub illis accidentibus reconditur: tametsi, inquit, per ignorantiam excusaretur. Verum sacerdos immane sacrilegium committeret; pręsertim si prudens & sciens id faceret.* Ita Dominicus, non quidem sentiens aquam vino mixtam immediatę conuerti in sanguinem: sed aliud agens, vt videlicet tantillum aquę vino misceatur, quod facillę possit transire in vinum. Qua de re postea nobis aliquid dicendum erit . Nunc veró hac ratione id agitur, vt credatur aquam, etiam prius non conuersam in vinum, tamen ipsa consecratione conuerti in sanguinem . Nam alioqui fatendum esset maiores illos nostros & antiquiores, quibus non tanta fuit cura permodicum aquę miscendi cum vino, quando nec canones Ecclesię id exigebant; istius immanis sacrilegij, (quemadmodum loquitur Dominicus) reos esse constituendos . Quod absit vt dicamus . Hęc igitur sunt, auditores, quę quęstionis initio propositę partem affirmantem, aut veram,

ram, aut vero admodum propinquam ostendere videantur. Atque id quo magis appareat, audire quid post finem epistolæ supradictæ, suis verbis subiiciat Illustrissimus Cardinalis Baronius. Gaufredus quidem epistolam suam ita concludit: *Ac proinde placeat vestra dignationi cum Dominis nostris fratribus vestris super hoc verbo, cum opportunum tempus adfuerit, diligenti collatione tractare: ut auctoritas S. Romana Ecclesia definiat, quid super hoc credi debeat, vel doceri.* Tum prosequitur Baronius; *Quid autem rescripserit ad petitam consultationem Cardinalis Episcopus Albanensis, non inuenimus: Sed aliud rescribere non potuisse certum est, quàm quod credidit & custodiuit semper S. Romana Ecclesia: nimirum aquam simul & vinum transsubstantiari in sanguinem Christi.* Sic ille. Quod si verum est; quid amplius quærimus? Sed quia iudiciorum lex est, audire & alteram partem: integrum vestrum, auditores, iudicium seruate in diem crastinum (fatigati enim nunc estis, & hora præterijt) quò diuersæ partis argumentis auditis & intellectis, sereniorum & instructiorem ad iudicandum animum adhibere possitis.

*Anno 1610. 5. Nouemb.*

O R A T I O

# ORATIO DECIMA- SEXTA.

*Oratio secunda de eodem  
argumento.*



AT IS hesternæ die ,  
quantum arbitror , au-  
ditores ornatissimi , in  
vnam partem quæstio-  
nis quam tractandam  
suscepimus, disputatura  
est; huius, inquam, quæ-  
stionis , *Verum in conse-*  
*cratione calicis aqua vino*

*mixta conuertatur immediatè in sanguinem Domi-*  
*nicum* . Proximum nunc est, vt diuersæ partis,  
id est, negatiuæ, rationes & argumenta profe-  
ramus . Id enim in hunc diem dilatum erat .

Igitur

Igitur illud hoc loco præcipuè dispiciendum est, quænam sit materia consecrationis calicis; utrùm vinum solum, an etiam aqua. Dispi- ciendum, inquam, quid scriptura sacra, quid Patres, quid Patrum concilia, quid scholastici doctores super hac re nobis traditum aut scri- ptum reliquerint. Quòd si non aliam agnos- cant consecrandi calicis materiam quàm vi- num; certissima consequentia est, aquam vino mixtam immediatè in sanguinem Domini con- uerti non posse. Nam illud dicitur materia in hoc Eucharistiæ Sacramento, quod in ipsum Sacramentum immediatè transmutatur. At- qui vinum, non aquam, esse calicis consecran- di materiam; primum, ex Euangelica narra- tione docetur; vbi post datum discipulis cali- cem, dicit Dominus: *Non bibam amodò de hoc genimine vitis*. Mat. 16. Super quibus ver- bis Chrysostomus homilia 83. *De genimine vi- tis*, inquit, *quæ certè vinum, non aquam producit*. In quo hæresim eorum euellere voluit, qui aqua in his mysterijs vtuntur. Ita Chrys. vbi cum dicit, aqua, intellige pro materia; præfer- tim si sola aqua vterentur. Quod faciebant Aquarij, contra quos scribit Cyprianus. Si dicas vinum illud quo Christus vsus fuit, in consecrando sanguine suo, fuisse mixtum aqua; negare non possumus. Id enim conciliorum Florentini & Tridentini verbis & Sanctorum

Pa-

Patrum testimonijs consentaneum est. Verum non ideo consequens, aquam esse huius Sacramenti materiam. Nam mixtionis alie sunt causae, quas ex Patribus adferunt memorata concilia: velut representatio Dominicae passionis, in qua sanguis & aqua ex latere Christi profluxisse leguntur; nec non representatio vnionis populi fidelis cum capite Christo, de qua alias. Quod si aqua, perinde vt vinum, tanquam materia huius Sacramenti instituta fuisset à Christo: studiosè nobis agendum esset, vt vino tanta apponeretur aquae copia, cui vinum praeualere non posset; nimirum vt locus seruaretur consecrationi, qua, iuxta Domini institutionem, aqua in sanguinem verteretur, more videlicet aquarum Aegyptiarum, quas virgâ percussas Moyfes in sanguinem conuertit. Exodi 7. Deinde, quid vetaret aquam seorsum posse consecrari, (sicut Aquarij faciebant) etiam his verbis: *Hic est calix sanguinis mei*? Maximè si qua necessitas urgeret, velut in regionibus admodum septentrionalibus, quibus vinum neque nascitur, neque aduehitur. Non enim mutilum esset sacrificium, aut imperfectum Sacramentum, vbi esset & gemina species, panis scilicet & aquae: & sub vtraque specie res contentae prorsus eadem quae sub speciebus panis & vini. Sed cum hæc adeo sint absurda, vt nec in mentem facile



facile cuiquam venerint ; explodi profectò  
 necesse est opinionem, quæ aquam consecran-  
 di calicis facit materiam . Sanè si panis solus  
 materia est consecrandi corporis Dominici :  
 quomodo non etiam vinum solum materia  
 consecrandi sanguinis, siue mixtum fuerit  
 aquâ, siue non ? Nam Patres, vt mixtionem  
 requirunt, ita nusquam dicunt aquam quæ ad-  
 milcetur, huius Sacramenti materiam esse: sed  
 plarisque in locis magis contrarium signifi-  
 cant . Iulius Papa eius nominis primus, vt ci-  
 tatur apud Gratianum, De consecrat. dist. 2.  
*Manifestum est*, inquit, & euidentis exemplum  
 veritatis euangelicæ illuxit, quòd præter pa-  
 nem & vinum aliud offerri non licet . Augu-  
 stinus in libro sententiarum Prosperi, vt cita-  
 tur eodem loco : *Fateamur, ante consecrationem*  
*panem esse & vinum quod natura formauit; post*  
*consecrationem verò, carnem Christi & sanguinem,*  
*quæ benedictio consecrauit* . Per idem tempus Pa-  
 tres concilij Carthaginensis 3. can. 24 ita sta-  
 tuunt : *Vt in Sacramentis corporis & sanguinis*  
*Domini, nihil amplius offeratur, quàm ipse Domi-*  
*nus tradidit, hoc est panis & vinum aquâ mixtum* .  
 Ac ne putes etiam aquam esse materiam, quia  
 dixerunt vinum aqua mixtum; ita subiungunt;  
*Nec amplius in sacrificijs offeratur, quàm de vnis*  
*& frumentis* . Non addunt, de aqua . Patres  
 concilij Triburiensis can. 19. statucentes aquam  
 sic

sic esse cum vino miscendam, ut duæ partes sint vini, una verò aquæ, sicut in hesternâ oratione diximus; hanc addunt rationem, quia maior est maiestas sanguinis Domini, quàm fragilitas populi, qui per aquam designatur. Sentiant ergo, solum vinum, non etiam aquam, in sanguinem conuerti. Patres Synodi Trullanæ, can. 32. morem Armeniorum corrigentes, qui propter verba Chrysostomi, quæ supra citauimus, malè intellecta, solo vino utebantur in mysterijs; dicunt inter alia, incruentum sacrificium peragi ex precioso redemptoris sanguine & aqua. Qui sic loquuntur, non existimant aquam conuerti in sanguinem. Et quoniam ad Græcos defleximus, quamuis schismaticos: ex facto & opinione eorum aliud accipite argumentum. Quamuis ex Ioanne Damasceno, heri citato, constet Græcos solitos admiscere aquam vino ante vini consecrationem; posteriores tamen Græci, quorum ritus sequuntur Moscouitæ, veteri mutata, quantum apparet, consuetudine, vino iam consecrato affundunt aquam calidam, dicentes illud euangelicum: *Et continuo exiuit sanguis & aqua*. Non ergo intendunt quod aqua transeat in sanguinem. Neque enim transire posset cōsecratione iam peracta. Sed desideratis, auditores, apertiora & expressiora documenta huius sententiæ; neque vultis ad schisma-

Vide  
Can. 32.  
Syn.  
Trull.

maticos remitti. Ergo reuertamur ad Catholicos & apertiora testimonia proferamus. Petrus quidem Lombardus, vt habet epistola Gaufrèdi, aquæ mutationem in vinum neque asseruit expresse, neque negauit: quia non ei quæstio hæc in mentem venit: Verùm contemporaneus eius Hugo à S. Victore mouet eam, quæstione 93. in 1. epistolâ ad Corinthios. Quærit enim, an aqua cum vino mutetur in sanguinem: & responsio eius est; *Dicunt quidam quod mutatur: Nobis autem videtur quod non mutatur; quod à magistro Acardo accepimus.* Loquitur autem de aqua non in vinum conuerſa. Post huius tempora, Iacobus à Vitriaco Romanæ Ecclesiæ Cardinalis in historia rerum occidentalium cap. vlt. mota quæstione de aqua vino appositâ, quæ tamen à vino non absorbetur, Vtrum ea remaneat; aut quidnam de ea fiat: reiectis quorundam opinionibus quas commemorat, ita respondet; *Nobis autem videtur, quod partium natura remaneat, (intellige usque ad consecrationem): Nam vinum per artificium separari potest ab aqua. Vnde vinum transubstantiatur (per consecrationem) aqua in sua natura manente.* Et declarat à simili: Sicut, inquit, *si granum hordei cum frumento misceatur; quod ibi de frumento est tantum transubstantiatur.* Hæc ille. Vixit autem ante annos 400. Pontifice Romano Innocentio 3. sub quo etiam lega-

legationes obiuit. Ac ne Cardinalem à Pontifice diuersum aliquid hac de re sensisse suspiceris; quid ipse Innocentius de eadem questione scripserit, & consultus rescripserit, videamus. Huius enim Pontificis super hac re sententiam nosse (quoniam ex eo in partem affirmantem quædam heri allegata sunt verba) valdè operæ precium est. Is igitur lib. 4. mysteriorum missæ; postquam cap. 29. quæstionem hanc sibi proposuisset, Vtrum aqua cum vino conuertatur in sanguinem; & nonnulla ad vtramque partem argumenta, dubitantium ac disputantium more fecisset; proximo cap. respondet, in hunc modum: *Quibusdam verò non absurdum videtur quòd aqua cum vino transsit in sanguinem; ea videlicet ratione, quòd aqua per admixtionem transsit in vinum, & vinum per consecrationem transsit in sanguinem. Quis enim ambigat aquam in vinum transire, cum multo vino modicum infunditur aqua?* Sic ille. Vbi ad marginem annotatum est in meo codice; *Rectè opinio de aqua in calice Sacramenti.* Et ne putes ex aliena tantùm sententia loqui Innocentium, quoniam dicit, *quibusdam videtur*; attende ad illa verba: *Quis enim ambigat &c.* Igitur Innocentij sententia est, aquam cum vino transire in sanguinem, ea demum ratione, si priùs in vinum conuersa fuerit: manifestè significans non aquam sed solum vinum esse materiam

S

proxi-

proximam sanguinis Dominici consecrandi. Dico, proximam, de qua nunc quæstio est. Nam materiam eius remotam ac mediatam, aquam dicere, nihil prohibet. Pergit Innocentius, & iterum querendo rem magis declarat: *Quid, inquit, si plus apponatur aque, quàm vini; erit irritum Sacramentum? Oportet quidem quod tantum vini ibi ponatur, ut aqua commixtum saporem vini retineat. Licet autem diligenti studio vinum optimum sit querendum, ut sacrificium offeratur; viciū tamen vini non maculat mundiciam Sacramenti. Ac si dicat: Etiam si plus aquæ fuerit appositum, aut vinum tenue sit aut acidum, ut aquam in se transmutare non possit: dummodo sapor vini remaneat, ex quo cognoscitur quod verum sit vinum; conficitur ex eo Sacramentum, aqua in sua natura manente. Cæterum plenius idem Innocentius in suo rescripto, quo respondet Archiepiscopo Lugdunensi, quod incipit *Cum Martha*, extra, De celebratione missarum, de hac re differit: *Quæsinisti, inquit, utrum aqua cum vino in sanguinem convertatur. Super hoc autem opiniones apud scholasticos variantur. Aliquibus enim videtur, quod, cum de latere Christi duo præcipua fluxerint Sacramenta, redemptionis in sanguine, ac regenerationis in aqua: in illa duo, vinum & aqua que commiscentur in calice, divina virtute mutantur; ut in hoc Sacramento plenè sit veritas & figura. Alij verò**

*tenent*

tenent quòd aqua cum vino transubstantiatur in sanguinem, cum in vinum transeat mixta vino. Et paulo pòst: *Præterea*, potest dici quòd aqua non transiit in sanguinem: sed remanet, prioris vini accidentibus circumfusa. Et infrà tandem resoluens. *Verum*, inquit, inter opiniones prædictas illa probabilior iudicatur, quæ asserit aquam cum vino in sanguinem transmutari; ut expressius eluceat proprietas Sacramenti &c. Quam resolutionem malè quidam intelligentes, existimarunt Pontificem sentire, quòd aqua vino mixta, siue priùs in vinum conuersa fuerit, siue non; semper vnà cum vino in sanguinem transmutetur. Sed hic intellectus contra mentem Pontificis est. Tres enim adduxerat opiniones; primam, quæ dicit vinum conuerti in sanguinẽ Christi, aquam verò in aquam quæ fluxit ex latere eius: quæ opinio. meritò reprobatur. Secundam, quæ tenet aquam cum vino transubstantiari in sanguinem, cum priùs in vinum tranierit mixta vino. Terriam, quòd aqua non transiit in sanguinem, sed remanet, prioris vini accidentibus circumfusa. Eligit autem ex his Innocentius secundam, ut manifestum est. Quare quod dicit illam iudicari probabiliorem, quæ asserit aquam cum vino in sanguinem transmutari; intellige iuxta quod dixerat, opinionem illam proponens, *Cum in vinum transeat mixta vino*. Atque ita glossographus interpretatur,

tatur, *Cum vino*, Id est, vinum aquaticum. Non enim transeunt duo in sanguinem (vinū & aqua) sed vinum quod aquam sibi incorporauit. Porro sic eligit Innocentius secundam opinionem, vt tertiam non improbet. Nam de ea dicit, *Potest dici*. Ac meritò ita loquitur: siquidem non pugnant hæ duæ opiniones; nisi quis vtramque vel alteram cum alterius exclusionem intelligat; vt verisimile est quosdam intellexisse, negantes aquam in vinum conuerti posse, propterea quòd secundum physicos, vt idem refert Innocentius, aqua vino mixta per artificium, rursus à vino separari possit. Sed hoc non esse verum vniuersaliter, satis constat, & hesternæ oratione monstrauimus. Igitur si aqua prius conuertatur in vinum, quod non negandum est fieri; mediata conuertetur in sanguinem: quod vtique vult secunda opinio. Si verò prius in vinum non fuerit conuersa (quod contingere potest); nec sanè in sanguinem conuertetur; sed aqua manebit aqua: quod vult tertia opinio. Sed dicet aliquis, Innocentij verba quibus secundam exponit opinionem, quam & approbat, ita sonare, quasi semper in vinum transeat aqua vino mixta, priusquam fiat consecratio. Non enim dicit: Si in vinum transeat mixta vino; sed, *cum in vinum transeat*, ac si semper id fiat. Respondeo planè absurdum esse huiusmodi intellectum.

Quid

Quid enim si duplo aut triplo plus apponatur  
 aquæ quàm vini; nunquid sentit Innocentius  
 etiam sic aquam transire in vinum? An non  
 ipsius verba sunt, quæ iam antè citauimus:  
*Quis enim ambigat aquam in vinum transire, cum  
 multo vino modicum infunditur aqua?* Igitur ex  
 eius sententia, cum multum infunditur;  
 & ambigi potest, & negari. An non ibidem  
 dicit, quod etiam audistis, si plus appona-  
 tur aquæ quàm vini, dum tamen aqua com-  
 mixtum saporem vini retineat, non fore  
 irritum Sacramentum? Non enim dicit,  
 modò aqua sic copiosè affusa conuertatur in  
 vinum: sed tantum vult, vt vinum aqua com-  
 mixtum saporem vini retineat, id est, vim &  
 naturam vini (quod ex sapore indicatur) non  
 amittat. Nam hoc si contingeret; omnino con-  
 secratio fieri non posset. Rectè Gabriel: *Con-  
 uersio aquæ in vinum, ait, non fit per miraculum si-  
 cut conuersio vini in sanguinem: sed per actionem  
 naturalem vini in aquam; quæ requirit alteratio-  
 nem præuiam.* Nec id Innocentius Pontifex  
 doctissimus ignorauit. Cur igitur sic locutus  
 est, *Cum transeat?* Vtique propter eos, qui, si-  
 cut iam dictum est, aquam in vinum conuerti  
 posse negabant, eo quòd post mixtionem pos-  
 sit adhuc arte humana separari. Transitum igi-  
 tur aquæ in vinum, eo sermone confirmare  
 voluit, vt possibilem & contingentem; non



autem vt necessarium, aut vniuersalem. Rursum dicet aliquis, Innocentium tantum pronunciare, secundam opinionem esse probabiliorem; imò nec esse, sed iudicari talem: igitur licebit ab ea recedere, sequendo diuersam opinionem, etsi minus probabilem. Respondet glossa, siue definiat vt papa, siue proponat vt doctor; opinionem eius esse amplectendam. Sed plenior responsio erit: Quamuis ad suam opinionem, de qua modeste loquitur Pontifex, hoc suo rescripto neminem cogat, (Res enim adhuc apud multos, propter apparentiam rationum, quæ ferebantur in vtramque partem, versabatur in quæstione, alijs hoc, alijs aliud dicentibus, quod & Innocentius in principio sui rescripti fatetur, & declarat epistola Gaufredi hesterna: ) adeo bonis tamen & firmis eam opinionem niti rationibus, & sanctorum testimonijs, vt ab ea recedere prorsus non liceat; præsertim hoc nunc tempore, posteaquam & scholasticorum omnium consensu, qui Innocentio fuisse posteriores, & conciliorum decretis, ea sententia satis est confirmata. Nam quod ad scholasticos attinet doctores, affirmat Gabriel lectione 35. super canonem missæ; quod eam opinionem quam Innocentius dicit probabiliorem, communiter sequuntur doctores Theologiæ, S. Thomas, Scotus & cæteri, tanquam indubitatam.

Si

Si tamen, inquit, sic intelligitur, quòd aqua post admixtionem cum vino, per actiuitatem vini transit in vinum, & facta vinum conuertitur in sanguinem Christi. Sic autem intelligendum esse, iam ex ipso Innocentio ostendimus. Legantur quæ scribit S. Thomas in 4. dist. 11. q. 2. ar. 4. & in summa parte 3. q. 74. ar. 8. quibus locis, Innocentij securus auctoritatem, docet oportere, quòd aqua consumatur à vino, ad hoc, vt ex parte sanguinis sit tantum vna species; sicut ex parte corporis: ideoque non debere aquam in magna quantitate apponi, additque expressè, si aqua non prius conuertatur in vinum; non eam conuertri in sanguinem. Nec aliter S. Bonaventura in 4. dist. 11. q. 2. ar. 3. vbi docet aquam non esse huius Sacramenti materiã, sed aliquid annexum materiæ, scilicet vino; quia adiungitur vino, & in ipsum conuertitur, & postmodum in sanguinem. Scotus in 4. distinct. 11. in fine. Vino apponere aquam non est simpliciter necessarium de necessitate Sacramenti: quia etiam quando apposita est, non conuertitur in sanguinem, nisi prius conuersa in vinum. Idem significat Paludanus in eandem dist. 11. libri 4. q. 1. art. 6. conclus. 2. & expressè tradit ibid. conclus. 5. his verbis; Aqua debet apponi in modica quantitate; & ita diu ante consecrationem quòd fuerit conuersa in vinum: quia

aliter ipsa manens aqua non est materia Sacramenti, sed effecta vinum. Richardus à Mediavilla in eandem dist. libri 4. De tertio principali, q. 3. Aqua si ante consecrationem sanguinis non est conuersa in vinum; non conuertitur in sanguinem. Non enim conueri potest in sanguinem, nisi prius conuertatur in vinum. Et quæstiuncula 5. est ibi hæc; Vtrum commixtum æqualiter ex aqua & vino conuertatur in sanguinem Christi. Respondet, Æqualis commixtio ex aqua & vino potest fieri secundum æqualem quantitatem molis ipsorum mistorum; aut secundum æqualem proportionem virtutis. Priore modo, aqua non solueret speciem vini, eo quòd vinum sit magis actiuū quàm aqua; nec generaretur natura tertia ex duobus: nec vinum posset aquam citò conuertere in naturam suam, quamuis satis cito alteraret in excellentijs suarum qualitatum accidentalium. Et sic, dico quod per formam consecrationis vini, sola substantia vini transubstantiaretur in sanguinem.

Idem sensisse Guilielmum Altissiodorensem his antiquiorem, patet ex Summa eius libro 4. De Sacram. Eucharistiæ capitulo 2. vbi ait, Vinum & aqua simul sumpta transubstantiantur in sanguinem Christi. Et infra, Sciendum autem quòd aqua apponenda est in tam parua quantitate quòd possit absor-

absorberi à vino. Eadem est sententia reliquorum Theologorum , etiam eorum qui de casibus conscientiae scripserunt, quos Summularios vocant. Hinc illa praxis sacrificantium , ab iisdem præscripta & concilij Florentini decreto probata , quæ per totam obtinet Ecclesiam , vt aqua modicissima ( sic enim loquitur illud decretum ) vino admisceatur . Nam ante tempora Innocentij constitutum quidem fuit vt plus vini quàm aquæ poneretur in calice ; hac nimirum ratione , ab ipso Innocentio , & Vitriaco , alijsque multis reddita , atque etiam annotata in Rubricis Missalis Romani ; ne aquæ copia virtutem vini exstingeret : Cæterum post ea tempora , postquam res in disputationem adducta est ; vt ne quid aquæ prorsus in calice remaneret non conuersum in sanguinem , necessariò recepta est & inualuit per Ecclesias consuetudo , ne plus aquæ apponatur , quàm facile possit ante consecrationem in vinum conuerti . Atque vtinam etiam illud obtinuisset , quod Innocentius dicit diligenti studio curandum esse , quodque post eum Thomas, Gabriel & alij volunt, vt optimum vinum exhibeatur . Quod si fieret ; non tot scrupulis ob vini viciositatem inquietarentur animi bonorum ac Deum timentium sacerdotum : deinde & dignitati huius tremendi sacrificij multo magis consuleretur . Iam , vt & illud quod dixi

dixi de conciliorum decretis, confirmem; et vobis duo concilia generalia, Florentinum & Tridentinum; quorum in priore sic legitur:

In Cō-  
pen-  
dō si-  
dei da-  
ro Ar-  
menijs

*Tertium est Eucharistia Sacramentum, cuius mate-  
ria est panis triticeus, & vinum de vite. Hoc tan-  
tū de materia. Tum sequitur quod suprà me-  
mini: cui ante consecrationem aqua modicissima*

*adhiberi debet. Non dicit aquam esse materiam;  
sed docet aquam vino, quod est materia, adhi-  
bendam esse. Tridentinum verò sess. 13. con-  
rinente decretum de sanctissimo Eucharistia  
Sacramento, nusquam aquæ meminit, sed af-  
fiduè nominat panis & vini benedictionem,  
consecrationem, conuersionem, transubstan-  
tiationem: multò minus quicquam dicit de  
specie aquæ remanente post consecrationem,  
sicut loquitur de speciebus panis & vini rema-  
nentibus. Tantū sess. 22. monet de aqua vino*

Cap.  
doct. 7

*miscenda in calice, eiusque ceremoniæ adfert  
rationes. Et quia in eum locum iam venimus;  
haudquaquam negligenter prætereundum est,  
quod ibidem dicitur, ab Ecclesia præceptum  
hoc esse sacerdotibus, ut aquam misceant  
vino. Inde enim sequitur, hanc mixtionem  
esse præcepti Ecclesiastici & humani. Cum  
igitur apud omnes constet, Ecclesiā non posse  
instituire materiam alicuius Sacramenti; pla-  
nè consequens est aquam huius Sacramenti  
Eucharistiæ non esse materiam; ideoque ex ea*

*sue*

siue separata siue vino coniuncta, sanguinem consecrari non posse, nisi prius in materiam, id est, in vinum conuersa fuerit. Omitto dicere quàm sit insolitum, & quàm malè sonet in auribus fidelium, Aquam transubstãtari in sanguinem Christi; Sub specie aquæ in calice esse & offerri sanguinem Dominicum: denique inaudita est in Ecclesijs aquæ consecratio in sanguinem. Et nim, *dogma datur Christianis, quod in carnem transi panis, & vinum in sanguinem.* Audistis alteram partem. Nunc igitur iudicate si lubet. Aliud certè iudicare non potestis, quàm quod credidit & custodiuit semper S. Romana Ecclesia; non aliter aquam in sanguinem Christi transubstantiari posse, quàm si prius fuerit in vinum conuersa. Superest tamen vt ad argumenta diuersæ opiniones respondeamus; sed quia tempus lapsum est, ne tædio sit vobis sermo prolixior, huius partis exsequendæ in diem tertium me tenebitis debitorem.

*Anno 1610. 6. Nouembris.*

Additio

# Additio Authoris.



**A**uthor addit has rationes suo loco inferendas. Sequetur ex illa priore opinione, sub specie solius aquæ esse posse sanguinem Domini, ubi nulla adsit species vini: ut si post consecrationem, artificio physico species aquæ à specie vini separetur.

Item sequetur, si multum sit aquæ, & modicum vini affusum, fieri conversionem totius liquoris in sanguinem; & proinde sanguinem ibi remanere, etiam vini specie corrupta. Nam si potest aqua vino mixta, sed non in vinum conuersa, conuerti in sanguinem: potest etiam sanguis remanere, dum manet species aquæ, sine species vini perduret, sine non.

ORATIO

# ORATIO

## DECIMA- SEPTIMA.

*Oratio tertia de eodem  
argumento .*



**I**XIMVS, auditores, de  
quæstione quam repeto,  
*Virum in consecratione ca-*  
*licis aqua vino mixta con-*  
*uertatur immediate in*  
*sanguinem Dominicum.*  
Diximus inquam, de ea  
quæstione, quid non-  
nulli senserint ante an-  
nos 400. & quibus vel testimonijs, vel ratio-  
nibus suam sententiam, quæ affirmatiua est,  
confirmare fuerint conati. Diximus deinde,  
quid è diuerso sentiunt alij, & quibus illi suam  
senten-



sententiam argumentis ostendant, doceant, & demonstrent, non solum ut probabilem, verum ut omnino veram, indubitatam & ab omnibus tenendam. Hæc diximus: nec alio apud animos satis præparatos, utemur exordio. Quid enim nunc agendum nobis sit, etiam novistis. Nam polliciti sumus responsionem ad argumenta partis affirmantis, & huius promissi debitum nos hodiè soluturos. Quod nunc dum facimus, aures & animos advertite. Primo loco proferebantur testimonia quædam scriptorum Ecclesiasticorum, partim veterum ac sanctorum Patrum, Cypriani & Ambrosij, (taceo Hieronymi & Augustini, quorum non veras esse citationes, dixi satis constare) partim authorum quorundam recentiorum, Paschasij, Hildeberti, & Algeri. Recentiores voco, respectu temporis quo scripsit qui hæc commemorat Gaufridus. His autem in favorem adversariorum adiecimus etiam ex Ioanne Damasceno testimonium. Adiecimus item ex Innocentio tertio. Verum de eius sententia satis superque diximus: atque ostendimus eam non aliam esse quàm nostrā. Quod igitur ad istorum testimonia attinet, non faciemus quod illi parum idonei nostræ sententiæ patroni, quos idem Gaufridus refert, de Patribus antiquis dissimulare; Paschasium contemnere; Hildebertum dicere versificatorem

rem fuisse, non Ecclesiasticorum dogmatum assertorem; de Algero iactare illud, Non nouimus hominem. Inepta sunt hæc, & graui disputatore indigna. At neque dicemus auctores illos ita quidem sensisse, ut eorum verba sonant, verum, ut in re adhuc non satis discussa neque determinata, falsos opiniones fuisse (quamuis id de quibusdam dicere non esset absurdum): Quid enim necesse nobis est eò confugere, cum aliud in promptu sit quod respondeatur? Neque enim ullus eorum dicit aquam calicis immediatè in sanguinem conuerti. Supponunt enim vinum agere quod solet, id est, aquam affusam alterare, & alterando in suam, hoc est vini, conuertere naturam. Quod si non semper fiat, vel propter maiorem aquæ quantitatem, vel ob vini debilitatem; id præter intentionem est & curam scriptoris. Cum igitur dicunt vinum & aquam consecratione conuerti in sanguinem; sic expone, Vinum aquâ mixtum, quod videlicet aquam sibi iam incorporauit. Nam & illud, vinum aquâ mixtum solemus appellare. Cum autem solum nominant aquam, uti Paschasius, dicens aquam consecrari & verti in sanguinem: id intellige, mediata. Non enim aqua sola adhibebatur consecranda, nisi ab Aquarijs olim damnatis: sed vino infusa, à quo naturaliter eam alterari & in ipsum verti, nemo peritus negauerit.

uerit. Igitur aquam mediante vino, in quod fuerit conuersa, consecrari, & in sanguinem verti, nos quoque fatemur: qua ratione iam antè diximus, aquam dici posse materiam huius Sacramenti, nempe mediatam. Ad eam verò rem significandam, Patres interdum quidem vinum & aquam nominant; sæpius autem vinum aquâ mixtum; at sæpius vinum solum: vinum & aquam interpretantes per vinum aquâ mixtum; hoc autem, per vinum: vtique scientes vinum aquâ mixtum totum in sanguinem transire non posse, nisi prius totum sit vinum; quod animaduertere est in verbis Damasceni; si cui libet ea integra apud auctorem ipsum inspicere. Addo, nec adeo incommodum debere videri sermonem, quo dicitur aqua calicis conuerti in sanguinem, loquendo de mediata conuersione: sic enim loquimur; Panis quem comedimus & vinum quod bibimus, ac cætera quæ sumimus alimenta, conuertuntur in substantiam corporum nostrorum. & tamen constat non conuerti immediate: ac multæ tales sunt in natura transmutationes. Quanquam ad id de quo nunc agimus non facile est extendendus hic sermo; ne malè intelligatur, & malè intellectus offendat. Cùm enim quæritur, Vtrum in hoc Sacramento aqua conuertatur in sanguinem; immediata conuersio vulgò solet intelligi: Licet non ita

Patres

Patres intellexerint, apud quos huiusmodi sermo reperitur. Quod vel ex ipsius Cypriani verbis, quæ nobis obijciebantur, conijcere licebit: Sic, inquit, calix Domini non est aqua sola, aut vinum solum, nisi utrumque sibi misceatur: quomodo nec corpus Domini potest esse farina sola, aut aqua sola, nisi utrumque adunatum fuerit & copulatum. Quibus in verbis videtis non magis intelligi oportere immediatam aquæ conuersionem in sanguinem Domini, quam immediatam farinæ & aquæ conuersionem in corpus Domini. Alterum enim cum altero comparat. Atqui farinæ & aquæ conuersionem immediatè fieri in corpus Domini, quis nisi stolidus affirmauerit? Hæc ad verba Patrum, quæ pro diuersa sententia fuerant allegata, respondisse sufficiat. Sequitur ut & rationes in eiusdem sententiæ patrocinium adductas dissoluamus: quarum primam ex iam dictis Cypriani verbis acceptam, sæpè memoratus Gaudfredus morrachus ita proponit: *Si autem quodam substantiæ aquæ, quæ ad conficiendum panem miscetur simila, post consecrationem aqua non maneat: incongruum, fore videtur, ut mixta vino similiter in consecratione non maneat.* Verùm facilis est responsio; nec aquam quidem vino mixtam manere, si autem sibi in corporeandam faris sit veritas in vino: sicut satis est in igne ad mutandam aquæ substantiā, ut ex ea & simila

T

fiat

fiat panis . At verò , sicut aqua similæ commixta , non nisi mediâtè conuertitur in corpus Domini ( nam priùs in panem coquitur ) ita aqua mixta vino non immediâtè transit in sanguinem Domini , sed priùs in vinum conuertere debet . Itaque argumentum hoc non aduersum nos , sed pro nobis facit . Quod & secundo argumento contingit , desumpto ex significatione mystica ; nimirum ex eo quòd per aquam vino mixtam designatur vnio populi fidelis cum capite Christo . Nam si per aquam significatur populus fidelis , secundum illud Apocalypsis 17. *Aqua multa populis multi* ; & per vinum Christus ipse , qui caput est nostrum , gaudium & sanitas nostra , omnia lætificans & mutans in melius : debet autem populus fidelis conuertere in Christum , non contrà ; quemadmodum dicit Christus apud Augustinum in confessionibus ; *Non ego mutabor in te , sed tu mutaberis in me* : Igitur ad hanc conuersionem significandam , aqua sic vino miscenda est , vt ipsa transeat in vinum , non contrà . Quòd si in vinum conuertere debeat aqua : non igitur immediâtè in sanguinem . Neque verò commixtio aquæ cum vino in sanguinem conuerso , instituta est ad significandam memoratam vnionem fidelis populi cum Christo ; quod obiectio prætendebat : sed commixtio aquæ cum vino ante consecrationem . Atque hoc argu-

argumentum bene probat non tantum aqua  
 vino admiscendū esse, vt ipsius in vinum con-  
 uersio, & vt ita dictam, incorporatio impedia-  
 tur. Sic enim hac mixtione non representare-  
 tur illa vnio, qua nos incorporamur Christo;  
 quam tamen ex sententia sanctorum Patrum  
 & concilij Tridentini, representare debet.  
 Jam verò si & ad alteram significationem hu-  
 ius mixtionis respiciamus, amplius adhuc  
 confirmabitur nostrum institutum. Ea signi-  
 ficatio est secundum Patres tam Florentini  
 concilij, quam Tridentini, representare pas-  
 sionem Dominicam, in qua de latere eius aqua  
 simul cum sanguine exiit: *Quod Sacramen-  
 tum*, inquit Synodus Tridentina, *hac mixtione  
 recolitur*. Hoc autem qui dicunt, distinguunt  
 utique sanguinem in quem vinum conuer-  
 titur, ab aqua, quia, quia aquam significat, in  
 sanguinem non conuertitur, nisi prius conuer-  
 sione suū vinum aqua esse desierit. Nam in  
 vino sanguinis significatio est; in aqua, non  
 sanguinis, sed illius aquæ quæ fluxit è latere  
 Domini. Ex qua significatione, non recentior  
 excogitata sed tradita à beato Alexandro Papa,  
 qui quintus fuit à beato Petro, illud præterea  
 colligi potest non esse præter rationem, nec  
 alienum à mysterio, si in calice remaneat ali-  
 quid aquæ simul cum sanguine. Quod credo  
 olim frequentissime corrigisse. Imo verò fa-  
 cere

cere videtur hoc ad mysterium. Nam sicut ex latere Christifluxit, sanguis & aqua; sic in calice convenit esse sanguinē & aquam, ut signis res pōdeant. Neque id repugnabit priori significationi de vnione & incorporatione, si cogites vtrumque fieri posse, & vtrumque frequenter, ac fortassis ordinari quondam fieri solere, ut pars aquæ vino infusa in vini naturam transeat, eique incorporetur, ad significandam, ut dictum est, vnionem populi fidelis cum Christo capite: pars autem vsque ad consecrationem remaneat in sua natura, quæ post consecrationem simul in calice existat cum sanguine; videlicet ad representandum nobis mysterium sanguinis & aquæ simul effluentium ex latere Domini. Verum ego hanc contemplationem (quæ durior fortasse quibusdam videbitur) alijs doctrinibus, atque in primis Ecclesiæ Romanæ diiudicandam relinquo. Mihi satis est ostendisse argumentum quod erat ex significatione sumptum, adeo nihil adiuvare aduersarios, ut pro nobis faciat, ac tulum nostrum sit quod in ipsos iam retorsimus. Tertium argumentum sumptum erat ab incommodo sacerdotis. Nam siquid aquæ remaneat in calice post consecrationem non conuersum in sanguinem; sacerdos hausto calice non erit ieiunus; atque ita non poterit eodem die, in casibus aliqui concessis, iterum celebrare

breare missam & communicare; quemadmodum non potest sumpta ablutione. Respondet Gabriel, eo casu sacerdotem solvere quidem ieiunium, non tamen impediri ab iterata celebratione. *Quoniam, inquit, ignorantia inuincibilis excusat. Non enim potest sciri, vel euidenter apprehendi instans huiusmodi conuersionis (scilicet aqua in vinum) à sacerdote. Nisi fortè tanta fuisset aqua apposta, quòd notabiliter deprehenderetur sapor aqua. Tunc enim esset ab iterata celebratione abstinendum. Sic ille. Cui potest obijci: Quid si sciat probabiliter, vt si non habeat, nec habere possit vinum nisi admodum debile, de quo rationabiliter suspicetur quòd iniectam aquæ guttulam non potuerit in se transmutare? An ille propter hanc probabilem suam scientiam, alioqui inculpatus, impediatur ab iterata celebratione? Melius proinde videtur hanc objectionem, multo ante Gabrielem, diluisse Cardinalis Vitriacus, ita scribens: *Licet autem aqua sumatur cum sanguine, quia est Sacramentum populi, & valde coniuncta Sacramento sanguinis; propter huiusmodi tamen sumptionem non iudicatur solui ieiunium: & idcirco eodem die, si necesse esset, posset iterum communicari. Post primam autem ablutionem, non posset; eo quòd aqua vel vinum quo abluitur calix, non est Sacramentum, vel Sacramento coniunctum.* Hæc ille: quæ pro solutione certij argumenti*



sufficiant. Venio ad 4. sumptum ab incom-  
modo longè grauissimo, nec vnus sacerdotis,  
sed totius populi, si credimus & cedimus ex-  
aggerationi Dominici à Soto. *Nam, inquit, si  
aqua maneret illis in substantia aque post vini  
consecrationem; hoc esset plebem seducere: & sciens  
hoc sacerdos committeret immenso sacrilegium. Et  
quomodo probas? Quia plebs adorat quic-  
quid substantiæ sub illis accidentibus recon-  
ditur. Quid igitur censes faciendum? Ex pau-  
citate aque, inquit, nullum potest creari periculum:  
imò quanto minus miscetur, tanto tutius est; etiamsi  
sit sola gutta, dummodo sit aqua. Amplector con-  
siliū. Est enim consentaneum decreto Flo-  
rentino de aqua modicissima adhibenda. Se-  
quitur; *Quare dum apparet aqua plus iusto  
infusum, debet calix effundi, & iterum vinum cum  
pauciori aqua infundi. Rectè. Sed quod vni  
plus iusto videbitur, alteri non videbitur: Nec  
deceat esse nimis scrupulosum. Sequitur: At-  
qui in ordine nostro, scilicet Dominicanorum,  
& alijs Ecclesijs mos seruatur, statim ante introitum  
missæ, calicem miscere, ut tempus suppetat aqua in  
vinum conuertenda. Verum ab initio non fuit  
sic. Et quare non placet mos Ecclesiæ Roma-  
næ de quo iam in prima nostra oratione dis-  
serui; & quem S. Thomas ille, vester com-  
mendat, ac merito commendat, & post eum  
Syluester, ipse quoque vester? Et quorsum illa  
nou-**

noluntas vestra? Ne plebs seducatur; Ne sacerdos committat immane sacrilegium. Quid ita? Quia plebs adorat quicquid substantiæ sub illis accidentibus reconditur. Vtinam Dominicus hunc suum sermonem obscurum & reconditum exposuisset; Mihi enim videtur esse affectata quædam obscuritas. Igitur nebulam discutiamus, & rem explicemus, ut appareat huiusmodi facto neque plebem seduci, neque immane sacrilegium committi. Plebs Christiana sic instituta est ab Ecclesiæ pastoribus, ut credat in sanctissimo Eucharistiæ Sacramento virtute verborum Christi, quæ à sacerdote proferuntur, panem conuertere in corpus Christi & vinum in sanguinem: remanentibus tamen speciebus siue accidentibus panis & vini, sub quibus credit corpus & sanguinem Christi contineri; & hæc sunt quæ plebs adorat & adoranda didicit: corpus Christi sub specie panis, & sanguinem Christi sub specie vini. Quod si forte pani diuersum quid admixtum erat, ut aliquid farinæ hordeaceæ, ut paleæ particula, ut puluisculus; etsi id maneat post consecrationem, & sub specie panis lateat, aut reconditum sit, sicut loquitur Dominicus; non tamen plebs bene instituta intendit illud adorare: sed id solum in quod panem credit esse transmutatum. Ad eundem igitur modum: quamuis contingat aquâ quæ vino

mixta erat, non totam conuerti in vinum, sed remanere aliquid eius in calice post consecrationem: non tamen intentio est plebis Christianæ, illud residuum adorare, sed id solum & totum adorare, in quod credit vinum esse transmutatum. Adorat quidem totum illud quod sub illis accidentibus ita continetur, ut sit illis ineffabili modo coniunctum; quomodo credimus sub illis accidentibus solum corpus & sanguinem Domini contineri. At non totum quod continetur aut reconditur sub illis quocunque modo; Nam si quis hoc plebem doceret, is plebem seduceret, & immane sacrilegium committeret. Quod si Dominico venisset in mentem, non ubique haberi posse vina Hispanica, ac multis locis vina nasci admodum tenuia, alijs locis nulla, sæpe etiam haberi non posse nisi iam fugientia & vapidâ; deinde si attendisset ad antiquum morem Romanæ Ecclesiæ, quæ mixtionem facit demum instante oblatione; si ad antiquos canones qui non aliud exigunt, quàm ut maior pars sit vini, saltem ut tertia demum pars sit aquæ: non adeo durus & iniquus fuisset censor in eos, qui non tantam, quantam ipse præscribit, cautelam adhibent in mixtione. Quid verò si Dominicus incidisset in ea sæcula, quibus vigebant priores canones; an solus sapere voluisset & aduersus morem qui tunc per Ecclesiâ seruabatur

abatur, occlamaſſet immane ſacrilegium : Sed longius progreſſus ſum, ſtudio declaranda veritatis. Non enim Dominicus aduerſarius noſter eſt in huius diſputationis certamine. Nam is ſentit nobiſcum, aquam vino mixtam non conuerſi immediatè in ſanguinem : & propterea ſcrupuloſior eſt, ne quid aquæ remaneat in calice conſecrato. Sed aduerſus eos agimus, qui immediatam illam conuerſionem aſſerunt : quorum argumento ex adoratione ſumpto iam abundè per ea quæ diximus, ſatiſfactum eſt. Adoratio quippe reſpondet fidei. Hoc igitur adoro, in quod credo vinum mutari, non illud in quod aquam immediatè ; utpote quam non didici immediatè conuerſi in aliquid adorandum. Haſtenus ad rationes quæ pro opinione partis aduerſæ fuerant allatæ. Sed de ſententia Cardinalis Baronij ſcriptoris celeberrimi, quid dicemus? *Aliud*, inquit, *ad quaſtionem Gauſfredi reſcribi non potuiſſe certum eſt, quam quod credidiſſet & euſtodiuit ſemper S. Romana Eccleſia. Et quid illud eſt? Aquam ſimul & vinum in ſubſtantiam in ſanguinem Chriſti. Definita ſententia, ſi ab illo eſſet profecta, cuius iudicio toties ipſe Baronius ſua ſcripta ſubiecit. Poſſemus ſine iniuria dicere optimum Baronium hiſtoriz totum intentum, intimam dogmatum theologicorum notitiam non habuiſſe. Veruntamen*  
illud

# 298 ORATIO DECIMASEPTIMA.

illud magis placet, virum doctissimu, multa lectione ac scriptione occupatum, & semper ad alia properantem, non satis considerasse sensum quæstionis: nec eam sic intellexisse, quomodo Gaufridus sensit qui eam proposuit. Cùm enim indistinctè quæreret, An substantia aquæ, quæ vino mixta in calice offertur, cum eodem vino in sanguinem conuertatur; satis quidem apparet de immediata conversione percontatorem loqui, sicut initio probauimus. Cæterùm Baronius quæstionem vt absolutè propositam intellexisse videtur; id est, Vtrùm aqua vino mixta, quocunque modo ac saltem mediata conuertatur in sanguinem. Ad eam verò sic intellectam, haud dubiè quadrat affirmatiua responsio. Cum qua benigna verborum Illustrissimi Cardinalis ac doctissimi scriptoris interpretatione, disputationem nostram, simul & vesprias hæcce magistrales concludimus: Ac Deum precamur, vt vnionem populi fidelis cum capite Christo, per aquam vino mixtam (de qua tam multa diximus) significatam, in populo suo & in nobis omnibus, per gratiam suam conferuet.

*Anno 1610. 8. Nouembris.*

ORATIO

# ORATIO DECIMA- OCTAVA.

*Vtrum apud hæreticos sit  
scriptura sacra.*



ULTA nobis Catho-  
licis, auditores Catho-  
lici, cum sectarijs, idest  
hæreticis superiori sæ-  
culo exortis, & adhuc  
regnantibus, contro-  
uersia est de scripturis  
sacris, quæ sint, & quo  
numero librorum com-

prehensæ: tum de earum recta interpretatio-  
ne, & vero intellectu: denique an solæ suf-  
ficient, ut extra eas, nihil pro verbo Dei sit re-  
cipiendum. Quibus aduersarijs nostris Catho-  
lici

lici quidam scriptores ita disputando resistunt  
 ut ipsas scripturas, propter quas, & de quibus  
 est altercatio, negent reuera apud hæreticos  
 esse. Quod utrum ab ijs rectè dicatur, exami-  
 nandum censeo. Et de ea re Deo fauente nunc  
 dicere statui, eo ordine, ut primo loco referam  
 argumenta & testimonia, quibus in illam sen-  
 tentiam inducti sunt. Deinde & ea proferam,  
 quæ destruere eiusmodi sententiam videan-  
 tur. Tertiò, quid rei veritas habeat, exponam.  
 Ac postremò dissoluam & diluam ea quæ res-  
 ponsioni nostræ visa fuerint aduersari. Age-  
 mus autem de singulis breuiter: ne dicendi  
 prolixitate tædium vobis, auditores, ac nobis  
 ipsis molestiam gignamus. Primum igitur qui  
 ita sentiunt ut dixi, non tam ratione moti vi-  
 dentur ut ita sentirent, quàm authoritate Ter-  
 tulliani & Hieronymi: quorum ille libro de  
 præscriptionibus aduersus hæreticos cap. 37.  
 ita scribit: *Constat ratio propasii nostri, desinen-*  
*tis non esse admittendos hæreticos ad inuendam de*  
*scripturis prouocationem: quos sine scripturis, proba-*  
*mus ad scripturas non pertinere.* Sine scripturis,  
 ait Rhenanus Tertulliani scholiastes, quia ca-  
 rent scripturis. Hieronymus verò non vno  
 loco, & quidem verbis apertioribus id ipsum  
 affirmat. Exponens illud epistolæ B. Pauli ad  
 Galatas. 1. *Notum enim vobis facio fratres euan-*  
*gelium, quod euangelizatum est à me, quia non est*  
*secun-*

*secundum hominem &c. post alia dicit: Marcion & Basilides, & cetera hæreticorum pestes, non habent Dei euangelium: quia non habent Spiritum sanctum; sine quo humanum sit euangelium quod docetur. Nec possumus in verbis scripturarum esse euangelium, sed in sensu: non in superficie, sed in medulla: non in sermone uel folijs, sed in radice ueritatis. Hæc ille. Quæ uerba Gratianus quoque in suum decretum retulit, 1. q. 1. cap. Marcion. Idem Hieronymus in dialogo aduersus Luciferianos, sub finem, vniuersè de hæreticis loquens; Nec sibi blandiantur, inquit, si de scripturarum capitulis videantur affirmare quod dicunt: cum & diabolus aliquid de scripturis sit locutus: & scriptura non in legendo consistat, sed in intelligendo. Rursus in commentario super Matthæum, ad illud cap. 21. Auferetur à vobis regnum Dei, & dabitur genti facienti fructus eius. Aliquoties dixi, inquit, regnum Dei scripturas sacras intelligi; quas Dominus abstulit à Iudeis, & nobis tradidit, ut faciamus fructus earum. Sic ille. Quòd si Iudæi postquam in Christum credere noluerunt, scripturas sanctas non habent, certè nec hæretici. Est enim par ratio. Nam illi Christum occiderunt; isti Christum solunt, eiusque corpus, id est, Ecclesiam quoti die hærant. His allatis ex Hieronymo & Terulliano testimonijs, adiungamus & rationes, unam & alteram, quibus mori videntur, qui*  
ab



ab hæreticis scripturas auferunt. Prior ratio: Vbi scriptura sacra, ibi verbum Dei; vbi verbum Dei, ibi veritas: atqui veritas apud hæreticos non est: igitur nec verbum Dei, nec scriptura sacra. Altera ratio: Verbum Dei corruptum non est verbum Dei; nihilo magis quam virgo corrupta, virgo est; aut fides corrupta, fides est; aut iusticia corrupta, iusticia est. At apud hæreticos verbum Dei corruptum est; igitur apud eos non est: proinde nec scriptura sacra, quam verbum Dei esse nec ipsi diffitentur hæretici. Qui etsi negent apud se verbum Dei corruptum esse: nobis certè Catholicis id constat. Ac interim tamen ea de re Tertullianum audiamus, antiquum testem, qui in eodem de præscriptionibus libro cap. 17. sic loquitur; *Hæresis non recipit quasdam scripturas: & si quas recipit, non recipit integras: & si aliquatenus integras præstat, nihilominus diuersas expositiones commentata, conuertit. Tantiu variari obstrepi adulter sensus, quantum & corruptor styli.* Et capite 38. *Illic & scripturarum & expositionum adulteratio deputanda est, ubi diuersas inuenitur doctrine. Nec enim illis potuisset succedere corruptela doctrinae, siue corruptela instrumentorum eum.* Possem & alios proferre testes huius rei, Cyprianum, Hieronymum itatant, Augustinum, Vincentium Lirinensem. Sed in re manifesta pluribus non est opus. Nunc diuersæ partis argumen-

gumenta recitemus; ea nempe quæ doceant apud hæreticos esse scripturam sacram. Et hinc quoque primum testimonia Patrum adferamus in medium, non omnia quidem, sed aliqua præcipua. Primus Augustinus in huius rei assertionem frequens & clarus est; ut libro de pastoribus cap. 8. *Habent enim & ipsi scripturas, habent Sacramenta.* De hæreticis loquitur. Et lib. 7. de gen. ad lit. cap. 9. *Neque enim non omnes hæretici scripturas Catholicas legunt: Nec ob aliud sunt hæretici, nisi quod non recte intelligentes, suas falsas opiniones contra earum veritatem pernicaciter offerunt.* Idem lib. 3. de baptismo contra Donatistas cap. ultimo, hoc utitur argumento, quo doceat baptismi Sacramentum, ut & alia Sacramenta esse apud hæreticos; quia apud eos est scriptura sacra. Probat autem utrumque verbis Osee Prophetæ cap. 2. ita loquentis de meretrice, personam hæreticorum mysticè referente: *Et ipsa non cognovit quod ego ei dederim frumentum, & vinum, & oleum; & pecuniam multiplicavi illi.* Nam frumentum, & vinum, & oleum, Sacramentorum Ecclesiæ significationem habent: pecunia verò scripturæ sacræ, quam servus evangelicus expendere iubetur ad usuram; & ex qua scriba doctus in regno cælorum, velut è thesauro, profert nova & vetera. Sic idem Augustinus libro 4. eiusdem operis cap. 17. *Potest, inquit, nobis & hæ-*  
*reti-*

reticis baptisma esse commune; cum quibus euangelium potest esse commune. Hæc & plura, alibi in eandem sententiam B. Augustinus. Nota est & illa B. Hilarij sententia lib. 2. de Trinitate Ratim post initium: *De intelligentia hæresis, non de scriptura est: & sensus non sermo fuerimen*. De Vincentio Lirinensi quid dicam? qui in illo breui suo, sed aureo libello, quem aduersus profanas hærescon nouitates edidit, diligenter inculcat hæreticos vti scriptura sacra, & quidem copiosissimè: quando & diabolus illorum magister & Christi tentator, id fecerit. At, vti non possunt, si non habeant. Iam suprà dictum est, de hæreticis, hac in parte, simile cum Iudæis infidelibus esse iudicium. Videamus ergo num apud Iudæos sit scriptura sacra. De ipso sanctus Hieronymus in proœmio sui commentarij super Ionam Prophetam, sic loquitur: *Illi habent libros; nos librorum Dominum: illi tenent prophetas; nos intelligentiam prophetarum: illos occidit litera, nos viuificat spiritus*. Ecce non tantum libros; sed & ipsos prophetas haberi dicit à Iudæis. Similiter Augustinus in enarratione Psalmi 40. *Apud illos sunt propheta & lex: in qua lege & in quibus prophetis Christus prophetatus est*: Et in enarratione Psalmi 56. *Omnia ipsa litera quibus Christus prophetatus est, apud Iudæos sunt: Omnes ipsas literas habent Iudæi*. Item in enarratione Psalmi 58, conc. 1. *Per omnes gentes,*

*gentes, inquit, dispersi sunt Iudæi, testes iniquitatis sue & veritatis nostra. Ipsi habent codices de quibus prophetatus est Christus, & nos tenemus Christum. Idem Augustinus sermone 2. de Epiphania Domini, tractans illud: ubi Iudæorum sacerdotes & scribe Magis interrogantibus respondēt de scriptura, & Christū cōmonstrant, Matth. 2. ipsi tamen in Christum non credentes; Quid aliud, inquit, hīc significauit diuina providentia, nisi apud Iudæos, solas diuinas literas remansuras, quibus gentes instruerentur, illi excacarentur? quas portarent non ad adiutorium salutis sue, sed ad testimonium salutis nostra. Hinc idem doctor perquam appositè Iudæos librarios & capsa-rios nostros vocat, & seruis comparat, qui post dominos euntes ad Ecclesiam, codicem ferunt. Sic enim ait in dicta expositione Psalmi 56. Propterea, adhuc Iudæi sunt, ut libros nostros portent ad confusionem suam. Codicem portat Iudæus, unde credat Christianus, & conuincatur paganus. Librarij nostri facti sunt: quomodo solent serui post dominos, codices ferre; ut illi portando deficiant, illi legendo proficiant. Ac rursus in expositione Psalmi 40. citans oraculum quo dictum est; Maior seruiet minori: & impletum esse docens in Iudæis & Christianis: Modo fratres, inquit, nobis seruiunt Iudæi; tanquam capsarij nostri sunt: studentibus nobis codices portant. Nec ineptè Mahometes in suo*

Alcorano, azoara 72, confert Iudæos aſino geſtanti libros ſacros: quia quod geſtant non intelligunt. Quantumvis mēdax ſit Mahometes, certē tamen teſtimoniū hoc verum eſt. Quāquā de Iudæis certiffimū teſtē habemus Abraham Patriarchā: qui interpellatus à diuite epulone apud inferos in tormentis poſito; & rogatus vt mitteret Lazarum ad fratres ipſius, qui teſtaretur illis, de ſuo ſtatu, ne & ipſi veniret in eundē locum tormentorum: reſpondit, *Hal eſt Moſen & prophetas; audiant illos*. Erant autem ij fratres, quemadmodū fuerat & ille diues, hæretici, de ſecta Sadducæorum, qui nec reſurrectionem mortuorū credebant, nec angelū, nec ſpiritum: & proinde nec præmia poſt hanc vitam bonorum, nec ſupplicia malorum. Præterea, nōne Chriſtus hortatur ſcribas Iudæorum & Pharifæos, vtique incredulos, ad lectionem ſcripturæ ſacræ; dicens, *Scrutamini ſcripturas*? Et quomodo legent eas, aut ſcrutabuntur, ſi non habeant? Idem ad Sadducæos: *Erratis*, inquit, *neſcientes ſcripturas*: non ait, Non habentes. Vt autem & ratione res iſta confirmetur: an non ex ſcripturis ſacris Catholici cum hæreticis, ac viciffim hæretici cum Catholicis diſputant? Quod fieri non poſſet, ſi non vtriſque communes eſſent ſcripturæ, tanquam in medio poſitæ. Etenim ſcriptura ſacra nomen ſigni eſt, quo res ſacræ ſignificantur.

Luo. 16.

Ioan. 7.

Matth.  
22.

tur. Potest autem quis habere signum, licet ignoret quid significet, aut etiam circa significationem eius multipliciter erret. Sic multi libros habent Aristotelis & Platonis, etsi non intelligant, aut malè intelligant. Sic & tabellarij accipiunt, & seruant, & perferunt epistolas; rerum quę in ijs scribuntur prorsus nescij: Scripturas autem sacras, epistolas Dei Patris nostri ad nos missas, appellat Augustinus in enarratione Psalmi 64. Verùm hæc satis. Ad id progrediamur quod tertio loco propositum erat: vt tandem intelligatur vtra sententia veritati sit propior. Hic autem video distinctione vtendum esse, qua res explicetur. Nam & vocabulum *scriptura sacra* sumi potest non vno modo: & *habere scripturam sacram* diuersimodè potest intelligi. Primùm quod attinet ad scripturas originales, id est, ipsa antographa prophetarum & apostolorum; constat à multis iam sæculis ea non exstare; proinde nec à nobis haberi, nec ab aduersarijs. At de ea re quæstio non versatur. Nec dubium quin nomen scripturę sacrę comprehendat etiam primarum & originalium scripturarum exemplaria: deinde & translationes earum in varias linguas. Possumus etiam distinguere scripturam, in integram siue incorruptam, & viciatam, atque corruptam. Sed & ipsum *habere scripturam* variè distinguitur. Aut enim est ha-

V 2

bere

bere simpliciter, aut iure habere, aut intelligere ac sensum tenere, aut vtiliter & ad salutem habere. Ex quibus iam apparet multiplex inter Catholicos & hæreticos discrimen, in eo quod est, *habere scripturam sacram*. Nam Catholici integram habent; hæretici plærique non solum vetères, de quibus audiuius Tertullianum, verum etiam recentiores, non integram, sed partibus non paucis accisam, truncatam, interpolatam. Neque enim iudicium Ecclesiæ Christi sequuntur in recipiendo canone scripturarum, sed sensus & affectus suos priuatos. Rursus, Catholici iure scripturam sacram tenent & possident: non item hæretici. Nam Christus Ecclesiæ sponsæ suæ & filijs eius, non autem filijs desertoribus scripturam sacram pro testamento reliquit. Apostoli quoque libros à se conscriptos suis successoribus, non alienis, habendos & seruandos tradiderunt. Quare de re grauiter idem Tertullianus in libro memorato de præscriptionibus aduersus hæreticos: *Non Christiani*, inquit, *nullum ius capiunt Christianarum literarum; ad quos merito dicendum est, Qui estis? quando, & unde venistis? Quid in meo agitis non mei? Quo denique Marcion iure syluam meam cadis? Qua licentia Valentinus, fontes meos transuertis? Qua potestate, Apelles, limites meos commoues? Mea est possessio. Quid hic ceteri ad voluntatem vestram seminatis, & pascitis?*

*Mea est possessio: olim possideo; prior possideo. Habeo origines firmas ab ipsis authoribus quorum fuit res. Ego sum haeres apostolorum. Sicut cauerunt testamento suo; sicut fidei commiserunt; sicut adiungerunt: ita teneo. Vos ceriè exheredauerunt semper, & abdicauerunt, ut extraneos, ut inimicos. Hæc ille. Tertio, scripturâ sacram sicut oportet intelligunt Catholici; non hæretici. Norunt enim & tenent Catholici sensum Ecclesiæ, qui idem est sensus Christi; ut dicere possint cum apostolo: Nos autem sensum Christi habemus. Et, si qui minus intelligunt; audiunt eam cui promissus est spiritus veritatis & intelligentiæ, id est Ecclesiâ: in cuius corde principaliter est scriptura sacra. Quod si facerent hæretici; hæretici non essent. Postreind, Catholici scripturas sacras habent vtiliter, & ad salutem; quia vitam æternam in illis quærunt & inueniunt: Hæretici verò non vtiliter eas habent, quia non humiliter. Et quia non vtiliter habent; ideo nec habent, secundum illud: *Ei qui non habet, & quod habet, auferetur ab eo.* Et quid dico non vtiliter? Etiam perniciosè habent. Cùm enim scripturarum qualicunque intelligentia abutantur ad fastum & contentionem, & vincendi studium; & ut abducant discipulos post se, quos gehennæ filios faciant plus quàm se: completur in eis illa prophetica execratio: *Fiat mensa eorum coram ipsis**

1. Cor.

2.

Math.  
13.

Pla. 62.



Hebr.  
6.

*in laqueum, & in retributionem, & in scandalum:*  
 Et illud apostoli: *Quorum finis & consummatio*  
*in combustionem.* Hæc cum ita sint, auditores,  
 & vero aliquo sensu, iuxta prædicta, accipi  
 possit, quod à quibusdam asseritur, apud hæ-  
 reticos non esse scripturam sacram: arbitror  
 tamen ita loquendum, quomodo sancti Patres  
 Augustinus & alij disertè loquuntur; & quo-  
 modo loquendum esse sermonis ipsa proprie-  
 tas exigit, & rationis euidencia demonstrat.  
 Quippe simplici & absoluto sermone verū est  
 hæreticos legere, & tractare scripturā sacram,  
 eiusque libros euoluere; quod non possunt  
 nisi eam habeant. Atque id intelligo potissi-  
 mum de ijs hæreticis, quibus non est studium  
 viciandi, aut mutilandi, aut aliter corruppen-  
 di textum scripturæ sacræ: quales olim Valen-  
 tiniani, teste Tertulliano; & Priscillianistæ,  
 teste beato Augustino: quales & multi alij. In  
 hanc sententiam clarè loquitur idem Augusti-  
 nus lib. 3. de baptismo contra Donatistas c. 15:  
*Sacramenta si eadem sunt, ubique integra sunt;*  
*etiamsi prauè intelliguntur & discordiosè tractan-*  
*tur: sicut scriptura ipsius euangelij, si eadem ipsa est,*  
*ubique integra est, etiamsi innumerabili falsarum*  
*opinionum varietate asseratur.* Hæc ille. Qui verò  
 scripturæ sacræ textum, addēdo, demendo, con-  
 uertēdo, peruertendo, viciant & corrumpunt;  
 vt olim Marcionitæ & Manichei, & hodie non  
 pauci:

pauci : ij quidem scripturam sacram habere non omnino negandi sunt; sed habent eam, & verè habent; ea parte, qua adhuc integram continent & incorruptam. Ex his, ad argumenta prioris sententiæ facile est respondere. Nam si qui Patres negant hæreticos habere scripturam sacram : id volunt, vel quia non integram habent, vel quia iure non habent, vel quia sensum eius non tenent : vel denique quia non habent vtiliter ad salutem. Nam de sensu, & usu legitimo, & fructu salutis è scripturis percipiendo, Hieronymus ipse sua verba, quæ ex commentario eius in epistolam ad Galatas adferebantur, exponit. *Tunc, inquit, scriptura utilis est audientibus, cum absque Christo non dicitur; cum absque Patre non profertur; cum sine Spiritu non insinuat eam ille qui predicat. Alioqui, & diabolus loquitur de scripturis &c.* Porro Tertullianus non dicit hæreticos esse sine scripturis; sicut eum malè interpretatur Rhenanus : sed quod ait, *quos sine scripturis probamus ad scripturas non pertinere*; hunc sensum habet, quem tradit alter ac melior, Tertulliani scholiastes Iacobus Pamelius: quos ad scripturas non pertinere, id est, ius nullum in ijs habere, probamus sine scripturis; hoc est, nullis ad hoc scripturis vrentes, sed solummodo ea præscriptione, quæ apud authorem illic sequitur : cuius verba iam superius à me recitata sunt. Iam nec

quicquam efficiunt ratiunculæ in diuersum  
allatæ. Nam de corruptela iam satis dictum est.  
Nec ideo veritas apud aduersarios est, qui  
scripturas habent veracissimas: nisi & apud  
diabolum tunc fuisse veritatē fateamur, quan-  
do de scripturis, utique verissimis, nec infideli-  
ter allegatis, filium Dei tentauit, dicens: *Scriptum est enim.* Nam veritas ut dicebamus, in  
scripturis est tanquam in signis: sed non inde  
transit ad intellectum portantis signa, nisi hæc  
eadem ille qui portat, etiam cognoscat & ca-  
piat, & mentis assensu complectatur. Quod  
nequaquam faciunt hæretici. Vehementer au-  
tem opramus, & in Domino confidimus, vos  
o candidati nostri (ut sermonem ad vos con-  
uertam) sicut fecistis & facitis: ita deinceps,  
& multo amplius, facturos; & ut faciatis, ver-  
bis ex Apostolo Paulo ad suum Timotheum  
scribente mutuatis, vos alloquor: *Scripturas*  
1. Tim.  
4
*sacras meditamini; in illis estote; ut profectus vester  
manifestus sit omnibus. Attendite vobis & doctrina.  
Instare in illis. Hos enim facientes, & vos ipsos sal-  
uos facietis, & eos qui vos audiunt.*

Anno 1611. 27. Septembris.

ORATIO

# ORATIO

## DECIMA- NONA.

*An eiusdem scripturæ plures  
sensus literales?*



SCRIPTURÆ Sacrae  
& canonicæ præ om-  
nibus alijs scriptis quo-  
rumcunque autho-  
rum, auditores orna-  
tissimi, eam esse præro-  
gatiuam, ut sub vna li-  
tera plures sensus cō-  
plectatur; historicum

videlicet, siue literalem, ac quosdam mysticos;  
indubitatum est & esse debet, apud omnes  
Theologos. Cæterum in quæstione apud eos  
versatur, An eiusdem alicuius scripturæ duo

aut

aut plures sint sensus literales: alijs, & quidem multis, affirmantibus; alijs verò negantibus. Et quoniam huius quæstionis tractatio, non parum conducit ad promouenda eorum studia, qui veros atque germanos scripturarum sensus inuestigant, facientes illud quod præcipit Dominus, *Scrutamini scripturas*: idcirco rem omnibus sacrarum literarum studiosis & amatoribus gratam facturus mihi videor, si productis in medium atque expensis vtriusque partis argumentis, ostendero (quantum Deus author scripturæ sacræ inspirauerit) vtra potius sententia præualere debeat. Nam & eo magis id faciendum mihi putavi, quòd hanc quæstionē à nemine veterum Theologorum ex proposito tractatā, ne recentiores quidem accuratius examinasse videntur. Certè qui partem tenent affirmantem, ferè contenti sunt auctoritate sanctorum Augustini & Thomæ Aquinatis, persuasum habentes hanc illorum esse sententiam, vntum eundemque scripturæ locum plures interdum habere sensus literales; & si quidem ita senserint illi doctores, cum ijs omnino sentiendum esse. Ex Augustino potissimum adferunt ea, quæ scribit lib. 12. confess. vbi de Moyse libri Geneseos scriptor, differens, de quæ verbis illis, *In principio fecit Deus calum & terram*: post multa sic ait: *Ita cum alius dixerit, Hoc sensit quod ego; & alius, Imò illud quod ego: religiosius me arbitror dicere,*

Cur non utrumque potius, si utrumque verum est?  
 Et si quid tertium, & si quid quartum, & si quid  
 omnino aliud verum quispiam in his verbis videt?  
 cur non illa omnia vidisse credatur, per quem unus  
 Deus sacras literas, vera ac diversa visuris multo-  
 rum sensibus, temperavit? Et paulo post: Sensit  
 ille omnino in his verbis, atque cogitavit cum ea scri-  
 beret, quicquid hic veri potuimus inuenire, &  
 quicquid nos non potuimus, aut nondum possumus,  
 & tamen in eis inueniri potest. Hæc ibi. Ad quem  
 locum sine dubio respexit sanctus Thomas,  
 quando parte. 1. suæ summæ Theologicæ q. 1.  
 ar. 10. scripsit in hunc modum: Quia verò sen-  
 sus literalis est, quem author intendit; author autem  
 sacra scriptura Deus est, qui omnia simul suo intel-  
 lectu comprehendit: non est inconueniens, ut dicit  
 Augustinus lib. 12. confess. si etiam secundum lite-  
 ralem sensum, in una litera scriptura plures sint sen-  
 sus. Adferunt & illud ex eiusdem Augustini  
 lib. 3. de doctrina Christiana cap. 27. Nam quid  
 in diuinis eloquijs largius & uberius potuit diuinitus  
 prouideri, quam ut eadem verba pluribus intelligen-  
 tur modis? Vbi significat Augustinus ad vber-  
 tatem ac fecunditatem, adeoque ad dignita-  
 tem scripturæ sacrae pertinere, quod in iisdem  
 verbis plures sensus cogitentur ac lateant: ran-  
 quam ea sit ratio, cur negari non debeat eiusdē  
 scripturæ plures inueniri sensus literales, quod  
 eminens scripturæ sacrae dignitas id postulet  
 vt

ut sub iisdem verbis plurium sensuum, etiam literalium, sit fecunda. Quam eandem rationem urget etiam S. Thomas q. 4. de potentia ar. 1. licet illic expressè non nominet sensum literalem. Alteram verò eiusdem doctoris rationem, ex eius Summa iam audiuius: *Quoniam*, inquit, *author sacra scriptura Deus est, qui omnia simul suo intellectu comprehendit: ideoque potest in iisdem scriptura verbis plures sensus, etiam literales, intendere.* Ut autem ea res amplius declaretur, loca non pauca proferuntur è scripturis, in quibus multiplex sensus literalis necessario videatur agnoscendus. Primus locus est, initium illud Geneseos: *In principio creavit Deus calum & terram.* Cuius scripturae quinque sensus, non solum ut à Deo primario auctore, verum etiam à Moyse scriptore visos & intentos, adfert Augustinus cap. 20. lib. 12. confess. ac sequenti capite totidem sensus assignat verbis illis proximè sequentibus: *Terra autem erat inanis & vacua, & tenebrae erant super faciem abyssi.* Alius locus est Psa. 2. *Dominus dixit ad me, filius meus es tu, ego hodie genui te.* Quod tripliciter ad literam exponi solet, de generatione Christi aeterna, & de temporali, & de eius resurrectione: quæ regeneratio vocatur. Rursum alius locus Psal. 8. *Ex ore infantium & lactentium perfecisti laudem propter inimicos tuos.* Quod equè tripliciter exponitur, de filijs Israel post

post transitum maris rubri laudem Deo canentibus: de pueris Hebræorum Christo acclamantibus; & de apostolis euangeliū Christi prædicantibus. Quartus locus apud Daniele cap. 9. *Erit in templo abominatio desolationis.* Nam & illud exponunt tribus modis, de desolatione templi facta sub Antiocho: de altera facta à Romanis; & de tertia quam facturū est Antichristus. Quintus locus Exodi 12. *Os non confringetis ex eo.* Quod de Agno Paschali typico dictum sensu literali, Ioannes nihilominus ad literam de Christo interpretatur, euangelij cap. 19. Adferunt & illum locum eiusdem euangelistę, cap. 11. *Expedi nobis ut unus moriatur homo pro populo, & non tota gens pereat.* In quibus verbis alium sensum cogitauit Caiphas, qui erat Pontifex anni illius; alium intendit Spiritus-sanctus loquens in Caipha. Sed locus ille non premit. Nam facilè respondetur illos duos sensus non vnius fuisse authoris: sed alterum Caiphę, alterum Spiritus-sancti; nec utrūque sacrum, sed Caiphę profanum; & quatenus ab eo profecta sunt illa verba, non vera & sacra, sed falsa & sacrilega fuisse, spectantia ad inferendam necem Christo Domino. Hęc igitur sunt, nec multo plura; quę pro sensuum literalium in eadem scriptura pluralitate solent adferri. Quę quidem tanti sunt ponderis apud virum doctissimum Domini-



minicum Bannesium, vt in commentario suo per S. Thomam, temeritatis insimulet eos, qui negant in sacris literis esse locum aliquem, qui in sensu literali dupliciter possit intelligi. Quanquam idem author paulo post sententiam mitigat adiiciens hæc verba: *Si cui videbitur acerbior hac nostra censura quàm oporteat, ego sanè, salua fide ac doctrina sanitate, censendi rigorem de sententia Theologorū facile remittam*. Sic ille. Nam quod ibidem refert de Abulensi, qui dicat certum esse secundum fidem, quædam loca scripturæ in duplici sensu literali esse intelligenda: meritò reijcit tanquam inscienter ab illo dictum; vt qui putauerit omnem sensum à Spiritu-sancto intentum, esse literalem. Constat enim ac certò tenendum est, præter sensum literalem, multos esse in scripturis sacris sensus mysticos. Sed iam ea proferamus argumenta, quæ negantem quæstionis nostræ partem astruere videntur. Sunt autem rationes non contemnendæ. Quarum hæc sit prima: Dicere quòd plures sint eiusdem scripturæ sensus literales, tale est ac si quis diceret vocem æquiuocam simul stare pro pluribus suis significatis. Nam literalis sensus est, qui per voces immediatè significatur. Illud autem pro absurdo habent Dialectici. Ad hanc rationem non aliter respondere potuit Bannesium, quàm concedendo æquiuocationē in sacris literis, & negan-

gando absurditatem. *Neque enim*, inquit, *negandum est, equivocationem esse, si una oratio plura nobis significet per modum plurimum: Non tamen huiusmodi equivocatio confusionem parit in sacris literis: quia secundum utrumque sensum poterit fieri argumentum theologicum.* Hæc quidem ille, sed præter sententiam multorum, ut ipse fatetur, qui verentur concedere æquivocationem in scriptura sacra; imò (quod ille non admittit) contra sententiam S. Thomæ, qui æquivocationem à sacris literis ubique sollicitè ac simpliciter excludit. Tamen non negamus, id quod Bannesius dicit, positis duobus sensibus eiusdem scripturæ, posse ex ea secundum utrumque sensum bona duci argumenta. Accedat & altera ratio: Sensus literalis est ut fundamentum, igitur unum in unaquaque scripturæ esse oportet & non plures; mysticis tamen sensibus, qui plures esse possunt, substratum: quomodo in ædificio fundamentum, cum sit unum, cæteris eiusdem ædificij partibus substernitur. Hinc illud ab omnibus receptum, Sensus mysticos in aliquo sensu literali fundatos esse debere. Addamus & tertiam rationem: Omnes sensus eiusdem scripturæ coordinati esse debent: Atqui non erunt omnes coordinati, si plures sint eiusdem scripturæ sensus literales. Nam huiusmodi sensus, neque ordinem inter se habebunt, neque ad sensum aliquem diuersum.

sum. Non quidem inter se; quia nullus eorum alio prior est: Sunt enim omnes æquè primò intenti. Sed nec ad alium sensum; quia non fundantur in alio, cùm ipsi sint primi. Secus de sensibus eiusdem scripturæ mysticis: qui licet inter se fortassis ordinem non habeant, habent tamen ad literalem, in quo fundantur. Postrema ratio sit ea, quæ sumitur à cōmuni sensu seu conceptione, quam vocant, Interpretum scripturæ sacræ. Videntur enim omnes eo animo accedere ad interpretandas & exponendas secundum literam scripturas, vt vnum aliquem sensum, verum, germanum, ab authore intentum, in vnoquoque loco scripturæ quærant, inueniant, tradant, ad vnum colliment: & vbi diuersi à diuersis authoribus sensus traduntur, inquit lector studiosus, quis eorum germanum sensum authoris attigerit: nempe persuasus eum sensum vnum esse, non plures. Equidem nullum interpretem legi, qui exponens locum aliquem scripturæ sacræ, & plures ac diuersos, vt fit, sensus adferens, diceret, Vterque sensus literalis est, ac primò intentus à Spiritu sancto: dumtaxat excepto recenti quodam authore, alioqui docto; apud quem id semel tantum reperi; vt cùm in dijudicando literalis sensu cuiusdam scripturæ laboraret, tandem diceret vtrumque literalem esse. Huic postremæ rationi valde consonant, quæ apud Augustinum

stinum varijs in locis leguntur: vbi docet eum qui scripturas sacras explanat, hoc conari debere, vt ad authoris sententiam perueniat, videatque quid senserit Dei minister in scribendo: tanquam illud quod sensit, vnum sit. Loca sunt lib. 3. de doctrina Christiana cap. 27. lib. 11. de ciuitate Dei cap. 19. & lib. 12. confess. cap. 18. 24. 25. & 30. Eiusdem Augustini hæc verba sunt lib. 1. de genesi ad literam, cap. vltimo. *Cum, inquit, diuinos libros legimus; in tanta multitudinem verorum intellectuum, qui de paucis verbis eruuntur, & sanitate Catholica fidei muniuntur, id potissimum eligamus, quod certum appareat eum sensisse quem legimus. Si autem hoc latet; id certe quod circumstantia scriptura non impedit, & cum sana fide concordat. Si autem & scriptura circumstantia pertractari ac discuti non potest; saltem id solum quod fides sana prescribit. Aliud est enim, quid potissimum scriptor senserit non dignoscere, aliud autem à regula pietatis errare. Si vtrumque vitetur; perfecte se habet fructus legentis: si verò vtrumque vitari non potest, etiamsi voluntas scriptoris incerta sit, sana fidei congruam non inutile est eruisse sententiam. Hæc Augustinus. Qui rursus in enarratione Psalmi 93. & 94, cum peruenisset ad hemistichium, Quia non repellet Dominus plebem suam; Hic nobis, inquit, interpretari aliquid non licet. Prescriptum habemus ab apostolo. Exposuit hoc apostolus unde sit dictum &c.*

X

Atqui

Atqui liceret etiam aliter interpretari, si plures essent eiusdem scripturæ sensus literales. Nam de literalis sensu loquitur Augustinus, non de mystico: iuxta quem non dubitavit scripturas etiam aliter, quam apostolus intellexerit, exponi posse. Habet autem etiam hoc piorum interpretum sensus communis, ut si eis persuasum sit, vel Christum, vel apostolum allegasse scripturam aliquam iuxta sensum literalem, vel Ecclesiam in concilio definitè sensum aliquem scripturæ decreuisse; uti factum in concilio Mileuitano, Tridentino, & alijs: placulum arbitrentur, eiusdem scripturæ sensum alium literalem adferre, aut quærere velle. Sanè vir doctissimus & in scripturarum expositione nobilis Adamus Sasboldus, hanc sententiam de vnitæte sensus literalis, asserere non dubitat. Nam in præfatione suorum commentariorum super Isaiam, de sensibus scripturarum differens; quum sensum literalem definiuisset, quem author scripturæ Spiritus sanctus primò per voces, seu propriè, seu figuratè acceptas, significare voluit; mysticum verò, quem ex rebus corporaliter gestis aut gerendis per voces significatis, ulterius intendit: mox, ex illis duabus descriptionibus tria colligit documenta seu canones interpretandi scripturas; quorum primus, sensum literalem esse fundamentum ac basim sensus mystici.

Secun-

**S**ecundus verò, Quando de rebus diuinis seu cælestibus sermo est, vnum tantum esse scripturæ sensum literalem, etsi plerumque per tropos, metaphoras, ænigmata significatum. Nec dissentit Franciscus Ribera, duodecim prophetarum diligentissimus interpret. Qui exponens illud Hosee cap. 11. *Ex Ægypto vocaui filium meum*: latè ostendit illius scripturæ & aliarum quas ibidem adducit, non sensum literalem esse de Christo, sed mysticum; idque contra eos, qui contendunt vtrumque sensum esse literalem. Atque eò spectat eius disputatio, vt doceat eiusdè scripturæ non nisi vnum esse sensum literalem. Quibus similia repetit idem author in commentario epistolæ ad Hebræos cap. 1. Quòd si igitur hæc sententia placeat; ad quam propter argumenta quæ iam audiuius, etiam me propensiores fateor: videndum quid ad ea quæ in contrarium allata sunt, responderi possit. Vt ergo primum de B. Augustino respondeamus, à quo velut auctore manasse videtur ad multos opinio de pluralitate sensuum literalium; nusquam ille doctor affirmat vnā aliquā scripturā duos, aut plures habere sensus literales: quamuis ex eius scriptis id plerique colligant, ac elici dicant. Quòd si quis eius verba ex lib. 12. confess. initio à nobis recitata, pressius aduersum nos urgeat, atque contendat eum loqui de sen-

su literali ; quum ratio non sit cur inter multos  
 sensus, de quibus illic agit, alius præ alijs litera-  
 lis ac aliorum respectu fundamentalis dici de-  
 beat : videat ille quæso , quæ absurditas inde  
 sequatur . Nam consequens erit omnes veros  
 sensus , qui studiosi pijsque lectoris animo oc-  
 currere possunt , non solùm à Moyse vel alio  
 sacro scriptore visos & intentos fuisse ( quod  
 Augustinus dicere videtur, etsi non admodum  
 probabiliter ) verùm etiam omnes esse sensus  
 literales : quod puto nemo concesserit . Ne-  
 que enim Deus voluit omnem veritatem esse  
 sensum, ne quidem mysticum omnium verbo-  
 rum in quibus illa veritas intelligi possit . Nam  
 & hoc quid aliud esset , quàm scripturas sacras  
 multitudine sensuum literalium onerare po-  
 tius , quàm titulo fecunditatis honorare ? Ab-  
 sit igitur vt hoc Augustinum sensisse dicamus,  
 imò non eum hoc sensisse clarè liquet ex illis  
 eiusdem verbis , quæ in diuersum attulimus :  
 quibus addo quæ scribit cap. 30. memorati li-  
 bri 12. confess. de principio geneleos differens :  
*Moyse*, inquit, *cum hæc scriberet, hoc attendisse*  
*credamus, quod in eis maxime & luce veritatis &*  
*fruge utilitatis excellit* . Non igitur sensit Augu-  
 stinus , omnia quæ vera in verbis Moyfi quis-  
 que contemplatus fuerit , à Moyse pro sensu  
 literalis intenta fuisse . Sed & alia loca eiusdem  
 libri , velut cap. 18. 24. 25. & 31, si quis attentè  
 legat ;

legat; intelliget Augustinum de sensibus scripturæ loqui generali modo, vt non mysticus modò, verùm & accommodatitius sensus, quem vocant, comprehendatur. Iam ad S. Thomam quod attinet, multum quidem ille verbis ac sententiæ Beati Augustini inhæret in illa quæstione de potentia, etsi nec ibi clarè affirmet de sensu literali se loqui: Sed postquam ad summam Theologicam peruénit, in quo opere exactior est, cunctanter & remissè loquitur, nihil affirmans, sed tantùm dicens quòd non sit inconueniens, si etiàm secundum literalem sensum in vna litera scripturæ plures sint sensus; nec id simpliciter, sed cum addito, *vt dicit Augustinus lib. 12. confess.* nimirum persuasus hoc Augustinum dicere; & significans ob eius authoritatē se nolle reluctari. Id enim est quod dicit non esse inconueniens; hoc est, non ita reiiciendum, quin Deus posset, si vellet, in vna litera scripturæ plures sensus literales constituere. Quod si faceret; quoniam à Deo fieret, haudquaquam esset inconueniens. His adde, quòd S. Thomas nusquam in commentarijs scripturæ, quos multos edidit, vni scripturæ loco plures assignat sensus literales: quod vtique fecisset alicubi, si fixa fuisset eī sententiā sub vna litera plures subinde sensus occultari. Quin & in summa, loco prædicto, cum sibi obiecisset, ex multiplici sensu scri-

X;

pturæ



pturæ nasci confusionem; ideoque in scripturis non esse admittendum sensum multiplicem: respōdet, *sensus illos de quibus loquitur, id est literalem & mysticum, non multiplicari propter hoc quod una vox multa significet; sed quia res ipsa significata per voces, possunt aliarum rerum esse signa. Et sic etiam, inquit, nulla confusio sequitur in sacra scriptura; Cum omnes sensus fundentur super unum, scilicet literalem.* In quibus verbis duo notanda sunt; vnum, quod aperte dicit omnes sensus eiusdem scripturæ à literali diuersos (de his enim loquitur) fundari super vno sensu qui est literalis; etiam rationem insinuans cur vnus esse debeat, quia super eo reliqui sensus fundantur: fundamentum autem vnum esse oportet: Alterum; quod excludit multipliciter sensuum in eo consistentem, quod vna vox, siue oratio multa significet. Hoc autem manifestè contingit, vbi eiusdem scripturæ ponuntur plures sensus literales. Illa verò eius ratio in contrarium superius allata: Deus est author scripturæ sacræ, qui omnia simul suo intellectu comprehendit; ergo plures eiusdem scripturæ sensus sunt literales: si valere debet, ex ea consequens erit, omnes sensus scripturarum esse literales: quia nimirum Deus omnes illos, quotquot sunt, simul suo intellectu comprehendit. Itaque dicendum est, Deum quidem simul omnia suo intelle-

relle<sup>ct</sup>u comprehendere; velle tamen, vt sicut inter res alias à se comprehensas ordinem statuit; ita & inter varios & veros scripturæ sensus à se comprehensos, hic sit ordo, vt vnus sit primus & quasi fundamentalis; quem proinde primò, id est, proximè & immediatè intendisse dicitur: alij verò super eo superstruantur; ideòque posteriores sint, eaque ratione posterius ac mediatè intenti. Ad loca scripturarū quæ pro exemplis allegata sunt, tanquam multiplicem sensum literalem habentia; non aliud respondeo, quàm quod à nobis breuiter ac facile & verè responderi potest: ex sensibus qui plures ad eas scripturas adferuntur, vnum solum literalem esse, reliquos in mysticorum sensuum numero habendos. Id verò per singula declarare, non est huius loci. Certè ipse Dominicus Bannesius, cuius alioqui censura durior erat aduersus assertores nostræ sententiæ, ac nominatim aduersus venerabilè Adamum; cùm per pauca aliquot loca scripturæ pro se adduxisset, ingenuè fateretur sibi nullum alium locum occurrere, in sensu literali proprio multipliciter explicandum: imò & ea omnia quæ adduxit, vt loquitur, solutionem habere. Sed hæc de ea quæstione satis. Quod sensimus diximus, suum cuique iudicium liberum & saluum permittentes: & magis adhuc discere parati, quàm docere.

*Anno 1612. 27. Septembris.*

# Additio reperta in schedis Authoris.



**L**ITERALIS sensus est, qui primò, id est, proximè ex verbis resultat secundum intentionem loquentis aut scribentis; siue sit præcipuus & principaliter intentus, siue non. Nam mysticus sæpè principalior est; ut ad quem tanquam digniorem literalis ordinetur.

In genere notandum pro solutione eorum quæ ex scripturis solent obijci, quicquid ad literam de populo carnali Israel, vel de Davide, vel de Salomone, vel de quocunque alio ex antiquis dicitur; id ad Christum, vel eius Ecclesiam, non nisi mysticè pertinere.

Thomas 3. q. 60. ar. 3. ad 1. Tunc est signum ambiguum præbens occasionem fallendi, quando significat multa quorum vnum non ordinatur ad aliud &c. ergo sentit scripturas, ne sint signa ambigua præbentia occasionem fallendi, non significare multa, nisi eorum vnum ordinetur ad aliud.

Vide Riberam in præmio 12. prophetarum & in præmio Ionæ.

Hieronymus super Hoseæ 13. Quod apostolus in resurrectionem interpretatus est Domini, nos aliter interpretari nec possumus, nec audemus.

**FINIS.**







